






II.

F







JOSEPHI WEISSENBACH
BREMGARTENSIS HELVETII
THEOLOGICÆ DOCTORIS

DE
ELOQUENTIA
PATRUM
LIBRI XIII.

IN USUM
ECCLESIASTICORUM.


VOLUMEN VII.
Operis LIBRUM X. completens.



SUPERIORUM PERMISSU.


AUGUSTÆ VINDELICORUM
SUNTIBUS FRATRUM VEITH BIBLIOPOLARUM.

MDCCLXXV.



MULTI cibi in novalibus PATRUM. *Proverbiorum*
XIII, 23.

De messe MAJORUM spicas colligimus, qui de hor-
reo nostro nihil habemus. GILLEBERTUS in al-
tercatione *Synagogæ & Ecclesiæ*, cap. 13.



P R Æ F A T I O

in

hunc & sequentes duos Libros.

Innumeros habemus ab omni ætate, qui Locos COMMUNES qua *Dogmaticos*, qua *Morales* ex Libris Patrum exscribendos in se fusciperent. Et ex Græcis quidem, SS. Basilius M. & Gregorius Nazianzenus sententias Origenis in *Philocalia*, vel breviario quodam comprehenderunt. S. Maximus Martyr *Variorum Capitulorum de virtute & vitio* *quinque Centurias*, quatuor item *Centurias de perfecta charitate & aliis virtutibus*, denique *Capita Theologica*, sive *Sermones ex sacris & profanis libris*: S. Joannes Damascenus *Libros tres Parallelorum*, *Libros duos sacrarum Eclogarum ex SS. Patribus*, & *Excerpta Compendiaria ex universa interpretatione S. Chrysostomi*: Antonius Melissa *capita Theologica*, seu *Libros Locorum communium*: Euthymius Zigabenus *orthodoxam fidei Panopliam dogmaticam* ediderunt. Ex Latinis, S. Prosper scripsit *librum sententiarum ex operibus S. Augustini excerptarum*: S. Isidorus Hispalensis *Libros tres sententiarum de summo bono ex scriptis Gregorii M. Venerabilis Bedæ Scintillas, seu locos communes ex Scriptura & Patribus*: S. Bonaventura *Pharetram* quasi ex telis quibusdam antiquorum repletam &c. &c. Ultimis sæculis accesserunt alii majore etiam numero, Martinus Perez de Ajala in *Libris X. de divinis Traditionibus*: Petrus Canisius in *opere Catechistico majore*: Jodocus Coccinus in *Thesauro Catholico*: Joannes Busæus in *Panario*, & *Viridario*: Janus Gruterus in *Florilegio magno*: Jacobus Tiran in *Alphabetho Pastoralis*: Joannes Baptista Masculus in *Eruditis Lectionibus veterum SS. Patrum cum ponderatione, & usu sententiarum ad Conciones*: Hieronymus Dandinus in *Ethica sacra*: Et novissime P. Montargon in *Bibliotheca Concionatorum*

torum gallica, & D. Tricalet in *Bibliotheca Patrum portatili*, itidem Gallica * singularem quoque mentionem merentur Hieronymi Torrensis *Confessio Augustiniana*: Thomæ Beconi *Anthologia Sententiarum Lactantii*: Joannis Nopelii *Confessio Ambrosiana*: Cornelii Schultingi *Confessio Hieronymiana*: Joannis Pistorii *Confessio S. Bernardi*: Theodori Petreji *Confessiones Tertullianica, Cyprianica, Leonina, Gregoriana & Bernardina*: Laur. Alticotii nuperrima *Summa Augustiniana*. **

Quod si vero tam magnus, tam multiplex est Apparatus Locorum; cui bono isthic novi obtruduntur? Nempe auctores, quos dicebam, contenti ita seu mores instituere, seu dogmata firmare, de splendore, & elegantia illorum non magnopere laborabant. Nostrium est autem habere delectum, neque alia proferre, quam quæ istam, quam profite-mur, ELOQUENTIAM PATRUM utravis pagina otten-dere possint. Hæc opinor mens tuit BENEDICTI

PAL-

* Dimisi Thomam Hibernicum, Joannem Sopeziū, Josephum Langium, Ludovicum Granatensem, Laurentium Bayrlin, Franciscum Labatham, Richardum Ardekin, Tobiam Lohner, Andream Spanner, Vincentium Houdry, & quosdam alios parum accurate hoc in negotio verlatos. Quo & spectat *Milleloquium* duplex, *Ambrosii* unum, alterum *Augustini*, a Bartholomæo Urbinatē compilatum, infelix opus, & merum chaos. *Milleloquium Gregorianum* Jacobi Homey, fortasse melius, ego nusquam vidi. Sed neque illos tango, qui sive unum, sive paucos solum locos ejusmodi floribus illustrarunt: hi enim, ut majoris sint usus, tamen propter ipsam multitudinem & varietatem recenseri hic nullatenus possunt. Postremo & *Glossarios* & textores *Catenarum* præter oecumenium videlicet, Olympodorum, venerabilem Bedam, S. Paterium, Rabanum Maurum, Walafridum Strabonem, Anselmum Laudunensem, S. Thomam Aquinatem, Joannem Corderium, aliosque ejus generis complures, quos vide apud Joannem Albertum Fabricium *Volumine VIII. Bibliotheca græca*, mihi a pagina 837.

** Juverit de Locorum Communium Scriptoribus consulere Daniele Georgium Morhofium in *Polihistore Libro I. cap. 21.* qui nunc mihi non est ad manus.

Præfatio.

PALMII, quo majorem in dicendo Societas vix habuit. Ubi enim pulpita Italiæ præcipua incredibili ardore, fructu & commendatione pervaserat, affectis denique viribus & gravi ætate Sententias Patrum grandiores certum in ordinem cœpit diggerere. Opus ipsum, quod ultimam forte manum desiderat, nusquam editum hodieque in Bibliotheca Collegii Ferrariensis instar Thesauri asservatur. De quo Josephus Juvencius *Parte V. Historiæ Societatis Jesu*, pagina 821. ita commemorat: *Extremum ætatis tempus transegit in collegio Ferrariensi, ubi utilissimum concionatoribus opus contexuit redactis in communes Locos SS. Patrum testimoniis. Nam illis plurimum utebatur. Inde rationum momenta, inde certa profigandis vitiis tela ducebat; quæ præter insitum robur habent etiam grave pondus auctoritatis, ac scite tractata & vibrata faciem oratoribus sacris victoriam pariunt.* Et Nathanaël Sotuellus in *Bibliotheca Scriptorum ejusdem Societatis*, pagina 111. *Cum per ætatem concionari jam non posset, & gubernationem desugeret, ne omnino esset otiosus, ad scribendum se convertit. Itaque contexuit utilissimum concionatoribus opus, in quo SS. Patrum testimonia, quibus populos fuisse commotos experientia didicerat, in communes Locos redegit. Quod opus in Collegio Ferrariensi servatur. Profecto opere pretium esset, si volumen istud revocatum ad limam, & ad optimas editiones castigatum prodiret aliquando, & vel nunc tandem utilitati publicæ deserviret. Sed malunt homines nova, & sua emittere, quam aliorum vetera a situ tenebrisque vindicare. Igitur, dum id frustra expectamus, Libri nostri sequentes utcumque Palmii vices supplere, Lectorumque justissimum desiderium lenire debebunt.*

Porro in exscribendo istam secuti sumus rationem, ut ponerentur omnia *Ordine Alphabeti*; qui est facilimus, & aliunde in tali genere partitiones ceteras longissime antecellit. *Triplex* est autem hoc alphabetum. Primum *materia- rum, quæ recurrunt identidem*: Secundum *earum, quæ sæpius*: Tertium denique, quæ raro & perparce solent adhiberi.

Præfatio.

Sed & illud in gratiam Lectorum faciendum putavi, ut Patres Ordine Chronologico allegarentur. Sic enim qui vel obiter series temporum impreffit memoriæ, compendio haud mediocri statim quod quærit inveniet, neque opus habebit, quemadmodum apud alios relegere totum *Titulum*, & quo unicum lepusculum assequatur, vastam sylvam emetiri.

Præterea non nisi optimis & *Editionibus* & *Versionibus* sum usus. Quod si semel, atque iterum quid immutavi, non sine consilio, & probabili de causa est factum.

Citationum tam anxia, tamque perpetua fuit cura, ut omnes Titulos a capite ad calcem de integro percurrerem, ipsosque Locos, qui vel minimam movebant suspicionem, cum autographo conferrem. Et quam multos, quamque splendidos, ubi numeri fefellerant, expungere malui, quam ita oculis objicere, ut librum, unde erant, vel omissum desiderare, vel male appositum quis conqueri posset! *

Quod si aureum aliquem, & celebratissimum locum frustrahis in Titulis requisisti, non est ideo, cur hoc ægrius feras. Quod enim (ut monet Nazianzenus) amcenissimum hortum ingressis evenire identidem solet, ipsa florum copia, splendor ipse, atque varietas difficillimam optionem facit. Itaque eorum fascem collecturi, parum curamus omnium pulcherrimos decerpere; quod sufficit scilicet, ex omni genere habere elegantes: neque interest quales fuerint, quando placent, aridentque nobis *universi*.

Atque ista habui. quæ de Libris Locorum Communium te præmonerem. Plura dabit Dissertatio secunda Libri præcedentis, & Laurentius a Villavincenzio toto *Libro III. de ratione studii Theologici recte formandi*. Fruere jam nostris laboribus, & seu *Concio*, seu *Catechesis* paranda, seu *pœnitentibus jus dicendum*, seu *danda consilia*, seu *meditationi* etiam *sacræque lectioni* vacandum, palmares Patrum sententias accede: & siquidem, ut minime dubito, aliquem tibi fructum afferant, communem Dominum, ac Servatorem nostrum pro salute mea fac deprecæris.

* Unum duntaxat alterumve locum exsilio, ubi nempe præter morem voluntatemque nostram est factum, ut prætermissa citatione alia, nihil nisi nudum PATRIS nomen adscriptum reperias. Propequantibus enim impendio Typothetis non vacabat eadem, qua ante, cura minutis illis omnibus invigilare.

ELENCHUS VOLUMINIS VII.

LIBER X. De Eloquentia Patrum.

Ad Themata ea, quorum in Dogmatica & Morali christiana frequentissimus usus est, selectos Patrum Locos suppeditat.

Titulus:

I.	De <i>Abusibus</i> , quos dicunt, seu pravis Consuetudinibus publice introductis.	-	pag.	x
	Caput I. <i>Loci elegantiores</i> in eam materiam.			
	Caput II. <i>Fuentes ex Patrum Operibus</i> , unde plures alii Loci peti possunt.			

Et sic deinceps.

II.	De <i>Adversis</i> , deque Patientia, & aliis virtutibus inter illa exercendis.	-	-	9
III.	De <i>Amore</i> divino erga nos, & nostro erga Deum.	-	-	16
IV.	De <i>Amore</i> erga proximum.	-	-	26
V.	De <i>Anima</i> nostra, & quæ ad eam proxime referri possunt.	-	-	37
VI.	De <i>Avaritia</i> .	-	-	44
VII.	De <i>Blasphemiis</i> , Juramentis, Maledictis &c.	-	-	50
VIII.	De <i>Cælo</i> & gaudiis ejus.	-	-	60
IX.	De <i>Communione</i> , seu Eucharistia.	-	-	68
X.	De <i>Concionibus</i> , & verbi divini prædicatione.	-	-	77
XI.	De <i>Consuetudine</i> , seu malo habitu acquisito.	-	-	86
XII.	De <i>Detractione</i> & Calumnia.	-	-	90
XIII.	De <i>Deo</i> , ejusque Attributis.	-	-	97
XIV.	De <i>Divitiis</i> .	-	-	110
XV.	De <i>Ebrietate</i> .	-	-	117
XVI.	De <i>Ecclesia</i> , aliisque huc pertinentibus.	-	-	123
XVII.	De <i>Eleemosyna</i> &c.	-	-	131
XVIII.	De <i>Festis</i> diebus.	-	-	140
XIX.	De <i>Fide</i> , & Religione christiana.	-	-	146
XX.	De <i>Gratia</i> , tam habituali quam actuali.	-	-	156
XXI.	De <i>Gula</i> , Jejuniis, & ceteris huc spectantibus.	-	-	165
XXII.	De <i>Hæresi</i> .	-	-	174
XXIII.	De <i>Inferno</i> , ejusque duplici pœna, damni & sensus.	-	-	183
XXIV.	De <i>Judicio</i> divino, generali & particulari.	-	-	192

XXV.

Titulus:

XXV.	De <i>Iustitia</i> , ejusque Officiis, Administris, Lætionibus.	pag. 211
XXVI.	De <i>Liberis</i> , eorumque erga Parentes Officiis.	225
XXVII.	De <i>Luxuria</i> .	233
XXVIII.	De <i>Magistratibus</i> , & Capitibus Familiarum.	242
XXIX.	De <i>Matrimonio</i> .	252
XXX.	De <i>Morte</i> , & quæ huc spectant.	267
XXXI.	De <i>Mundo</i> , tam phyfico quam morali sensu.	282
XXXII.	De <i>Occasionibus</i> peccandi, propinquis & proximis	296
XXXIII.	De <i>Odio</i> , <i>Vindicta</i> ; <i>Reconciliatione</i> item, & <i>Amore</i> <i>Inimicorum</i> .	305
XXXIV.	De <i>Parentibus</i> , & eorum in <i>Liberos</i> Officiis.	312
XXXV.	De <i>Peccato</i> originali.	326
XXXVI.	De <i>Peccato</i> actuali, gravi & veniali.	332
XXXVII.	De <i>Pœnitentia</i> generatim.	342
XXXVIII.	De <i>Pœnitentiæ</i> <i>Procrastinatione</i> .	346
XXXIX.	De <i>Pœnitentiæ</i> partibus omnibus, fufe & singulatim.	353
XL.	De <i>Relapsu</i> .	375
XLI.	De <i>Restitutione</i> .	378
XLII.	De <i>Salute</i> , ejus negotio, cura, momento, difficultate.	382
XLIII.	De <i>Scandalo</i> .	387
XLIV.	De <i>Societate</i> , tam bona quam mala.	396
XLV.	De <i>Timore</i> <i>Dei</i> .	400
XLVI.	De <i>Vita</i> humana, ejusque defectibus ac miseriis.	406

Subjungitur *Index* aliorum quoque *Titulorum*, hic fortasse requi-
rendorum; qui tamen vel in memoratis contenti jam sunt, vel
certe sequentibus in Libris reperiuntur. Ordo commoditatis er-
go idem est cum priore, nempe *alphabeticus*.



DE
ELOQUENTIA PATRUM
LIBER X.

Ad Themata ea, quorum in Dogmatica & Morali
christiana frequentissimus usus est, selectos Patrum
locos suppeditat.



TITULUS I.

De *Abusibus* quos dicunt, seu pravis consue-
tudinibus publice introductis.

CAPUT I.

Loci elegantiores in eam materiam.

Non utique habenas eas conversationis immit-
tit Paulus, ut quoniam necesse sit convi-
vere & nos, & commiscere cum peccatoribus,
ideo & cum eis peccare possimus. Ibi est com-
mercium vitæ, quod Apostolus concedit; hic pec-

cati * quod nemo permittit. Licet convivere, comori non licet. TERTULLIANUS *Libro de Idololatria cap. 14.*

Dum negligentia in usum veniunt, contra pudicos & sobrios mores licentiam sibi de usurpatione fecerant. S. CYPRIANUS *Libro de disciplina, & habitu Virginum, post medium.*

Cum admittunt singuli crimen est; virtus est cum publice geritur. *Idem S. Pater Epistola 2. ad Donatum.*

Exempla fiunt, quæ esse jam facinora destiterunt. *Idem eadem Epistola.*

Esse jam inter nocentes innoxium crimen est; malos quisquis non imitatur offendit. Consensere jura peccatis, & coepit licitum esse quod publicum est. *Idem ibidem.*

Eo usque enervatus est ecclesiasticæ disciplinæ vigor, & ita omni languore vitiorum præcipitatur in pejus, ut jam non vitiis excusatio sed auctoritas detur. *Idem Libro de spectaculis.*

Nullum malum difficilius extinguitur, quam quod faciles reditus habet; dum & multitudinis consensu asseritur, & excusatione blanditur. *Idem eodem Libro.*

Nec consuetudo quæ apud quosdam irrepserat, impedire debet quo minus veritas prævaleat, & vincat. Nam consuetudo sine veritate vetustas erroris est. Propter quod relicto errore sequamur veritatem. *Idem Epistola 74. ad Pompejum.*

Angusta est, & stricta via, quæ ducit ad vitam, & pauci sunt qui inveniunt eam. Quis igitur sana mente præditus non malit in paucorum esse numero per angustam (viam) ad salutem ingredientium, quam multorum per latam ad interitum ruentium? S. ATHANASIUS *in tributo ipsi opusculo adver-*

* Malim quam peccare, quod omnes habent.

adversus eos, qui ex sola multitudine veritatem dijudicant Tomo II. novo pagina 561.

Videntur hæc, planguntur, & non vindicantur; quia multitudo peccantium peccandi licentiam subministrat. Pro nefas! orbis terrarum ruit; in nobis peccata non ruunt. S. HIERONYMUS *Epistola* 128. *alias* 12. *ad Gaudentium*.

S. PAULINUS, *sive* (ut ultimi Editores Hieronymi *Veronenses*) SULPITIUS SEVERUS *de via angusta a Servatore proposita*: Conversatio, inquit, iusta paucorum est, estque perarum atque difficile, idoneos hujus itineris comites reperire. Quin etiam multi hac ire se simulant, & per diversa errorum diverticula ad viam multitudinis revertuntur. Ideoque timendum est, ne quos duces recti hujus itineris habere nos credimus, eos comites habeamus erroris. *Inter Epistolas Hieronymi & Paulini tam in novis, quam in antiquis Editionibus.*

Cesset omnis excusatio errorum! auferantur peccandi foeda solatia! nihil omnino agimus qui nos per multitudinis exempla defendimus, & ad consolationem nostram aliena sæpe numerantes vitia deesse nobis dicimus, quos debeamus sequi. Ad illius exemplum mittimur quem omnes latentur imitandum. *Idem ibidem.*

Væ tibi flumen moris humani! quis resistet tibi? quamdiu non siccaberis? quousque volves Evæ filios in mare magnum & formidolosum? S. AUGUSTINUS *Libro I. Confessionum cap. 16.*

Nolite imitari malos Christianos, nolite dicere: faciam hoc quia multi fideles hoc faciunt. Hoc non est defensionem parare animo, sed comites ad gehennam inquirere. *Idem sermone 146. alias 62. de verbis Domini.*

Sciant hi consuetudine improba peccatum non diminui, quin potius augeri. Nam consuetudo sine veritate vetustas erroris est. Non ergo hominum

consuetudo ad prava ducentium, & ad perniciem currentium, sed Dei veritas, quæ per Prophetas, per Apostolos, per ipsam Domini vocem innotescit, sequenda est; nisi interitum & perditionem adamemus. Neque erit illis minus supplicium; sed potius supplicii incrementum accipient ex multitudine peccantium, & consortio eorum, qui simili culpa colligati simili poena involventur. *Idem. Citatio enotantem effugit. Ni fallor vehementer, est ex Sermonibus de Tempore.*

Ad negligentiam vitæ non nos negligentium turba persuadeat, nec ad damnum propriæ salutis alienis ducamur erroribus. Quid nobis in illo Dei iudicio proderit multitudo, ubi singuli iudicabuntur: ubi sola examinatio meritorum, actus quemque non populus absolvet? Cessent cessent solatia maleuada discriminis! Nimirum præstat vitam propagasse cum paucioribus. Atque adeo non nos ad incuriam peccatorum sola peccantium numerositas, pertrahat: neque hoc quod sibi alii parum consulant; quædam nobis efficiatur auctoritas. Obsecro te, delictum alienum semper ut opprobrium respice, nunquam ut exemplum. Quod si libet oculos ad exempla conferre: in illam potius intende partem, qua licet pauciores sint; tamen sunt in sua parte copiosi: illam inquam respice, in qua sunt, qui sapienter intelligunt quapropter nati sint: & utique dum adhuc vivunt vitæ suæ causam agunt: qui utili opere insignes, atque egregia virtute præstantes præsentem vitam excolunt, futuram serunt. Nec solum copiosa horum exempla, verum etiam magna non desunt. Nam quæ mundi nobilitas, qui honores, quæ dignitas, quæ sapientia, quæ facundia, quæ literæ non se jam ad hanc cœlestis regni militiam contulerunt? S. EUCHERIUS in *Parænesi ad Valerianum, ante medium.*

Sed

Sed tales forte hostes sunt inter quos agunt, ut eos ista delectent, & offendantur gravissime si cum ipsi impudici sint, videant castos esse Romanos? Quod si ita esset, nequaquam tamen facere nos improbos improbitas deberet aliena; quia quemlibet hominum magis sibi prestare convenit, ut sit bonus, quam alteri ut sit malus: & plus id laborandum est, ut placeamus Deo per honestatem, quam ut hominibus per impuritatem: ac proinde etiam si inter impudicos quis barbaros vivat, magis tamen pudicitiam sequi debet quæ sibi expedit, quam impudicitiam quæ impuris hostibus placet. SALVIANUS *Libro 7. de Gubernatione Dei, sive de Providentia, propius initium.*

Numquid aliis ideo minus debet si & alius id ipsum debeat? aut si centum hominum cautiones de centenis sestertiis scriptæ sint, num idcirco allevatur unius debitum, si omnes sint ejusdem numeri debitores? *Unusquisque enim, inquit Apostolus, suum onus portabit, & unusquisque pro se rationem reddet.* Nequaquam ergo unius pondus pondere allevatur alterius, nec absolvitur reus societate multorum: neque ideo minus est cuilibet tetra damnatio si multos videatur complices pœnæ habere damnatus. Ita hoc quod supra dixi licet generale sit debitum, & speciale tamen esse non dubium est: licet sit commune omnium, est tamen peculiariter singulorum: ita ad omnes æqualiter pervenit, ut tamen de summa unicuique nihil decedat. *Idem Libro ad Ecclesiam Catholicam, seu adversus avaritiam, prope initium.*

CAPUT II.

Fontes ex aliis Patrum Operibus, unde plures alii Loci peti possunt.

TERTULLIANUS *Libro de velandis Virginibus capitibus* 1. 2. & 3.

CLEMENS ALEXANDRINUS *Libro III Pædagogicæ* cap. 3. *Item in Exhortatione ad gentes, post medium, & ad finem præclare huc facit.*

S. CYPRIANUS *Epistola* 68. *ad Clerum & plebem in Hispania consistentem, sub finem.*

LACTANTIUS *Libro II. divinarum Institutionum* cap. 3. *in eos qui malunt errorem communem sequi ipsi, quam alios dedocere.*

S. ATHANASIUS *creditus opere jam laudato, quod quidem Photius Codice* 46. **THEODORETO:** alii **EUTHERIO TYANENSI** Episcopo, & Nestorii partiaro adscribunt. Cujuscunque sit, sane pulcherrima huc habet.

S. AMBROSIIUS *Libro de Tobia* cap. 22. *contra morem inveteratum. Libro de lapsu Virginis consecratæ* cap. 9. *in excusationem ab exemplis aliorum illud ipsum perpetrantium.*

S. CHRYSOSTOMUS *Libris* 1. & 3. *adversus oppugnatores vitæ monasticæ.*

Libro 1. *de compunctione cordis.*

Libro 2. *de Providentia.*

Homilia 6. *ad populum, versus finem.*

Homiliis 22. 23. & 56. *in Genesin.*

Homilia in Psalmum 11.

Homilia 19. *ex variis in Matthæum, apud veteres Editiones, quam quo rejecerit Montfauconus, minime nunc valeat inquirere.*

S. CHRY-

S. CHRYSOSTOMUS *Homiliis 8. & 24. in Acta.*
Homilia 7. in 1. ad Corinthios.
Homilia 6. in ad Ephesios.
In Epistolis ad Olympiadem &
alios quosdam pericriptis. Ubi
quidem omnia fere comple-
ctitur, quæcunque ad istum
Titulum referri possunt.

S. HIERONYMUS aut quisquis est auctor laudatæ
 jam *Epistolæ ad Celantium.*

S. AUGUSTINUS *Epistola 22. alias 64. ad Aure-*
lium de modo tollendi abusus
publicos, & 29. recens reperta
ad Alipium, ubi quam felici-
ter tam vehementer incubuit
ad pravam consuetudinem
abolendam.

Libro III. contra Epistolam Par-
meniani cap. 2. quod sit tem-
pus opportunissimum ad idip-
sam perurgendum.

Sermone 88. alias 18. de verbis
Domini cap. 14. ne moribus
aliorum abstertere nos a bono
sinamus.

Libro Expositionis Epistolæ ad
Galatas, ad caput 4. agit pul-
chre de tolerantia abusuum, id
quod repetit Enchiridii cap. 80.
Sed etiam Libro VI. cap. 10. de
Civitate adoptat verba Senecæ
abusus publicos castigantis.

Denique Libro III. Confessionum
a cap. 7. & Libro III. de do-
ctrina christiana a cap. 12. ex-
cusat consuetudines antiquo-
rum, neque vult omnes ex

moribus hodiernis æstimari. De iis autem consuetudinibus, quæ obtinent alibi & differunt a nostris sæpissime. uti *Epistolis* 54. & 55. alias 118. & 119. ad inquisitionem Januarii. Ubi tamen hoc dat vitio, quod arbitraria ejusmodi accuratius fere quam necessaria feruntur.

SALVIANUS sæpissime queritur de generali corruptione morum, uti *Libro 3. de Gubernatione Dei* gravissimis verbis. Idem *Libro 7. de eadem* flagitia publica iis omnia adscribit, qui illa tolerant.

SIXTUS III. putatus *Libro de malis Doctoribus*, post initium vitia quæ in mores abierant, & paulo inferius degenerem fere omnium Christianorum vitam impugnatur.

S. GREGORIUS MAGNUS *Libro I. Moralium capite 1.* * ostendit, quam sit magnum inter omnes malos solum bonum manere.

S. BERNARDUS idem ostendit eleganter *Epistola 25. Libro autem IV. de Consideratione capitibus 2. & 3.* paulo pressius de Abusibus agit, eosque tollendos monet.

JOANNES SARESBERIENSIS *Libro VII. Policratici* egregie docet, quam sit inutilis excusatio a multitudine peccantium repetita.

Plura Titulis: *Societas, Scandalum &c.* occurrunt.

TITU-

-
- * Ut & labori & chartæ parcatur, *Capita Librorum Moralium* hujus S. Doctoris ex sola deinceps Editione *Maurina* distribuemus: Magna est enim in hac parte Editorum differentia, & antiqui quidem cum pro libitu non tam dividant Capita, quam discerpant, neque partes sed frustra exhibeant, vix possunt adduci absque tædio, & perturbatione.



TITULUS II.

De *Adversis*, deque Patientia, & aliis virtutibus inter illa exercendis.

CAPUT I.

Loci.

Absit a servo Christi tale inquinamentum, ut patientia majoribus tentationibus præparata in frivolis excidat! TERTULLIANUS *Libro de Patientia cap. 8.*

Jam non adorandæ, sed subeundæ cruces. MINUTIUS FELIX in *Octavio*.

Filius Dei passus est, ut nos filios Dei faceret: & filius hominis pati non vult. ut esse Dei filius perleveret? S. CYPRIANUS *Epistola 56. ad Thibaritanos*.

Læsus alapis es? at enim Dominus quoque. Infectus es sputis? Sed & Dominus noster. *Non enim avertit faciem suam a confusione sputorum.* Structæ tibi sunt sycophantiæ? utique & Judici. Disciderunt tuam tunicam? exuerunt etiam Dominum meum & diviserunt inter se ejus vestimenta. Nondum condemnatus es, nondum crucifixus. Desunt tibi multa ut pervenias ad ipsius imitationem. S. BASILIUS MAGNUS *homilia 10. quæ est adversus iratos*.

Quota tandem pars hæc sunt sputorum & alaparum Christi, pro quo, & ob quem pericula subeuntur? S. GREGORIUS NAZIANZENUS *Oratione 25. ad Arianos, & de se ipso*.

Multo majora ejus (Christi) beneficia habemus, quam hæc sunt omnia quæ videntur adversa. Si enim morimur pro illo, quod gravius videtur in his; & ille mortuus est pro nobis. Sed ille ut prodelliet nobis; nostra autem mors non illi profi-

proficit, sed nobis. Temporalem enim vitam perdimus, ut nobis rependatur æterna. *Creditus AMBROSIIUS in Commentario super 8. caput Epistolæ ad Romanos.*

Cogita quoslibet cruciatus: extende animum in quaslibet in hac vita pœnas humanas: compara gehennæ: & leve est omne quod cogitas. S. CHRYSOSTOMUS *creditus homilia de beato Job, post quinque illas a Lælio Tifernate versas; quam in nova Montfauconi Editione hodieque requiro.*

Quidquid hic passus fuerit homo, si corrigatur, emendatio est; si non corrigatur, duplex damnatio est. Et hic enim luit pœnas temporales, & ibi experietur æternas. *Idem eadem homilia.*

Si cum sint tot tristitia & pericula & timores & curæ nos undique circumeuntes, tam libenter præfenti immoramur vitæ: si nihil horum esset, & absque tristitia & ærumnis tota foret vita nostra, quando unquam futura desideraremus? *Idem homilia 6. ad populum, ante medium.*

E duobus elige, quod velis. Aut sancta es & probaris: aut peccatrix es, & injuste quereris, minima sustinens, quam mereris. S. HIERONYMUS *Epistol. 25 nunc 39. ad Paulam.*

Cum sequeris viam Christi non tibi sæculi prosperitates promittas. Per dura ambulavit; sed magna promisit. Sequere! noli tantum attendere, quaiturus es, sed quo venturus sis. Tolerabis dura temporalia, sed ad felicitatem & lætitiâ pervenies sempiternam. S. AUGUSTINUS *Concione 2. in psalmum 33.*

Quid ergo misericorditer præstatur hominibus a Domino Deo, a quo etiam tribulatio beneficium est! *Idem Sanctus Epistola 87. nunc 210. ad Felicitatem & Rusticum.*

Si vos aliqua molestia temporalis exagitat, ipsa vos magis admonere debet, quemadmodum
de

de illa vita cogitare debeatis, ubi sine aliquo labore vivatis, evadentes non molestas angustias temporis parvi, sed horrendas pœnas ignis æterni. Nam si modo tanta cura, tanta intentione, tanto labore agitis, ne in aliquos cruciatus transitorios incidatis: quantum vos oportet esse sollicitos, ut sempiternas misérias fugiatis. *Idem Epistola 138. nunc 122 ad Clerum & Populum Hipponensem.*

Flagellat autem omnem filium quem recipit. Ne te sine flagello speres futurum, nisi forte cogites exhæredari. Flagellat omnem filium, quem recipit. Itane omnem? ubi te volebas abscondere? omnem: & nullus exceptus, nullus sine flagello erit. Quid! an omnem? etiam unicus sine peccato, non tamen sine flagello. *Idem Enarratione 2. in psalmum 31.*

Sæviat quantum vult, pater est. Sed flagellavit nos, & afflixit nos, & contrivit nos? Pater est... noli repellere flagellum, si non vis repelli ab hæreditate. Noli attendere quam pœnam habeas in flagello, sed quem locum in testamento. *Idem in Enarratione in psalmum 102.* Ad confortandum cor tuum venit ille pati, venit ille mori, venit ille sputis liniri, venit spinis coronari, venit opprobria audire, venit postremo ligno configi. Omnia hæc illa pro te: tu nihil pro illo. *Idem Libro de passionibus cap. 5.*

Tres cruces in loco uno erant. In una latro liberandus, in alia latro damnandus, in media Christus alterum liberaturus, alterum damnaturus. Quid similis istis crucibus? quid dissimilis istis pendentibus? *Idem Epist. 48. nunc 113. ad Vincentium.*

Impatientes dum mala pati nolunt, non efficiunt, ut a malis eruantur, sed ut mala graviora patiantur. Patientes autem qui mala malunt non committendo ferre, quam non ferendo committere: & leviora faciunt quæ per patientiam patiuntur, & pejora

pejora evadunt, quibus per impatientiam mergentur. *Idem Libro de Patientia cap. 2.*

Quod pateris transit, finitur: quod accepturus es, finem non habebit. Nolo æques pœnam cum præmio; temporalia æqua æternitati si potes. *Idem Concione 2. in psalmum 48.*

Labora hic * venturus ad finem: labora ne cum non vis hic laborare, venias ad finem vitæ. & nunquam venias ad finem laborum. *Idem Concione 7. in eundem psalmum 48.*

Utinam mi frater digni habeamur, qui maledicamur, & notemur, & conteramur, atque etiam interficiamur in nomine Jesu Christi; dum non ipse occidatur Christus in nobis! . . . Sed adhuc amico, quod pejus est seculo solvimur, & in Christo deliciamur, laudari tantum in nomine ipsius amantes; contristari & tribulari, quod est utilis recusantes. S. PAULINUS *Epist. ad Severum alias 6. nunc 1.*

Quid homo pro se pati debet, si tanta Deus pro hominibus pertulit! S. GREGORIUS MAGNUS *homilia 2. in Evangelia.*

Ad magna præmia perveniri non potest, nisi per magnos labores. *Idem homilia 27. in Evangelia.*

Væ portantibus crucem, non sicut Salvator suam sed sicut ille Cyrenæns alienam! væ citharedis citharizantibus, non ut ille de Apocalypsi in citharis suis, sed vere ut hypocritæ in alienis, væ inquam, semel, & væ iterum portantibus Crucem Christi, & non sequentibus Christum! qui nimirum cujus passionibus participant, humilitatem sectari negligunt. Duplici quippe contritione conteruntur, qui hujusmodi sunt, quando & hic pro temporarii glo-

* Id est patere.

gloria temporaliter se affligunt, & in futuro pro interna superbia ad supplicia æterna pertrahuntur. Sequuntur Christum in paupertate sua; sed in gloria non sequuntur. De torrente in via bibunt; sed non exaltabunt caput in patria. Lugent nunc; sed tunc non consolabuntur. S. BERNARDUS in *Apologia ad Guilielmum Abbatem post initium.*

Dolorem servi dolor lenit Domini. Passio passione vincitur, & cruciatus cruciatibus superatur. S. LAURENTIUS *Justinianus de casto connubio cap. 8.*

C A P U T II.

Fontes.

TERTULLIANUS *Libro de Patientia.*

S. CYPRIANUS *Libro de bono patientiæ, & Libro de Mortalitate.*

S. ZENO *Sermone de patientia.*

S. EPHREM *Sermonibus aliquot de patientia Tomis I. II. & III. novis.*

S. BASILIUS *Homilia nunc 21. quod rebus mundanis adhærendum non sit &c. Homilia nunc 8. in famem, & siccitatem & alias sæpe.*

S. AMBROSIUS in *Psalum 118. octonario 9. versu 1.*

10. versu 4. & 6.

14. versu 2.

18. versu 7.

S. CHRYSOSTOMUS *Homilia 63. in Genesin.*

Homilia in Psalmum 141.

Homilia 54. in Matthæum.

Homilia 86. in Joannem.

Homilia 15. in Acta.

Homilia 9. in ad Romanos.

Homilia 26. in 2. ad Corinth.

S. CHRYSOSTOMUS *Homiliis* 8. & 15. in ad *Philip-
penses.*

Homilia 3. in I. ad *Theſſaloni-
censes.*

Homilia 7. in II. ad *Timotheum.*

Pluribus item in *Libris* tribus de *Providentia.*
Homiliis 4. 5. 6. & 15. ad *populum*, & *homiliis* de *La-
zaro.* Item *Tomo III.* novo *homilia* de *gloria* in *tri-
bulationibus*, & quæ mox sequitur *Homilia* de *Lu-
cro ex tribulationibus*, denique innumeris aliis locis.
Huc etiam spectant quæ habet de *vinculis Pauli*
Homilia 8. in ad *Ephesios*, &c.

S. HIERONYMUS *Epistola* 34. nunc 118. ad *Julia-
num*, & aliis quibusdam. Maxime vero in adscripta
illi *Epistola* ad *Virginem in exilium missam.*

S. AUGUSTINUS *Libro* I. de *Sermone Domini in
monte*, pluribus capitibus.

Libro de *patientia.*

Libro I. de *Civitate* capite 8. 9. 10.
item *Libro XXII.* de eadem
cap. 22. & 23.

Sermone 9. de *verbis Domini*, nunc
Sermone 70.

Sententia 272. ex collectis a *Pro-
spero.* Sileo alia, quæ pagi-
nam totam implerent.

S. PAULINUS *Epistola* 6. nunc 1. *Epistola* 2. nunc 24.
& alias sæpius.

S. CASSIANUS *Collationibus* XVI. & XVIII. ca-
pitibus pluribus de vera falsaque *patientia.* Rur-
sum ad finem *Libri* de *institutis renuntiantium*, quam
necessaria *patientia* in *communitate religiosa.*

SEVERINUS BOETHIUS *Libris* quinque de *Consola-
tione Philosophiæ.*

S. GREGORIUS MAGNUS in *Libris* *Moralium*, &
alibi passim.

S. ISIDORUS HISPALENSIS *Libro I. Synonimorum fufe: & rursus Libro II. eorundem cap. 7.*

S. ANTIOCHUS *homiliis 78. & 79.*

S. BERNARDUS *Sermone 43. in Cantica, & sermonibus 16. & 17. in psalmum: Qui habitat.*

PETRUS BLESSENSIS *Tractatu de utilitate tribulationum.*

S. LAURENTIUS JUSTINIANUS *in Ligno vitæ, in quo Librum habet de patientia.*

Si quis presse de *Persecutionibus* quid velit, equidem in superioribus plura habet; sed dabimus etiam nova, ut apud

TERTULLIANUM in *Apologetico, in Scorpiaco, ad Scapulam, ad Martyras, ad Nationes.*

MINUTIUM FELICEM in *Octavio.*

S. CYPRIANUM *Libro ad Demetrianum, in Exhortatione Martyrii, in Epistolis sæpissime.*

LACTANTIUM in *Libris Institutionum divinarum, & multo magis in Libro de mortibus persecutorum. Sanctos ATHANASIUM & HILARIUM PICTAVIENSEM, ubi scribunt de persecutione Ariana.*

S. BASILIUM MAGNUM *Epistola 240. alias 192. ad Nicopolitanos Presbyteros. Idem præclare de æltro persecutionis Christianorum Homilia in Gordium Martyrem.*

S. GREGORIUM NAZIANZENUM *Orationibus compluribus, præcipue illis quas scripsit adversus Julianum, & Arianos, & pro se ipso.*

S. GREGORIUM NYSSENUM *Oratione 8. de Beatitudinibus.*

S. CHRYSOSTOMUM *Libro ad scandalum passos: Libro, quod nemo læditur nisi a se ipso: in Epistolis ubique maxime ad Olympiadem.*

S. AUGUSTINUM *Sermone 1. in Psalmum 36. & Epistola 122. ad Victorianum, nunc III.*

S. CYRIL.

S. CYRILLUM ALEXANDRINUM *Homilia Ephesi habita, priusquam a comite comprehenderetur, militibusque asservandus traderetur.*

SALVIANUM *Libro 4. & 8. de Gubernatione Dei.*

S. GREGORIUM MAGNUM *Libro XXII. Moralium capitibus pluribus.*

S. PETRUM DAMIANI *Opusculo 53. de patientia in insectatione improborum.*

Supplebunt Titulum, quæ dicemus infra de *Cruce, de Conformatione voluntatis nostræ cum divina, de Passione Domini &c.*

TITULUS III.

De Amore divino erga nos, & nostro erga Deum.

CAPUT I.

Loci.

S. CHRYSOSTOMUS *Homilia 9. in ad Romanos ad calcem.* Nihil est, nihil certe, quod amor Dei non vincat. Cum porro Dei amor est, omnibus est sublimior; neque ignis, neque ferrum, non paupertas, non infirmitas, non mors, non quidvis aliud grave videbitur ei qui hoc amore detentus est; sed omnia irridebit & ad cœlum volabit; nec alio modo affectus erit quam ii, qui illic degunt; nihil aliud respiciens, non cœlum, non terram, non mare, sed unam attendens pulchritudinem gloriæ nempe illius: neque præsentis vitæ æumnæ illum deprimere. neque prospera & voluptatem ferentia inflare poterunt. Hunc ergo diligamus amorem cui par nihil est, & propter præsentia & propter futura; imo vero & imprimis propter ipsam amoris naturam. Sic enim libera-

liberabimur & a præsentis & a futuræ vitæ suppliciis & regno fruemur. Ceterum neque liberatio a gehenna neque regni illius possessio magnum quidpiam est si comparetur cum illo quod dicturi sumus. Illis omnibus majus est Christum & amatum & amatorem habere. Si enim apud homines hic amor mutuus omni voluptate superior est: cum apud Deum hic mutuus amor concurrit, quis sermo quæ mens possit istius animæ felicitatem declarare? Nulla id potest mens, sed experientia tantum. Ut ergo & spirituales hanc lætitiā & beatam vitam & mille bonorum thesaurum experientia ediscamus, relictis omnibus hunc amorem complectamur, & ad lætitiā nostrā & ad amati Dei gloriā; quia ipsi gloriā & imperium cum unigenito & sancto Spiritu nunc & semper & in sæcula sæculorum, Amen.

Idem Hom. 23. in ad Romanos, pariter ad calcem. Nihil non agit Deus ut diligatur a nobis, ideoque neque filio suo pepercit: at nos immites & crudeles sumus. Sed finis tandem mansueti diligamusque Deum, ut diligere par est, ut cum voluptate virtute fruamur. Si enim qui mulierem habet dilectam, nihil sentit ex iis quæ quotidie tristitia accidunt: qui hoc divino & puro amore tenebitur, cogita quanta fruetur voluptate! hoc enim, hoc inquam regnum cœlorum, hoc bonorum fructio, hoc voluptas, hoc lætitiā, hoc gaudium, hoc beatitudo; imo quidquid dixerō nihil unquam protero dignum asserre; sola experientia hoc docere bonum potest. Ideo dicebat Propheta: *Delectare in Domino!* & gustate & videte quoniam *sua-vis est Dominus.* Obsequamur ergo & delectemur in ejus dilectione. Sic enim hinc jam regnum cœlorum videbimus, & vita vivemus angelica: atque in terra versantes nihil minus habebimus quam ii qui in cœlo habitant, & postquam hinc migra-

verimus, omnium splendidissimi ante tribunal Christi sistemur, inæstinabilique gloria fruemur.

S. AUGUSTINUS *Libro I. Confessionum cap. 5.*
Quid tibi sum ipse, ut amari te jubeas a me : & nisi faciam irascaris mihi, & mineris ingentes misérias ? parvane ipsa est miseria * si non amem te ?

Quis sic delectat, quam ille, qui fecit omnia quæ delectant ? *Idem in psalmum 32. in Concione I.*

Nescio utrum magnificentius nobis charitas commendari possit, quam ut diceretur : *Deus charitas est.* Brevis laus, & magna laus ! brevis in sermone ; & magna in intellectu. *Idem Tractatu 9. in Epistolam S. Joannis initio.*

Idem sequens de fortitudine amoris tormenta corporum, ipsamque mortem superantis.

Nihil est tam durum, atque ferreum, quod non amoris igne vincatur. Quo cum se anima rapit in Deum, super omnem carnificinam libera, & admiranda volitabit, pennis pulcherrimis, & integerimis, quibus ad Dei complexum amor castus innitur. Nisi vero amatores auri, amatores laudis, amatores foeminarum amatoribus suis Deus sinat esse fortiores ; cum ille non amor, sed congruentius cupiditas vel libido nominetur. In qua tamen apparet, quantus sit impetus animi ad ea, quæ diliguntur indefesso cursu per innania quæque tendentis : argumentoque nobis est, quam sint omnia perferenda, ne deferamus Deum, si tanta illi ut deferant, perferunt. *Libro de moribus Ecclesiæ Catholicæ cap. 22.*

In delicias spirituales etiam ipsa quæ videntur laboriosa vertuntur. Nullo modo enim sunt onerosi labores amantium ; sed etiam ipsi delectant sicut venantium, aucupantium, piscantium, vindemian-

* *Antw. Plantiniana & Maurina, & Lovaniensis Editio omittunt miseria.*

miantium, negotiantium, ludo aliquo sese oblectantium. Interest ergo quid ametur. Nam in eo quod amatur, aut non laboratur, aut & labor amatur. Et vide quam pudendum, & dolendum sit, si delectat labor ut fera capiatur, ut cupa & sacculus impleatur, ut pila jaciatur, & non delectat, ut Deus aquiratur! *Libro de bono viduitatis cap. 21.*

Si amare pigebat, saltem nunc redamare non pigeat. Nulla est enim major ad amorem invitatio, quam prævenire amando: & nimis durus est animus, qui dilectionem si nolebat impendere nolit respondere. *Idem Libro de catechizandis rudibus cap. 4.*

Deum non vides? ama, & habes. Quam multa in damnabilibus cupiditatibus amantur, & non habentur. . . . quærunt habere, & plerumque ante moriuntur, quam inveniant, quod quærebant. Deus nobis de compendio se offert. Clamat nobis: amate me, & habebitis me, quia nec potestis amare me, nisi habueritis me. *Idem Serm. 34. alias 2. de diversis.*

Accedamus filioli, quo vocat charitas trahit amor, invitat affectio! Deum patrem viscera sentiant, vox personet, loquatur lingua, spiritus clamet, & totum quod est in nobis, respondeat gratiæ, non timori. quia qui judicem mutavit in Patrem, amari voluit, non timeri. S. CHRYSOLOGUS *Sermone 67.*

Omnia amamus, omnia colimus. Solus nobis in comparatione omnium Deus vilis est! SALVIANUS *Libro VI. de Gubernatione Dei, propius initium.*

Cur per multa vagaris homuncio quærendo bona animæ tuæ, & corporis tui? ama unum bonum, in quo sunt omnia bona, & sufficit: desidera simplex bonum, quod est omne bonum, & satis est. S. Anselmus in *Profologio cap. 25.*

Nelcio si quid majus in laudem tuam dicere possim (o charitas!) quam ut Deum de coelo tra-

heres, & hominem de terra ad cœlum elevares. Magna virtus tua, ut per te usque ad hoc humiliaretur Deus, & usque ad hoc exaltaretur homo. HUGO VICTORINUS *in libello de laude charitatis, post medium.*

Si quis horum quæ leguntur cupit adipisci notitiam, amet. Alioquin frustra ad audiendum, legendumque amoris carmen, qui non amat, accedit; quoniam omnino non potest capere ignitum eloquium frigidum pectus. Quomodo enim græce loquentem non intelligit, qui græcum non novit: nec latine loquentem, qui latinus non est, & ita de ceteris: sic lingua amoris ei qui non amat barbara erit. S. BERNARDUS *Serm. 79. in Cantica.*

Nemo se amari diffidat, qui jam amat. Libenter Dei amor nostrum quem prævenit, subsequitur. Nam quomodo redamare pigebit quos amavit & necdum amantes? Amavit, inquam, amavit. Habes enim dilectionis pignus Spiritum: habes & testem fidelem Jesum, & hunc crucifixum. O geminum, ipsumque firmissimum Dei erga nos amoris argumentum! Christus moritur, & meretur amari. Spiritus afficit, & facit amari. Ille facit cur ametur: iste ut ametur. In illo cernimus quod amemus: ab illo sumimus, unde amemus. Charitatis igitur ab illo occasio, ex isto affectio. Quanta confusio Dei filium ingratis oculis cernere morientem? Quod quidem facile contingit, si desit Spiritus. Nunc autem quia charitas Dei diffusa est in cordibus nostris per Spiritum sanctum, qui datus est nobis, amati amamus: amantes amplius mere-mur amari. *Idem Epistola 107. post medium.*

Quanto præ eminentior est humanitate divinitas, tantum amor Christi quem habet ad nos, amore illo quem habemus ad illum vel ad proximum, dulcior est, firmior, atque profundior, violentior, penetrabilior, interior, compassibilior, ferventior, atque sua-

suavior. Omnes maternos affectus, omnes fratrum, conjugumve consensus illam quam habet ad nos inæstimabili charitate transcendit. PETRUS BLESSENSIS *Traſtatu de charitate Dei cap. 22.*

O mira, & inæstimabilis virtus amoris! Deum fecit Deum. Inenarrabilis est virtus tua o amor, qui lutum in Deum transfigurās. S. BONAVENTURA in *Stimulis amoris Parte II. cap. 8.*

Plurimum autem in hoc amandi negotio lacōnismi quidam valent, quos telorum intar acutissimorum humanis cordibus liceat intorquere. Tales sunt:

Minus te amat, qui tecum aliquid amat, quod non propter te amat. S. AUGUSTINUS *Libro X. Confessionum-cap. 29.*

O amor qui semper ardes, & nunquam extingueris, Charitas Deus meus! accende me. *Idem ibidem continuo.*

Breve præceptum tibi præcipitur: dilige, & quod vis, fac. *Idem Traſtatu 7. in epistolam S. Joannis.*

Da mihi amorem vacantem, & nihil operantem! *Idem præfatione in psalmum 31.*

Da amantem: & sentit quod dico. *Idem traſtatu 26. in Evangelium Joannis.*

Nolumus omnia quæ dedit, si non dat seipsum qui omnia dedit. *Idem in expositione psalmi 85. post medium.*

Causa diligendi Deum Deus est: modus sine modo diligere S. BERNARDUS *Traſtatu de diligendo Deo, initio.*

Deum amans anima aliud præter Deum sui amoris præmium non requirit: aut si aliud requirit, illud, non Deum diligit. *Idem ibidem ante medium.*

Ipse meritum, ipse præmium sibi est amor. Præter se non requirit causam, non fructum. Fructus ejus usus ejus. Amo quia amo: amo ut amem. *Idem Sermone 83. in Cantica.*

Amans amens magis videar, sed ei qui non amat, ei qui vim non sentit amoris. *Idem in Prologo Librorum de Consideratione*; etsi ibi loquitur de amore hominis, sed propter Deum.

CAPUT II.

Fontes.

S. IGNATIUS *Martyr Epistola ad Romanos.*

DIONYSIUS dictus **AREOPAGITA** *Libro de divinis nominibus.*

ORIGENES *Homilia 6. in ad Romanos, ad verba: Quis nos separabit a charitate. Et multo magis in tributa illi Homilia de Magdalena.*

S. BASILIUS *Sermone exhortatorio ad Monachos. Item Regula 2. fusiore. Item in Psalmum 114. & in libro de vera Virginitate. Hic ipse S. Pater Regula 2. fusa, & 157. brevi desiderium animæ amantis Deum accomodatissime describit.*

S. CHRYSOSTOMUS *Homiliis 5. 9. 15. & 23. in ad Romanos.*

Homiliis 11. & 30. in secundam ad Corinthios.

Homilia 3. in primam ad Timotheum.

Homilia 2. in ad Philæmonem in fine.

Homilia 52. in acta ubi vim divini amoris fufe præstanterque diducit.

Homilia in psalmum 41.

Libro 1. & 2. de Compunctione cordis.

Homilia de perfecta charitate Tomo VI. Montfauconi pag.

287.

Huc

Huc etiam facit notissimus locus de *vinculis Pauli*, quem alibi, Libro videlicet quarto adducebam.

S. AUGUSTINUS *Tractatu de diligendo Deo, sive Libro Meditationum supposito.*

Libro de substantia dilectionis, quem Maurini tribuunt Hugoni Victorino.

Libro de moribus Ecclesie catholice capitibus pluribus.

Libro XV. de Trinitate cap. 18.

Libro de Catechizandis rudibus cap. 4.

In Enchiridio ad Laurentium, de fide, spe, & charitate.

Epistola 145. alias 144. ad Anastasium.

Tractatibus quibusdam in Epistolam S. Joannis.

Sermone 70. alias 9. de verbis Domini, quam omnia facilia reddat amor, præclare. Hoc ipsum etiam ostendit Sermone 48. de tempore, nunc 70. in Appendice.

Sermone 158. alias 16. de verbis Apostoli.

Enarratione in psalmum 53. de amore absque ullo respectu mercedis.

Enarratione in psalmum 72. ad illud: Pars mea Deus in sæcula.

Enarratione in psalmum 79. ad finem, de creatore præ Creaturis amando.

S. AUGUSTINUS *Ennarratione in psalmum* 127. ubi (quemadmodum & *Sermone* 178. alias 19. de verbis *Apostoli*) elegantem habet hypothesein, ex qua verus Dei amor agnosci possit.

Idem quam brevem, tam egregium dat amoris affectum *Libro XIII. Confessionum cap. 8. ad calcem.*

Huc etiam recidit enthusiasmus ille de *Amore justitiæ Serm. 159. alias 17. de verbis Apostoli.* Adde *Librum 1. Soliloquiorum animæ ad Deum*, quæ non sunt Augustini. Item *Manuale*, ex ipsius, & Anselmi verbis contextum.

S. PAULINUS *Epistola 4. ad Severum nunc* 23.

S. NILUS de virtutibus excolendis *Sectione III. cap. 2.*

S. CHRYSOLOGUS *Sermone* 70. initio ubi pulchre de amore Dei erga nos.

S. EUCHERIUS in *Parænesi ad Valerianum*, ubi fuse ab amore creaturarum avertit ad amorem Creatoris.

THEODORETUS *Oratione præstanti de Charitate, Tomo IV. operum Editionis Sirmordianæ.*

SALVIANUS *Libro IV. de gubernatione Dei.*

S. FULGENTIUS *Epistola ad Eugippium Abbatem de charitate.*

S. ANTIOCHUS *Homilia* 128.

S. MAXIMUS MARTYR in *Centuriis quatuor de Charitate.*

S. PASCHASIUS RATBERTUS in opere de fide, spe, & charitate.

S. ANSELMUS in *Profologio.*

in *Speculo Evangelici Sermonis, seu Libro Meditationum*, qui Augustini olim dicebatur * merisque

* Diversus hic est a libro de diligendo Deo, qui & ipso nomine *Meditationum* solet venire.

que Anselmi floribus constat. Idem *Libro de Sacramento Altaris cap. 8.* breviter, quam omnia Christus egerit ad nostrum amorem obtinendum.

HUGO VICTORINUS in *Libello de laude charitatis*. Is ipse *Libro II. de Sacramentis p. 13. c. 11.* eleganter docuit sensum quo charitas excidere non possit.

S. BERNARDUS *Traſſatu* jam laudato *de diligendo Deo. Libris tribus de amore Dei*, qui non sunt ipsius. *Sermone 29. de diversis: Sermonibus 20. 67. 79 & 82. in Cantica.*

RICHARDUS VICTORINUS *Traſſatu de gradibus Charitatis*, & iterum alio *de quatuor gradibus violentæ charitatis*.

GUERRICUS Abbas *Sermone in die Pentecostes* pulcherrime de divino in nos amore.

AELREDUS Abbas in *speculo charitatis*, & *compendio ejus*, & *Libris tribus de spiritali amicitia*.

PETRUS BLESSENSIS *Opere supra laudato*.

S. BONAVENTURA cum alias, tum præcipue in *ſtimulis amoris*.

RAYMUNDUS JORDANUS ante Raynaudum, qui eum detexit, *Idiota dictus in contemplationibus de amore divino*.

S. BERNARDINUS SENENSIS *Tomo II. primis quinque Sermonibus & Tomo III. Serm. quadraginta novem Et eodem Tomo Sermonibus quibusdam extraordinariis; denique Tomo IV. Sermonibus 12. & 13.*

S. LAURENTIUS JUSTINIANUS in *ligno vitæ Libro de charitate*, & in *fasciculo amoris*.

DIONYSIUS CARTHUSIANUS in *inflammatorio divini amoris*.

S. THOMAS VILLANOVANUS *Sermonibus tribus ad Dominicam XVII. post Pentecosten*. Hic maxime præstat affectibus.

LUDOVICUS BLOSIUS quem Raynaudus *Tomo I. p. 513.* scriptorem valde pium & solo tempore antiquis posteriorem vocat, in *Consolatione pusillanimum §. de immenso Dei erga homines amore.*

S. FRANCISCUS SALESIUS in opere *fusissimo de Amore Dei.*

Addi possunt alia, quæ dantur infra de *Passione Domini*, & inter specimina affectuum *Amoris & Gratitude.*

TITULUS IV.

De *Amore erga proximum.*

CAPUT I.

Loci.

Si ab uno homine omnes orimur, certe consanguinei sumus. Item si ab uno Deo inspirati omnes, & animati sumus, quid aliud quam fratres sumus? & quidem conjunctiores qui animis quam qui corporibus. LACTANTIUS *Libro VI. divinar. Institution. cap. 10.*

Prohibeor loqui tristitiam recordatione, quæ animum subit: atque decedentes lacrimæ vocem interceptiunt, cum cogito, quod dilectione, & pace nobis a Domino relicta nequaquam tamen quæramus quod relictum est. Donum est quod oculos fugit, nec in quoquam reperitur. Charitas relicta est, sed pugna manet: data concordia est, sed odium accensum est. Magnum odii rogi inter nos accendimus. Plangimus quisque privatim, nec tamen convenit inter nos. Quis mihi dabit theatrum universum orbem terrarum, & vocem tuba validiorem, & lamentationes Jeremiæ, & lacrimas uberes, quibus cor doloribus contritum dirumpam, pulveremque nobis nunc ignominiose asper-

aspersum perfundam, & deplorem calamitatem communem! quippe defecit mandatorum radix charitas. S. BASILIUS MAGNUS *oratione adversus eos, qui per calumniam dicunt, dici a nobis tres Deos.* Negat ipsius esse Garnierius.

S. CHRYSOSTOMUS *Homilia 8. in ad Romanos:* Quid faciam? ex amaritudine ad lacrimas fundendas mire propensus sum, fontes ex oculis emitto secundum Prophetam illum, bella innumera hoc in campo videns externis bellis graviora. Ille namque barbaros irruentes videns dicebat: *Ventre meo doleo;* ego vero sub uno Imperatore instructos videns deinde contra se mutuo stantes, mordentes, diserpentes alios aliorum membra, alios pecuniarum, alios gloriæ causa, alios sine causa ac temere irridentes ac subsannantes & mille vulnera sibi mutuo infligentes, mortuos, iis qui in bello, gravius cæsos, fratrūque nomen nudum, & vacuum relictum: lamentum nullum reperio hac tragœdia dignum. Revereamini igitur, revereamini hanc mensam, cujus participes sumus omnes, Christum pro nobis occisum, sacrificium huic mensæ impositum! Prædones unius salis participes non ultra prædones sunt erga eos quibuscum communicant; sed mensa mores mutat, & feris ipsis efferaiores ovibus mansuetiores reddit. Nos vero qui talis mensæ, talis cibi participes sumus, alii adversus alios arma sumimus; cum oporteret contra diabolum nos omnes oppugnantem armis instrui. Ideoque nos infirmiores ille fortior quotidie invadit. Non enim mutuo omnes contra illum armamur, sed cum illo contra fratres stamus, & illo duce in tali acie utimur; cum oporteret illum solum oppugnare. Nunc autem illo relicto contra fratres tela vertimus! quæ tela inquires? quæ ab ore & lingua proficiscuntur. Non enim sagittæ & tela tantum, sed etiam verba, acerbiora quam sagittæ vulnera

vulnera infligunt. Et quomodo inquires poterimus hoc bellum solvere? Si cogitaveris te cum contra fratrem loqueris, lutum ex ore effundere; si cogitaveris quod membrum Christi calumniaris, quod carnes tuas comedis, quod tibi tribunal illud horrendum, & incorruptum acerbius reddis, quod telum non eum qui ictus est, sed te qui emisisti, occidat. Verum me injuria & malo affecit? Ingemisce, nec male loquaris: lacrimare non ob injuriam acceptam, sed ob illius perniciem, ut Dominus tuus Judam lacrimatus est, non quod ipse crucifigeretur, sed quod ille proderet. Injuria, & contumelia te affecit? Deum precare, ut illi cito propitius fiat. Frater est tuus, eodem partu natus, membrum tuum, ad eandem vocatus est mensam. Sed magis, inquires, mihi insultat. Igitur major & amplior erit merces. Hac de causa maxime iram deponere par est, quia lethalem ille plagam accepit, quia vulneravit illum diabolus. Ne igitur tu quoque ferias, neque te cum illo dejicias. Donec enim feras, potes & illum servare: si vero te dirumpas ut contumeliam contumelia ulciscaris, quis vos deinceps eriget? illene vulneratus? at non poterit jacens. An tu qui cum illo cecidisti? Et quomodo qui tibi non potuisti manum porrigere, alteri poteris? Sta igitur generose, clypeum opponens & mortuum fratrem per patientiam ex pugna extrahe. Ira confodit illum: ne tu quoque confodias; sed primo telum evelle. Si namque sic mutuo versemur, cito sani omnes erimus: si vero alter contra alterum armetur, non jam diabolo opus erit ad perniciem nostram.

Iste locus ejusmodi est, ut non possit vel insensissimam mentem non permovere. Quam vellem, ut Gisbertus eum adduxisset! Sic enim erat futurum, uti elogium ille nancisceretur, non breve, non abruptum, ut a nobis, sed grande, magnificum & quale scilicet merebatur.

Idem

Idem homilia 27. in eandem Epistolam : Hoc maxime Deum glorificat, quod hoc consensu nos mutuo muniamus. Itaque etiam si dolens pro hac re a fratre dissentias, cogitans te si iram diuittas, Dominum tuum glorificare, etiam si non propter fratrem, propter hoc ipsum reconciliare, imo propter hoc ipsum primo. Nam hoc Christus semper sus deque versat, & Patrem alloquens: *In hoc cognoscent omnes, quod tu me miseris, si fuerint unum.* Obtemperemus igitur, & nos mutuo jungamus. Hic enim non jam infirmos tantum sed omnes excitat: & si quis a te discindi cupiat, ne discindaris tu, neque hoc frigidum verbum proferas: Si me dilexerit dexter oculus, effodiam illum. Nam Satànica sunt hæc dicta, & ad gentilium similitudines pertinent: tu vero qui ad majus institutum vitæ vocatus es, & in cœlo descriptus, majoribus es legibus subditus. Ne ista dixeris; sed cum te ille diligere nolet, tunc majorem illi dilectionem exhibe, ut illum allicias. Membrum autem cum per necessitatem quampiam a reliquo corpore scinditur, nihil non agimus, ut illud rursus uniamus, & tunc majorem impendimus curam. Etenim major est merces, cum non diligere volentem attraxeris. Si enim ad prandium invitare jubet eos qui nobis non possunt vicem rependere, ut merces augeatur: multo magis in dilectione hoc faciendum est. Nam is qui dilectus diligit, mercedem tibi reddit; qui vero dilectus non diligit, Deum tibi debitorem constituit, ac præterea cum te diligit non multa cura opus habet: cum autem non diligit, tunc tuo opus habet auxilio. Ne igitur curæ, ac diligentiae causam reddas ignaviæ causam, nec dicas: Quia infirmatur, ideo ipsum negligam (morbus enim est dilectionis frigiditas) sed tu fove id quod refrigeratum est. Quid vero, inquires, si non incalescat? Mane semper quæ tua sunt faciens. Quid si magis
aver-

averſetur? rurfus majorem tibi mercedem conciliat, & tanto magis te oftendit Chriſti imitatore. Nam ſi diligere invicem diſcipulorum inſigne eſt (*In hoc enim, inquit, cognoscent omnes quod diſcipuli mei eſtis, ſi diligatis invicem*) cogita quantum ſit odientem ſe diligere. Nam Dominus tuus eos qui ſe oderant diligebat, & hortabatur: & quanto infirmiores erant, tanto magis illorum gerebat curam, & clamabat dicens: *Non opus habent bene valentes medico, ſed qui male habent*: & publicanos, peccatoresque ſua dignabatur menſa, & quanto majori illum ignominia dedecoravit Judæorum populus, tanto majorem illi honorem & curam exhibuit, imo multo majorem. Hunc & tu æmulare; neque enim parva res eſt hoc opus, ſed ſine quo ne Martyr quidem admodum poteſt placere Deo, quemadmodum Paulus dicit. Ne itaque dicas, odio habeor, & ideo non diligo. Ideo enim magis amare debes. Alioquin autem non poteſt iſ qui diligit tam cito odio haberi; ſed etiamſi fera quis fuerit, diligentem ſe diliget. Hoc enim, inquit, faciunt vel Ethnici, & publicani. Quod ſi quiſque diligentes ſe diligit, eos qui odio habiti diligunt quis non dilexerit? Hoc itaque exhibeto, & ne finem facias hoc dicendi: quantumcunque me odio habeas, te diligere non ceſſabo: & omnem animum emolliviſti. Morbus enim hic aut ex inflammatione oritur aut ex frigidityte. Sed utrique dilectione virtus ex ardore ſuo mederi ſolet. Non vides turpes illos amatores ut alapas, ſputa, opprobria & innumera mala patiuntur a mulieribus illis meretricibus? quid ergo hunc ſolvat amorem? contumeliæ? nequaquam. imo magis accendent, etiamſi illæ, quæ hoc faciunt, præterquam quod ſcorta ſunt, & obſcuro & vili genere ſint; Qui vero hæc patiuntur, claros ſæpe poſſint progenitores numerare, & alia ratione illuſtres ſint, Attamen

men ne hoc quidem illos solvit, nec ab amata avel-
lit. An non erubescimus quod non tantum secun-
dum Deum dilectionem exhibere possumus quan-
tam illa vis diabolici & dæmoniacy amoris? non
cogitas hoc maximum esse telum contra diabolum?
non consideras, quod malus ille dæmon instet,
illudque exosum membrum ad se trahat, suumque
facere conetur? Tu vero prætercurris, & pugnæ
præmium prodis? Nam veluti præmium in medio
jacet frater. Si viceris, coronam accipies: sin
ignave agas, incoronatus discedes. Finem ergo
fac Satanicum illud dictum proferendi: Si frater
meus me oderit, ne videre quidem illum volo.
Nihil enim turpius hoc dicto, etiamsi illud gene-
rosi esse animi putent multi. At nihil his igno-
bilis, stultius, immanius. Ideo maxime doleo,
quod multi putent ea quæ ad malitiam pertinent
esse virtutem, ac quod despiciere & contemnere
splendidum & honestum videatur esse. Hic maxi-
mus est diaboli laqueus, quod nequitia bona tri-
buatur fama. Quare difficillime est malum hoc
deleri. Etenim multos ego audiui gloriantes quod
sibi adversantes non adirent. Atqui Dominus tuus
in ea re gloriatur. Quoties illum homines con-
spuerunt? quoties averfati sunt? ille vero non ces-
sat accurrens. Ne igitur dicas: me odio habentes
adire non possum; sed dic: respuentes me
respuere nequeo. Hoc dictum est discipuli Christi,
ut illud aliud Diaboli. Hoc illustres fecit, & cla-
ros, aliud vero turpes, ac ridiculos. Ideo mira-
mur Moysen, quod ipso Deo dicente: *Dimitte me*
& iratus conteram illos! non potuerit illos respuere,
qui illum tam sæpe averfati fuerant; sed dicebat:
Siquidem hoc peccatum illis dimittis dimitte; sin mi-
nus & me dele. Dei enim amicus, & imitator erat.
Ne itaque gloriemur in iis, ob quæ nos pudere
deberet: neque dicamus ea, quæ dicunt forenses,
& in-

& infimum vulgus: Innumeros averfari ſcio. Sed etiamſi quis alius hoc dixerit, irrideamus illum, & os illi obſtruamus, quia in iis gloriatur de quibus pudere illum oporteret. Quid quaſo d'cis? averſaris hominem fidelem, quem infidelis cum eſſet Chriſtus non reſpuit? quid dico non reſpuit? ita illum inimicus & deformis cum eſſet, dilexit; ut etiam pro illo moreretur. Ille inquam eum, qui talis erat, ita dilexit: tu vero nunc, dic mihi, cum ſpecioſus & mirabilis factus, illum reſpuiſ, qui membrum Chriſti & corpus Dominicum factus eſt? an non cogitas quid dicas? an non ſentis quanta audeas? Caput habet Chriſtum & menſam & veſtimentum & vitam & lucem & ſponſum, & omnia ipſi ille eſt, & dicere audes: illum reſpuo? neque illum tantum ſed & innumeros alios cum illo. Cohibe te o' homo & ſeda furorem, agnoſce fratrem, diſce hæc verba ſtulti eſſe, atque lymphati, contraria dicito: etſi millies me reſpuat, ego non diſcedam. Sic & fratrem lucraberis & ad gloriam Dei vitam duces, atque futura conſequeris bona.

S. AUGUSTINUS *Concione 8. in pſalmum 118.* omnis homo, *inquit*, eſt omni homini proximus, nec ulla cogitanda eſt longinquitas generis ubi eſt natura communis.

Nec charitas cum redditur, amittitur; ſed potius reddendo multiplicatur. Habendo enim redditur, non carendo: & cum reddi non poſſit niſi habeatur, nec haberi poteſt niſi reddatur. Imo etiam cum redditur ab homine, creſcit in homine: & tanto magis aquiritur, quanto pluribus redditur. *Idem Epiſt. 62. nunc 192. ad Caſeſtinum.*

Cum eadem omnibus debeatur charitas, non eadem eſt omnibus adhibenda medicina. Ipſa item charitas alios parturit, cum aliis infirmatur, alios curat ædificare, alios contremiſcit offendere, ad
alios

alios se inclinat, ad alios se erigit, aliis blanda, aliis severa, aliis inimica, omnibus mater. *Idem Libro de Catechizand. rudib. cap. 15.*

Omnia, inquit, quæcunque vultis ut faciant vobis homines, hæc & vos facite illis. Coniungi vult inter nos, atque connecti per mutua beneficia charitatem, omnesque homines vicario inter se amore copulari, ut id unoquoque præstante alteri, quod sibi ab omnibus præstari velit, tota iustitia & præceptum hoc Dei communis sit utilitas hominum. Et o miram clementiam Domini! o ineffabilem Dei benignitatem! præmium nobis pollicetur, si nos invicem diligamus, id est, si nobis ea præstamus invicem, quorum vicissim indigemus: & nos superbo simul, & ingrato animo ejus renitimur voluntati cujus etiam imperium beneficium est! AUCTOR *Epistolæ ad Celantiam inter epistolas Hieronymi & Paulini.*

Cum nobis imperatum sit, ut inimicos amemus, tamen ne amicos quidem amamus. S. ISIDORUS PELUSIOLA *Libro III. Epist. 405.*

Charitas nunquam excidit. Sed dicit aliquis: ergo charitas nunquam perit? nunquam violatur? plane nunquam violatur? plane nunquam; quia charitas si est, permanet: si non permanet, non est. S. CHRYSOLOGUS *Sermone 162.*

Tantum abest, ut aliorum commodis aliquid cum propria incommoditate præstemus, ut omnes vel maxime nostris commodis cum aliorum incommodo consulamus. SALVIANUS *Libro 3. de Gubernatione ante medium.*

Omnes se fere barbari, qui modo sunt unius gentis & regis, mutuo amant: omnes pœne Romani se mutuo persequuntur. Quis enim civis non invidet civi? quis enim plenam vicino exhibet charitatem? omnes quippe a se etsi loco non absunt, affectu absunt, etsi habitatione jungantur, mente
VII. C dis-

disjuncti sunt. Atque utinam hoc licet sit pessimum malum, utinam cives tantum, atque vicini! illud est gravius, quod nec propinqui quidem propinquitatis jura conservant. Quis enim se proximis suis proximum reddit? quis solvit charitati quod se agnoscit debere vel nomini? quis hoc est animo, quod vocatur? quis tam propinquus corde quam sanguine? *Idem eodem opere Libro 5.*

Nihil petas quod negaturus fuisti: nihil negabis quod petiturus fuisti. S. MARTINUS BRACARENsis in *Sententiis de moribus.*

Minorem dolorem mala ingerunt, quæ ab extraneis inferuntur. Plus vero in nobis ea tormenta sævinnt, quæ ab illis patimur, de quorum mentibus præsumebamus. Quia cum damno corporis mala nos cruciant amissæ charitatis. S. GREGORIUS MAGNUS *Homilia 35. in Evangelia.*

Heu in quos fines imo sæces sæculorum homines devenerunt! cum, ut de sæculi hominibus taceamus quos excæcavit ambitio, ipsa religionis electio nostro miserabili tempore tanta divisione spargatur, ut vix unus alteri conveniat in unum, nisi forte adversus Dominum, & adversus Christum ejus. Ubique apparent scissuræ civitatis David, & in tantum jam hiant, ut vicinam ruinam omnino minentur. Servatur sub tunica una & veste simili cor varium, & omnino dissimile; ita ut de religione antiqua vix signa servantur, & venientibus ad sepulchrum Domini, quod claustrum est, & Christum quærentibus solâ linteamina pateant, id est habitus forma. RICHARDUS A S. VICTORE *Libro de Gradib. Charit. cap. 4.*

CAPUT II.

Fontes.

CREDITUS CYPRIANUS *Sermone de Cæna Domini.*

LACTANTIUS *Epitomes cap. 2.*

S. EPHRÆM *de Charitate Tomo III. novo pag. 13.*

S. BASILIUS MAGNUS *Constitution. monastic. cap. 19. de Charitate Monachorum utilissima & jucundissima habet.*

S. AMBROSIUS *Libro III. de officiis cap. 2. & 3. de ordine charitatis, & analogia cum membris corporis præclare.*

S. CHRYSOSTOMUS *Homilia 1. de incomprehensibili Dei natura initio.*

Homiliis 30. & 33. in Matthæum, quarum prima de amore proximi spirituali.

Homilia 14. in Joannem.

Homilia 20. in Acta, ubi omnes tollit prætextus.

Homiliis 25. 30. 31. 32. 33. 34. in I. ad Corinthios.

Homilia 9. in ad Ephesios, ex analogia membrorum corporis.

Homilia 10. in eadem de defectu Charitatis.

Homilia 3. in ad Colossenses, de vulneribus charitatis.

Homilia 4 in I. ad Thessalonicenses, de teneritudine fraterni amoris.

Homilia 3. de laudibus Pauli, atque alibi sæpiissime. Plura simul ministrat Ecloga ex operibus ejus prima.

S. HIERONYMUS *in Epistolam Pauli ad Philemonem.*

S. AUGUSTINUS *Tractatibus in epistolam S. Joannis.*

S. AUGUSTINUS *Libro de moribus Ecclesiæ catholicæ pluribus capitibus.*

Libro de disciplina christiana, vel de domo disciplinæ, a capite 3.

Enarratione in Psalmum 57. initio ex titulo societatis.

Sermonibus 14. & 20. ex 40. novis, nunc 90. & 268.

S. ISIDORUS PELUSIOLA *Libro II: epistola 139. de extincta charitate.*

S. CASSIANUS *Collatione XVI. fufe.*

S. CYRILLUS ALEXANDRINUS, *Libro II. in Joannem de unitate charitatis. Fusius autem de charitate proximi agit Libris 7. & 8. de adoratione in Spiritu & veritate.*

S. LEO *Sermone 10. de Quadragesima.*

SALVIANUS *Libro III. de gubernatione ante medium, de charitatis communi defectu.*

JULIANUS POMERIUS *Libro III. de vita contemplativa, capitibus 13. 14. 15.*

S. GREGORIUS MAGNUS *Homilia 27. in Evangelia quam leves ob causas jactura fiat charitatis.*

S. ANTIOCHUS *Homilia 80.*

ETHERIUS & BEATUS *Libro I. contra Elipandum. ex titulo communionis corporis Christi.*

S. PASCHASIUS RATBERTUS *opere de fide, spe & charitate.*

S. BERNARDUS *Sermone 29. in Cantica de vulneribus charitatis fraternæ.*

RICHARDUS VICTORINUS *Libro supra dicto de gradibus charitatis.*

PETRUS BLESENSIS *Traçtatu de Charitate Dei, & proximi.*

Adde Titulos *Eleemosyna, Misericordia, Zelus &c.*



TITULUS V.

De *Anima* nostra, & quæ ad eam proxime referri possunt.

CAPUT I.

Loci.

Si quid de anima examinandum est, ad Dei regulas dirigat (Sapientia) certe nullum alium potio- rem animæ demonstratorem, quam auctorem reperiet. A Deo discat, quod a Deo habeat: aut nec ab alio, si nec a Deo. Quis enim revelabit, quod Deus texit? Inde sciscitandum est, unde & ignorare tutissimum est. Præstat per Deum nescire, quia non revelaverit, quam per hominem scire, quia ipse præsumpserit. TERTUL- LIANUS *Libro de anima cap. 1.*

Idoneus sui operis æstimator magno pretio nos redemit. S. AMBROSIIUS *Libro VII. in caput 12. Lucæ.*

In hac anima totus es homo! quia sine hac nihil es. *Idem Libro VI. Hexameron cap. 7.*

Quod si in hoc erro quia Angelis me post mortem sociari malo, quam bestiis, libenter in hoc erro: neque unquam hac me opinione dum vivo fraudari patiar. *Idem oratione de fide resurrectionis, ad calcem.*

Omnia nobis duplicia Deus dedit; duos oculos, duas aures, duas manus, duos pedes. Si igitur hocum alterum lædatur, per alterum necessitatem consolamur. Animam vero dedit unam nobis. Hanc si perdiderimus, qua vivemus? Hujus igitur curam habeamus, nihil ipsius saluti præferentes, quoniam hæc etiam est quæ cum corpore judicatur, & simul defenditur, & comparet ante Christi tribun al

tribunal. *Creditus* CHRYSOSTOMUS *homilia de Pœnitentia, Continentia, & Virginitate, Tomo 1. Ducæi* 77. Tribuitur JOANNI JEJUNATORI.

Verus CHRYSOSTOMUS *Parænesi 1. ad Theodorum num. 3.* Neque solum corporis sed etiam animæ vulnera introducunt mortem. Attamen eo insipientiæ venimus, ut illa diligenter curemus, hæc negligamus. Quamquam corpus insanabili sæpe morbo laborat, nihil tamen de salute desperamus, ac licet medici frequenter dicunt, morbo non posse remedium afferri, instamus nihilominus rogantes aliquam vel tantillam afferri consolationem: in morbis autem animæ quorum nulli insanibiles sunt; quippe qui a naturæ necessitate non procedant, ac si alienæ essent infirmitate, perinde negligentes agimus, imo desperamus: atque ubi natura morbi deploratam valetudinem esse suadet, ac si spes esset multa, salutis curam adhibemus: ubi vero nulla desperandi causa, despondemus animum & ab omni cura abistimus; usque adeo majorem corporis quam animæ rationem habemus. Quapropter ne corpus quidem servare possumus; nam qui quod præcipuum est negligit, & in minoribus omnem sollicitudinem ponit, utraque destruit, & perdit: qui autem ordinem servat, & quod prius est maxime curat, etiamsi quod posterius est negligat, per salutem illius hoc etiam conservat.

Et quis tandem sufficiat laudibus animæ? Et si in animæ laudibus deficitur, quæ laus est ejus, qui animam condidit? S. AUGUSTINUS *Enarratione in Psalmum 145.*

Jam pretium solvit; sanguinem fudit. Sanguinem inquam fudit unicus Filius Dei pro nobis. O anima! erige te; tanti vales. *Idem enarratione in Psalmum 102. ante medium.*

Excellentiæ naturæ nostræ conscii, & stirpem nos esse cœlestem quamdam scientes, ne dedecoremus

remus naturam; ne tantis muneribus indigni judicemur, aut pro caduca, & brevi voluptate ad omnem æternitatem duraturam lætitiā projicientes tanta nos potestate, tanta gloria, tanta beatitudine spoliemus; imo potius per honestas & cum virtute conjunctas actiones, per fugam vitiorum, per propositum, & voluntatem bonam, quam imprimis adjuvare Deus solet, & per preces, nobilitatem, & dignitatem nostram tueamur. NEMESIUS *Libro de homine, seu natura hominis, cap. 1. in fine.*

Optimum est curam principalem animæ impendere; ut quæ utilitate prior est, non sit consideratione posterior. Primas apud nos curas quæ prima habentur obtineant, summasque sibi sollicitudinis partes salus quæ summa est vindicet. Hæc nos occupet in prælidium ac tutelam sui. Jam non plane prima, sed sola. Omnia vincat eo studio, quo præcedit omnia. S. EUCHERIUS *Parænesi ad Valerianum, initio.*

Non ergo nobis viles sumus, qui tam pretiosi Deo fuimus. EUSEBIUS GALLICANUS *Homilia I. de Symbolo.*

Quam pretiosus sis si Factori forte non credis, interroga Redemptorem. *Idem Homilia 2. de Symbolo.*

Dilectissimam esse animam suam homini etiam diabolus non negavit: & qui avertere omnino cunctos ab affectu animarum suarum nititur, idem tamen charissimas esse debere cunctis suas animas confitetur. Quis furor est viles a vobis animas vestras haberi; quas etiam Diabolus putat esse pretiosas? Quis furor est viles a vobis haberi quas etiam ille charas vobis debere esse dicit qui viles facere conatur? Ac per hoc quicunque animas suas negligunt, etiam infra judicium diaboli se amant. SALVIANUS *Libro III. ad Ecclesiam catholicam, ante medium.*

Quid tibi o infelicissime homo proderit si omnem mundum aut ipse habeas, aut tuis posteris relinquas, si salutis atque animæ detrimentum patiaris? Damna enim animæ totum penitus auferunt. Nec quidquam homo omnino habere poterit, qui se ipsum damno animæ pereuntis amittat. *Idem ibidem prope finem.*

Magna res anima, quæ Christi sanguine redempta est! Gravis animæ casus quæ non nisi Cruce Christi potuit reparari! S. BERNARDUS *Epistola* 54.

Pretiosum depositum istud quod sibi Christus sanguine proprio pretiosius judicavit! *Idem Sermone* 3. *de Adventu.*

C A P U T II.

Fontes.

TERTULLIANUS *Libro de anima.*

ORIGENES *Homilia* II. in *psalmum* 37. quam parum agamus pro anima, cum tanta pro corpore.

S. GREGORIUS THAUMATURGUS *supposita sibi Disputatione de anima ad Tatianum.*

LACTANTIUS *Libro* III. *divinaram institutionum cap.* 17. Et rursus *Libro* VII. *earundem a cap.* 8. animam esse immortalem. *Ibidem cap.* 13. de existentia agit & spiritualitate animæ. Idem & in *Libro de Opificio Dei a capite* 17. varia huc affert.

S. ATHANASIUS in *Oratione adversus gentiles*, præclare prorsus philosophatur de spiritualitate & immortalitate animæ nostræ.

S. BASILIUS M. *Homilia* 3. in illud: Attende tibi ipsi. *Homilia* in *psalmum* 48. *Homilia* 8. in *Heræmeron*, ubi de Metempsychosi. Adde *Orationem collectianam numero* 23. *de Anima.*

S. GRE-

S. GREGORIUS NAZIANZENUS *Carminē* 7. *arcano de anima.*

S. GREGORIUS NYSSENUS præter orationes, quas habet de anima ejusque imagine, &c. consulendus in *Dialogo cum Macrina*, & in *Oratione, qua castigat eos, qui ægre ferunt reprehensiones*; nam & hic de grandibus animæ dotibus commemorat. Denique de anima etiam agit *Libro de hominis opificio, pluribus sparsim capitibus.*

S. AMBROSIIUS *Libro de Isaac & anima: Item Epistolis ante 21. & 22. vel etiam 38. & 39; nunc 34. & 35. ad Horontianum.*

S. CHRYSOSTOMUS *Parænesi* 1. *ad Theodorum, de pulchritudine animæ.*

Libro 1. de compunctione cordis ad initium & finem. de cura animæ.

Homilia 12. in Genesin. de eadem.

Homilia in Psalmum 48. de pretio animæ.

Homilia 43. in Matthæum de neglectu animæ.

Homiliis vero 27. & 56. in Matthæum de animæ dotibus.

Homilia 60. in Matthæum de cura animæ.

Homilia 11. in ad Romanos de colenda, ornandaque anima.

Homilia 8. ad populum de cura animæ.

Homilia de capto Eutropio Tomo III. novo.

Ecloga 8. de anima Tomo XII. novo.

S. AUGUSTINUS *Libris quatuor de anima, & ejus origine.*

Libro de immortalitate animæ, qui est obscurior; sed sensa habet pretiosa.

Libro de quantitate animæ.

Libris VII. X. & XII. de genesi ad litteram.

S. AUGUSTINUS *Libro de Trinitate*, qui est de natura animæ.

Libro XXII. de Civitate cap. 24. de dotibus animæ.

Libris Soliloquiorum, quorum II. cap. 14. præstanter de immortalitate. *

Libro supposito de spiritu & anima.

Epistolis compluribus, quæ ut vides in *Indice Maurino*, jam de origine animæ, jam de natura, jam de motu, jam de visione, jam de solutione pertractant **.

Adde Librum contra Epistolam fundamenti cap. 16. de invisibilitate animæ; Et Librum X. Confessionum cap. 8. & seq. de præstantia memoriæ.

Anno 1732. Viennæ primum edita est *Epistola Augustini ad Optatum Milevitanum de natura & origine animæ*, quam Godefridus Besselius, Abbas Gottwicensis in Austria unacum alia suo loco memoranda ex *Codice M. S. Sæculi XII.* transcripserat. Habetur etiam in nupera *Editione Veneta S. Augustini.*

S. ISIDORUS PELUSIOTA *Libro IV. epistola 125.* de immortalitate animæ. Idem *Libro eodem epistola 164.* de lapsu animarum, quem adstruxit Origenes.

EUSEBIUS GALLICANUS *Homilia 6. de Pascha: & Homilia de latrone beato circa medium*, de pretio animæ.

THEODORETUS *Sermone 4. de Providentia.*

ÆNEAS

* Vide in loci laudem Editores Ambrosii Maurinos, *Præfatione in Tomum II.*

** Nec omitte *Responsorias Hieronymi de Origine animarum.*

ÆNEAS GAZEUS *Dialogo de animarum immortalitate & corporum resurrectione.*

NEMESIUS *Libro de homine, pluribus capitibus.*

CLAUDIANUS MAMERTUS *Libris tribus de statu animæ, qui, ut ait Natalis Argonenſis, Parte IV. cap. 11. ita convenit cum Metaphyſicis quorundam recentiorum meditationibus, ut eundem exciſiſſe illi videantur.*

CASSIODORUS *Libro de anima.*

S. MAXIMUS MARTYR *Libro de anima.*

B. ALCUINUS *Libro de animæ ratione ad Euliam Virginem.*

B. RABANUS MAURUS *opusculo de anima, & virtutibus ad Lotharium Regem.*

HUGO A S. VICTORE *Libris IV. de anima. Idem habet opusculum de anima Chriſti.*

S. BERNARDUS *in Meditationibus, ſeu Libro de anima. Eſt Liber I. inter quatuor Hugonis modo dictos.*

RICHARDUS A S. VICTORE *Libro III. cap. 21. Benjamin junioris de prærogativis animæ, præclare.*

PETRUS BLESENSIS *de Charitate Dei & proximi cap. 21. de animæ excellentia.*

AELREDUS RIEVALLENSIS *Libris duobus de Natura, & de Dotibus animæ.*

GREGORIUS PALAMAS *in Comparatione animæ & corporis, Tomo XVI. Bibliothecæ Lugdunenſis, præſtanter.*

GUILIELMUS PARISIENSIS *Libro de immortalitate animæ.*

S. BERNARDINUS SENENSIS *Tomo 1. Sermone 50. de animæ dignitate.*

Plura dābunt Tituli: *Homo, Salus &c.*

TITULUS VI.

De Avaritia.

CAPUT I.

Loci.

U^sque ad mortem Domini amor lucri se ingerit, nec vitæ Salvatoris quæstus desiderium parcit. *Creditus CYPRIANUS sermone de jejuniis & tentatione Christi.*

Pro nefas! Quid tibi tua tollis infelix? quid extraneo facies, qui in te avarus es? *S. Zeno Sermone I. de Avaritia.*

Quid de Avaritia dicam infatiabili pecuniæ cupiditate, & quadam æris libidine, quæ quo plura abstulerit, eo magis inopem esse se credit? Omnibus invida, sibi vilis, in summis divitiis inops, affectu extenuat, quod censu abundat. *S. AMBROSII Libro de Abel, & Cain cap. 5.*

Duo intolerabilia simul jungit, ut spem divitiis augeat, & non deponat mendicitatis affectum. *Idem Libro I. de Nabuth cap. 2.*

Sibi deesse arbitratur, quidquid ab aliis possidet. *Idem ibidem.*

Si Dominus Jesus propria non desideravit, tu aliena cur quæris? *Idem Libro IV. in Lucam, ad caput 4.*

Avarus custos est non dominus pecuniarum: servus non possessor. *S. CHRYSOSTOMUS homilia 2. ad populum.*

Quousque nulla nos capit satietas inexplebilis hujus cupiditatis? Quidnam pulchri, bonive habet aurum? Totus plane stupeo! Hoc plane quædam sunt præstigiæ aurum & argentum a nobis in tanto honore haberi! Atque animarum quidem nostrarum

rum nos nullam habemus rationem; inanimas autem imagines valde colimus. Undenam orbæ terræ invalit hic morbus? Quis eum poterit exterminare? Quænam ratio immanem hanc belluam excindere, & penitus delere poterit? Inlita est in animis hominum cupiditas etiam eorum qui videntur esse pii, ac religiosi. Evangelicorum nos pudeat præceptorum! verba sita sunt solum in scriptura, factis autem nusquam apparent! *Idem Homilia 10. in I. ad Thessalonicenses.*

Propter pecunias vita non est vitalis. Pecuniarum cupiditate elementa libera vendidimus: viæ vectigalia pendunt, terra sorte dividitur, aquæ imperio tenentur, aër venditur, decimarum, tributorum, & vectigalium coactores urbes occupant, divites curis conficiuntur, foeneratores solitudine tabescunt, direptores vitam perturbationibus implent, cupidi pecuniarum in iudicio, foroque, versantur, mercatores ex calamitatibus & jacturis lucra sectantur, calumniatores mendacium vendunt. Quoniam mentiri inter nos soliti sumus, jurisjurandi religionem sustulimus. ad jurandum tantum Deum novimus. *Idem Homilia in illud psalmi 38: Verumtamen frustra conturbatur.*

Cavete, inquit, quid? unde? *ab omni avaritia!* Meum servo, alienum non tollo. *Cavete ab omni avaritia!* Non solum avarus est qui rapit aliena, sed & ille avarus est qui cupide servat sua. Sed si sic culpatur qui cupide servat sua, quomodo damnatur qui rapit aliena? S. AUGUSTINUS *Sermone 107. alias 196. de tempore & 28. de diversis.*

Quæ est ista aviditas concupiscentiæ, cum ipsæ belluæ habeant modum? Tunc enim rapiunt quando esuriunt; parant vero prædæ cum senserint satietatem. Inlasiabilis est sola avaritia divitum. Semper rapit, & nunquam satiatur. Non Deum timet, nec hominem reveretur. Non patri parcit,
non

non matrem agnoscit, nec fratri obtemperat, nec amico fidem servat. *Idem sermone 367. alias 25. de verbis Domini.*

Idem præclarum iis responsum ministrat, qui pecuniis ad aliquod peccatum sollicitantur. Pretium meum non aurum, sed sanguis Christi est. Non me seducis, non me decipis. Quantumcunque mihi conferas, non mihi tollis pretium meum. Pecunia tua sit tecum in perditionem; nam pretium meum non habet æstimationem. *Oratione de quinque hæresibus cap. 7.*

Una (avaritia) omnibus armata criminibus vel si sola nos capiat, & zabulo ad malitiam, & homini ad mortem sufficit. S. PAULINUS *Epistola 2. nunc 24. ad Severum.*

Pauper sensus! parvis incubans perdit magna, & inhians temporalibus deserit sempiterna. S. CHRYSOLOGUS *Sermone 22.*

Lucro pecuniæ damnum vitæ ementes ut aquirant quæ non sunt sua, prodigunt quæ sunt sua, mandantes terræ thesauros luctuosos, hæredibus breve gaudium, auctoribus longum mœrorem allaturos, fraudantes usu rerum præsentium tam alios quam seipfos: condentes profundis specubus infernas opes: simul pecuniam, ac spem suam infodientes. SALVIANUS *Libro I. ad ecclesiam catholicam, initio.*

Inæstimabile malum est bonis a Deo datis non bene uti. *Avaro enim, inquit Scriptura sacra, nihil est scelestius: Et pessimum & feralissimum morbi genus divitiæ conservatæ in malum Domini sui.* Verum est. Quid enim pejus, aut quid miserius quam si quis præsentia bona in mala futura convertat, & quæ ad hoc a Deo data sunt, ut pararetur ex eis vitæ beatitudo perpetua: per hæc ipsa quærat mors ac damnatio sempiterna? In quo & illud considerandum est, quod si servatæ divitiæ ad malum homi-

nis conservantur, quanto utique ad majus malum coacervantur? Quotus enim quisque nunc divitum tantæ est continentia, qui opes custodire contentus accumulare jam nolit? O miseria temporis, & ecclesiasticæ plebis! ad quid redacta est! ubi cum scriptum sit, quod servare opes genus sit magni criminis: non augere jam genus putatur esse virtutis. *Idem ibidem inferius.*

Humanum est quod ab omnibus vobis o divites mundi hujus petitur, ac deliciosum: Si impetrari ab unoquoque vestrum non potest, ut esse in hoc sæculo pauper velit, præstat sibi saltem ne in æternitate mendicet. Qui præsentem inopiam tantum fugitis, cur in perpetuum non reformidatis? In brevibus meticulosi longa & interminabilia vitæ! Quid tantopere in vita ista paupertatem horretis? Quid expavescitis? minus multo est quod hic timeris. Si tenuitatem temporariam gravem ducitis, qualis quæso erit illa quæ nunquam desinet? Quasi vestri apud vos animi rem agimus, vestrique voti. Si usu vestrarum rerum penitus carere non vultis, id agite ne aliquando careatis. Deliciosam a vobis rem & voluptuariam poscimus, qui sine divitiis omnino esse non acquiescitis, id agite ut divites semper esse possitis. *Idem Libro 2. ad Ecclesiam catholicam, in fine.*

O improvida mortalitas! Quid nos in lucris pereuntibus occupamus? Ecce vita æterna venalis est. S. FAUSTINUS *inter Sermones Eusebii Gallicani.*

Quis plurimum habet? Is qui minimum cupit. S. MARTINUS BRACARENSIS *in Sententiis de Moribus.*

Pecuniæ imperare oportet, non servire. *Venerabilis BEDA in Sententiis.*

Quærat eas (Divitias) paganus qui sine Deo vivit: Quærat Judæus qui terrenas promissiones accepit; sed qua fronte, magis autem qua mente
Chri-

Christianus divitias quærit, postquam Christus beatos esse pauperes prædica-
vit? S. BERNARDUS *Sermone I. in festo omnium Sanctorum.*

CAPUT II.

Fontes.

S. CYPRIANUS *Libro de lapsis: Libro de opere & eleemosyna: Epistola 2. ad Donatum.*

S. ZENO VERONENSIS *Sermonibus de avaritia; quorum unus est Basilii magni, versus a Ruffino, id quod alibi docebimus.*

S. BASILIUS M. *Homilia 6. in illud: Destruam horrea mea &c.*

Homilia 7. in divites.

Homilia 8. in famem & siccitatem.

Homilia 21. quod rebus mundanis adhærendum non sit.

Homilia supposititia, quæ in Lazicis est dicta.

S. GREGORIUS NAZIANZENUS *Carminibus Jambico 22. adversus opum amantes.*

S. GREGORIUS NYSSÆNUS *Homilia 3. in Ecclesiasten.*

S. AMBROSIIUS *Libro de Nabuth: Libro de Elia & jejuniis: Libro I. officiorum cap. 49.*

ASTERIUS AMASÆNUS *Sermone adversus avaritiam: et sermone de œconomo iniquitatis.*

THEOPHILUS ALEXANDRINUS *Epistola 3. Paschali ad finem.*

S. CHRYSOSTOMUS *perpetuo; quare sufficit eminentia quædam allegare, videlicet:*

Homiliam 2. ad populum.

Homiliam 19. in Genesin.

Homiliam in illud psalmi 38. Verumtamen frustra conturbatur.

Homiliis 9. 29. 64. 81. 82. 84. in Matthæum.

S. CHRY-

S. CHRYSOSTOMUS *Homilia* 11. & 13. in ad Romanos.

Homiliis 11. 14. 35. in 1. ad Corinthios.

Homilia 23. in II. ad Corinthios.

Homilia 18. in ad Ephesios.

Homilia 10. in I. ad Thessalonicenses.

Homiliis 8 & 17. in I. ad Timotheum.

Homilia 5. in II. ad Timotheum.

In Eclogis pluries.

Obiter etiam, sed sane graviter *Homilia* 86. in Matthæum, ubi de Juda referente triginta argenteos.

S. HIERONYMUS in *Proæmio ad Librum VIII. Commentariorum in Ezechielem*, & *Libro I. in Habacuc cap. 2.*

S. AUGUSTINUS *Libro de decem chordis cap. 12.*

Libro de disciplina christiana, seu de domo disciplinæ pluribus capitibus.

In *Expositione psalmi* 51. post medium.

Homilia 48. ex 50. nunc sermone 86. in *Appendice.*

Sermone 50. alias 15. de diversis.

Atque aliis quamplurimis locis, præcipue vero in *psalmos.*

S. ISIDORUS PELUSIOTA *fuse & præclare Libro II. epistola* 233. item *Libro eodem epistola* 146.

S. CASSIANUS *Libro VII. toto de institutis renuntiantium, seu Monachorum Aegypti.*

S. EUCHERIUS *Parænesi ad Valerianum, ante medium.*

S. CHRYSOLOGUS *Sermonibus* 25. & 162.

S. LEO *Sermone* 9. de *Passione.*

SALVIANUS *Libris quatuor ad Ecclesiam Catholicam, qui sunt toti contra hoc vitium.*

S. VALERIANUS CIMELIENSIS *Homilia* 20. de avaritia agit.

S. MAXIMUS TAURINENSIS *Homilia de Martyribus inter æstivales de Sanctis ultima, egregie.*

JULIANUS POMOERIUS *Libro II. de vita contemplativa cap. 14. de avaritia meritorum potius quam nummorum.*

S. GREGORIUS M. *Libro XV. Moraliū capitibus pluribus. Item Libro XVIII. eorundem Moraliū capitibus 18. & 19.*

S. JOANNES DAMASCENUS *Parallelorum Titulo IX. litera & alias Libro II. cap. 17.*

S. BERNARDUS *sermone 21. in Cantica. Sæpe etiam in avaritiam Clericorum concitatur. Locos indicabimus ubi de Clericis & Sacerdotibus erit sermo. Idem dicendum de PETRO BLESENSI.*

GUERRICUS ABBAS *sermone 2. de Resurrectione Domini in stupiditatem avarorum.*

JOANNES SARESBERIENSIS *Libro VIII. Policratici capitibus 13. & 15. ipse quoque invehitur in avaritiam.*

Plura dant Tituli: *Divitiæ, Eleemosyna, Justitia, Oeconomia, Paupertas, Restitutio, Usura.*

TITULUS VII.

De Blasphemiiis, Juramentis, Maledictis &c.

CAPUT I.

Loci.

DE BLASPHEMIIS.

Quomodo tu hodie in mundo constitutus, & cras tribunali ipsius præsentandus audes talia eloqui: & non metuis ne forte ignis e cœlo descendat, & devoret te, dum tu sic os adversus omnipotentem aperis: neque vereris, ne forte terra sub te repente dirumpatur, teque absorbeat? Ne deci-

decipiaris o homo ! impossibile enim est manus ef-
fugere Creatoris nostri. S. EPHRAEM PARÆNESI 43.

Tomo II. novo, græcolatino.

Blasphemantis furor non medelam doloribus
præstat, sed cruciatum mortis accumulatur. Illius
quippe mortis quæ nec finem miseriis tribuat, &
exordium sit poenarum, quas ultor Deus blasphe-
mantibus præparavit. S. GAUDENTIUS in *Præfatione*
Traſtatuum, five Sermonum suorum ad Benevolum.

Unam a vobis petere volo retributionem pro
concione hac atque sermone, ut in civitate blasphe-
mantes mihi castigeris. Si quempiam in bivio &
foro Deo blasphemantem audieris, accede, incre-
pa, & si verbera infligere oporteat, ne recuses :
ipsius faciem alapa percutite, contere os ipsius. per-
cussione manum tuam sanctifica ; & si ulli accusa-
verint, & si in judicium traxerint, sequere : & si
poenas judex pro tribunali repoposcerit, dic cum
libertate, quod Angelorum Regem blasphemaverit.
Si enim regem terræ blasphemantes puniri oportet,
multo magis illum contumelia afficientes. Com-
mune crimen est, publica injuria, cuique accusare
volenti licet. Discant & Judæi & gentiles chri-
stianos esse civitatis conservatores, & curatores,
& præfides & magistratos. Et idem discant disso-
luti & perversi, timendos sibi esse Dei servos, ut
siquid tale loqui unquam aggrediantur, sese undi-
que circumspiciant, & umbras timeant anxii, ne
forte Christianus audiens insiliat, & vehementius
puniat. Non audisti quid Joannes fecerit ? Ty-
rannum vidit, hominem nuptiarum leges subver-
tentem : & cum fiducia in medio foro dicit : *Non*
licet tibi habere uxorem Philippi, fratris tui. Ego
autem non ad Tyrannum te duxi, neque ad judi-
cem, neque pro nuptiis illegitimis, neque pro con-
servis contumelia affectis ; sed pro furore in Domi-
num æqualem ut castiges deposco. Nonne si tibi

divissem: Reges, vel Judices prævaricantes puni vel corrige, me infanum dixisses? Et tamen Joannes hoc fecit. Adeo non est id supra nos. Nunc vero saltem conservum vel æqualem corrige: & si mori opus sit, castigare fratrem ne torpeas. Martyrium tibi hoc est; quoniam & Joannes Martyr fuit. Non sacrificare jussus fuit, neque idolum adorare, sed pro sacris legibus temeratis caput deposuit. Et tu igitur pro veritate usque ad mortem contende; & Deus pugnabit pro te. S. CHRYSOSTOMUS *homilia 1. ad populum in fine.*

Idem Oratione 2. de Fato, & Providentia, initio, loquens de maledicentibus patri, aut matri. Quid jam dixerimus de iis, qui nunc in gratia sunt, & in rerum veritate, in tantaque cognitione versantur, ipsique non patri & matri, sed Deo universorum maledicunt? quodnam illos excipiet supplicium? quis cruciatus nequitiae tantæ par erit? quis fluvius igneus, quis vernis immortalis, quæ tenebræ exteriores, quæ vincula, quis stridor, quis fletus? Omnia tormenta quæ jam sunt, & quæ ventura sunt, non sufficient animæ sic affectæ, & in tantam nequitiam lapsæ.

Nullum, nullum utique est peccatum hoc deterius, nullum æquale; sed additamentum malorum est, quod omnia confundit, quod inexpiabili & intolerando plectitur supplicio. *Idem ibidem.*

Raro jam inveniuntur qui (Christum) lingua blasphemant; sed multi qui vita. S. AUGUSTINUS *Tractatu 27. in Joannem ad finem.*

Quantaslibet laudes Dei lingua tua sonet, vita blasphemat. *Idem Enarratione in psalmum 146. post initium.*

Deo contumelia dicitur. Equis in pugnam non armetur! S. BASILIUS SELEUCIENSIS *Oratione 15. in Davidem.*

Lin-

Linguam blasphemia ne polluatis; quin laudis organum efficit, quæ in hunc usum facta est. THEODORETUS *ad finem orationis* 10. *de Providentia.*

Non sufficiunt multis consuetudinarii reatus: non sufficiunt lites, non rapinæ, non calumniæ: non sufficiunt violentiæ: non sufficiunt comestationes: non sufficiunt falsitates: non sufficiunt perjurya; non sufficiunt adulteria: non sufficiunt homicidia: non sufficiunt denique cuncta ista, etsi atrocitate inhumanissima, re tamen ipsa ad humanas injurias pertinentia; nisi blasphemix furiosarum mentium manus injiciant etiam in Deum. *Posuerunt enim, sicut de impiis scriptum est, posuerunt in cælum os suum!* SALVIANUS *Libro 4. de gubernatione Dei ante medium.*

O cæcam impudentiam! o sacrilegam temeritatem! non sufficit enim nobis quod peccatis innumerabilibus involuti rei in omnibus Deo sumus; nisi & accusatores Dei simus. Et quæ rogo homini spes erit, qui ipsum accusat judicem judicandus? *Idem ibid. inferius.*

O inæstimabile facinus, & prodigiosum! quid non ausæ sunt improbæ mentes? armant se ad latrocinandum per Christi nomen, auctorem quodammodo sui sceleris Deum faciunt. *Idem ibid. inferius.*

Qui blasphemare alios peccans fecerit, necesse est peccatum hujus supra criminis humani esse mensuram. *Idem ibid. inferius.*

O tuam Christe patientiam! o longanimitatem quæ omnem cogitationem excedit! unice & verissime creator, & effector omnis creaturæ aspectabilis & inaspectabilis! cur tales blasphemias sustines? Cur adhuc fulmina cohibes, terramque contines: neque illa in hæc tam nefanda capita vibras, neque hanc aperis, & detrudis scelestos illos, qui fidei servo tuo Moyse audacius obstitunt, quam

Dathan, & Abiron cum suis? Tu honorans famulum tuum hiatu terræ istos contegis. Alienum ignem filii Aaron altari inferunt, & ecce! superne in ultionem exurgit cœlum, fulguribus contra injuriosos missis. His vero atheis & sceleratissimis non jam Moyse obluantibus, sed tibi, qui univerforum Rex es & omnipotens Deus, teque tuis ex operibus, ex dominatione, imperio, cura, & providentia ejicere conantibus fauces terræ adhuc concludis, neque permittis, ut execrandos istos deglutiant! Non alienum imponunt ignem, sed alium conditorem statuunt, & in opera manus tuæ subintroducunt adversarium, & desertorem tuum, quem pedibus in te credentium subjecisti. Ubi vero fulmina? cur non vertuntur in cineres? quid adhuc moraris? *Germanus Patriarcha Constantinopolitanus Oratione in Exaltationem venerandæ crucis & contra Bogomilos. Extat Tomo II. Gregorii a pag. 112.*

Quid in his verbis intolerabilius judicem blasphemiam, an arrogantiam? quid damnabilius temeritatem, an impietatem? an non justius os loquens talia fustibus tunderetur, quam rationibus refelleretur? S. BERNARDUS *Epist. 190. ad Innocentium Papam.*

O lingua diabolica! quid te potest inducere ad blasphemandum Deum tuum, qui te plasmavit: in quo tuum summum bonum consistit: qui te cum pretioso sanguine redemit? S. BERNARDINUS SENENSIS *Tomo III. Serm. 33. parte 2. principali.*

Cedo enim mihi, num hujus tui facti vel malam excusationem proferre potes? prorsus nullam. Si enim Deum non vis laudare, ne saltem execreris illum: non lubet illum decantare, & glorificare, at tace, & ne blasphemias effunde. CALLISTUS *Patriarcha Constantinopolitanus Homilia*

in

in Exaltationem pretiosæ & vivificæ crucis, apud eundem Gretserum ibid. a pag. 187.

De JURAMENTIS.

Et contristatus est Rex propter jusjurandum, inquit. O religionem novam! tolerabilius pejerasset. Unde non immerito Dominus in Evangelio jubet, non esse jurandum; ne sit causa perjurii, ne sit necessitas delinquendi. Itaque ne jusjurandum violaretur, percutitur innocens. Quid prius horrescam nescio. Tolerabiliora perjuria, quam sacramenta Tyrannorum. S. AMBROSIIUS Libro 3. de Virginibus, ante medium.

Leges de non jurando erubesco proferre in medium non solum ob juramenta, sed etiam ob perjuria frequentia. Etenim si jurare, etsi vere, crimen est, & præcepti prævaricatio, perjurium ubi ponemus? Et si id quod *Est & Non* excedit, a malo est, quod hoc etiam exsuperat a quo tandem erit? S. CHRYSOSTOMUS Libro I. de compunctione cordis, ante medium.

At non credet, inquires. Nam hoc ego ab aliquibus audiui. Nisi mille juramenta proferam non credet. Tu in causa es qui tam facile juras. Nam si hoc non esset, sed omnibus notum esset. te nunquam jurare, crede mihi dicenti vel inveniendi tibi magis crederetur, quam iis qui mille juramenta devorant. Nam cui quæso magis creditis, mihi non juranti, an jurantibus? Sed tu, inquires, es princeps, & Episcopus. Quid igitur, si ostendero me non hoc solum esse? Cum veritate quæso respondete mihi: Si frequenter & semper jurarem, an prodesset mihi principatus? Minime. Viden non illam esse causam. *Idem Homilia 9. in Acta ad finem.*

Jurisjurandi religionem sustulimus. Ad jurandum tantum Deum novimus. *Idem creditus homilia in illud psalmi 38.* Verumtamen frustra conturbatur,

Si jurare minime vis, ne ab aliis quidem ut jurent extorque; idque duplici de causa; nimirum aut quia veri studiosus est qui interrogatur, aut contra quia libenter mentitur. Si enim ille vera loqui solet, omnino, etiam nullo interposito jurejurando vera loquetur. Si autem mendax est, jurans etiam mentietur. Quapropter duplici hoc nomine jusjurandum haud quaquam exigendum est. S. ISIDORUS PELUSIOTA *Libro I. epistola 155.*

Corruptissimis moribus ad hoc mos jurandi servabatur antiquus, non ut a sceleribus metu religionis prohiberentur, sed ut perjuria quoque sceleribus ceteris adderentur. S. AUGUSTINUS *Libro II. de Civitate Dei cap. 2.*

Ne omnino juremus mihi propterea dictum videtur, non quia jurare peccatum est: sed quia perjerare immane est, a quo nos longe esse volumus, qui omnino ne juremus admonuit. *Idem Epistola 154. nunc 46. ad Publicolam.*

Plura sunt plerumque juramenta quam verba. Si discutiatur homo quoties juret per totum diem, quoties se vulneret, quoties gladio linguæ se feriat, & transfigat, quis in illo locus invenitur sanus? *Idem sermone 180. alias 28. de verbis Apostoli.*

Et cum tibi creditur juras? & cum nemo exigit juras? & horrentibus hominibus juras? *Idem ibidem superius.*

Scribite in cordibus vestris quod dico: ille qui hominem provocavit ad jurationem, & scit eum falsum esse juraturum, vincit homicidam; quia homicida corpus occisurus est, ille animam, imo duas animas; & ejus quem jurare provocavit, & suam

suam. Scis verum esse quod dicis, & falsum esse quod ille dicit, & jurare compellis? Ecce jurat! ecce pejerat! ecce perit! Tu quid invenisti? imo & tu peristi, qui de illius morte te fatiare voluisti. *Idem Sermone 308. aliis 11. inter additos a Parisiensibus.*

Jussit Salvator noster, ut christiani non jurent. Plures invenies qui sæpius pejerent, quam qui omnino non jurent. SALVIANUS *Libro II. de gubernatione Dei circa medium.*

Perjurium ipsum sermonis genus putat esse, non erimins. *Idem Libro 3. ejusdem operis.*

DE MALEDICTIS.

Non maledicet unquam, qui expectavit a Domino benedictionem. LACTANTIUS *Eptomes capite 4.*

Maledicentibus benedicere jussi eosdem innumeris maledictis oneramus. Quid hac contraria agendi ratione vehementius, quid gravius hac pugna, qua contra Legislatorem decertamus, omnibus ejus præceptis adversi stantes? S. CHRYSOSTOMUS *Libro I. de Compunctione cordis cap. 1.*

Divus AUGUSTINUS *de cæco illo, cui, cum sanatus esset, Judæi maledixerunt: Illis maledicentibus Dominus benedixit. Enarratione in psalmum 39. versus finem.*

Si ego tibi vellem pro maledictis rependere, quid aliud nisi duo maledici essemus? *Idem Libro III. contra literas Petiliani, cap. 1.*

Jussit quoque (Salvator) ut nemo malediceret. Cujus non sermo maledictio est? prima enim semper irarum tela maledicta sunt, & quidquid non possumus imbecilli, optamus irati: ac sic in omni

animorum indignantium motu votis malis pro armis utimur. SALVIANUS *Libro 3. de Gubernatione Dei, post medium.*

TITULUS II.

Fontes.

DE BLASPHEMIIS.

S. EPHRÆM *Parænesi citata, & responsione ad interrogationem: Quomodo blasphematur Deus? De blasphemantibus ipso opere.*

S. GREGORIUS NYSSENUS *Oratione 3. de Beatitudinibus, ne occasionem blasphemiae Gentilibus præbeamus.*

S. CHRYSOSTOMUS *homilia in psalmum 127. egregie præcavet blasphemias.*

Idem contra eam agit Homilia 3. contra Anomæos. Item Homilia 3. de Lazaro: & Homilia 8. in ad Philippenfes, ubi contra initia blasphemiae.

SALVIANUS *Libro 3. de gubernatione Dei* insurgit in christianos blasphemantes, seu peccatis suis blasphemare alios facientes.

S. JOANNES CLIMACUS *Gradu 23. de cogitationibus blasphemis, quibus quandoque homines pii infestantur.*

S. JOANNES DAMASCENUS admirabili eloquentia concitatur in blasphemias Manichæorum *Dialogo adversus Manichæos. Locum alibi dedimus, cum de Figura Exclamationis.*

RICHARDUS A S. VICTORE *Traçtatu de spiritu blasphemiae.*

S. BERNARDINUS SENENSIS *Tomo I. Sermones 41. toto de blasphemia agit.*

DE JURAMENTIS.

S. BASILIUS in *psalmum* 41. ostendit juramenta fidem minuere, non augere. Sed & alia huc affert haud poenitenda.

S. GREGORIUS NAZIANZENSIS *Carminibus* Jam-
bico 20. *adversus eos qui frequenter jurant.*

S. AMBROSII *Libro III. de officiis cap. 12.* impugnat juramenta inconsiderata.

S. CHRYSOSTOMUS *tota fere quadragesima in homiliis ad populum cum Juramento pugnavit; quo fructu, quamque feliciter, lege in homilia de debitore decem millium talentorum.*

Idem versat sanctissimus Doctor *Catechesi* 1. *ad illuminandos Tomo II. novo.*

Homilia 17. in Matthæum.

Homiliis 8. 9. & 10. in Acta.

Homilia 12. in ad Romanos.

Homilia 2. in ad Ephesios.

De iis, qui ad aram cogunt alios jurare, illustrem ex eo locum dedi *Libro quinto capite secundo, ubi de genere dicendi sublimi.*

S. AUGUSTINUS *Libro contra mendacium cap. 18.* etiam agit de juramentis.

Libro item I. de Sermone Domini in monte cap. 17.

Libro contra Fortunatum Manichæum disputatione 2.

Epistola 224. nunc 125. ad Alipium.

Sermone 180. alias 28. de verbis Apostoli.

Sermone 307. olim 10. inter additos a Parisiensibus.

Sermone 308. supra laudato.

SALVIANUS *Libro 4. de Gubernatione Dei* in jurantes egregie invehitur. Aureus est autem locus ille

ille, quo petit per Christum asseverantes, se aliquid mali esse patratos.

Meretur etiam Patribus in appendice saltem adscribi, quod habet LUDOLPHUS *Libro de vita Christi capite 38.*

DE MALEDICTIS.

S. CHRYSOSTOMUS *homilia in psalmum 49. : homilia 44. in I. ad Corinthios, & homilia 1. in ad Hebræos.* Adde *homiliam 2. in locum Pauli : Salutate Priscillam, contra maledicentes Sacerdotibus.*

S. AUGUSTINUS *Libro XXII. de Civitate cap. 8. Et Sermone 322. alias 31. de diversis, quam exitialis sit execratio parentum, intorta in liberos. Idem Enarratione in psalmum 35. de Christo agit, qui maledictis nihil minus quam maledicta reponerat.*

S. NILUS *Epistola 309. ad Orestam, inter editas a Petro Possino.*

Possit etiam in argumento parum vexato vocari in subsidium Liber PHILONIS HEBRÆI de *Execratione*; quando ipse S. Hieronymus haud dubitavit *Catalogo Scriptorum Ecclesiasticorum* hominem inferere.

TITULUS VIII.

De Cælo & gaudiis ejus.

CAPUT I.

Loci.

S. BASILIUS magnus *homilia 6. hexaemeron de astorum pulchritudine, in quorum nocturna serenitate jubet oculos intendere assurgens ad ipsas sedes beatorum,*

rum, ita loquitur: Nostræ vitæ præsentis & futuræ auctorem colere non desinemus, qui scilicet per eas quas jam largitus est divitias etiam bonis promissis fidem faciat, ac ea quæ expectantur præsentium experimento nobis confirmet. Etenim si temporaria talia sunt, qualia erunt æterna? item si visibilia adeo pulchra sunt, qualia censenda sunt invisibilia? Si cœli magnitudo exsuperat humanæ intelligentiæ mensuram, quisnam intellectus valeat sempiternorum naturam perscrutari? Si sol ille corruptioni obnoxius, adeo pulcher est, & adeo magnus, cum velox ad motum, tum ordinatos circuitus explens magnitudinem quidem ad universum ita accommodatam nactus, ut eam quam cum universo habet proportionem non excedat, sua vero pulchritudine tanquam naturæ oculus quidam pelucidus res creatas condecorans: hujus si insatiabilis est aspectus, quali pulchritudine sol justitiæ præditus est? Si hunc solem non conspiciere cæco detrimentum est: quale est peccatori dispendium vera luce carere?

Quæ dicendi facultas, quæ intelligentia poterit explicare illam beatitudinem & virtutem illam, voluptatem, gloriam, lætitiā, splendorem? *Quæ oculus non vidit, inquit, quæ auris non audivit, & in cor hominis non ascenderunt; quæ præparavit Deus iis qui diligunt eum.* Non dixit solum exsuperare, sed nec ullum unquam intellexisse, quæ Deus paravit iis qui ipsum diligunt. Cujusmodi enim bona consentaneum est esse ea, quæ Deus præparat, & instruit? Si enim cum nos fecisset, statim nulla re adhuc a nobis peracta tanta est largitus, paradisum, cum ipso colloctionem, immortalitatem est pollicitus, vitam beatam & a curis liberam: iis qui tam multa fecerunt, qui adeo strenue decertarunt, & pro ipso sustinuerunt, quid non donabit? Unigenito pro nobis non perpercit, germanum

manum ac proprium filium propter nos ad mortem dedit: Si nos cum inimici essemus, talibus dignatus est bonis, quoniam nos non dignabitur qui facti sumus amici? S. CHRYSOSTOMUS *homilia 23. in ad Hebræos in Morali.*

Si spes tam dulcis, quanto res dulcior erit? S. AUGUSTINUS *in Expositione psalmi 127. versu 2.*

Si singula bona tam delectabilia sunt, cogita intente, quam delectabile sit illud bonum, quod continet jucunditatem omnium bonorum: & non qualem in rebus creatis sumus experti, sed tanto differentem, quanto differt Creator a creatura. *Idem olim habitus Libro de spiritu & anima cap. 64.*

Bonum simplex, ipsum bonum quo cuncta sunt bona, ipsum bonum ex quo cuncta sunt bona, ipsa est delectatio Domini. Hanc contemplabimur. Jam videte Fratres! si vos delectant bona ista quæ appellantur bona: si vos delectant bona ista quæ non sunt per se bona (omnia enim mutabilia non sunt per se bona) qualis erit contemplatio incommutabilis boni, æterni, semper eodem modo manentis? Quandoquidem ista quæ dicuntur bona, nullo pacto nos delectarent, nisi ab illo essent, qui simpliciter bonus est. *Idem Enarratione 2. in psalmum 26.*

Credo videre bona Domini in terra viventium. O bona Domini! dulcia! immortalia! incomparabilia! sempiterna! immutabilia! Et quando vos videbo bona Domini? *Idem eadem Enarratione.*

Aliud desidera, si majus, si melius, si suavius inveneris! *Item ibidem, in fine.*

Tanta est pulchritudo justitiæ, tanta jucunditas lucis æternæ . . . ut etiamsi non liceret amplius in ea manere, quam unius diei mora, propter hoc solum innumerabiles anni hujus vitæ, pleni deliciis, & circumfluentia temporalium bonorum

rum

rum recte, meritoque contemnerentur. *Idem Libro III. de libero arbitrio, sub finem.*

Revera id, quod parat Deus diligentibus se, fide non comprehenditur, spe non attingitur, caritate non capitur. Desideria & vota supergreditur: aquiri potest, æstimari non potest. *Idem Sermone alias 253. de tempore, nunc 231. in Appendice.*

De rege autem qui horum medius residet, dicere vox nulla sufficit. Effugit enim omnem sermonem, atque omnem sensum humanæ mentis excedit decus illud, illa pulchritudo, illa virtus, illa gloria, illa magnificentia, illa majestas. Ultra enim omnem Sanctorum est gloriam ipsius inæstimabilem adipisci conspectum, & splendore majestatis ejus irradiari. *Idem Sermone alias 37. de Sanctis, nunc 209. in appendice.*

Noli mirari; quia in laboribus pararis, ad magnum aliquid pararis! *Idem concione 2. in psalmum 36. propius initium.*

O bonitas effusa! o ineffabilis affectio! in societatem census pastor oves assumit, atque ad consortium dominationis servos Dominus adsciscit, & ad participatum regni Rex gregem populi totius admittit! Sic, sic dat, cui deficere census, cui regnum minui, cui vacuari potestas non potest largiendo! S. CHRYSOLOGUS *Sermone 23.*

Deus regnum suum fragmento panis vendit! Quis excusare poterit non e mentem, quem tanta vilitas venditionis accusat? *Idem Sermone 41.*

Quam magnifica fulgebit perpetuis forma rebus, cum sit nunc tam speciosa perituris? S. EUCHELIUS *in Parænesi ad Valerianum.*

Dura hæc quidam putant, scio, & satis certus sum. Sed quid faciamus? nisi duris non itur ad regnum. *Arctæ enim, inquit Dominus, & angusta via est quæ ducit ad vitam.* Et Apostolus, *Existimo, inquit,*

inquit, quod non sunt condignæ passiones hujus temporis ad futuram gloriam quæ revelabitur in nobis. Indignum esse ad futuræ gloriæ comparisonem omne opus dicit humanum: & ideo nihil durum aut austerum Christianis videri debet; quia quantalibet pro sempiterna beatitudine Christo offerant, vile est quod datur, ubi tam grande est, quod accipitur. SALVIANUS *Libro 4. ad Ecclesiam catholicam in fine.*

Quam speciosa potest esse Jerusalem cœlestis, si sic fulget Roma terrestris? Et si in hoc sæculo datur tanti honoris dignitas diligentibus vanitatem, qualis honor & gloria, & pax præstabitur Sanctis contemplantibus veritatem? S. FULGENTII dictum, cum Romæ triumphum Regis Theodorici spectaret.

Tantum regnum tantum valet, quantum habes. Valuit Zacchæo dimidio substantiæ: valuit Petro, & Andreæ dimissis retibus, & navi: valuit viduæ duobus minutis: valuit alteri calice aquæ frigidæ. Pensate igitur Fratres, quid vilius cum emitur, quid quid carius cum possidetur? S. GREGORIUS M. *homilia 5. in Evangelia.*

In illa perfecta charitate innumerabilium angelorum beatorum & hominum, ubi nullus minus diligit alium quam seipsum, non aliter gaudebit quisque pro singulis aliis quam pro se ipso. Si ergo cor hominis de tanto suo bono vix capiet gaudium suum, quomodo capax erit tot & tantorum gaudiorum? S. ANSELMUS *in Profologio cap. 25.*

Quam magna est beatitudo illa tam abscondita ab oculis nostris. Nec enim oculus vidit, nec auris audivit, nec in cor hominis ascendit, quanta claritas, quanta suavitas, quanta jucunditas maneat nos in illa cognitione. Pax Dei est illa, quæ exsuperat omnem intellectum, quanto magis omnem sermonem nostrum? Quod ergo nulli datum est
expe-

experiri, nullus conetur effari. S. BERNARDUS *Sermone 4. in festo omnium Sanctorum.*

Idem loquens de illo: Centuplum accipiet, & vitam æternam possidebit: Verum si in præsentis commendatione centupli sermo deficit, & ex abundantia cordis angustia oris obstruitur: quid ni ad promissionem æternæ vitæ defectum proprium ipsa etiam cogitatio fateatur? Si id quod ex parte est, non valet eloqui nec expertus, quid inexpertus de perfectione balbutire conetur? *Oculus non vidit, Deus absque te, quæ præparasti diligentibus te!* Pax enim est quæ exsuperat omnem sensum, pax super pacem, indeficiens exultatio, torrens voluptatis divinæ, flumen lætitiæ, gaudium plenum. Cogita quidquid vis, quidquid potes exopta, excedit cogitatum omnem, desiderium omne exsuperat illa felicitas, æternitas illa, beatitudo illa. *Idem in fine declamationum.*

Ecce abundantia, qua impleatur humana cupiditas! Quæ est ista copia, ubi nihil quod nolis sit; totum sit quod velis? *Idem Sermone 16. de diversis, de triplici genere bonorum &c.*

C A P U T II.

Fontes.

S. CYPRIANUS *Sermone de Mortalitate, ad finem.*

S. EPHRÆM *Tomo III. novo, de Mansionibus beatis. Et de locis beatis. Et ibidem pag. 553. Sermone alio, qui solum latine extat.*

S. GREGORIUS NYSSENUS *de beatitudinibus, oratione 6.*

S. CHRYSOSTOMUS *Homilia de futurorum deliciis Tomo III. novo, mirifica eloquentia.*

Homilia in Psalmum 41.

Homilia 6. in ad Thessalonicenses.

Vol. VII.

E

S. CHRY-

S. CHRYSOSTOMUS *Homilia 6. in ad Hebræos, egregie.*

Parænesi I. ad Theodorum capitibus 7. & 9. sane præstanter.

S. HIERONYMUS *Epistola nunc & olim 129. ad Dardanum. Adde suppositam illi Epistolam ad Demetriadem in Appendice, a verbis: Respice quod promissum est.*

S. AUGUSTINUS *Libro V. de Civitate, cap. 18.*

Libro XII. de eadem cap. 30.

Libro XIV. cap. 25.

Libro XIX. capitibus 10. & 11.

Libro XXII. capitibus 24. 29. 30.

Libro de Genesi ad literam, in fine.

Libro I. de Sermone Domini in monte.

Libro II. de Symbolo capite 12.

Libro III. de eodem, capite iterum 12.

Libro de Libero arbitrio cap. 25. ad finem.

Tractatibus in Epistolam S. Joannis.

Enarratione in psalmum 26.

Enarratione in psalmum 41.

Enarratione in psalmum 85.

Fusus autem in psalmos 147. & 148.

Sermone 127. alias 64. de verbis Domini, fuse.

Sermone 158. alias 16. de verbis Apostoli, cap. 7.

Sermone 209. in Appendice jam citato.

Adde Libros suppositos de Spiritu & litera, capitibus 57. 58. 64. 65. De cognitione veræ vitæ: De vanitate sæculi cap. 2. Manuale capitibus 15. 16. 17. &c. &c.

S. EUCHERIUS *Parænesi ad Valerianum, sapius.*

EUSEBIUS GALLICANUS *Homilia 3. ad Monachos, initio.*

THEODORETUS *Oratione 1 & 4. de Providentia, de cœlo exteriore, & materiali.*

SAL-

SALVIANUS Libro 2. ad Ecclesiam Catholicam, post medium.

JULIANUS POMOERIUS Libro I. de vita contemplativa capitibus 2. 4. & alias.

S. GREGORIUS M. Libro IV. Moralium cap. 33. Homilia 4. in Evangelia, in fine. Adde expositionem psalmi VII. Pœnitentialis, etsi non est ipsius.

S. JOANNES DAMASCENUS Parallelorum Titula III. litera π, alias Libro I. cap. 52.

S. ANSELMUS in Prologo capitibus ultimis. Item ejus nomine Libro Eadmeri de beatitudine cœlestis patriæ.

HUGO VICTORINUS Libro II. de anima cap. 4.

S. BERNARDUS Sermone I. de diversis fuisse, & egregie erigit animos recordatione cœlestis præmii. Adde & Sermonein 16. supra laudatum.

S. BERNARDINUS SENENSIS Tomo I. Sermone 57. de substantiali gloria animarum sanctarum: Sermone 58. de substantiali gloria corporum beatorum: Sermone 59. de accidentali gloria beatorum: ac denique etiam sermone alio de beatorum exercitiis.

S. LAURENTIUS JUSTINIANUS insigniter describit desiderium fruendi Deo in ligno vitæ, Tractatu 10. cap. 1. initio.

S. THOMAS A VILLANOVA Concione I. de S. Michaelis de desiderio cœli. De quo etiam in Concione funebri ad finem.

Huc spectant etiam Tituli: de fine hominis: De Deo: De Salute: De Aeternitate &c.





TITULUS IX.

De *Communione*, seu *Eucharistia*.

CAPUT I.

Loci.

DIONYSIUS *dictus AREOPAGITA Eucharistiam nunc* Desicam communionem, *nunc Sacramentum Sacramentorum, nunc omnium sacramentorum consummationem appellat Libro de cœlesti Hierarchia cap. 3.*

ORIGENES *de morte ab Apostolo sacrilegis communicantibus intentata*: Patiuntur hoc quod febricitantes pati solent, cum sanorum cibos præsumunt sibi met ipsis interentes exitium. *Homilia 2. in psalmum 38. ad illud*: Quoniam iniquitatem meam annuntiabo.

In conspectu hominum timidissimi, ante Dominum vero impudentissimi profanis manibus & polluto ore contaminant sanctis quoque & angelis altare metuendum. S. PACIANUS *in Parænesi ad pœnitentiam, post initium.*

Idem recitatis verbis Apostoli, ita exclamat: Intremuistis, an non? *Reus erit, inquit, corporis & sanguinis Domini!* Humanæ animæ reus non posset absolvi, Dominici corporis violator evadit! *Qui manducat, inquit, & bibit indigne iudicium sibi manducat & bibit*: Evigila peccator! time in visceribus tuis præsens iudicium, si quid tale fecisti! *Idem ibidem.*

Et pergens in eodem Pauli loco: *Propterea, inquit, inter vos multi infirmi, & ægri, & dormiunt multi.* Jam si quis futura non metuit vel præsentem ægritudinem, præsentemque obitum reformidet. *Idem ibidem.*

Ite-

Iterum: *Cum judicamur, inquit, a Domino corripi-
mur, ut non cum hoc mundo damnemur.* Lætare
peccator si in hoc sæculo aut morte interciperis,
aut languore consumeris, ne puniaris post sæcu-
lum. Intellige quantum sceleris admittat qui ad
altare venit indignus, cui pro remedio computa-
tur, cum aut morbis laborat, aut morte dissolvi-
tur! *Ibidem.*

S. AMBROSIIUS *volens ostendere, quam parum hoc
mysterium divinæ omnipotentiae repugnet:* De totius,
*inquit, mundi operibus legisti: Quia ipse dixit &
facta sunt: ipse mandavit & creata sunt.* Sermo
ergo Christi qui potuit ex nihilo facere quod non
erat, non potest ea quæ sunt in id mutare quod
non erant? non enim minus est novas rebus
dare quam mutare naturas. *Libro de initiandis
cap. 9.*

Si quotiescunque effunditur sanguis (Domini)
in remissionem peccatorum funditur: debeo illum
semper accipere, ut semper mihi peccata dimittan-
tur. Qui semper pecco, semper debeo habere me-
dicinam. *Idem Libro IV. de Sacramentis cap. 6.*

Si quotidianus est panis, cur post annum illum
fumis? *Idem Libro V. de Sacramentis cap. 4.*

Accipe quotidie, quod quotidie tibi profit. Sic
vive, ut quotidie merearis accipere. Qui non me-
retur quotidie accipere, non meretur post annum
accipere. *Idem ibidem cap. 5.*

Eucharistiam dico, & dicendo Eucharis-
tiam omnem benignitatis Dei thesaurum ape-
rio. S. CHRYSOTOMUS *Homilia 24. in 1. ad Corin-
thios.*

Quot sunt qui modo dicunt, vellem ejus for-
mam, typum, vestimenta, calceamenta videre? Ecce
illum vides, ipsum tangis, ipsum comedis. Et
tu quidem vestimenta videre cupis; ipse vero se
ipsum tibi dat non videndum modo, sed tangen-

dum, comedendum, intus accipiendum. *Idem homilia 83. in Matthæum.*

Et rursum eodem loco: Quanta ergo puritate oportet eum esse, qui hoc fruitur sacrificio? quanto radiis solaribus puriorem esse oporteret manum illam, quæ hanc carnem secat, os quod spirituali repletur igne, linguam tremendo sanguine tinctam? Cogita quantum adeptus sis honorem, qua fruaris mensa! quod Angeli tremunt videntes, nec sine metu respicere audent ob fulgorem inde manantem, eo nos alimur, huic commiscemur, factique sumus Christi unum corpus, & una caro. *Quis loqueretur potentias Domini! auditas faciet omnes laudes ejus!*

Idem in eos, qui absque actione gratiarum, aut certe ea admodum luride persoluta a Communionem recedunt. Ipse suam tibi carmen largitur; at tu ne verbis quidem eum remuneraris, neque pro iis quæ accepisti gratias agis! Atqui dum corporeo veicris cibo post mensam ad orationem te convertis; dum vero spiritualis & omnem creaturam tum visibilem, tum invisibilem superantis sis particeps, tametsi homo sis, & vilis naturæ, non expectas, ut gratias agas & verbis & factis? Quid est hoc aliud, quam extremo supplicio sese obnoxium reddere? *Homilia de Baptismo Christi, ad calcem.* Locus hic tantopere arrisit populo, ut quemadmodum alias frequenter fecit, applauderet publice, & clamores excitaret.

Multi hujus sacrificii semel toto anno sunt participes, alii autem bis, alii vero sæpe. Ad omnes ergo habetur oratio, non solum ad eos qui hic sunt, sed ad eos etiam qui sedent in deserto. Nam illi semel in anno sunt participes, sæpe etiam post duos annos. Quid ergo? quinam erunt nobis magis accepti, an qui semel, an qui sæpe, an qui raro? Nec hi, nec illi, sed ii qui cum munda conscientia, qui cum mundo corde, qui cum vita quæ nulli est affinis reprehensioni. Qui sunt hujusmodi, semper

semper accedant; qui non sunt hujusmodi, ne semel quidem. *Idem Homilia 17. in ad Hebræos, initio Moralis.*

Hoc grave est, quod non munditia animæ, sed intervallo temporis dignitatem accessus metiare, & hoc pietatem esse existimes, quod non sæpius accedas, ignorans quod indigne accedere, etli semel tantum, notam inurat; digne autem accedere, etli sæpius, salutem pariat. Non est audaciæ sæpius accedere, sed indigne, etiamsi semel tantum in anno quis accedat. Nos autem ita stolidi & miseri sumus, ut innumera per annum scelera perpetrantes nullo modo curemus illa deponere: sufficereque putamus, quod non sepe audeamus in corpus Christi contumeliose insilire, non cogitantes eos, qui Christum crucifixerunt, semel tantum crucifixisse. An ergo quia semel tantum, minus est sceleris? Judas semel prodidit. Quid ergo? an hoc illum a supplicio eripuit? Cur hanc rem tempore metimur? Tempus accedendi sit nobis puritas conscientiæ. Nihil plus habet mysterium in Paschate celebratum eo quod nunc celebratur. Unum & idem est, eadem spiritus gratia, temper Pascha est. Illud nostis qui initiati estis. Et in Parasceve, & in Sabbatho, & in die Martyrum idem sacrificium consummatur. *Quotiescunque enim manducabitis panem hunc, inquit, & calicem bibetis, mortem Domini annuntiabitis.* Non temporis termino sacrificium circumscripsit. Cur ergo, inquires, tunc Pascha dicitur? Quia tunc passus est Christus pro nobis. Nemo igitur tunc aliter accedat, aliter nunc. Una virtus est, una dignitas, una gratia, unum & idipsum corpus. Non illud illo sanctius, neque istud illo minus est. Et hoc vos scitis, nihil novi videtis præter sæcularia ista vela, & splendidum cætum. Habent aliquid amplius dies illi; quia in illis initium accepit salutaris ille dies, quo immola-

tus est Christus; quod ad mysteria vero pertinet, nullam prærogativam habent. Tu vero ad cibum sensilem accedens, manus & os abluis; cum autem ad spirituales escam accessurus es, animam non abluis, sed immunditia plenus accedis? Et quid dicis, an non satis sunt quadraginta jejunii dies ad peccatorum congeriem expurgandam? Ecqua utilitas, dic mihi, si quis unguentum deponere volens emundet locum, deindeque paulo post quam injecerit stercus adjiciat? Nonne bonus odor evolavit? Hoc etiam nobis accidit. Digni pro viribus nostris facti sumus, cum accederemus, deinde rursus nos inquinamus. Quæ ergo utilitas? Hoc dicimus etiam de iis qui quadraginta dierum spatio sese abluere, & mundare possunt. Ne salutem nostram negligamus, rogo, ne labor noster sit inutilis. Homo enim, inquit, qui aversus fuerit a peccato suo, & rursus pergens, eademque ipsa faciens quasi canis est ad proprium vomitum reversus. *Idem Homilia 5. in I. ad Timotheum in Morali.*

S. AUGUSTINUS *ad illa verba*: Misericors & miserator Dominus escam dedit timentibus se: Nemo, *inquit*, talem escam daret nisi misericors & miserator Dominus. Quod si tantum dedit huic vitæ, si verbum carnem factum peccator *justificatus* accepit, quid in futuræ sæculo *glorificatus* accipiet? *Enarratione in psalmum 110.*

S. CHRYSOLOGUS *loquens de muliere, quæ profluvio sanguinis laborabat*. Tetigit vestimentum mulier & curata est, & ab antiquo est absoluta languore. Miseri qui quotidie corpus Domini tractamus & sumimus, & a nostris vulneribus non curamur! Non Christus infirmantibus, sed fides deest. Nam multo magis modo in nobis manens poterit vulneratos curare, qui latentem mulierem præteriens

præteriens sic curavit. *Sermone 33.* Idem aliter, nec minus pulchre inculcat sermone sequenti.

Christiane! qui se tibi hic manducandum dedit, quid suum tibi denegare poterit in futurum! Et qui tantum tibi viaticum paravit ad victum, quid in illa tibi mansione perpetua non paravit? *Idem sermone 95.*

S. BERNARDUS de suavitate Eucharistiæ, quam parabat distribuere, locuturus ad fratres suos, arripuit occasionem ex Evangelio, quod tum explicabat: Prædicantem dominum, inquit, de civitatibus & castellis populi sequebantur, quorum salvabat animas, sanabat corpora: & adhærebant ei assatu pariter & aspectu illius delectati. Cujus nimirum vox suavis, & facies decora; sicut scriptum est: *Speciosus forma præ filiis hominum, diffusa est gratia in labiis tuis.* Talis est quem nos sequimur, cui adhæremus, totus desiderabilis, in quem non solum populi sed & ipsi quoque angeli sancti desiderant prospicere. Quid vobis suavius apponemus? nimirum hæ sunt deliciæ angelorum. *Gustate proinde, & videte; quoniam suavis est Dominus:* huic suavitati, huic sapor, huic sapientiæ quæ trahitur de occultis omne quod desideratur non valet comparari. Quid enim? miraris in sole splendorem, in flore pulchritudinem, in pane saporem, in terra fecunditatem? sed a Deo hæc universa donata sunt, nec dubium quin multo amplius reservaverit sibi, quam dederit creaturis. *Sermone I. in festo omnium Sanctorum.*

Verbum Apostoli est: *probet autem seipsum homo &c.* O quam felix qui probatus inventus est! Proba me Domine, & tenta me, ure renos meos, & cor meum, ut tanto sacramento dignus inveniar. Terribile enim est, quod sequitur: *Qui manducat meam carnem, & bibit sanguinem meum indigne, judicium sibi manducat & bibit.* Domine Jesu Christe!

sacramentum corporis & sanguinis tui quasi pignus & obsidem cœlestis gratiæ dimisisti, & in eo constituisti nobis non mortem, sed vitam: non judicium, sed salutem. Quam perditus ergo est qui redemptionem in perditionem, qui sacrificium in sacrilegium, qui mysterium in parricidium, qui vitam convertit in mortem. PETRUS BLESSENSIS *Epistola* 123.

CAPUT II.

Fontes.

S. CYPRIANUS *Libro de lapsis* egregie in eos, qui absque pœnitentia & satisfactione ad altare Domini accedunt. Sed etiam in tributo illi *Sermone de cœna* de Eucharistiæ effectibus *perpulchre* agit.

S. CYRILLUS HIEROSOLYMITANUS *Catechesi mystagogica* 4. & 5.

S. EPHRÆM *Sermone de sanctissimis & visificantibus christianis sacramentis* a Jo. Petro Kohlio e Slavonica verso, editoque Altonæ 1729. ad calcem Tomi III. novi, Græcolatini.

S. BASILIUS M. *Libro 2. de Baptismo* in communionem sacrilegam.

S. AMBROSIIUS in *Libris de Sacramentis*: & in *Libro de initiandis*. Idem *Libro I. de Pœnitentia cap. 9. breviter quidem, verum acerrime* eos punit, qui prætextu pœnitentiæ a sacra mensa abstinabant.

S. GAUDENTIUS *Traçtatu 2, post medium* egregie de hoc agit mysterio.

S. CHRYSOSTOMUS *Homilia de B. Philogonio* de irreverenti accésu ad communionem. *Homilia de baptismo Christi*, de discessu absque actione gratiarum.

S. CHRY-

S. CHRYSOSTOMUS *Homilia in diem Natalem Domini nostri Jesu Christi, de modo accedendi ad communionem.*

Homilia in cœmeterii appellationem, ac crucem, in fine, ubi de reverentia in communionem.

Homiliis 51. & 83. in Matthæum de indigna communionem &c.

Homiliis 45. & 46. in Joannem fufe de hoc sacramento.

Homiliis 24. 27. & 28. in I. ad Corinthios iterum fufe.

Homilia 3. in ad Ephesios, etiam fufe.

Homilia 17. in ad Hebræos de indigna communionem &c.

Mitto alia, est enim perfrequens in hac materia S. Doctor.

S. HIERONYMUS *propius finem Apologiæ pro libris suis adversus Jovinianum de puritate in conjugibus requisita.*

S. AUGUSTINUS *Tractatu 26. & 27. in Evangelium S. Joannis: Epistola 118. nunc 54. ad Januarium cap. 3. Sermone 351. alias homilia ultima ex 50. cap. 4. de abstinencia a communionem. Sapidum quoque ex Augustino locum citat Beda in I. ad Corinthios cap. 10. qui num & ubi extet apud ipsum, non vacat, sed neque refert nunc inquirere.*

S. CYRILLUS ALEXANDRINUS *Libro 4. & 10. in Joannem fufe agit de hoc mysterio. Adde Homiliam ejus in Mysticam cœnam. Tomo 5. parte 2.*

S. CÆSARIUS ARELATENSIS *Homilia 7. de Pascha.*

S. GREGORIUS M. *Homilia 36. in Evangelia, per accomodationem de cœna magna.*

S. ANASTASIUS SINAITA *Oratione de S. Synaxi, præclare.*

S. JOANNES DAMASCENUS *Libro IV. fidei orthodoxæ cap. 14. Item Epistola de corpore, & sanguine Domini:*

Domini : ac longo de eadem re fragmento quod Pantinus primum edidit.

THEODORUS ABUCARA *Dialogo cum Saraceno super istud argumentum.*

S. PASCASIUS RATBERTUS *Libro de sacramento corporis & sanguinis D. N. J. C. Item in Epistola ad Frudegardum.*

GUITMUNDUS AVERSANUS *Libris tribus de corpore & sanguine, quibus omnes alios vicit in hoc nostro argumento. Adde & Confessionem ejus, ubi rursus inter alia de veritate Eucharistiæ agit.*

ALGERUS *Libris tribus de sacramento corporis & sanguinis Domini.*

ADELMANNUS BRIXIENSIS *Epistola egregia de Corpore & sanguine Domini.*

B. LANFRANCUS *Libello de corpore & sanguine Domini in Eucharistia.*

FRANCO AFFLIGINENSIS *Libro X. & XI. de Gratia Dei.*

HUGO A S. VICTORE *de Sacramento corporis & sanguinis Christi.*

PETRUS CLUNIACENSIS *Tractatu adversus Petrobrusianos.*

GOFFRIDUS VINDOCINENSIS *Tractatu perbrevis de corpore & sanguine Domini Jesu Christi.*

S. THOMAS AQUINAS *opusculis 57. 58. 59.*

S. BERNARDINUS SENENSIS *Tomo II. & Sermone 54. & 55. Idem sermones alios huc habet Tomo IV.*

S. LAURENTIUS JUSTINIANUS *Sermone de Christi tempore. Item de disciplina & perfectione monasticæ conversationis cap. 19. De triumphali Christi agone cap. 4. De casto connubio cap. 24.*

Adde præclaros Patrum locos, quos studio magno adversum Sacramentarios &c. collegit Claudius Sanctesius in *Syntagmate ad Græcorum Patrum Li-*
tur-

turgiam & Collectaneis de Eucharistia. Fontes vero quam plurimos commonstrat Joannes Baptista Genér in Prodomo, seu Bibliotheca sua Theologica.

TITULUS X.

De Concionibus & verbi divini prædicatione.

CAPUT I.

Loci.

Cum qui de Deo habitus est Sermonem venerati sunt, eum illic reliquunt, ubi audiverunt. CLEMENS ALEXANDRINUS Libro III. *Pædagogicæ* cap. 11. De malis scilicet Christianis, venientibus ad concionem.

Loquitur dives, & cuncti silent, & verba ejus usque ad nubes extollunt; loquitur autem nobis Deus per sacras scripturas, & tacere atque auscultare nolumus; sed alius garrit, alius dormitat, alius vero mente distractus evagatur. Sed quid dicit scriptura? Qui avertit aures suas ne audiat Leges altissimi etiam ipse Precationem ejus execratur. S. EPHREM ad imitationem Proverbiorum Tomo I. novo pag. 85.

S. BASILIUS M. *Opificibus curam exempturus, ne dum die etiam non festo concioni intersunt, rei familiari officiant, ita rem aggreditur homilia 3. in Hexæmeron initio.* Postquam hesternæ de Dei eloquiis tractatione quantum in nobis situm fuit animas vestras exhilaravimus, iterum hodie convenimus, miracula operum secundæ diei spectaturi; At enim non me latet, multos artium mechanicarum opifices circumstare nos, qui sibi ex diurna opera vix parantes victum nos sermonem discindere, ac decurtare cogunt, ut ne diutius ab opera distrahantur. Istis quid dicam? nimirum istam temporis

ris partem Deo foenori datam nequaquam perdi;
 fed magno cum incremento ab ipfo rependi. Et-
 enim quicunque casus impedimentum afferunt, eos
 Deus avertet ac corpori robur, animo alacritatem,
 facilitatem commercii & prosperitatem per totam
 vitam iis qui spiritualia prætulerint largiturus est.
 Etſi autem in præſenti non ſecundum ſpem ſuc-
 cedunt noſtra ſtudia; at certe ſpiritus doctrina
 pro futuro ſæculo theſaurus bonus eſt. Tolle igitur
 ex corde omnem victus ſolicitudinem, totum-
 que te ipſe mihi collige. Nec enim quidquam ex
 corporis præſentia percipitur emolumenti, ſi tuum
 cor in terreno theſauro comparando occupatur.

S. GREGORIUS NAZIANZENSIS *de hoc ipſo quem
 audivimus ſanctiſſimo oratore Baſilio Magno in Epi-
 taphio metrico Baſilii.* Sermo tuus tonitru, vitæque
 fulgur erat. Quibus verbis efficaciam ſermonum ejus
 extollere volebat, illud laconiſmo familiari ſpectans.
 Uti nihil ſplenderet magis, atque fulgur: ita Ba-
 ſilium claritate vitæ omnium oculos perſtrinxiffe.
 Quare non mirum, ſi verba ejus inſtar tonitru,
 quod quam maxime exauditur ac concutit, ingen-
 tes in auditoribus motus efficerent.

*Quam male diſpoſiti quidam præcipue nobiles ac-
 cederent concionem, elegantiffime oſtendit divus CHRYS-
 ſOSTOMUS:* Vide enim, *inquiens,* huc ingreſſus eſt
 dives ſeu vir ſeu mulier. Non curat quomodo
 audiet Dei eloquia; ſed quomodo ſe oſtenta-
 bit, quomodo cum faſtu ſedebit, quomodo cum
 multa gloria: quomodo ſit alias ſuperatura ve-
 ſtium magnificentia, habituque, viſu & inceſſu ſe
 reddet magis ornatam, ac venerandam; totaque
 ejus cura, ac ſollicitudo in hoc verſatur: num hæc
 aut illa videat? num ſit admirata? num recte ſum
 ornata? ut non putreſcant veſtes. ut non diſrum-
 pantur. Et tota ejus in hoc conſiſtit cura. Simi-
 liter vir quoque dives ingreditur, ſe pauperi oſten-
 taturus,

taturus, & ei timorem incussurus per amicum vestitum, quod multos habeat pueros * Deinde sedentem statim subeunt curæ domesticæ, trahentes in omnem partem: circumfluit fastus qui obsidet animam: existimat se gratificari & nobis & populo & fortassis etiam Deo, quod intraverit in Domum Dei. Qui autem adeo est inflatus quomodo poterit unquam curari. S. CHRYSOSTOMUS *homilia 3. in II. ad Thessalonicenses.*

Licet inquit eadem audire quotidie. Quid vero, dic quæso, in theatris non eadem audis? in stadiis & equorum curriculis non eadem vides? Res autem omnes non sunt eadem? non idem sol semper oritur? Non iisdem utimur alimentis? Vellem autem ex te sciscitari, quoniam eadem dicis te audire quotidie: Dic mihi cujus Prophetæ est locus, qui fuit lectus: & cujus Apostoli, aut cujus Epistolæ? Sed non potes dicere; imo videris audire nova quædam, & aliena. Atque quando vis quidem te dedere otio, & socordix eadem esse dicis; quando autem fueris interrogatus, ita es affectus ut qui nunquam audiveris. Si sunt eadem, oportet eadem scire. Tu autem ignoras. Dignæ sunt res præsentēs quæ lugeantur; quæ lugeantur inquam & defleantur; quod frustra laboret qui cudit argentum. Hoc ipso maxime oporteret attendere, quod sint eadem; quoniam nullum vobis laborem exhibemus, neque peregrina aliqua, & immutata dicimus. Quid vero? quoniam illa eadem esse dicitis; nostra autem non sunt eadem, sed semper nova dicimus, & peregrina, eisne attenditis? nequaquam; sed si dixerimus, cur hæc quidem retinetis? semel, inquit, audimus: & quomodo fieri potest, ut retineamus? Si dixerimus: cur illa
non

* Id est, *Servos.*

non attenditis? dicitis: Semper dicuntur eadem: & undique sunt hæc verba socordia, & prætextus. At non perpetuo procedent; sed tempus erit, quando temere, & frustra lamentabimur; Quod absit. *Idem Sanctus homilia eadem.*

Scriptura divina ædificat & lecta; sed multo plus prodest, si de literis vertatur in vocem; ut qui per epistolam docuerat, præsens instruat audientes. Magnam siquidem vim habet vox viva, vox de auctoris sui voce resonans, quæ ea pronuntiatione profertur, ac distinguitur, qua in hominis sui corde generata est. . . . Epistola non potest vocem objurgantis exprimere, non valet irascentis resonare clamorem, & dolorem pectoris apicibus explicare. S. HIERONYMUS in caput 4. *Epistolæ ad Galatas.* Qui etiam *Epistola 103. nunc 53. ad Paulinum, post initium, respiciens scilicet Plinium juniorem Libro I. epist. 3.* Habet, inquit, nescio quid latentis energiæ viva vox, & in aures discipuli de auctoris ore transfusa fortius sonat.

Docente te in Ecclesia non clamor populi, sed gemitus suscitetur. Lacrimæ auditorum laudes tuæ sint. *Idem epist. 2. nunc 52. ad Nepotianum.*

Videte Paulum qui solacismos facit in loquendo, & totum orbem subegit. *Idem in psalmum 81.*

Et quomodo solerent Monachi concionibus interesse. Post horam nonam in commune concurritur: psalmi resonant, scripturæ recitantur ex more, & completis orationibus, cunctisque residentibus medius quem patrem vocant, incipit disputare. Quo loquente tantum silentium fit, ut nemo alium respicere, nemo audeat excreare. Dicentis laus in fletu est audientium. Tacitæ volvuntur per ora lacrimæ, & ne in singultus quidem erumpit dolor. *Idem epist. 22. ad Eustochium versus finem.*

Afficit

Afficit etiam imago primorum christianorum ad concionem ventitantium, quam AUGUSTINUS Libro II. de Civitate cap. 28. hisce verbis veluti coloribus exprefsit: Confluunt ad Ecclesiam casta celebritate, honesta utriusque sexus discretione, ubi audiant quam bene hic ad tempus vivere debeant, ut post hanc vitam beate, semperque vivere mereantur.

Cum non satagerem discere quæ dicebat, sed tantum quemadmodum dicebat audire. . . . veniebant in animum meum simul cum verbis quæ diligebam, res etiam quas negligebam. Neque enim ea dirimere poteram. Et dum cor aperirem ad excipiendum quam diserte diceret; pariter intrabat & quam vere diceret. *Idem Libro V. Confessionum cap. 14.*

Verbum quod foris sonat signum est verbi quod intus lucet. *Idem Libro XV. de Trinitate cap. 11.*

Qui vis audiri prior te audi, & dic illud: *Audiam quid loquatur in me Dominus &c.* Qualis ergo ego qui non audio quod in me loquitur: & volo ut alii audiant quod per me loquitur? *Idem Enarratione in psalmum 49. propius finem.*

Facile est imo & utile ut taceatur aliquid verum propter incapaces; maxime si timendum inde sit ne peiores faciamus eos qui non intelligunt, dum volumus eos qui intelligunt facere doctiores. *Idem Libro de dono perseverantiæ cap. 16.*

Consulendum est dicturo, ut non verbis tantum, sed reapse persuadeat auditoribus. Omnis enim oratio opere destituta non tantum inane quid & evanidum est, sed etiam opprobrium affert, potissimum dicenti, a quo profertur. Quantum enim expeditiore uti sermone student, tanto minus etiam illis creditur; sed & risus argumentum esse existimant. Quare magis agendum quam dicen-

dum. Si autem nolint agere, ne dicant quidem. S. ISIDORUS PELUSIOTA *Libro V. epistola 265.*

Singula scripturæ verba si libris singulis mandarentur, nec sic mysteria quæ in ipsis sunt audientibus perlucere. Quid faciet subitus & brevis sermo qui priusquam illustret oculos jam refugit, nec dat lucem videntibus sed pavorem? S. CHRYSOLOGUS *initio sermonis 64.*

Non in verborum splendore, sed in opere ac virtute totam prædicandi fiduciam ponat ecclesiastes: non vocibus delectetur populi acclamantis sibi sed fletibus, nec plausum studeat expectare sed gemitum. JULIANUS POMOERIUS *Libro I. de vita contemplativa cap. 23.*

Oratorem te puta, si tibi ante omnes quod oportet persuaseris. S. MARTINUS BRACARENSIS *in-Sententiis de Moribus.*

Quod discipulo Paulus ait: *Præcipe hæc & doce cum omni imperio*: non dominationem potentia, sed auctoritatem suadet vitæ. Cum imperio quippe docetur, quod prius agitur quam dicatur. S. GREGORIUS M. *Libro XXIII. moralium cap. 13.*

O quam dura mihi sunt ista quæ loquor! quia memetipsum loquendo ferio, cujus neque lingua ut dignum est prædicationem tenet; neque in quantum tenere sufficit, vita sequitur linguam. *Idem Libro I. in Ezechielem, homilia 11. post initium.*

In eos, qui malunt domi legere, quam in templo audire, accommodatissime. S. BERNARDUS: Fides ex auditu. Dignum quippe fuerat per superiores oculorum fenestras veritatem intrare in animam; sed hoc nobis o anima! servatur in posterum, cum videbimus faciem; nunc autem unde irrepsit morbus, inde remedium intret, & per eadem sequatur vestigia vita mortem, tenebras lux, venenum serpentis antidotum veritatis. . . . Auris, prima mortis janua, prima aperiatur & vitæ. Auditus, qui

qui tulit, reparet visum. *Sermone 28. in Cantica propius initium.*

Et iterum: Acceptor sermo vivus, quam scriptus, & efficacior lingua quam litera; oculi quippe loquentis fidem faciunt dictis: nec ita potest affectum exprimere digitus, quomodo vultus. *Idem Epistola 66. ad Gaufridum Abbatem S. Theodorici.*

C A P U T II.

Fontes.

ORIGENES *Homilia 13. in Exodum* de reverentia verbo Dei debita. Idem sæpissime huc facit aliis locis. Ut enim Erasmus, *de vitis, scriptisque ejus*, nusquam magis objurgationem expromit, quam cum rari ad concionem venirent, vel oscitantes essent in audiendo. Et rectissime existimavit præcipuum pietatis sive profectum sive defectum hac ipsa præcipue ex causa provenire. Lege etiam *Homiliam ejus 9. in Leviticum.*

S. BASILIUS M. *Homiliis duabus in psalmum 28.*

S. GREGORIUS NAZIANZENUS *Oratione I. contra lenocinium in concionando. Oratione 15. de mora & tarditate in dicendo. Oratione 26. in dictionem aut materiam nimis sublimem.*

S. CHRYSOSTOMUS *in Libris de Sacerdotio* fere omnia est complexus, quæcunque spectant ad officium concionandi.

Adde quæ habet *Homilia non esse ad gratiam concionandum.*

Homilia 5. de incomprehensibili Dei natura contra Anomæos de argumento nimis amplo.

Homilia in illud psalmi 44. Adstitit Regina.

Homilia in psalmum 49. adversum canes mutos.

Homilia 4. in illud Esaiæ: Vidi Dominum, in caules ætæ solis, quod non accederent ad concionem.

Homilia in illud: si elurierit inimicus tuus; Tomo III. novo, ubi idem explodit.

Homilia in terræ motum & Lazarum 6.

Homilia 11. in Genesin: Homilia 12. in Joannem: Homilia 27. in I. ad Corinthios &c. affundit solatium cum prodicus est fructus & infrequens auditor.

Homilia 5. in Matthæum hortatur, ut secum auditor expendat, quæ audierit. Quod ipsam etiam pulchrius facit Homilia 3. de incomprehensibili Dei natura contra Anomæos.

Homilia 17. in Matthæum, contra ignavos auditores.

Homilia 30. in Acta varia habet, eaque pulcherrima in hoc nostrum argumentum.

Homilia 3. in II. ad Theſſalonicenses, ut ne verba concionatoris auditum veniant, sed Dei.

Homilia 6. in I. ad Timotheum, iterum contra ignavos auditores.

Atque ita passim certe solo Tomo V. *Ducæi* quem nunc maxime cum III. novo contulimus, loci non multi tantum, verum etiam insignes habentur. Plurima etiam ex hoc primo concionatore Libro meo primo variis in capitibus meminisse. Quibus junge, quæ noster Theophilus Raynaudus de heteroclitæ prædicatione, auditio-
neque verbi Dei ex eodem accumulat.

S. AUGUSTINUS *Libro IV. de doctrina christiana*, ubi totus est in informando christiano oratore.

Libro de utilitate jejunii sub finem, ne fors timeat orator displicere.

Libro de catechizandis rudibus, præcipue de industriis dicentium ad plebem.

Tractatu 3. in Epistolam S. Joannis de fructu uni Deo adscribendo numero 13,

Sermone 137. alias 49. de verbis Domini. sub medium, de objicientibus exempla concionatorum.

S. ISIDORUS PELUSIOTA *Libro IV. epistola 205. & Libro V. epistola 201. de modico fructu.*

JULIANUS POMOERIUS in *Libris de vita contemplativa sparsim.*

S. GREGORIUS M. in *cura pastorali: Homilia 11. citata in Ezechielem: & Homilia 16 in Evangelia.*

S. BERNARDUS *Sermone 5. de diversis, de verbis Habacuc Propheta: Super custodiam meam stabo: quod aliter reprobis, aliter electis sapiat verbum Dei: Sermone 24. de iisdem diversis, de multiplici utilitate verbi Dei: Denique parte priori Sermonis I. in Septuagesima.*

S. BERNARDINUS SENENSIS *Tomo II. Sermone 9. de admiranda virtute, & efficacia verbi Dei.*

Alia ingenti numero dedimus *Libro primo & quarto, dabimusque Titulis: Sacerdos, Episcopus &c. Addi possunt quæ scribunt varii Patres in caput 8. S. Lucæ, cum de parabola seminantis.*



TITULUS XI.

De *Consuetudine*, seu malo habitu aquisito.

CAPUT I.

Loci.

Ad efficienda quæ difficillima nobis, &, ut quam maxime rem amplificem, prope impossibilia videntur, magni est momenti voluntas cum exercitatione conjuncta. An homo, cum voluerit, hanc sibi poterit usu & studio parare facultatem, ut per funem ab altera ad alteram theatri partem sublime porrectum incedat gravibus etiam oneribus onustus: & vincere suam pravitatem, quantalibet antea fuerit, & virtutem in vivendo consecrari cum volet non valebit? Vide an non illi potius qui animal rationis particeps creavit, quam animali ipsi injurium esset, hominem ita conditum fuisse, ut tam difficilia, nec ea quidem utilia perficere posset; nihil posset vero ad suam ipsius felicitatem! *ORIGENES Libro 3. contra Celsum, prope finem.*

Quot jurandi consuetudine abripiebantur, & id vitii emendare vix posse censebant? attamen per Dei gratiam, ubi parva a vobis adhibita est cura, majorem partem ejus pravitatis abluistis. Quamobrem vos adhortor, ut reliquias quoque deponatis, aliisque magistros vos exhibeatis. His vero qui nondum id assecuti sunt, sed longum nobis tempus prætexunt quo antea soliti erant jura-menta usurpare, dicuntque impossibile esse intra breve tempus id avellere quod per multos annos radices egit, responderim ego: ubi quid recte efficiendum est quod a Deo præcipitur, ibi non opus esse vel temporis vel dierum numero aut spatiis anno-

annorum, sed timore solo & religione; & omnium compotes efficiemur, idque intra exiguum tempus. Verum ne existimetis me id temere dicere, hominem ad jurandum promptissimum, & quem vos arbitramini multo plura juramenta proferre quam verba, eum mihi date ad decem dies, & nisi intra paucos istos dies consuetudinem jurandi abstulerò, extremo supplicio me condemnate. S. CHRYSOSTOMUS homilia 20. ad populum de similitudine, & ira.

Non valida est hæc consuetudinis excusatio. Cur non prætendit fur consuetudinem, & a supplicio liberatur? cur non idem facit homicida, & adulter? *Idem ibidem.*

Sed gravis res est consuetudo, & difficile abstraheris? Ergo quia tanta est consuetudinis tyrannis, eam in aliam transfer consuetudinem. Et quomodo, inquires, fieri potest? Quod sæpe dixi hoc & nunc dico: Sint emendatores dictorum multi: sint inquisitores, & correctores. Non pudor est ab aliis corrigi; imo pudor est repellere corrigentes, & in propriæ salutis damnum hoc facere. Et tu quidem si vestem induas inversam, permittis te a puero admoneri, nec te pudet ab alio erudiri? & servum fers te circa vestem ornam, & calceantem; eum autem qui animam tuam ornat non sustines? Et quantæ hoc non insipientiæ fuerit! Sit & servus doctor, sit puerulus, sit uxor, sit amicus, cognatus, vicinus. Sicut enim fera quæ undique pellitur non potest effugere; sic is qui tot habet custodes, tot correctores qui undique feriant, non potest sibi cavere. Et primo quidem die ægre feret, atque in secundo, & tertio; at deinceps res erit facilior. & post quartum non idem erit negotium. Periculum facite, siquidem non credatis. Curam habete, obsecro; non est leve peccatum, neque levis correctio,

rectio sed utrinque magnum seu bonum, seu malum. Utinam bonum fiat! *Idem Homilia 10. in acta, in morali.*

Factis in consuetudinem versis etiam verecundiam perdiderunt. S. AUGUSTINUS *Enarratione in psalmum 52.*

Fit justo Dei judicio, ut qui cupiditati resistere noluimus ingressuræ, jam resistere nequeamus ingressæ. JULIANUS POMOERIUS *Libro II, de vita contemplativa cap. 12.*

Educatio & disciplina mores faciunt, & id unusquisque sapit quod didicit. Itaque bona consuetudo excutere debet, quod mala instruxit. S. MARTINUS BRACARENSIS *in Sententiis de Moribus.*

Nihil tam fixum animo, quod neglectu & tempore non obsolescat. Vulneri vetusto & neglecto callus obducitur, & eo insanabile, quo insensibile fit. S. Bernardus *Libro I. de consideratione cap. 2.*

Solutus est qui antea tenebatur, aut non valens, aut non volens benefacere; aut utroque fortius vinculo alligatus, nec volens scilicet nec valens. *Idem Sermone III. in Ramis Palmarum.*

CAPUT II.

Fontes.

ORIGENES *eodem Libro 3. contra Celsum*, consuetudinem etsi maxime roboratam deponi adhuc posse.

S. CYPRIANUS *Epistola 2. ad Donatum*, de deposita feliciter consuetudine mala.

S. EPHRÆM *de passionibus animi*, Tomo I. novo græco latino pag. 144.

S. GREGORIUS NYSSENUS *Oratione 4. de Oratione Dominica*, ubi illud docet; qui cavere sibi velit

valit a consuetudine, voluptati primos aditus neget.

S. AMBROSIIUS in psalmum 1. versu 1. fusius.

S. CHRYSOSTOMUS Homiliis 5. 6. 7. 14. 19. & 20. ad populum.

Homiliis 17. & 68. in Matthæum.

Homiliis 8. 10. 11. & 41. in Acta; quorum ultima speciatim, obstandum initiis.

Homilia 10. in ad Romanos.

Homiliis 7. & 11. in I. ad Corinthios.

Opusculis duobus de illicita cohabitatione Clericorum & mulierum.

Libro 3. contra oppugnatores vitæ monasticæ, late tam ante, quam post medium.

AUCTOR Epistolæ ad Demetriadem apud Hieronymum in Appendice. Agit autem præclare de consuetudine virtutis, a contrario.

S. AUGUSTINUS Libro VIII. Confessionum, cap. 5. Tractatu 49. in Joannem.

Libro I. de Sermone Domini in monte capitibus 12. & 13.

Concione 1. in psalmum 30. ad finem.

Sermone 17. novo, alias homilia 28. ex 50.

Sermone 98. novo, alias 44. de verbis Domini.

Sermone 180. novo, alias 28. de verbis Apostoli.

Sermone 307. novo, alias 10. inter additos a Parisiensibus.

S. ISIDORUS PELUSIOTA Libro II. epistola 284. & Libro V. epistola 236.

S. NILUS in Libro ascetico, post medium.

S. CASSIANUS Collatione XII. cap. 5.

EUSEBIUS GALLICANUS Homilia ad plebem obtrahatricem, & Homilia 3. ad Monachos.

SALVIANUS *Libro I. ad Ecclesiam catholicam versus finem.*

S. DOROTHEUS *Archimandrita Doctrinis* 11. & 12. ne quod vitium sinamus radices agere.

S. ISIDORUS HISPALENSIS *Libro II. sententiarum, sive de summo bono cap. 23.*

S. BERNARDUS *Libro I. de Consideratione cap. 2. sermonibus* 81. & 82. *in Cantica: & sermone* 14. *de diversis de septem donis Spiritus sancti.*

S. BERNARDINUS SENENSIS *Tomo I. Sermone* 21.

Vide quæ supra attuli *de Juramentis, & afferam infra de relapsu, de Pœnitentiæ procrastinatione & de passionibus.*

TITULUS XII.

De Detractione & calumnia.

CAPUT I.

Loci.

Fama plurimum mendax ne tum quidem cum aliquid veri affert, sine mendacii vitio est, detrahens, adjiciens, demutans de veritate. Quid quod ea illi conditio est ut non nisi cum mentitur perseveret, & tamdiu vivat, quamdiu non probat? liquidem ubi probavit, cessat esse, & quasi officio nuntiandi functa rem tradit. Exinde res tenetur, res nominatur; nec quisquam dicit verbi gratia: hoc Romæ ajunt factum, aut: fama est illum provinciam sortitum; sed sortitus est ille provinciam, & hoc factum est Romæ. Fama, nomen incerti, locum non habet ubi certum est. An vero famæ credat, nisi inconsideratus? quia sapiens non credit incerto. TERTULLIANUS *in apologetico cap. 7.*

Fac

Fac nunquam reverearis eum qui apud te alteri detrahit; sed potius illum sic moneas, dicens: desine frater; ego quotidie gravius labor, & pecco: & qui possum illum condemnare? duos enim lucraberis, uno emplastro & te ipsum & proximum sanans. CLEMENS ALEXANDRINUS *in fragmento ex libro de obtreddatione apud MELISSAM in editione Poteri pag. 1020.*

Nec item me vel laudatores vel vituperatores immutabunt . . . ut maledicos sermones tanquam a me ipso mutatus graviter, & iniquo animo feram. Nam alioqui multas pecunias laudatoribus numerarem, si me laudando meliorem efficerent. Verum aliter se res habet. Quod enim sum, hoc maneo sive maledictis afficiar, sive laudibus in cœlum ferar. Homo autem temere verbis natat, ut inquit Job: ac quantum petram spuma, aut pinum, vel aliquam aliam densam & proceram arborem auræ, tantum me linguæ circumfluunt. Ac simul hujusmodi quiddam ræcum commentor: Si falsa objicit accusator, non me magis quam eum qui loquitur hæc oratio attingit; etiamsi me nominatim convitiis petat: si vera, me ipsum potius quam eum qui loquitur accusabo (a me enim illi sermonis materia subministratur, non autem illius sermo causa est cur talis sim) ac vocibus præteritis, ut quæ nihil sint, mei ipsius ero; hoc unum ex eorum improbitate commodi capiens, ut cautius vitam instituam. S. GREGORIUS NAZIANZENUS *Oratione 14. quæ est 3. de pace.*

In bonam partem accipe o Sancta Trinitas! nec tu stultorum linguas prorsus effugisti.
Idem

Ad omnia utile silentium. Si peccatum agnoscis, tace; ne negando exaggeres: si non agnoscis, tace, securus de innocentia. Non possunt
aliena

aliena verba crimen affigere, quod propria non recepit conscientia. S. AMBROSIIUS in *psalmum* 38.

S. CHRYSOSTOMUS *Homilia* 3, ad *populum*, de *rogantibus*, ne *occultum scelus*, quod *aperiunt*, *alteri præterea dicant*: Hoc vero ridiculum magis est quod talem habentes vitam & res suas negligentes cum aliquid arcanum dixerint rogant audientem & adjurant ne cuiquam alteri dicat; hinc declarantes se rem reprehensione dignam commisisse. Si enim illum ut nemini dicat rogas, multo magis te priorem huic dicere non oportebat. In tuto sermonem habebas, postquam vero alteri prodidisti sermonis custodiam, superflua facis & inutilia admonens & obtestans delictorum custodia.

Bene quod malitia non habet tantas vires, quantos conatus. Perierat innocentia, si semper nequitiae juncta esset potentia, & totum, quicquid cupit, calumnia prævaleret. S. HIERONYMUS *Libro* 2. *adversus Ruffinum*, post *medium*.

Nulli detrahas, nec in eo te sanctum putes, si ceteros laceres. Accusamus sæpe quod facimus, & contra nosmetipsos disertum in vitia nostra invenimur. *Idem epist.* 125. *alias* 4. *ad Rusticum*, prope *finem*.

Rumores turpissimos ferunt, & quod ab ipsis egressum est, id ab aliis audisse se simulant, iidem auctores, & exaggeratores. Erit fama de mendacio; quæ cum ad matronas pervenerit, & earum linguis fuerit ventilata, provincias penetrat. Videas plerasque rabido ore sævire, & tincta facie, viperinis orbibus, dentibus pumicatis carpere Christianos. Hic aliqua, cui circa humeros hyacinthina læna est, rancidulum quiddam balba de nare locuta, perstrepat, ac tenero supplantat verba palato: omnis consonat chorus, & latrant universa subsellia. Junguntur nostri ordinis, qui & roduntur,

tur, & rodunt. Adversus nos loquaces, pro se muti. Quasi & ipsi aliud sint quam monachi, & non quidquid in monachos dicitur redundet in Clericos, qui patres sunt monachorum. Detrimentum pecoris pastoris ignominia est. Sicut e regione illius monachi vita laudanda est, qui venerationi habet Sacerdotes Christi, & non detrahit gradui, per quem factus est Christianus. *Idem epistola 54. alias 10. ad Furiam.*

Fallius rumor cito opprimitur, & vita posterior indicat de priore. Fieri quidem non potest, ut absque morsu hominum vitæ hujus curicula quis pertranseat; malorumque solatium est bonos carpere, dum peccantium multitudine putant culpam minui peccatorum. Sed tamen cito exundans flamma deficientibus nutrimentis paulatim emoritur. Si anno præterito fama mentita est: aut certe si verum dixit, cesset vitium, cessabit & rumor. *Idem ibidem.*

Crimen falsum, quod est calumnia, reum non facit hominem nisi apud judicem hominem. Ubi autem Deus iudex est, nullus falso crimine læditur, quia non cui obicitur, sed obicienti potius imputatur. S. AUGUSTINUS *conc. 27. in psalmum 118.*

Hæc si dicam de talibus esse dicta, quales vos estis: respondebis, proba! quid enim tu probasti? aut si eo putas probari, quo dicuntur, non opus est eadem repetere. Recita illa ipsa tibi & a nobis in vos. Ecce & ego probavi, si hoc est probare. *Idem Libro II. contra Petilianum cap. 14.*

Nulli unquam omnino detrahas, nec aliorum vituperatione te laudabilem videri velis: magisque vitam tuam ordinare disce, quam alienam carpere. S. PAULINUS, *aut quisquis est auctor Epistolæ ad Celsantiam, apud hunc & Hieronymum.*

Pauci admodum sunt qui huic vitio renuntient, raroque invenies qui ita vitam suam irreprehensibilem

bilem exhibere velint, ut non libenter reprehendant alienam: tantaque hujus mali libido mentes hominum invasit, ut etiam qui procul ab aliis vitiis recesserunt, in istud tamen quasi in extremum diaboli laqueum incidant. *Idem ibidem.*

Beatus est, qui ita se contra hoc vitium armavit, ut apud eum detrahere nemo audeat! Quod si hæc in nobis esset diligentia, ne passim obtrectatoribus crederemus, jam omnes detrahere timerent; ne non tam alios, quam se ipsos viles detrahendo facerent. Sed hoc ideo malum celebre est, idcirco in multis fervet hoc vitium; quia pene ab omnibus auditur. *Idem ibid.*

Beatus est qui tam sancte, tamque graviter disposuit vitam, ut de eo sinistri aliquid ne fingi quidem possit; dum adversus obtrectatorum libidinem pugnat meriti magnitudo, nec fingere quidquam ausus est, quod a nullo putat esse credendum. *Idem ibid.*

Bona fama nihil est præstantius, ac melius, nec Cræsi thesauros quisquam cum ea comparaverit. Tales enim esse censetur, qualis fama cujusque est. Huic aures intenduntur & oculi. Melius omnibus quam singulis creditur. Singuli enim decipere & decipi possunt: nemo omnes, neminem universi fefellerunt. S. ISIDORUS PELUSIOTA *Libro III. epist. 142.*

Hæc sunt malignantium tela linguarum, quæ inter Christianos post extinctos ignes, & retusum Ethnicorum ferrum persecutionum sævitiam suppleant. S. LEO *epist. 167. alias 92.*

Miror dilectionem tuam verbis hominum contristatam. Inter verba enim laudantium live vituperantium ad mentem recurrendum est. & si in ea non invenitur bonum, quod de nobis dicitur, magna tristitia generari debet: & rursum si in ea non invenitur

nitur malum, quod de nobis homines loquuntur, in magnam debemus lætitiā proflire. Quid enim si homines laudant, & conscientia accuset? aut quæ debet esse tristitia, si omnes accusant, & sola conscientia nos liberos demonstret? habemus Paulum dicentem: *Gloria nostra hæc est, testimonium conscientiae nostræ.* Job quoque dicit: *Ecce in cælo testis meus!* si ergo nobis est testis in cælo, testis in corde, dimitte stultos foris loqui, quod volunt. S. GREGORIUS M. *Libro VIII. in diſſeſſione 3. epist. 45. ad Palladium Presbyterum: nunc Libro XI. in diſſeſſione 4. epist. 2.*

Detrahēre, an detrahentem audire, quid horum damnabilius sit? non facile dixerim. S. BERNARDUS *Libro II. de consideratione cap. 13.*

CAPUT II.

Fontes.

TERTULLIANUS præclare de falsis rumoribus *Libro I. contra nationes.*

S. CYPRIANUS *Epistola 55. ad Cornelium, & in aliis quibusdam ostendit animum suum nullis criminatōibus, atque calumniis permovendum.*

ARNOBIUS SENIOR *Libro IV. adversus gentes, numero 33 de criminibus falso impactis.*

S. EPHREM de morbo linguæ &c. *Tomo II. novo græco latino.*

S. BASILIUS M. *homilia in psalmum 33. & Epistolis 204. olim 75. ad Neocæsarenses; & 51. olim 86. ad Bosphorium Episcopum. Homilia quoque 11. de invidia egregie notat genium obtrectatorum.*

S. GREGORIUS NAZIANZENSIS *Oratione jam laudata. Item Oratione 26. 27. 32.*

S. CHRYSOSTOMUS *Homilia de non evulgandis fratrum peccatis Tomo III. Montfauconi.*

S. CHRY-

S. CHRYSOSTOMUS *Homiliis* 2. & 5. *ad populum.*

Homiliis in psalmos 49. & 100.

Homilia 2. *de Prophetarum obscuritate.*

Homilia 43. *in Matthæum.*

Homilia 44. *in I. ad Corinthios.*

Libro I. de compunctione cordis, quam commune, quamque pertinax hoc sit malum.

Idem sæpe de ferenda fortiter Detractione, atque convitiis; de quo alibi commemorabo.

S. HIERONYMUS *Epistola* 45. *alias* 99. *ad Asellam.*

Epistola 46. *alias* 17. *ad Marcellam.*

Epistola 52. *alias* 2. *ad Nepotianum.*

Epistola 123. *alias* 11. *ad Ageruchiam.*

Epistola 125. *alias* 4. *ad Rusticum.*

Addatur ANCTOR *Epistolæ ad Demetriadem, apud eundem Hieronymum, inter suppositas.*

SYNESIUS *Epistola* 44. *de famigatione.*

S. AUGUSTINUS *Libro de bono viduitatis cap. 22. de cura famæ: Epistola* 78. *alias* 137. *ad Clerum, & populum Hipponensem, ne error unius in infamiam reliquorum redundet * Epistola* 125. *olim* 224. *ad Alipium de ratione suspicionibus, atque calumniis occurrendi: Sermone* 355. *alias* 49. *de diversis, contra eos agit qui ipsas inter laudes folent detrudere.*

S. PAULINUS *Epistola sæpe dicta.*

S. CASSIANUS *Collatione XVII. cap. 30.*

EUSEBIUS GALLICANUS *Homilia ad plebem obtrahatricem.*

SALVIANUS *Libro* 3. *de Gubernatione Dei, circa medium, de libidine detrahendi.*

S. VALE-

* Quod ipsum etiam urget in psalmum 99.

S. VALERIANUS *Cimeliensis homilia* 5. quæ est *de oris insolentia.*

S. GREGORIUS M. insigniter de contemnendis oblocutionibus *Libro XI. Indictione 4. Epist. 45. alias 39. ad Theodisiam Patritiam, & Libro VII. indictione 15. epist. 14. (uti ante) ad Constantium Episcopum.*

S. ANTIOCHUS *Homiliis* 29. & 40.

S. JOANNES DAMASCENUS *Libro II. Parallelorum cap. 68. nunc Titulo II. litera x.*

S. BERNARDUS Sermone 17. de diversis, de triplici custodia manus, linguæ, & cordis. Sermone 24. in Cantica de artibus obrectatorum.

Initio item Apologiæ ad Guilielmum Abbatem in detractores religiosos. Locum laudat, contrahitque eleganter P. Bourdaloue *Parte III. Dominicali Conc. 6.*

Plurimos etiam locos ministrat Theophilus Raynaudus in *Hoplothea contra idum Calumniam Tomo XII. præsertim I. Protheorica, Sectione III. Didactica, Sectione IV. Tropologica. Item in Conclusionem operis, & Parænesi.*

TITULUS XIII.

De Deo, ejusque attributis.

CAPUT I.

Loci.

Qui dicere de Deo pergit, dicet quidem aliquid de rebus suis, non autem de ipso. DIONYSIUS, dictus AREOPAGITA *Libro de mystica Theologia cap. 7.*

Eum vis magnitudinis & notum hominibus objicit, & ignotum. Et hæc est summa delicti *Vol. VII.*

G

lentium

lentium agnoscere quem ignorare non possunt. TERTULLIANUS *Apologetici cap. 17.*

Deus si non unus est, non est. *Idem Libro I. contra Marcionem cap. 3.*

Deus si est vetus, non erit: si est novus, non fuit. Novitas initium testificatur: vetustas finem comminatur. Deus autem tam alienus ab initio & fine est, quam a tempore arbitro, & metatore initii & finis. *Idem Libro eodem cap. 8.*

Deo nihil impossibile, nisi quod non vult. *Idem Libro de carne Christi cap. 3.*

Nec comprehendi potest, nec æstimari, sensibus major est; Infinitus, immensus, & soli sibi tantus, quantus est notus. MINUTIUS FELIX in *Octavio.*

Sic eum digne æstimamus, cum inæstimabilem dicimus. *Idem ibid.*

Solem adeo, qui videndi omnibus causa est, videre non possumus; radiis acies submovetur, obtutus intuentis hebetatur, & si diutius inspicias, omnis visus extinguitur. Quid ipsum solis artificem, illum luminis fontem possis sustinere? *Idem ibid. versus finem.*

Quisquamne est hominum qui non cum istius Principis notione diem primæ nativitatis intraverit? cui non sit ingenitum, non affixum, imo ipsi pœne in genitalibus matris non impressum, non insitum, esse Regem, ac Dominum, cunctorum, quæcunque sunt, moderatorem? ARNOBIUS *Senior Libro I. contra gentes, paulo ante medium.*

Dubitet ergo aliquis an quidquam difficile, aut impossibile sit Deo, qui tanta tamque mirifica opera providentia excogitavit, virtute constituit, ratione perfecit: nunc autem spiritu sustentatur, potestate moderatur, inexcogitabilis, ineffabilis, & nulli alii satis notus quam sibi. LACTANTIUS *Libro I. institution. divinar. cap. 8.*

Satis

Satis profecto fuerit ipsam rerum naturam adversus illos propemodum clamare, suumque effectorem & auctorem Deum . . . aperte testari. S. ATHANASIUS *Oratione contra gentes numero 27.*

Idem eleganter eadem oratione numero 38. Multos Deos nullos Deos esse dicit.

In his, quæ ad Deum spectant ignorantiam confiteri magna scientia est. S. CYRILLUS HIERSOLYMITANUS, *Catechesi 6.*

Nullus sine Deo, neque ullus non in Deo locus est. In coelis est, in inferno est, ultra maria est. Inest interior, excedit exterior. Ita cum habet, atque habetur, neque in aliquo ipse neque non in omnibus est, S. HILARIUS PICTAVIENSIS *Libro I. de Trinitate, propius initium.*

Negat quodammodo Deum, quisquis rationibus humanis Deum metiri conatur. Defensio enim non nisi imbecilli præstatur. S. ZENO *Sermone de fide, ad finem.*

S. CHRYSOSTOMUS *Homilia 1. nunc 2. in Joannem*: Quod si hæc non satis sint ad totam rem declarandam, ne mireris. De Deo namque nobis est sermo, quem pro dignitate neque dicere, neque cogitare possumus.

Ubique secretus est, ubique publicus; quem nulli licet ut est cognoscere, & quem nemo permittitur ignorare. S. AUGUSTINUS *Enarratione in psalmum 74.*

Finivit verba (David) volebat dicere: *quantum magnus!* & si tota die diceret: *magnus, magnus,* quid magnum diceret? tota die dicens *magnus* finiret aliquando; quia finitur dies. Magnitudo illius ante dies, ultra dies, sine die. Ergo quid diceret? *Quoniam magnus Dominus, & laudabilis nimis!* quid enim dictura est lingua parva ad laudandum magnum? dicendo *nimis*, emisit vocem, & dedit cogitationi quod sapiat. Tanquam di-

cens: quod sonare non possum, tu cogita: & cum cogitaveris, parum erit. Quod cogitatio nullius explicat, lingua alicujus explicat? *Magnus Dominus, & laudabilis nimis! Idem Enarratione in psalmum 95. ante medium.*

Quantum potui dixi, & quid dixi? quoniam quis dixi? homo loqui volui de Deo. Talis est, talis est, ut non loqui eum possimus, nec eum tacere debeamus. *Idem Sermonem 225. alias 53. de Diversis.*

Si hæc pulchra sunt, quid ipse? si hæc magna sunt, quantus est ipse? *Idem Enarratione in psalmum 84. post medium.*

Bonum hoc, & bonum illud: tolle hoc & illud, & vide ipsum bonum, si potes. Ita Deum videbis, non alio bono bonum; sed bonum omnis boni. *Idem Libro VIII. de Trinitate cap. 3.*

Alia quæ dicuntur bona ab aliquo bono habent, ut sint. Si autem quærimus, omnia bona a quo habent ut sint bona? recolamus quod dictum est: *Et fecit Deus omnia, & ecce bona valde.* Nullum igitur esset bonum nisi a bono factum esset, quod factum non est. *Idem Sermonem 29. alias 3. de diversis.*

Omnia bona ipse fecit. Ipse est bonus quem nemo fecit. Ille bono suo bonus est, non aliunde participato bono. Ille a seipso bono bonus est, non adhærendo alteri bono. Mihi autem adhærere Deo bonum est, qui non eguit, a quo fieret bonus; sed eguerunt illo cetera ut fierent bona. *Idem Enarratione in psalmum 134.*

Non dico da mihi Christianum, da mihi Judæum; sed da mihi paganum, idolorum cultorem, dæmonum servum, qui non dicat Deum esse omnipotentem! negare Christum potest, negare Deum omnipotentem non potest. *Idem Sermonem 240. alias 139. de tempore.*

Quam

Quam multā non potest, & omnipotens est? & ideo omnipotens est, quia ista non potest. *Idem Sermone 1. de Symbolo ad Catechumenos.*

Omnipotens est ad faciēda omnia, quæ facere voluerit. Nam ego dico, quanta Deus non possit. Non potest mori, non potest peccare; non potest mentiri, non potest falli. Tanta non potest, quæ si posset, non esset omnipotens. *Idem Sermone 213. alias 119. de Tempore.*

Omnipotens est faciēdo quidquid vult, non patiēdo, quod non vult. *Idem Libro V. de Civitate cap. 10. quod declarat nominatim circa jam facta Libro XXVI. contra Faustum cap. 5. hisce verbis: Quisquis dicit, si omnipotens est Deus, faciat, ut quæ facta sunt facta non fuerint: non videt hoc se dicere, faciat ut quæ vera sunt, eo ipso quo vera sunt falsa sint,*

Quis hominum potest comprehendere istam sapientiam, qua novit Deus omnia, ita ut nec ea quæ dicuntur futura, quasi desint, expectentur, ut veniant; sed & præterita & futura cum præsentibus sint cuncta præsentia, nec singula cogitentur, & ab aliis ad alia cogitando transeat; sed in uno conspectu simul præsto sint universa? *Idem Libro XV. de Trinitate cap. 7.*

Deus ergo unus est, & ubique est; quia & alius præter illum non est, & locus non est vacuus, ubi esse alius possit. *Idem seu potius ad eundem CONSENTIUS Epistola inter Augustinianas 119. alias 221.*

S. CHRYSOLOGUS *Sermone 141.* Quid tam rationabile, nisi ut Deus, quidquid voluerit, possit? Qui quod vult non potest, Deus non est.

Idem Sermone 67. ad illud: Qui es in cælis: Hoc cum dicis, non sic habeas, quasi non sit in terris quasi sit loco clausus, qui claudit omnia.

Ego sum, qui sum. Admirabili utique divinæ naturæ æternitatem sermonis magnificentia prædica-

vit; quia nihil de Deo tam conveniens dici potest, quam ut semper esse dicatur. Quia esse nec præteriti initium, nec futuri terminum habet. S. CAS-
SIANUS *Libro V. de incarnatione cap. 8.*

Nemo ad cognitionem veritatis magis propinquat; quam qui intelligit in rebus divinis etiam si multum proficiat semper sibi superesse quod quaeratur. S. LEO *Sermone 9. in Nativitate Domini.*

Et quidem non sine testimonio semetipsum reliquit, benefaciens: de cœlo dans pluvias & tempora fructifera, implens cibo & lætitia corda vestra. Quod est autem hoc testimonium, quod semper Domino deservivit, & nunquam de ejus bonitate ac potestate conticuit, nisi ipsa totius mundi inenarrabilis pulchritudo, & inenarrabilium beneficiorum ejus dives, & ordinata largitio, per quam humanis cordibus quædam æternæ legis tabulæ præbebantur, ut in paginis elementorum, & voluminibus temporum communis, & publica divinæ institutionis doctrina legeretur? Cœlum ergo, mare, terra, & omnia quæ in eis sunt, protestabantur gloriam Dei, & prædicatione perpetua majestatem sui loquebantur Auctoris. Et tamen maximus hominum numerus hanc vocem non intellexit. AUCTOR operis de vocatione gentium *Libro II. cap. 4. est inter opera PROSPERI, AMBROSII, LEONIS.*

Si nihil inter nos & Deum est discriminis, divina nostris metiamur. Sin autem incomprehensibile est intervallum, cur naturæ nostræ defectus canonem, & regulam ac normam Deo præfiniunt, ex iis quæ nostræ facultatis non sunt, necessitati subjicientes naturam omni necessitate potiore? S. CYRILLUS ALEXANDRINUS *Libro II. in Joannem capite itidem 11.*

Pœne omne quod de Deo dicitur, eo ipso jam indignum est, quo potuit dici. Nam cujus laudi non sufficit

sufficit obtupescens conscientia, quando sufficiet loquens lingua? S. GREGORIUS M. *Libro XX. Moralium cap. 32.*

Tunc verum est, quod de Deo cognoscimus, cum plene nos aliquid de illo cognoscere non posse sentimus. *Idem Libro V. Moralium cap. 36.*

Consummatio alicujus facti dicitur *perfectio*. Deus autem qui non est factus quomodo est *perfectus*? Sed hunc sermonem de usu nostro sumpsit humana inopia, sicut & reliqua verba quatenus id, quod ineffabile est, utcunque dici possit; quoniam de Deo nihil digne humanus sermo dicit. S. ISIDORUS HISPALENSIS *Libro I. Sententiarum cap. 2.*

Deus sic omnia tempora intra suæ provisionis arcana complectitur, ut nec novum aliquid sibi penitus accedat, nec aliquid ab eo per cursus momenta recedat. Sed nec diversis obtutibus diversa considerat; ut cum intendit præteritis, vacet a præsentibus, vel futuris: vel rursus cum præsentia sive futura considerat, oculos a præsentibus avertat; sed uno duntaxat, ac simplici præsentissimæ majestatis intuitu simul omnia comprehendit. Neque hoc confuse, atque inexplicite, sed omnia discernit, atque juxta proprietatem suam quæque distinguit. B. PETRUS DAMIANI *Opusculo 36. cap. 7.*

Quod ergo bonum deest summo bono, per quod est omne bonum? S. ANSELMUS *Prologii cap. 5.*

Localem mutationem facile ab eo removemus, si eum ubique esse ostendimus. Quod enim ubique est, in omni loco est. Quod autem in omni loco est, de loco ad locum transire non potest. HUGO VICTORINUS *de Trinitatis summæ per visibilia agnitione cap. 19.*

Quid Deus? sine quo nihil est. Tam nihil esse sine ipso, quam nec ipse sine se potest. Ipse sibi,

ipse omnibus est; ac per hoc quodammodo solus est ipse, qui suum ipsius est. & omnium esse.
S. BERNARDUS *Libro V. de Consideratione cap. 6.*

CAPUT II.

Fontes.

DIONYSIUS, AREOPAGITA creditus, *Libro de divinis nominibus, in Mystica Theologia. Libro de cœlesti Hierarchia, præsertim cap. 4.* Item *Epistolis 1. & 2. ad Cajum monachum.*

S. JUSTINUS in *Paranesi, & Libro de Monarchia.* Item in *Dialogo cum Tryphone.*

ATHENAGORAS in *Apologia, seu Legatione pro Christianis.*

THEOPHILUS ANTIOCHENUS *Libro 1. & 2. ad Autolycum.*

TERTULLIANUS de *Testimonio animæ in Libris contra Marcionem, præsertim I. & II. ubi quidem unitatem, bonitatem, & justitiam in Deo ostendit.* Sed etiam in *Apologetico, in libris contra nationes, & alibi sæpius huc facit.*

CLEMENS ALEXANDRINUS in *Exhortatione ad gentes, item in Strommatis passim.*

ORIGENES in *Libris Periarchon, & in Libris contra Celsum.* Adde *Homiliam 2. in Judices, ubi puer de idololatria.*

MINUTIUS FELIX in *Octavio.*

NOVATIANUS in *Libro de Trinitate, inter opera Tertulliani.*

ARNOBIUS Senior in *libris contra gentes sparsim.*

LACTANTIUS in *Libris institutionum divinarum sæpissime, præsertim in prioribus.* Item in *Epitomes capite 6. & 7.*

EUSEBIUS CÆSARIENSIS in *Libris de Præparatione evangelica.*

S. ATHA-

S. ATHANASIUS *Oratione contra gentes*, & in pluribus, quæ contra hæreles conscripsit.

S. HILARIUS in *Libris de Trinitate*, ubi sæpe & præ aliis ostendit, quam parum a nobis sive cognosci, sive explicari divinitas possit.

S. CYRILLUS HIEROSOLYMITANUS *Catechesi* 4. 6. 9.

S. BASILIUS M. *Libris contra Eunomium*, & *Epistola* 16 olim 168. *adversus eundem hæresiarcham*.

Homiliis in Hexaëmeron.

Homilia in : attende tibi.

Homilia, quod Deus non est auctor malorum.

Item in Regulis fustioribus ad interrogationem 2.

Nec raro in Epistolis. Sic, ut alias taceam *Epistola* 8. alias 141 Deum esse unum ostendit.

S. GREGORIUS NAZIANZENUS in *Orationibus de Theologia*, præsertim 2.

Oratione 26. *de moderatione in disputando servanda*.

Oratione 38. *in Christi Nativitatem*.

Oratione 45. *ad Evagrium*, etsi non sit ipse &c.

Oratione 49. *de Fide*.

Idem in aliquot carminibus præclara habet divinis de rebus.

S. GREGORIUS NYSSENUS *Oratione magna Catechetica*, pluribus capitibus, de divina natura.

Libello de imagine Dei in homine.

Dialogo de anima, ubi testimonia divinitatis affert ex creaturis.

Libro de creatione hominis, de divina simplicitate.

S. GREGORIUS NYSSENUS *Homilia 1. in Ecclesiasten, versus finem, de divina ineffabilitate. Oratione 7. de Beatitudinibus, de eadem ineffabilitate.*

Libro de vita Moſis, fuſe, de cognitione Dei.

Atque etiam alibi ſæpe, præſertim in Orationibus XII. refutatoriis contra Eunomium.

S. EPIPHANIUS *contra Audeanos & alios in Panario.*

S. CHRYSOSTOMUS *in Homiliis contra Anomæos de incomprehenſibili Dei natura.*

Item Homiliis in Joannem, maxime 14.

In Libris & Orationibus de providentia.

Libro ad ſcandalum paſſos.

Homiliis 9. & 10. ad populum.

Homilia in psalmum 13. & 110. ad illud : Omnes voluntates ejus. Mitto alia, quæ ſunt ejus quam plurima.

PRUDENTIUS *in Apotheoſi, ſeu de Divinitate.*

S. HIERONYMUS *Epist. 25. alias 136. ad Marcel- lam de decem myſticis nominibus Dei. Item ſæpiſſime in Job, in Eſaiam, & alibi. Locos quam plurimos collegit Cornelius Schultingus in Confeſſionis Hieronymianæ cap. 1. & 2.*

S. AUGUSTINUS innumera de Deo, & de Dei proprietatibus habet: præcipue autem in *libris quindecim de Trinitate. In Libris de Civitate ſparſim. In Libro de natura boni contra Manichæos. In Libro de vera Religione. In Libro I. de Doctrina chriſtiana, aliquot capitibus. Libro contra Adimantum cap. 11. de verbis, quæ in Deo imperfectum quid ſonant. Libro I. confeſſionum cap. 4. ſæpiſſime de divinis attributis. In Enchiridio ad Laurentium a cap. 95. ad 108. de divina voluntate.*

Idem

Idem in *Epistolis* sæpissime, sic præter illam *Consentii jam laudatam Epistola* 6. 111. 112. nunc 92. 148. 147. agit de visione Dei. *Epistola* 57. nunc 287. de præsentia Dei: *Epistola* 85. nunc 120. de simplicitate Dei.

In *Quæstionibus* vero & *Sermonibus* multo frequentius hoc argumentum; ut sane infinitum hic foret universa adnotare velle. Ne tamen omittas locum insignem *Enarratione* 2. in *psalmum* 26. circa medium, de laude Dei ex creaturis. Et supposita ei quædam, scilicet *Librum de Trinitate*, & *unitate Dei*: *Librum de speculo*: *Librum de cognitione veræ vitæ* &c.

Potissimum autem Augustinus de Scientia, de Voluntate, de Dominio Dei (in *Pelagianos*) & de ejusdem unitate (in *Manichæos*) scribit.

S. ISIDORUS PELUSIOTA *Libro* II. *epist.* 117. de omnipotentia Dei.

S. CYRILLUS ALEXANDRINUS *Libro adversus Antropomorphitas*. Sparsim quoque in *Thesauro de Sancta, & consubstantiali Trinitate*: in *Commentariis in Joannis Evangelium*: in *Dialogis novem ad Heremiam*: denique in *Libris decem pro sancta Christianorum religione adversus Julianum Apostatam*.

S. EUCHERIUS duobus capitibus primis de *Formulis spiritualis intelligentiæ*, qui est ipsissimus *Liber de essentia divinitatis* Augustino olim attributus.

EUSEBIUS GALLICANUS *Homilia*; quod *idola colendi non debent*, ubi nominatim de divina immensitate eleganter.

S. PROSPER *Carminibus* egregio de *Providentia Dei*.

THEODORETUS in *Eraniste, seu Polymorpho*.

Epitome divinorum Decretorum.

Libris de græcarum affectionum curatione.

Et subin in *Oratione de Providentia*.

Et in *Libris hæreticarum fabularum*.

SEVE-

SEVERINUS BOETHIUS *Libro de S. Trinitate : Libro de unitate Trinitatis ; & sæpe etiam de Consolatione Philosophiæ.*

S. GREGORIUS M. *Homilia 8. in Ezechielem, præclare, de immensitate Dei.*

S. ANASTASIUS SINAITA *Orat. 1. de Trinitate, & 2. de incircumscripto. Sæpe item in Anagogicis contemplationibus in Hexæmeron.*

S. ISIDORUS HISPALENSIS *Libro VII. Etymologiarum cap. 1. & magis Libro I. Sententiarum capitibus sex prioribus.*

S. MAXIMUS MARTYR passim, maxime *Libro I. Centuriarum : in Capitibus Theologicis, & in Dialogis de Sanctissima Trinitate.*

S. JOANNES DAMASCENUS in *Libris Orthodoxæ fidei* via, & ordine sæpius. Item in *Dialogo contra Manichæos* de unitate Dei agit. Sed etiam in *Paralellis* habet Titulos huc pertinentes.

ALCUINUS de *perfectionibus Dei.*

in *confessione fidei.*

in *Libris de Trinitate.*

in *quæstionibus de Trinitate.*

in *Epistola, quid sit intus æternum, & sempiternum &c.*

THEODORUS ABUCARA in *Dialogo de Deo, & Deitate.* Item in *Dialogo de auctore boni & mali.*

RATHERIUS VERONENSIS *Libello contra hæresin Antropomorphitarum.*

S. PETRUS DAMIANI *Opusculo 36. de divina omnipotentia.*

EUTHYMIUS in *Orthodoxæ fidei Panoplia Parte I. egregie.*

S. ANSELMUS in *Monologio.*

Profologio.

Libro pro insipiente.

Libro contra insipientem.

S. ANSELMUS in *Dialogis de veritate: & de libero arbitrio.*

Libro de voluntate Dei.

Libris duobus, contra gentiles: Cur Deus homo?

FRANCO AFFLIGINENSES in *Libro de Gratia, seu beneficentia Dei.*

S. RUPERTUS TUITIENSIS *Libro de omnipotentia Dei.*

HUGO VICTORINUS *Libro supra laudato, qui est post libros Eruditionis Didascalicæ. Item de Voluntate Dei æterni: de causa creationis hominis, & præcipue de cognitione Divinitatis.*

S. BERNARDUS *Libro V. de Consideratione. Sermonibus quinque in visionem Esaie. Sermonibus item 80. & 81. in Cantica, ubi agit de Gilberto Porretano: & quæ alias contra istum, & Petrum Abailardum sparsim expromsit.*

RICHARDUS VICTORINUS in *Libro de Trinitate præclara habet de divinis attributis. Sic Libro I. cap. 3. loquitur clarissime de divina immutabilitate: cap. 20. de infinita perfectione: Libro II. cap. 60. de immensitate: cap. 16. egregie docet summum bonum esse Deum. Sicque de aliis.*

JOANNES CYPARISSIOTA in *Epitome materiariae eorum, quæ de Deo a Theologis dicuntur.*

Huc item spectat *Disputatio inter Barlaamum, Palamam, & Acyndinum apud Leonem Allatium de Consensu utriusque Ecclesiæ, Libro II. cap. 17.*

Adde quæ infra Libro ultimo ad *Festum Sanctissimæ Trinitatis* afferemus.





TITULUS XIV.

De *Divitiis.*

CAPUT I.

Loci.

Dives es? sed fortunæ male creditur: & magno viatico breve iter non instruitur, sed oneratur. MINUTIUS FELIX in *Octavio, prope finem.*

Quod divites opinaris continuantes saltibus saltus, & de confinio pauperibus exclusis infinita infinita ac sine terminis rura latius porrigentes, quibus argenti & auri maximum pondus & pecuniarum ingentium vel extructi aggeres vel defossæ strues: hos etiam inter divitias suas trepidos cogitationis incertæ sollicitudo discruciat; ne prædo vultet, ne percussor infestet, ne inimica cujusque locupletioris invidia calumniosis litibus inquietet. Non cibus securus, somnusve contingit. Suspirat ille in convivio, bibat licet gemma, & cum epulis marcidum corpus torus mollior alto sinu condiderit, vigilat in plumis. Nec intelligit miser speciosa sibi⁹ esse supplicia, auro se alligatum teneri, & possideri magis quam possidere divitias atque opes. O detestabilis cæcitas mentium, & cupiditatis insanæ profunda caligo! cum exonerare se possit, & levare ponderibus, pergit magis fortunis augmentibus incubare, pergit pœnalibus cumulis pertinaciter adhærere. Nulla in clientes inde largitio est, cum indigentibus nulla partitio, & pecuniam suam dicunt, quam velut alienam domi clausam sollicito labore custodiunt: ex qua non amicis, non liberis quidquam, non sibi denique impertiunt. Possident ad hoc tantum, ne possidere alteri liceat. O nominum quanta diversitas!

tas! bona appellant, ex quibus nullus illis nisi ad res malas usus est. S. CYPRIANUS *Epistola 2. ad Donatum.*

Nihil nobiscum ferre possumus, nisi vitam bene, atque innocenter actam. Ille ad Deum copiosus, ille opulentus adveniet, cui adstant Continentia, Misericordia, Patientia, Charitas, Fides. Hæc est hæreditas nostra, quæ nec eripi cuiquam, nec transferri ad adulterum potest. LACTANTIUS *Libro VII. divinar. Institution.*

Forte illud miraris, quod abundant auro, argento, pecuniis? quantis abundant, vides; quantis egeant, non vides. S. AMBROSIIUS *Libro VI. Hexameron. cap. 8. ad finem.*

Etsi tibi videatur dives, sibi pauper est, & tuum iudicium suo fefellit. *Idem Libro I. de officiis cap. 12.*

Nemo est dives, qui quod habet, secum hinc auferre non potest. Quod enim hic relinquitur, non nostrum, sed alienum est. *Idem Epistola 38. alias 10. & 27. ad Simplicianum.*

O dives! nescis, quam pauper sis, quam inops tibi ipsi videaris, qui te divitem dicis. Quanto plus habueris, plus requiris, & quamquam acquisieris, tamen tibi adhuc indiges. Inflammatur lucro avaritia, non restinguitur. *Idem Libro de Nabuth cap. 2.*

Quid præcelsius eo viro, qui auro moveri nesciat, contemptum habeat pecuniarum, & velut ex arce quadam despiciat hominum cupiditates? Quod qui fecerit, hunc hominem supra homines esse arbitramur. *Idem Libro II. de Officiis cap. 14.*

S. CHRYSOSTOMUS *Homilia 2. ad populum.* Hodie dives, cras pauper. Idcirco sæpius risi, testamenta legens dicentia: Ille quidem habeat agrorum vel domus dominium, usum vero alius. Omnes enim usum habemus, dominium autem nemo.

Etsi

Etsi enim nobis per omnem permaneant vitam, nullam facientes divitiarum mutationem, velimus nolimus in fine aliis cedemus, ipsarum usu solo recepto, dominio autem nudi & orbat ad illam vitam migrantes. Unde manifestum est, illos solos dominium habere, qui & ipsarum usum contempserunt, & fructum deriserunt. Qui enim facultatibus abjectis ipsas pauperibus erogat, prout oportebat facultatibus usus est, & ipsorum dominium habens obiit, neque in ipsa morte illa excidens possessione, sed omnia illo recipiens tempore, & illis multo plura, quando in die iudicii illorum præsidio maxime egebit, & quando a nobis omnibus factorum rationes repetentur. Ita si quis vult divitiarum & possessionem & usum & dominium habere, omnibus facultatibus suis se expediat; quoniam hoc si non faciat, in morte ab ipsis omnino separabitur: multoties vero & ante finem cum periculis & infinitis malis ipsas amittit.

Repelle cupiditatem. Et quomodo repellam, inquires? si gentilis esses, & præsentia tantum admirareris, forte res esset difficilis; etiamsi gentiles hoc fecerint. At tu qui coelum & coelestia expectas dicis, quomodo repellam? Si contrarium dixissem, tunc dubitare oporteret: si dicerem, divitias concupisce: responderes: quomodo concupiscam? cum talia videres. Dic mihi si auro & lapidibus pretiosis propositis dicerem, concupisce plumbum: an hæsitares? diceres certe, quomodo possum? si dicerem, ne concupiscas: hoc facilius esset. Non admiror despicientes, sed non despicientes. *Idem Homilia 7. in acta.*

Quid mali hæc non faciunt? an non hinc habendi cupiditas? an non rapinæ? an non gemitus, inimicitiarum, pugnarum, contentiones? an non usque ad mortuos manus extenduntur? an non usque ad patres & fratres? an non leges naturæ, Dei præ-

præcepta & omnia subverterunt hac cupiditate concitati? an non tribunalia illorum causa sunt constituta? Tolle itaque pecuniarum amorem, & cessabit bellum, cessabunt pugnae, inimicitiae, lites & contentiones. Oporteret avaros tanquam perniciosos, & lupos ex orbe pelli; quemadmodum enim venti quidam vehementes, & contrarii in tranquillum pelagus incidentes ab imo illud totum subvertunt, ita ut arena profundior supernis fluctibus commisceatur, sic auri cupidi omnia sua deque vertunt. Nullum auri cupiditas novit amicum. quid autem dico amicum? nec ipsum novit Deum; fuit enim ab hac cupiditate detentus. *Idem Homilia 17. in ad I. ad Timotheum.*

Quomodo sunt divitiæ, quibus crescentibus crescit inopia? quæ amatoribus suis, quanto fuerint ampliores, non auferunt egestatem, sed inflammant cupiditatem? divitem tu putas, qui minus ageret, si minus haberet? . . . major pecunia fauces avaritiæ non claudit, sed extendit: non irrigat, sed accendit. S. AUGUSTINUS *sermone 50. alias 15. de diversis.*

Audite me, o pauperes! quid non habetis, si Deum habetis? audite me, o divites! quid habetis, si Deum non habetis? *Idem Sermone 311. alii 115. de Diversis, seu 3. de S. Cypriano ad calcem.* Per similem locum & ipsum elegantem dabo infra *de Restitutione.*

Vides (divitem) viventem? cogita morientem. Quid hic habeat, attendis? quid secum tollat, attende. *Idem Enarratione 2. in psalmum 48. post medium.*

Illæ ergo sunt veræ divitiæ, quas cum habuerimus, perdere non possumus. *Idem Sermone 112. alias 33. de verbis Domini.*

Omnis mihi copia, quæ Deus meus non est, egestas est. *Idem Libro XIII. Confessionum cap. 8.*

At si omiſſis calculis ſapientum ipſam rei naturam expendere oportet, nullum in humana vita ſcelus reperietur, quod non ob pecuniarum amorem perpetretur. Ob eas odia, & pugnae, & bella. Ob eas caedes, & latrocinia, & calumniæ. Ob eas non urbes duntaxat, ſed etiam ſolitudines, non ſolum cultæ & habitatæ, ſed etiam incultæ, ac deſertæ terræ cruore ac cædibus redolent. Ac ne a mari quidem hoc malum abſtinuit. Verum illic quoque ingenti cum furore graſſatur, prædonibus illud obſidentibus, ac novum quemdam latrocinii modum excogitantibus. Ob eas & cogitationis, ac neceſſitudinis leges everſæ ſunt, & naturæ ſanctiones convulſæ, atque adeo ſepulturæ jura labefactata. Hic enim improbus ac ſceleſtus amor non adverſus vivos duntaxat, ſed etiam adverſus eos qui mortem obierunt furum ſepulchra effodientium manus armavit. Quippe quæ ne eum quidem, qui ex hac vita exceſſit ab his inſidiis ſuis liberum, atque immunem eſſe patiantur. Ac denique quæcunque mala quiſpiam invenire queat ſive in conciliis, ſive in judiciis, ſive in domibus, ſive in urbibus ex hac radice ea pollulare conſpiciet. Verum quid laboro? Omnes enim hujus morbi malignitates ne ſi omnes quidem mortales in unum coirent explicare poſſint. S. ISIDORUS PELUSIOTA *Libro II. epiſt. 146.*

Adeo quædam ſocietas eſt pæne etiam nominis duabus his rebus vitiis, & divitiis. S. EUCHERIUS *in Paræneſi ad Valerianum.*

Sicut divitiis primi fuere, ſic vitiis. Nusquam enim improbius voluptas, nusquam inquinatior vita, nusquam corruptior diſciplina. Hanc pro muneribus ſuis dederunt Domino retributionem, ut in quantum eos beneficiis ſuis ille ad ſe illexerat ad propitiandum, in tantum illi flagitiis ſuis labora-

laboraverint ad exacerbandum. SALVIANUS *Libro 7. de Gubernatione, circa initium.*

Eis, qui militant Deo, fugiendæ sunt ex toto corde divitiæ, quas qui habere volunt, sine labore non quærunt, sine difficultate non inveniunt, sine cura non servant, sine noxia delectatione non possident, sine dolore non perdunt. JULIANUS POMOERIUS *Libro II. de vita contemplativa cap. 13.*

Si vestra sunt hæc, tollite ea vobiscum! S. BERNARDUS *Sermone 4. de Adventu Domini.*

Parum tibi sit renuntiare divitiis, nisi renuntietur & vitiis; quia minus periculosum est, esse divitem Christi, quam pauperem Antichristi. PETRUS BLESSENSIS *Epistola 137.*

CAPUT II.

Fontes.

CLEMENS ALEXANDRINUS *Opusculo: Quis dives salvus.*

MINUTIUS FELIX *in Octavio versus finem.*

S. CYPRIANUS *Sermone de lapsis, ante medium: item de Opere & Eleemosyna, & de Oratione Dominica.*

S. HILARIUS PICTAVIENSIS *Canone 19. in Matthæum: Et in psalmum 51.: in psalmum 118. Littera Beth & Heth.*

S. BASILIUS M. *Homilia de diversis 6. in illud: Destruam horrea. Item 7. in divites, 8. in famem & siccitatem, & 21. quod rebus mundanis adhærendum non sit. Item Homilia in psalmum 48. & 61. &c. Denique supposita illi Homilia in aliquot Scripturæ locos, dicta in Lacizis.*

S. GREGORIUS NYSSENUS *Homilia 4. in Ecclesiasten de auro, præclare.*

S. AMBROSIIUS *Libro de Nabuth sæpe. Libro II. officiorum cap. 26. Epistola citata ad Simplicianum, & Epistola 63. alias 82. & 25. ad Ecclesiam Vercellensem sub finem.*

S. CHRYSOSTOMUS *Homilia in Eutropium.*

Homilia cum Saturninus & Aurelianus &c.

Homilia 2. ad populum.

Homilia 4. & 64. in Matthæum.

Homilia 34. 38. 40. in I. ad Corinthios.

Homiliis 12. & 13. in II. ad Corinthios.

Homilia 10. in ad Philipenses.

Homilia 7. in ad Colossenses.

Homiliis 12. & 17. in I. ad Timotheum.

Homilia 6. in ad Titum, atque ita in aliis sane innumeris locis, præsertim in Matthæum.

S. HIERONYMUS *Epist. 34. nunc 118. ad Julianum.*

S. AUGUSTINUS præclare *Enarrationibus* duabus in *psalmum 48. Libro I. de Civitate cap. 10. Libro VII. de eadem cap. 12. : Sermone 50. alias Homilia 30. & 50. Sermone 61. alias 5. de verbis Domini, & Epistola 157. alias 89. ad Hilarium, quæsito 4.*

S. ISIDORUS PELUSIOTA præter epistolam laudatam *Libro III. epistola 412.*

S. EUCHERIUS in *Parænesi ad Valerianum.*

S. CHRYSOLOGUS *Sermone 22.*

SALVIANUS in *Libris ad Ecclesiam Catholicam, nec raro in Libris de gubernatione.* Et hic quidem præcipue notandus insignis locus de usu recto divitiarum *Libro I. ad Ecclesiam Catholicam, quem, quod est fusior, nolui huc transcribere.*

SIXTUS III. creditus opere præclaro *de Divitiis.*

THEODORETUS *Oratione 6. de providentia.*

JULIANUS POMOERIUS *Libro II. de vita contemplativa, pluribus capitibus.* Notanda præcipue quæ habet *cap. 13.*

SEVE-

SEVERINUS BOETHIUS *Libro III. de Consolatione Philosophice.*

S. GREGORIUS M. *Libro I. cap. 5. 6. & 7.*

Libro X. Moralium cap. 30.

Libro XV. Moralium pluribus capitibus.

Libro XVIII. Moralium cap. 18.

S. JOANNES DAMASCENUS *Libro II. Parallelorum cap. 16. & 17. nunc Titulis VIII. & IX. littera 8.*

VENERABILIS BEDA *Libro XIV. in Lucam cap. 9. præclare de discrimine, quod est inter renuntiare omnibus, & omnia relinquere.*

S. BERNARDUS *de conversione ad Clericos plura habet, uti & in Declamationibus.*

Vide, quæ dixi titulo *Avaritia.*

TITULUS XV.

De Ebrietate.

CAPUT I.

Loci.

ORIGENES *post narratum Lothi incestum, ita exclamat: Audite, ebrietas quid agat! audite, quantum facinoris conciliet temulentia! audite & cavete, vos, quibus istud malum non in crimine, sed in usu est. Ebrietas decipit, quem Sodoma non decepit. Uritur ille flammis mulierum, quem sulphurea flamma non ussit. Homilia 5. in Genesin.*

Videas tales novo genere adhuc jejunos, & jam ebrios, non ad popinam currentes, sed popinam secum circumferentes. Quorum quisquis salutatur, non osculum dat, sed propinat. Quid isti post cibum faciant, quos ebrius invenit cibus? aut qua-

les istos sol in occasu relinquit, quos jam marci-
dos vino oriens aspicit? *Auctor Epistolæ de cibis
judaicis, post opera Tertulliani cap. 6. creditur NO-*
VATIANUS.

S. BASILIUS M. *Homilia 14. in Ebriosos*: Hæc
quomodo tacebo, quomodo ut par est lugebo?
Vinum nobis harum animarum damnum intulit.
Vinum Dei donum & infirmitatis levamen so-
briis datum nunc lasciviæ factum est instrumen-
tum intemperantibus.

Et rursum: Quia etiam in fruendis voluptati-
bus incontinentia ex vino quasi ex fonte manifeste
prorumpit, atque unacum mero irrepit impudici-
tiæ labes, quæ omnem pecorum in foeminas insa-
niam demonstrat procacitate & lascivia ebriorum
minorem esse. Et quidem bruta animalia naturæ
terminos non ignorant; ebrii vero in masculo foe-
minam, in foemina masculum requirunt. *Ibidem.*

Hujus mali finis nullus est. Nam ipsum se
merum promovet ad amplius. Non enim levat
necessitatem, sed alterius potus necessitatem inevi-
tabilem inducit, exurens inebriatos, semperque
desiderium plus bibendi provocans. *Idem ibidem.*

Quid retexam audita? mihi non poculi sed
profluvii genus esse videtur, quod in ora hominum
tanquam per fistulas, aut canales vina funduntur.
Hos homines an utres verius æstimaverim? & ta-
men ipsi utres si immoderata transfusio sit, sæpe
rumpuntur. S. AMBROSIIUS *Libro de Elia, & Je-*
junio cap. 17.

Si vinum & mulieres discedere a Deo faciunt,
quod vel ebrietas vel libido prævaricationis illece-
bræ sint: si singula, ac separata hæc faciunt, quid
facient unita? *Idem eodem opere cap. 18.*

Uno die bibunt multorum dierum labores. *Idem
rursus ibidem cap. 12.* loquitur autem de opificibus,
qui festis diebus vino diluunt, quidquid sudoris
infra

infra hebdomadem fuderunt, neque tam bibunt, quo laborent, quam laborant, quo bibant.

Rogas ad iucunditatem, cogis ad mortem: invititas ad prandium, efferre vis ad sepulchrum: cibos promittis, tormenta irrogas: vina prætendis, venena suffundis. Omne enim, quidquid nocet, venenum est. Tollit sensus, viscera exurit, somnum infestat, caput vexat: & jam major vis vini, quam veneni est. *Idem cap. 14. ibidem.*

Quid sobrietatem (Judith) loquar? temperantia enim virtus est sceminarum. Inebriatis vino viris, & somno sepultis abstulit vidua gladium, exeruit manum, bellatoris abscidit caput, per medias hostium acies intemerata processit. Advertitis igitur quantum nocere mulieribus possit ebrietas, quando viros vina sic solvunt, ut vincantur a sceminis. Esto igitur vidua temperans, casta primum a vino, ut casta possis esse ab adultero. Nequaquam te ille tentabit, si vina non tentent. Nam si Judith bibisset, dormisset cum adultero; sed quia non bibit haud difficile ebrios exercitus unius sobrietas & vincere potuit & eludere. *Idem Libro de Viduis cap. 13.*

Mulieribus eorum (Romanorum) castitatis causa vini usus incognitus fuit, sicut nunc aquæ. *Creditus AMBROSIIUS Commentario in Caput 3. Epistola ad Colossenses.*

Jacet quasi vivum cadaver, ad mala quidem operanda sæpe habilis; ad bona autem omnia nihilo se melius habens, quam mortui. S. CHRYSOSTOMUS *Homilia 10. in Genesin.*

Non Æthnæi ignes, non Vulcania tellus, non Vesevus & Olympus tantis ardoribus æstuant, ut juveniles medullæ vino plenæ, & dapibus inflammatae. S. HIERONYMUS *Epistola 10. nunc 14. ad Furiam.*

Siquid in me potest esse consilii, si experto creditur, hoc primum moneo, hoc obtestor, ut sponſa Christi vinum fugiat pro veneno. Hæc ad-
versus adolescentiam prima arma sunt dæmonum. Non sic avaritia quatit, inflat superbia, delectat ambitio. Facile aliis caremus vitiis; hic hostis nobis inclusus est; quocunque pergimus, nobiscum portamus inimicum. Vinum & adolescentia duplex incendium voluptatis. Quid oleum flammis adjicimus? quid ardenti corpusculo fomenta ignium ministramus? *Idem vir sanctus Epistola nunc & olim 22. ad Eustochium.*

Longum est ire per singula, & insanias, quas ebrietas suppetit, explicare. Videas alios pocula in tela vertentes, scyphum in faciem jacere convivæ: alios scissis vestibus in vulnera aliena pro-ruere: alios clamare, alios dormire. Qui plus biberit, fortior computatur. Accusationis occasio est, adjuratum per regem frequentius non bibisse. Vomunt, ut bibant; bibunt, ut vomant. Digestio ventris & guttur uno occupantur officio. *Idem in caput I. epistolæ ad Titum.*

Vinolentia scurrarum est, & commessatorum, venterque mero æstuans cito despumat in libidines. *Idem in epistola 83. nunc 69. ad Oceanum.*

Noë ad unius horæ ebrietatem nudat femora sua, quæ per sexcentos annos sobrietate contexerat. Loth per temulentiam nesciens libidini miscet incestum, & quem Sodoma non vicerat, vina vice-runt. *Idem ibidem.*

Libenter carebo poculo, in quo suspicio veneni est. *Idem Epistola II. nunc 52. ad Nepotianum, propius finem.*

Non sit tibi amicus, qui te Deo vult facere inimicum, qui & tuus, & suus est inimicus. Si & te, & alium inebriaveris, habebis Deum inimicum; &

& ideo sapienter considera si iustum sit; ut te a Deo separe, dum te ebriolo conjungis. S. CÆSARIUS ARELATENSIS *Sermone 90. olim 231. ex Augustiniani de tempore.*

Noli adjurare, noli cogere; sed in potestate illius dimitte, ut quantum sibi placuerit, bibat. Et si se inebriare voluerit, vel solus pereat, & non ambo pereatis. *Idem ibid.*

Considerent ebriosi, si non peiores animalibus judicandi sunt. Cum enim animalia amplius quam eis opus est bibere nolunt, illi & duplum, & triplum eis quam expedit potum accipiunt; & unde trium vel quatuor dierum refectiorem potuerant rationabilem habere, uno die cum grandi peccato suo contendunt perdere potius, quam expendere propter invidiam, aut ebrietatem. Atque utinam potum tantummodo perderent, & non etiam ipsi perirent! *Idem ibidem.*

Ad excusandas excusationes in peccatis ista prætendimus, & quod implere nolumus, non potuissc nos dicimus. Nolle in culpa est nostra, & non posse prætenditur. Etiam si ad hoc veniretur: *aut bibas, aut morieris!* melius erat, ut caro tua sobria occideretur, quam per ebrietatem anima moreretur. *Idem Sermone 91. olim 232. ex Augustiniani de Tempore.*

Vel morbum corporis timeant, qui de animæ suæ salute non cogitant. *Idem eodem Sermone.*

Omnes nimirum, ex quo monachi sumus, infirmos stomachos habemus, & tam necessarium Apostoli de *utendo vino* consilium merito non negligimus; *modico* tamen, quod ille præmisit, nescio, cur prætermisso. S. BERNARDUS in *Apologia ad Guilielmum Abbatem.*

Tunc amplius bibunt, cum minus sitiunt. PETRUS BLESSENSIS in *Caput 1. Job.*

CAPUT II.

Fontes.

CLEMENS ALEXANDRINUS *Libro II. Pædagogici*
cap. 2.

ORIGENES *Homilia 7. in Leviticum.*

S. EPHRÆM *Sermone de Virginitate, & iterum de Agone, seu de luctaminibus hujus sæculi. Uterque extat Tomo III. novo græco-latino.*

S. BASILIUS M. *Homilia 14. in ebriosos, præstanter.*

S. GREGORIUS NYSSENUS *in Ecclesiasten Homilia 3. egregie.*

S. AMBROSIIUS *Libro I. de Abraham cap. 6. Libro item de Elia & Jejunio, capitibus pluribus.*

S. CHRYSOSTOMUS *Tomo II. novo habet Homiliam contra Ebriosos, quæ ante, saltem tota, non fuit edita. De eadem ebrietate agit Tractatus, quod nemo læditur, nisi a se ipso.*

Adde *Homilias 1. & 5. ad populum.*

Homiliam 10. in Genesin.

Homiliam 58. & 71. in Matthæum.

Homiliam 21. in Joannem.

Homiliam 27. in Acta.

Homiliam 13. in ad Romanos &c.

S. HIERONYMUS *in Caput 5. Epistolæ ad Galatas: Et jam citato alio Commentario in Caput I. Epistolæ ad Titum.*

S. AUGUSTINUS *Sermone 210. alias 74. de diversis, de potionibus delicatis a vino diversis. Item alius sub nomine S. Doctoris Tractatu de Sobrietate & Castitate.*

S. CHRYSOLOGUS *Sermonibus 26. & 174.*

SALVIANUS *in Libris de gubernatione, non semel.*

S. CÆSARIUS ARELATENSIS *Homiliis citatis.*

S. AN-

S. ANTIOCHUS *Homilia* 5.

S. JOANNES DAMASCENUS *Libro II. Parallelorum*
cap. 88. nunc Titulo V. Litera u.

Venerabilis BEDA in *Collectaneis*.

PETRUS BLESENSIS loco dato, & *Epistola* 7. ad
Magistrum quemdam.

JOANNES SARESBERIENSIS in *Polieratico Libro*
VIII. cap. 10.

Porro Hieronymus *Epistolis jam laudatis ad Ne-*
potianum, & ad Oceanum: Blesensis *Epistola proxime*
dicta, sed & Chrysologus *Sermone* 26. habent ali-
qua, quæ temulentiam quoque ipsius Cleri ca-
stigent.

Plura dabunt Tituli: *Jejunium, Temperan-*
tia &c.

TITULUS XVI.

De Ecclesia, aliisque huc pertinentibus.

CAPUT I.

Loci.

Habes Romam, unde nobis quoque auctoritas
præsto est. Ista felix Ecclesia! cui totam do-
ctrinam Apostoli cum sanguine suo profuderunt.
TERTULLIANUS *Libro de Præscriptionibus adversus*
hæreticos cap. 36.

Quisquis ille est, & qualiscunque est, Chri-
stianus non est, qui in Christi Ecclesia non est.
S CYPRIANUS *Epistola* 52. ad *Antonianum*.

Habere jam non potest Deum patrem, qui Ec-
clesiam non habet matrem. *Idem Libro de unitate*
Ecclesiæ.

Eccle.

Quam igitur sibi promittunt inimici pacem fratrum? Quæ sacrificia celebrare se credunt æmuli sacerdotum? An secum esse Christum, cum collecti fuerint, opinantur, qui extra Christi Ecclesiam colliguntur? Tales etiam si occisi in confessione nominis (ejus) fuerint, macula ista nec sanguine abluitur Ardeant licet flammis, & ignibus traditi vel objecti bestiis animas suas ponant: non erit illa fidei corona, sed poena perfidiæ: nec religiosæ virtutis exitus gloriosus, sed desperationis interitus. Occidi talis potest, coronari non potest. *Idem ibidem inferius.*

Sola Catholica Ecclesia est, quæ verum cultum retinet. Hic est fons veritatis, hoc est domicilium fidei, hoc templum Dei: quod si quis non intraverit, vel a quo si quis exierit, a spe vitæ & salutis alienus est. LACTANTIUS *Libro IV. divinarum Institutionum cap. 30.*

S. OPTATUS MILEVITANUS *inter alios scripturæ locos, quos summo nisu in Donatistas intorquet, illum psalmi 112. Laudandum nomen Domini ab ortu solis usque ad occasum: Et istum psalmi 95. Cantate Domino canticum novum: Cantate Domino omnis terra. Pronuntiate in gentibus gloriam ipsius: in omnibus populis mirabilia ejus; hunc in modum perurget: Qui omnes populos dixit, neminem excepit: & vos solos ab omnibus populis, de quibus hoc mandatum est, separatos esse gratulamini: & vultis vos solos esse totum, qui in omnino non estis? Laudandum inquit nomen Domini a tota terra, & ab ortu solis usque ad occasum. Numquid pagani extralegales possunt cantare Deo, aut laudare nomen Dei, & non sola Ecclesia, quæ in lege est? Quam si apud vos tantummodo esse dicitis, & fraudatis aures Dei: si vos soli laudatis, totus tacebit orbis, qui est ab ortu solis usque ad occasum: clausistis ora omnium christianarum gen-*

tium: indixistis silentium populis universis Deum per momenta laudare cupientibus. Igitur si & Deus debitas sibi laudes expectat, &, ut sonent Spiritus sanctus hortatur, & totus orbis quod debet paratus est reddere ne fraudetur Deus: etiam vos ipsi laudate cum omnibus; aut quia nolulistis esse cum omnibus, soli conticescite! *Libro II. contra Parmenianum de Schismate Donatistarum.*

Quot enim bella adversus Ecclesiam concitata sunt! quot exercitus instructi! quot arma mota! quot non cruciatus & supplicii genus excogitatum! Sartagine, catapultæ, lebetes, fornaces, lacus, & præcipitia, bestiarum dentes, maria & proscriptiones, aliaque innumera tormentorum genera neque dictis memoranda, neque factis toleranda! Atque hæc non tantum ab extraneis, verum etiam a nostris domesticis. Nam civile quoddam bellum occuparat omnia vel quovis civili bello perniciosius. Neque enim cives modo cum civibus, verum etiam cognati cum cognatis, domestici cum domesticis, amici cum amicis conflictabantur; nihil tamen horum dissolvit Ecclesiam, ac ne infirmiore quidem reddidit. Atque id sane mirum & incredibile, quod hæc in ipsis statim primordiis mota sunt. Nam si tum irruissent hæc acerba posteaquam radices egerat, & ubique terrarum plantatum erat Evangelium, haud perinde fuisset admirandum non fuisse subversam Ecclesiam. Ceterum cum in ipso doctrinæ exordio nuper jacto fidei semine teneris etiamnum auditorum mentibus tot bella eruperint, res nostras non solum nulla ex parte fuisse diminutas, verum etiam multam accessionem adjunctam fuisse: hoc nimirum superat omne miraculum. S. CHRYSOSTOMUS *oratione 5. adversus Judæos, post initium. Tomo 1. Montfaucon. pag. 630.*

Poteram

Poteram diem istius modi eloquio ducere, & omnes propositionum rivulos uno Ecclesiæ sole ficcare; verum quia jam multum sermonicati sumus, & prolixitas concertationis audientium studia lassavit: brevem tibi apertamque animi mei sententiam proferam, in illa esse Ecclesia permanendum, quæ ab Apostolis fundata usque ad diem hanc durat. Sicubi audieris, eos qui dicuntur Christi, non a Domino Jesu Christo, sed a quoquam alio nuncupari, ut puta Marcionitas, Valentinianos, Montenses, five Campitas: scito non Ecclesiam Christi, sed Antichristi esse synagogam. S. HIERONYMUS *ad finem Dialogi adversus Luciferianos.*

Et quid amplius dicturus sum, quam cæcos, qui tam magnum montem non vident, qui contra lucernam in candelabro positam oculos claudunt? S. AUGUSTINUS *Tractatu 2. in epistolam Joannis.*

Sed illa Ecclesia, quæ fuit omnium gentium, jam non est, periit. Hoc dicunt, qui in illa non sunt. O impudentem vocem! illa non est, quia tu in illa non es? vide, ne tu ideo non sis; nam illa erit, etsi tu non sis. *Idem concione 2. in psalmum 101. ante medium.*

Ad ipsam salutem ac vitam æternam nemo pervenit, nisi qui habet caput Christum. Habere autem caput Christum nemo poterit, nisi qui in ejus corpore fuerit, quod est Ecclesia. Quam sicut ipsum caput in scripturis sanctis Canonicis debemus agnoscere, non in variis hominum rumoribus, & opinionibus, & dictis, & factis, & visis inquirere. *Idem Libro de unitate Ecclesiæ contra Petiliani epistolam cap. 19.*

Ecce Scripturæ communes! ecce ubi novimus Ecclesiam! si Christum ipsum tenetis, ipsam Ecclesiam quare non tenetis? si in ipsum Christum quem legitis, & non videtis, tamen propter veritatem scriptu-

scripturarum creditis, quare Ecclesiam negatis, quam & legitis, & videtis? *Idem Epistola 66. nunc 105. sub finem.*

Idem verba psalmi 56. Exaltare super coelos Deus, & in omni terra gloria tua, *sic potenter contra hostes catholicæ Ecclesiæ adhibet*: Qualem vesaniam patiantur hæretici, quæso ut attendatis! illi præcisi a compagine Ecclesiæ Christi, & partem tenentes, totum amittentes, nolunt communicare orbi terrarum, quo diffusa est gloria Christi. Nos autem Catholici in omni terra sumus; quia omni terræ communicamus, quacunque gloria Christi diffusa est. Videmus enim quod tunc cantatum est, modo completum. Exaltatus est super coelos Deus noster, & super omnem terram gloria ipsius. O hæretica infania! quod non vides credis mecum: quod vides negas? credis mecum exaltatum Christum super coelos, quod non videmus: & negas gloriam ejus super omnem terram quod videmus. *Libro III. contra Cresconium cap. 64.*

Rursum præclare argumento ad hominem Donatistas stringit; cum enim illi obtenderent, nolle se cum baptizatis extra ecclesiam communicare, atque ita unacum ipsis perire: Cyprianum item, qui pariter hoc sensisset, perpetuo creparent: ita istuc assumit S. Doctor: Respondete, quare vos separastis? quare contra orbem terrarum altare erexistis? quare non communicatis Ecclesiis, in quibus Epistolas apostolicas missas tenetis, & legitis, & secundum ipsas vos vivere dicitis? Respondete, quare vos separastis? Propterea certe, ne malorum communione periretis. Quomodo ergo non perierunt Cyprianus, & tot collegæ ipsius, qui cum crederent, hæreticos, & schismaticos baptismum non habere, sine baptismo tamen receptis cum peccata eorum tam immania, tamque sacrilega super eos esse crederent, eis tamen communicare, quam separari ab unitate maluerunt?

luerunt? Si ergo tali communione malorum per-
eunt iusti, jam Ecclesia temporibus Cypriani peri-
erat. Unde igitur extitit origo Donati? ubi cate-
chizatus est? ubi baptizatus? ubi ordinatus, quando
jam Ecclesiam contagio communionis extinxerat?
Si autem erat Ecclesia: nihil obesse mali bonis in
una communione potuerunt. *Libro II. de Baptismo
contra Donatistas cap. 5.*

Hanc (Ecclesiam) dilectissimi! amemus omnes,
tali matri sic amanti, sic prospicienti, sic consu-
lenti inseparabiliter inhæreamus, ut simul cum illa
& per illam Deo Patri conjungi perpetuo merea-
mur. *Idem in fine Sermonis 3. de Symbolo ad Cate-
chumenos.*

Non minuitur persecutionibus Ecclesia; sed au-
getur: & semper Dominicus ager segete ditio-
re vestitur, dum grana quæ singula cadunt, multipli-
cata nascuntur. S. LEO *Sermone I. in Natali Apo-
stolorum Petri & Pauli.*

Sancta Ecclesia electorum floribus plena; ha-
bet in pace lilia, in bello rosas. S. GREGORIUS M.
Homil. 35. in Evangelia, versus finem.

Vinea sanctæ Ecclesiæ, ab Abel usque ad sæ-
culi terminum ab agricola summo plantata, nun-
quam tantis spinis inhorruit, quin etiam flores etfi
raros, haberet, quorum pulchritudine cultoris in-
dustria patefceret. AUCTOR *Altercationis Synagogæ
& Ecclesiæ.*

Clarissima illa est, una uni, non adhæreas alteri
sponso, non cedens alteri sponsæ. Quid ista non
audeat apud tam ambitiosum amatorem? Quid non
ab illo speret? S. BERNARDUS *Sermone 68. in Can-
tica.*

Hoc corpus suum, quod est Ecclesia, magis
dilexit (Christus) quam illud, quod traxit de Vir-
gine. Illud enim verberibus & plagis, imo & morti expo-

exposuit, ut isti incolumitatem pararet. PETRUS BLESENSIS *Sermone 11. ex illi suppositis, & a Petro de Gusanvilla in nova Editione omisissis.*

CAPUT II.

Fontes.

S. IRENEUS in *Libris adversus hæreses.*

TERTULLIANUS in *Libro de Præscriptionibus adversus hæreticos.*

S. CYPRIANUS *Libro de Unitate Ecclesiæ. Et Epistolis 40. ad plebem : 52. ad Antonianum : 55. ad Cornelium Papam &c.*

S. CYRILLUS HIEROSOLYMITANUS *Catechesi 18.*

S. OPTATUS MILLEVITANUS in *Libris de schismate Donatistarum contra Parmenianum.*

S. PACIANUS *Epistolis tribus ad Sympronianum Novatianum.*

S. CHRYSOSTOMUS *Homilia 7. ex ineditis, Tomo XII. Montfauconi, de propagatione Ecclesiæ.*

Demonstratione, quod Christus sit Deus, de ejusdem propagatione, firmitate, triumphis.

Homilia cum de expulsiōe ipsius ageretur, de Ecclesiæ firmitate.

Homilia in inscriptionem Actorum, de eadem.

Homilia II. in ad Ephesios, de schismate.

S. HIERONYMUS *Dialogo adversus Luciferianos. Plures ex eo locos dat Cornelius Schultingus in Confessione Hieronymiana.*

S. AUGUSTINUS, præter *Librum jam laudatum de unitate Ecclesiæ contra Petiliani Epistolam, Libro contra Epistolam Manichæi, quæ vocatur Fundamenti.*

S. AUGUSTINUS, *Libris variis contra Donatistas.*

*Epistolis pluribus contra eosdem, uti 43. alias 162. ad Glorium &c. 185 alias 180. ad Bonifacium Comitem 49. alias 161. ad Honoratum: 93. alias 48. ad Vincen-
tium Rogatianum.*

*Libris contra Epistolam Parmeniani, de
schismate.*

Libro de vera Religione.

Libro de moribus Ecclesiæ catholicæ.

Libro de utilitate credendi.

*Libris 11. & 13. contra Faustum, de au-
thoritate Ecclesiæ in scriptura dijudi-
canda.*

Expositione psalmi 147.

Tractatu 45. in Joannem.

*Sermone 267. novo, alias 186. de Tem-
pore.*

Plurimos ejusdem locos collegit Laurentius no-
ster Alticotius in *summa Augustiniana Parte III.*
Quæstione 1.

S. ISIDORUS PELUSIOTA *Libro I. epistola 311. &
Libro III. epistola 5.*

S. VINCENTIUS *Lirinensis in Commonitorio.*

S. CYRILLUS ALEXANDRINUS *Libro II. in Joan-
nem, de unione nostra in Ecclesia.*

S. LEO *Epistola 84. nunc 14. ad Anastasium Thes-
salonicensem, de vinculo unitatis Ecclesiasticæ.*

SALVIANUS sæpissime, tam in *Libris de Guberna-
tione, quam in Libris adversus Avaritiam de cor-
ruptis in Ecclesia moribus.*

S. GREGORIUS M. in *Expositione primorum capi-
tum Libri I. Regum.*

S. ISIDORUS HISPALENSIS *Libro I. sententia-
rum cap. 16.*

S. BRUNO

Titulus XVII. De Eleemosyna &c. Caput I. 131

S. Bruno *Libro de laudibus Ecclesiæ: & Libro de Ornamentis Ecclesiæ.*

HUGO VICTORINUS *Traſſatu de unitate Ecclesiæ.*

S. BERNARDUS *Sermone 33. in Cantica*, de per-
versitate morum in sui temporis Ecclesia.

Idem multa dat de unitate & regimine Ecclesiæ
in *Epistolis* super causa schismatis perſcriptis.

Adde Titulos: *Fides, Deus, Summus Pontifex,
Hæretici, Concilia &c.*

TITULUS XVII.

De Eleemosyna &c.

CAPUT I.

Loci.

Negotiatio est, aliquid amittere, ut majora lu-
creris. TERTULLIANUS *Libro ad Martyras*
cap. 2. in simili causa.

Putas, quia, qui Christum pascit, a Christo ipso
non pascitur; aut eis terrena deerunt, quibus cœ-
lestia & divina tribuuntur? S. CYPRIANUS *de opere
& eleemosyna.*

Magna quæris, & parva non communicas? S.
CYRILLUS HIEROSOLYMITANUS *Catechesi 3.*

Da exiguum ei, a quo multum habes. Da etiam
omnia ei, qui omnia donavit. Nunquam Dei mu-
nificentiam vinces, etiamsi omnia tua bona projici-
as, etiamsi te ipsis bonis tuis adjungas. Nam hoc
quoque ipsum accipere est, nempe Deo donari. S.
GREGORIUS NAZIANZENUS *Oratione 16. de pauperum
amore.*

Multo satius est, ob eos qui digni sunt, indi-
gnis quoque largiri, quam dum metuimus, ne de
I 2 indignis

indignis bene mereamur, dignos etiam beneficio fraudare. *Idem Oratione 19. quæ est in laudem Patris.*

Cave ne capiat alius thesaurum tibi repositum. Studium promerendi de propinquis * tibi ab alio præripi ne permittas. Calamitate affectum ut aurum amplectere. Infirmam pauperis valetudinem ita fove, ut in ea & sanitatem tuam, & salutem totius familiæ positam putes. Nam cum omnes pauperes adjurandi sunt, tum illi qui ægrotant, præcipue sunt complectendi. Qui enim egens, & æger est, duplici laborat paupertate. S. GREGORIUS NYSSÆNUS *Oratione 1. de pauperibus amandis &c. quæ, quod sciam, tantum latine extat.*

Undique expulsi confluent unum in locum, & proprium quemdam populum conficiunt. Vides homines injucundos, flebilem, tristemque chorum, efficientes. Et vero ut ipsis sese quodammodo jactitant calamitatibus ut in se ipsis naturam ostendant deturpatam! ut varios eo commeantibus morbos velut præstigiatores quidam exhibent! Elegorum, tristemque narrationum artifices, modulatores lamentorum, actores novæ hujus, miseræque tragoediæ, in qua non ex alienis, sed ex propriis calamitatibus exempla sumunt ad permovendos animos, atque ita sibi audientiam faciunt. O quæ figuræ bone Deus! quæ narrationes! quomodo ab illis, qui ipsos procrearunt, nulla sua culpa rejecti sunt! quomodo expelluntur e civitatibus! quomodo ex colloquiis communibus, ex publicis, festisque conventibus extruduntur! tamquam homicidæ, tamquam parricidæ, exilio perpetuo mulctati, imo quam illis longe infeliciores; siquidem homicidis solum vertentibus
licet

* Id est proximis.

licet alibi cum hominibus vivere; at isti omnium soli tanquam communes declarati hostes undique canum instar exturbantur. Quid quod eodem tecto, eadem mensa, eodem vasorum usu judicantur indigni? quid quod quasi hæc satis gravia non sint, arcentur a fontibus, qui reliquis hominibus sunt communes? ipsa quin etiam flumina creduntur ipsorum ægritudine coinquinari? si lingua cruenta canis aquam lamberit, non eam idcirco respuunt homines: at si ad illam æger accesserit, continuo propter hominem ipsa quoque aqua detestabilis prædicatur. Hæc enarrant, hæc deplorant, ob hæc necessario se ad hominum pedes abjiciunt miseri, & omnibus occurrentibus supplicant. Sæpe tristi spectaculo illachrymavi: sæpe de natura conquestus sum, & ea me recordatio, memoriaque nunc etiam movet, atque perturbat. Vidi ægritudinem miserandam, vidi spectaculum plenum lachrymarum, juxta vias celebres, & a prætereuntibus frequentatas jacent homines, imo ne homines quidem; sed infelices hominum reliquiæ, signis & indicibus aliquibus indigentes, ut se homines esse fidem faciant. Neque enim ex naturæ notis quidquam est reliquum, ut agnosci possint. Hi soli ex omnibus se ipsos oderunt: soli diem suum natalem execrantur. Ac jure quidem detestantur illum diem, qui talis vitæ principium fuit; homines qui se communi appellatione nominare erubescunt, ne ea ipsa nominis communione naturam communem dedecarent. Semper in miseriis vitam degunt, perpetuam luctus materiam habent. Quamdiu enim se ipsos aspiciunt, tamdiu lugendi habent occasionem. Dubitant autem quas magis deplorent corporis partes; easne, quæ non adsunt amplius, an illas, quæ supersunt, quas morbus absumpsit: an quæ morbo relictæ sunt absumendæ: dolendumne magis sit, quod in se ipsis eas miseria-

rias cernant, an quod eas, adempta etiam morbo videndi facultate, intueri non possint: quod talia de se narrare queant, an quod sibi ab ipso morbo erepta etiam voce ne illa quidem valeant explicare: quod tali vescantur cibo, an quod ne illo quidem commode vesci possint, impedita propter oris corruptas a morbi particulis edendi potestate: quod sentiendo ea, quæ mortuorum sunt propria perpetiantur, an quod ipsi etiam sensibus spoliati sint. Ubi enim illis aut videndi, aut odorandi, aut tangendi vis? ubi reliquorum sensuum sedes, quas paulatim depascente morbo ulcus arrodit? Per omnia igitur vagantur loca ad uberiores pastum, ut animalia rationis expertia, identidem se transferentes. Quæstus cibique parandi instrumenta calamitatem circumferunt, & supplicationis loco omnibus morbum ostendunt. Equidem ægritudinis causa egent ministris, a quibus manuducantur; verum ob inopiam sese vicissim (ipsimet) sustentant. Sic enim alter alterius utitur membris pro iis, quæ sibi desunt; ut qui per se singuli sunt imbecilli, mutua illa accessione fulciantur. Atque ita in hominum conspectum singulatim non veniunt; verum (adeo ad parandum victum ingeniosos quoque, & solertes egestas facit) universi interque se congregati conspici volunt. Inde fit, ut cum singuli miserabiles sint, hominibus ita conjuncti magis miserandi, atque una juvandi videantur. Aliquid enim quisque in commune confert: & alius ex alia calamitate misericordiam comparat. Hic præterdit mutilatas manus: ille tumidum ventrem ostendit: alius dilaniatam faciem, crus putrescens alius: qua denique quisque ægrotat corporis parte, eam denudat, & suam miseriam ostentat. Quid ergo faciendum est nobis, ut nihil in naturæ legem peccasse videamur? Satisne sit eorum affectiones deplorare, & oratione morbum extollere, atque ipsa

ipsa commemoratione commoveri: an necesse est, ut factō etiam aliquo misericordiam, & benevolentiam erga illos nostram declarem? Sic est profecto. Nam quæ proportio est inter res veras, & pictura adumbratas, eandem obtinent verba, si ab operibus sejungantur. Non enim in verbis salutem consistere dicit Dominus, sed in salutis operibus faciendis. *Idem oratione 2. de pauperibus, & beneficentia.*

Et quo ore, quæso, qua impudentia panem de coelo * accipientes nos panem de terra non damus fratribus? *Creditus AMBROSIIUS Sermone 64. in Dominicam VIII. post Pentecosten, circa medium; nunc omissus est.*

Panem postulat homo: & equus tuus aurum sub dentibus mandit! *Verus AMBROSIIUS Libro de Nabuth cap. 13.*

Ne quis a collatione ministerii paupertatis pudore revocetur. Nec sibi divites blandiantur; quod plus videantur conferre, quam pauperes. Uberior est enim nummus e parvo, quam thesaurus e maximo; quia non quantum detur; sed quantum resideat, expenditur. Nemo plus tribuit quam qui nihil sibi relinquit. Quid tu dives egeni comparatione te jactas: & cum tota onereris auro, pretiosam per humum trahens vestem, quasi inferior tuis & parva divitiis honorari desideras quia inopiam collatione vicisti? Et flumina superfluunt cum redundant; gratior tamen haustris e rivulo est. Spumant & musta dum fervent, nec damnum putat Agricola quod defluerit. Non ergo quod fastidio exspuas, sed quantum devotione conferas æstimandum est. *Idem Libro de Viduis, ante medium.*

* Eucharistiam.

EX CHRYSOSTOMO, qui totus est in isto argumento, loco; plures alias dedi; in speciminibus scilicet. Unum, eumque brevissimum, quem præ oculis habeo, non omit- tam: Ne recondita quidem nobis attingere aude- mus, innumeras videntes animas everfas. Rodat enim, inquit ille, tinea, & non rodat pauper: edat vermis, & non induatur nudus. Omnia consu- mantur tempore, & non alatur Christus, dum elu- rit. Ecquis hoc dicit, inquires? hoc enim grave admodum est, quod non verbis, sed factis hæc di- cantur. Nam minus grave esset, si verbis dicere- tur, quam cum reipsa efficitur. *Homilia 21. in 1. ad Corinthios.*

Ex eo tempore, quo Virginitati perpetuæ con- secrata es, tua non tua sunt; imo vero tua; quia Christi esse cæperunt. S. HIERONYMUS *Epistola 130. alias 8. ad Demetriadem.*

Optimus dispensator est, qui sibi nihil refer- vat. *Idem Epistola 52. alias 2. ad Nepotianum, prope finem.*

Da, quod non potes retinere; ut accipias, quod non poteris amittere. S. AUGUSTINUS *Concione 3. in psalmum 36.*

Attende, quid faciat scenerator. Minus vult dare certe, & plus accipere. Hoc fac et & tu. Da mo- dica; accipe magna. Vide quam late crescat fœ- nus tuum! da temporalia; accipe æterna: da ter- ram; accipe cœlum. *Idem ibidem.*

Habet semper unde det, cui plenum pectus est charitatis. *Idem Concione 2. in psalmum eundem.*

Da pauperi, ut des tibi; quia quidquid pau- peri dederis, tu habebis: quod pauperi non dede- ris, habebit alter. S. CHRYSOLOGUS *Sermone 8.*

Cum

* Hoc ipsum perpulchre urget Chrysostomus *Homilia 3. alias 9. de Pœnitentia.*

Cum quælibet necessaria indigentibus ministramus, sua illis reddimus, non nostra largimur. Justitiæ debitum potius solvimus, quam misericordix opus implemus. S. GREGORIUS M. *Pastoralis curæ Parte III. admonitione 22.*

Ecce importune se pauperes offerunt. Rogant nos, qui tunc pro nobis intercessores venient. Certe nos omnino rogare debuimus; sed tamen rogamur. Videte si negare debemus quod petimur; quando patroni sunt qui petunt. *Idem Homilia 40. in Evangelia versus finem.*

CAPUT II.

Fontes.

S. CYPRIANUS *Libro de Opere & Eleemofyna.*

LACTANTIUS *Libro VI. divinarum Institutionum, fuse. Item Epitomes cap. 5.*

S. BASILIUS M. *Homilia 6. in: Destruam horrea mea &c.: Homilia 7. in Divites: Et Homilia 8. in famem. & siccitatem.*

S. GREGORIUS NAZIANZENSIS *Oratione 16. de pauperum amore.*

S. GREGORIUS NYSSENUS *Orationibus duabus, nomen simile præferentibus. & jam ante laudatis: atque etiam Oratione 5. de Beatitudinibus.*

S. AMBROSIIUS *Libro I. de Officiis, capitibus 11. 30 31. & Libro II. cap. 15. 16. 21. * 25. 28. 29. & Libro III. capitibus 6. & 7. Adde Librum de Viduis, & Sermonem suppositum supra dictum.*

S. GAUDENTIUS *Tractatu, sive Sermonem 13.*

S. CHRYSOSTOMUS *Homilia de Eleemofyna, Tomo III. Montfauconi.*

I 5

S. CHRYS-

* Probe autem hoc caput notandum, quo prohibet, ne valentibus & otiosis eleemofynam largiamur.

S. CHRYSOSTOMUS *Homilia in illud: oportet & hæreses esse, eodem Tomo.*

Homiliis tribus aliis, quæ proxime sequuntur in illud Apostoli: Habentes eundem spiritum.

Homilia, ne scrutemur pauperes curiose.

Homilia 2. de Lazaro, ubi docet, etiam improbo, cum egeret, non negandam stipem.

Homiliis 3. & 7. hodierna de pœnitentia.

Homilia 35. in Genesin.

Homiliis 17. 24. 36. 67. 78. 89. in Matthæum.

Homiliis 7. 11. 14. 15. 21. in ad Romanos.

Homilia in illud: Salutate Priscillam, in mendicos otiosos.

Homiliis 10. 11. 21. 30. in I. ad Corinthios, quas inter præcipue notanda est 21.

Homiliis 16. 19. & 20. in II. ad Corinthios.

Homilia 1. in ad Philippenses.

Homilia 6. in II. ad Timotheum.

Homilia 11. & 32. in ad Hebræos &c. &c.

quæ sane universa infinitum foret hic recensere. Certe, quod non semel dicebam amicis, hic palam omnibus affirmo: Si sola illa, quæ vir sanctus de danda Eleemosyna, & contemptu divitiarum conscripsit, simul & in unum ederentur, Tomos duos formæ maximæ nullo negotio implerent.

S. HIERONYMUS *Epistola 66. alias 26. ad Pamachium: Epistola 77. alias 30. ad Oceanum: Epistola 118. alias 34. ad Julianum &c.*

S. ISIDORUS PELUSIOTA *Libro II. epistola 214.*

S. AUGUSTINUS præter laudatam Concionem in psalmum 36. videri potest.

S. AUGU-

S. AUGUSTINUS in psalmum 146: in psalmum 147.
atque etiam in alios psalmos quam
sæpillime.

*Homilia 47. ex 50. nunc Sermone 310. in
Appendice.*

*Sermone 50. alias 15. de diversis, & homi-
lia 30. ex 50.*

Sermone 61. alias 5. de Verbis Domini.

*Sermone 113. alias 35. de iisdem verbis Do-
mini, ubi agit de eleemosynis ex alieno.*

Sermone 178. alias 19. de verbis Apostoli.

In Enchiridio a capite 69. fusus.

*Libro XXI. de Civitate cap. 27. ubi late
in eos, qui putant peccata, cum faci-
mus Eleemosynam, nihil obesse.*

Adde *Sermones aliquot ad finem Appendicis novæ;*
quorum aliqui sunt S. Cæsarii, aliqui incerti au-
ctoris.

S. PAULINUS *Sermone de Gazophylacio: Et
Epistola olim & nunc 33. ad Alethium.*

S. NILUS *de virtutibus excolendis capite 4.*

S. CHRYSOLOGUS *Sermone 14.*

S. LEO *Sermonibus de Collectis: & de Jejuniis
decimi mensis.*

SALVIANUS *Libris quatuor ad Ecclesiam catholi-
cam, adversus avaritiam.*

S. LAURENTIUS Novariensis *homiliis duabus de
pœnitentia, & Eleemosyna.*

S. GREGORIUS M. *Curæ Pastoralis Parte III. co-
pitiis 21. & 22.: Libro XIX. Moralium cap. 23.
& Libro XXI. Moralium capitibus pluribus. Idem
Homilia 14. in Evangelia, initio, obiter, sed pul-
chre pro eleemosynis Clericorum.*

S. ISIDORUS HISPALENSIS *ad finem Libri II. Sy-
nonimorum, & Libro III. capite 60. sententiarum.*

S. JOAN-

S. JOANNES DAMASCENUS *Libro II. Parallelorum*, capitibus 16. & 17. nunc *Titulis VIII. & IX. Litera e.*

INNOCENTIUS III. PAPA *Libello de Eleemosyna.*

Sed quod præcipua objectatio, quæ fit contra Eleemosynam, est amor liberorum atque cognatorum, egregie illum eximunt *Cyprianus opere laudato: Basilii homilia 6. in illud: Destruam horrea; & homilia 7. in divites; & homilia illa dicta in Laicis: Chrysostomus homilia 7. in ad Romanos; homilia 10. in I. ad Thessalonicenses; Homilia 9. de Pœnitentia &c. Augustinus de decem chordis; de disciplina christiana cap. 8.; Ennarratione in psalmum 38. & alias sæpe. Salvianus in Libris ad Ecclesiam catholicam, fusissime: S. Joannes Damascenus Parallelorum Titulo IX. jam citato.*

Porro sententias de Eleemosyna quam plurimas collegit Julius Fulcus, quæ sunt editæ Romæ 1558.; sed, ut candide dicam, labore majori quam delectu.

Accedunt Tituli: *Amor Proximi, Misericordia, Recta Intentio, & similes.*

TITULUS XVIII.

De Festis Diebus.

CAPUT I.

Loci.

Dominica dies regina, & maxima omnium dierum . . . in qua & vita nostra exorta est, & in Christo mors est devicta. S. IGNATIUS *Martyr Epistola ad Magnesianos, numero 9.*

Malorum morum licentia pietas erit? occasio luxuriæ religio deputabitur? TERTULLIANUS *Apologetici*

logetici cap. 35. Loquitur autem de Festis gentili-
um; ubi & alia huc faciunt, negotio nullo festis
nostris accommodanda.

Non profanus melius esset quam sic religiosus?
aut quomodo Deum violat qui hoc modo placat?
MINUTIUS FELIX in *Octavio post medium*.

Qui Dominum verentur, Dominicam diem præ-
stolantur ut Deo preces adhibeant: & corpore &
sanguine Domini recreentur. Inertes vero & so-
cordes Dominicum diem expectant, ut ab opere
feriati vitiis dent operam. Quod autem non men-
tiar, res ipsæ faciunt fidem. Alio die in plateam
prodi, & neminem reperias; die Dominico egre-
dere, atque alios cythara canentes, alios applau-
dentes, saltantesque, & sedentes alios & proximos
dicteriiis insectantes, alios denique luctantes inven-
nias. Præco ad Ecclesiam vocat? omnes torpe-
scunt, & moras nectunt. Cythara, aut tuba per-
sonuit? tum omnes tanquam alis instructi currunt.
EUSEBIUS (quem ego *Emesenum* puto) apud *S. Da-*
mascenum Libro III. Parallelorum cap. 47.

Intus sacerdos Deo supplices pro mundi salute
preces offert; & foris ludi celebrantur! Sic nimi-
rum Israëlitarum quoque ludebant, tumque eos exi-
tium invasit. Moses enim in monte pro ipsis Deo
supplicabat; plebs interim, posteaquam cibo, &
mero operam dedit, ad ludendum surrexit, eoque
nomine divina ira in eos ruente uno die viginti
quatuor millia procubuerunt. *Idem EUSEBIUS apud*
eundem ibidem Titulo IV. litera λ alias Libro II,
cap. 83.

O stultitiam hominum, qui ebrietatem sacri-
ficium putant! qui æstimant illos ebrietate placari,
qui passionem jejunio sustinere didicerunt! *S.*
AMBROSIUS Libro de Elia & jejunio cap. 17. de comef-
santibus in festis Martyrum.

Hæc dico fratres de iis, qui festivissima die ne in Ecclesiam procurrerent, patrimoniorum suorum compedibus sunt detenti, & terreno quodam obligati sunt vinculo, ut venire eis ad domum Domini non liceret. Non quod eos quidpiam detineat; sed quod ita propriis sunt actibus implicati, ut jam arbitrium vivendi sua potestate amiserint; & dum solitudinem patrimoniis exhibent, animarum medicinam penitus non requirant. Quid mihi o dives! difficultatem temporis objicis? quid necessitatem ingeris repentinam? Si cor habes, intellige, quia omni necessitate major necessitas est salutis: & utilior est causa prius curare vitam, tunc peculii damna sarcire; ne dum augmentum patrimoniis quærimus, sentiamus animæ detrimentum . . . Considera itaque judicii imminentem diem, & inextinguibiles gehennæ flammæ, stridorem horrendum dentium, tenebrarum ultimum cruciatum; & si potes, relicta Ecclesia sæcularibus solitudinibus implicare! Vereor enim, ne dum mundi divitias quæritis, inveniatis potius divitias peccatorum, & repertis thesauris sæculi cœlestes thesauros amittatis. *Creditus AMBROSIIUS Sermone in Dominica XIV. post Pentecosten, hodie 39.*

Accepisti sabbathum ut animam tuam liberares a vitiis; tu vero tum magis illa committis. S. CHRYSOSTOMUS *homilia 1. de Lazaro, circa medium.*

Centum sexaginta octo horas habente hebdomade, unam & solam horam sibi ipse segregavit Deus: & hanc in opera sæcularia, & in ridicula, & in vana colloquia infumis? *Idem homilia nunc 9. de Penitentia.*

Observa diem Sabbathi non carnaliter, non judaicis deliciis, qui otio abutuntur ad nequitiam (melius enim utique tota die foderent quam tota die saltarent) sed tu cogitans requiem in Deo tuo; & propter ipsam requiem omnia faciens, abtine ab opere
ser vili:

servili. Omnis enim qui facit peccatum servus est: & utinam hominis, non peccati! S. AUGUSTINUS *Concione 1. in psalmum 32. circa medium.*

Quæ sunt sacrilegia, si ista sunt sacra? *Idem de Festis gentilium loquens Libro II. de Civitate Dei cap. 4.*

Diabolus numerosa genuit, & perniciofa portenta, ut ridiculum de religione captaret, in sacrilegium verteret sanctitatem, de honore Dei Deo pararet injuriam. S. CHRYSOLOGUS *Sermone 155.*

Si quando evenerit, quod scilicet sæpe evenit, ut eodem die & Festivitas ecclesiastica, & ludi publici agantur: quæro ab omnium conscientia, quis locus majores Christianorum virorum copias habeat; caveane ludi publici, an atrium templi: & templum omnes magis sectentur, an theatrum: dicta evangeliorum magis diligant an thymelicorum: verba vitæ, an verba mortis: verba Christi, an verba mimi? Non est dubium quin illud magis amemus, quod anteponimus. SALVIANUS *Libro VI. de gubernatione Dei, propius initium.*

Dum in ipsa Ecclesia sunt, si ludos agi audiunt, Ecclesiam derelinquunt. Spernitur Dei templum, ut concurratur ad theatrum. Ecclesia vacuatur, circus impletur. *Idem ibidem.*

Curate qui his solennitatibus interestis, ne ab æterna solennitate separemini. Quid prodest interesse festis hominum, si deesse contingat festis angelorum? Umbra futuræ solennitatis est solennitas præsens; idcirco hanc agimus, ut ad illam, quæ non est annua sed continua, perducamur. Cum hæc statuto tempore geritur, ad illius desiderium memoria nostra refricatur. Frequentatione ergo gaudii temporalis ad æterna gaudia mens incalescat, & ferveat, ut ex veritate lætitiæ perfruatur in patria, quod de umbra gaudii meditatur in via. S. GREGORIUS M. *homilia 26. in Evangelia.*

Insidiante humani generis inimico quod statutum fuerat ad Dei gloriam & nostram salvationem, jam utique conversum est ad Dei ignominiam & nostram damnationem. S. BERNARDINUS SENENSIS *Tomo II. Sermone 10. initio.*

CAPUT II.

Fontes.

PHILO *Hebræus de Septenario & Festis.*

CLEMENS ALEXANDRINUS *Libro III. Pædagogicæ cap. 11. quam profanos se multi præbeant diebus festis.*

ORIGENES *homilia 23. in Numeros.*

S. ATHANASIUS, aut quisquis est auctor egregius, *de Sabbathis, & Circumcisione ex Libro Exodi Tomo II. novo pagina 55. Agit autem de fine Sabbathi. Idem, ut putabatur, homilia de semente de vana observatione Sabbathi alia suppeditat.*

S. EPHRÆM *de festis diebus Tomo III novo græco-latino. Et ibidem, quod ludicris rebus abstinendum sit Christianis, & de pauperum amore. Idem Sermonem in pretiosam & vivificam crucem &c. Tomo II. novo græco latino. Denique Sermonem, quomodo convertatur quis retrorsum &c. Tomo III. itidem novo a pag. 381. Hic tam argumento, quam rebus ipsis convenit cum superiore: Quod ludicris rebus &c.*

S. BASILIUS M. *homilia 14. in Ebriosos. Et Epistola 42. ad Chilonem alias primo loco, atque etiam seorsim poni solita.*

S. GREGORIUS NAZIANZENSIS *Orationibus 4. 6. 38. 44. Lege etiam, quæ interpretes illius Elias & Nicetas addunt.*

S. CHRYSOSTOMUS *Homilia nova in eos, qui relicta Ecclesia ad Circenses & Theatra currunt.*

S. CHRYS.

S. CHRYSOSTOMUS *Homilia de baptismo Christi.*
Fusus enim, & palmaris locus est ad-
versum eos, qui ne festos quidem dies
ad cultum Dei, & curam animæ im-
pendunt.

Oratione in S. Julianum.

Homilia de B. Philogonio.

Homilia de consubstantiali.

Sermonibus 4. & 5. de Anna.

Homilia 27. in I. ad Corinthios.

*Sermone 8. ex adscriptis illi de Resurre-
ctione.*

S. HIERONYMUS *Libro XXVI. in Esaïam,*
cap. 58.

S. AUGUSTINUS *Epistolis 22. alias 64. ad Aure-
lium, & 29. nova ad Alipium, de abusu commessatio-
num diebus sacris. Ultimam nuper repertam dedi
in Dissertatione de eloquentia S. Augustini. Adde
Librum X. de Civitate, capitibus 4. 5. 6. de cultu &
sacrificio, quem solemus his diebus vero Deo ex-
hibere. Idem Libro IV. de Genesi ad literam, fufe
de origine Sabbathi a capite 8.*

S. CHRYSOLOGUS *Sermone 127. ad finem de ab-
usibus cavendis in celebratione festorum.*

S. EUCHERIUS, seu EUSEBIUS GALLICANUS *homi-
liis de S. Genesio, & de SS. Epipodio & Alexandro,*
de ratione vera celebrandi dies festos.

S. CYRILLUS ALEXANDRINUS *in homiliis de festis
Paschalibus, præsertim 5.*

S. LEO *Sermone 3. de Quadragesima.*

SALVIANUS *Libro citato.*

S. JOANNES DAMASCENUS *Parallelorum Titulo
IV. Litera λ. jam supra dato. Item Titulo III.
Litera μ, de Pœnitentia & Confessione, ne quis con-
scientia culparum se sinat retrahi a cœtu fidelium
adeundo. Est, ni fallor, ex una homiliarum Chry-
sostomi de Pœnitentia.*

THEOPHYLACTUS *in fragmento de risu, cantilenis ac vociferationibus in festis majoribus.* Forte integratum est in novissima illius Editione, quæ nunc quidem mihi non est ad manus.

S. PETRUS DAMIANI *Libro VI. epistola 16.*

HUGO A S. VICTORE, si tamen ipse sit auctor, *Miscellaneorum Libro I. Titulo 93.*

S. BERNARDUS *Epistola 174. contra novas festivitates. Sermone I. in die sancto Paschæ, ad finem, de injuriis majorum solennitatum.*

S. BERNARDINUS SENENSIS *Sermone jam laudato, fusissime.*

TITULUS XIX.

De Fide, & Religione.

CAPUT I.

Loci.

EO magis credendum, si, quia mirandum est, ideo non creditur. Qualia enim decet esse opera divina, nisi super omnem admirationem? TERTULLIANUS *Libro de Baptismo cap. 2.*

Nec ignoro plerosque conscientia meritorum nihil se esse post mortem magis optare quam credere. Malunt enim extinguere penitus quam ad supplicia restaurari. MINUTIUS FELIX *in Octavio, versus finem.*

Si me ipsum nescio, si animæ meæ substantiam & naturam ignoro: si eorum quæ intra me sunt rationem non intelligo: qua audacia supra me erigam oculos, ut videam principium sine principio & finem sine fine attingam? A talibus ausibus desistendum excellentia majestatis imperat, & ipsa im-

impossibilitas omnes ingenii conatus repellit. Ea igitur quæ licita sunt, & concessa tangamus. *Credidit CYPRIANUS Præfatione de cardinalibus Christi operibus.*

Nonne purior ratio est ex duobus incertis & in ambigua expectatione pendentibus id potius credere, quod aliquas spes ferat, quam omnino quod nullas. In illo enim periculi nihil est si quod dicitur imminere cassum fiat, & vacuum; in hoc damnum est maximum, id est salutis amissio si cum tempus advenerit, aperiatur hoc fuisse mendacium. Quid dicitis o nescii! etiam fletu & miseratione dignissimi! Ita non extimescitis ne forte hæc vera sint, quæ sunt despectui vobis, & præbent materiam risus? Nec saltem vobiscum subobscuris cogitationibus volvitis ne quod hoc die credere obstinata renuitis perversitate, redarguat serum tempus & irrevocabilis poenitentia castiget? *ARNOBIUS Libro II. adversus gentes, initio.*

Si credis, cur ergo rationem requiris, quæ potest efficere ut non credas? Si vero rationem requiris & quærendam putas, ergo non credis. Ideo enim quæris ut eam sequaris, cum inveneris. *LACTANTIUS Libro II. divinarum institutionum cap. 6.*

Idem de Spiritibus nostris fortibus, ut dicunt: Quod si asino, aut cani, aut sui facultas loquendi tribuatur . . . quid aliud respondebunt? . . . Ab his ergo sapere discere, quos a pecudibus, ac belluis non sententia, sed lingua discernit? *Libro III. earundem institutionum cap. 8. Et iterum:* Quæso quis illa vidit unquam? quis sensit? quis audivit? an solus Leucippus oculos habuerit? solus mentem? Qui profecto solus omnium cæcus & excors fuit qui ea loqueretur quæ nec æger quisquam delirare, ne dormiens possit somniare? *Idem Libro de Ira Dei cap. 10. Rursum ad eorum ora obstruenda pari contemptu ita respondet:* Quanto me-

lius fuerat tacere quam in usus tam miserabiles tam inanes habere linguam? Et quidem vereor, ne non minus delirare videatur qui hæc putet refellenda. *Idem eodem libro & capite.*

Hoc saltem requiro: Sentisne te genitum, & quæ ex te generantur intelligis? Non quæro sensum unde hauseris, vitam unde sortitus sis, intelligentiam unde adeptus sis: quale sit, quod in te est, odor, visus, sensus, auditus? Certe nemo quod facit nescit. Quæro unde ista iis quos generes indulgeas? qualiter sensum inferas? oculos accendas? cor affigas? Hæc si potes enarra! Habes ergo quæ nescis & tribuis quæ non intelligis; æquanimiter imperitus in tuis, insolenter in Dei rebus ignarus. S. HILARIUS PICTAVIENSIS *Libro 2. de Trinitate, propius initium.*

Dum plures fiunt fides, ad id cœperunt ut nulla sit. *Idem Libro contra Constantium Augustum.*

Nihil in divinis affectibus humanæ mentis opinatione tractandum est, neque de creatore opificii sui materia decernat. *Idem Libro III. de Trinitate.*

Contundendæ sunt ergo insolentes adversum Deum disputationes, & destruenda rationum fallacium munimenta, & elevata ad impietatem ingenia conterenda: nec carnalibus armis, sed spiritualibus: nec terrena doctrina, sed cœlestis sapientia; ut quanta rerum divinarum humanarumque discretio est, tantum ultra terrena studia ratio cœlestis excedat. Cesset igitur sollicitudo perfidiæ; neque negare nos, quia ipsa non intelligit existimet, quod solum a nobis bene & intelligitur, & creditur. *Idem ejusdem operis Libro XII.*

Aufer hinc argumenta, ubi Fides quæritur! In ipsis gymnasiis suis jam Dialectica taceat! Non quæro quid loquantur Philosophi; requiro quid faciant. Soli in gymnasiis remanserunt. Vide quam
fides

fides argumentis præponderet ! Illi quotidie a suis consortibus deferuntur qui copiose disputant ; isti quotidie crescunt qui simpliciter credunt. Non creditur Philosophis ; creditur Pilcatoribus ; non creditur *Dialecticis*, creditur Publicanis. S. AMBROSIIUS *Libro I. de fide Gratianum Imperatorem cap. 5.*

An asserentis persona discutitur ? Deus est. Si Deo non creditur, cui credemus ? *Idem Libro IV. ia Lucam ad caput 5. Et alio modo : Quam indignum, ut humanis testimoniis de alio credamus ; Dei oraculis de se non credamus ? Idem Libro de Abraham cap. 15.*

O Miraculum ! servi vincti sunt, Dominus crucifixus ; & prædicatio quotidie crescit : & per quæ putabatur opera prohiberi, per hæc accensa est : & crux & vincula, quæ esse videbantur abominatio, nunc salutis signa sunt facta : & quolibet auro ferrum illud nobis pretiosius. S. CHRYSOSTOMUS *Homila 16. ad populum.*

Non humanæ mentis (est) quærere ; sed credere tantum oportet : neque dictum illud scrutari, cujus sufficiens sit demonstratio dicentis potentia. *Idem Homilia 6. in Joannem.*

Auctoritati credere magnum compendium est, & nullus labor. S. AUGUSTINUS *Libro de quantitate animæ cap. 7.*

Compescat se humana temeritas ; & id quod non est non inquirat, ne illud quod est non inveniat ! *Idem Libro I. de Genesi contra Manichæos cap. 2.*

Numquid ideo negandum est quod apertum est, quia comprehendere non potest quod occultum est ? Numquid, inquam, dicturi sumus quod ita esse percipimus, non esse ; quia cur ita sit non possumus invenire. *Idem libro de dono perseverantiæ cap. 14.*

Hic si ratio quæritur, non erit mirabile : si exemplum poscitur, non erit singulare. Demus Deum

aliquid posse, quod nos fatemur investigare non posse. In talibus rebus tota ratio facti est, potentia facientis. *Idem Epistola 137. alias 3. ad Volusianum cap. 2. Et brevius: Deus est qui facit: & tu dicis: fieri non potest? paganus negare Christum potest; negare omnipotentem Deum non potest. Idem Sermon 240. alias 139. de Tempore.*

Hoc fides credat, intelligentia non requirat; ne aut non inventum putet incredibile, aut repertum non credat singulare. *Idem Libro contra Felicianum cap. 8.*

Tria sunt incredibilia, quæ tamen facta sunt. Incredibile est Christum resurrexisse in carne, & in cælum ascendisse cum carne. Incredibile est mundum rem tam incredibilem credidisse. Incredibile est, homines ignobiles, infirmos, paucissimos, imperitos rem tam incredibilem tam efficaciter mundo & in illo etiam doctis persuadere potuisse. Horum trium incredibilium primum nolunt isti cum quibus agimus credere. Secundum coguntur & credere; quod non inveniunt unde sit factum, si non credunt tertium. *Idem Libro XXII. de civitate cap. 5.*

Quem non moveat ad credendum tantus ab initio ipse rerum gestarum ordo, & ipsa connexio temporum; præteritis fidem de præsentibus faciens, priora posterioribus, & recentioribus antiqua confirmans? *Idem Epistola ad Volusianum supra laudata, inferius.*

Sed jam pudet me ista refellere, cum eos non puduerit ista sentire. Cum vero ausi sint etiam defendere, non jam eorum, sed ipsius generis humani me pudet, cujus aures hæc ferre potuerunt! *Idem Epistola 118 alias 56. ad Dioscorum, versus finem.*

Idem in psalmum 58. concione 1. de vana fortitudine, qualem scilicet Libertini nostri sibi arrogans. Fortitudo ista non sanitatis est, sed insanix. Nam & phre-

phreneticis nihil fortius. Valentiores sunt sanis. Sed quanto majores vires, tanto mors vicinior.

Ne minima quidem operum Dei assequi poteris sine fide; dicente scriptura: *Omnia opera ejus in fide.* Sed tu hic totum vis de ratione constare, ubi totum consistit ex fide. Quod tamen non sine ratione subsistit; sed ratione Dei, non tua homo! Quid tam rationabile, nisi ut Deus quidquid voluerit possit? Qui quod vult non potest, Deus non est. S. CHRYSOLOGUS *Sermone* 141.

Non ergo contra fidem tuam venias, nec dicas: quomodo hoc fieri potuit, qui te credere in omnipotentem prima confessione testatus es. In operibus Dei sollicito quamlibet homini magis admiratio se potest offerre, quam ratio. EUSEBIUS GAL-
LICANUS *in fragmenio homilia de Symbolo quod inscribitur*: de B. Virginis conceptione.

Sed pulchrius *Homilia 2. de Symbolo* ad verba: *Credo & in filium &c.* Quando audis Deum ex homine natum esse, & majestatem sub fragilitate latuisse: virginem prole ditatam, nec tamen virginitatem fuisse solutam; non se objiciat sensibus novitas operis, sed virtus operantis: nec dicas, illud possibile est, illud fieri non potest; quia qui te magna credere jussit omnipotens est.

Væ quibus hæc prius experienda sunt quam credenda! *Idem Homilia I. ad Monachos.*

Si quid itaque in hac re per hominis opus actum est, humanas quære rationes: si autem totum quod actum est, Dei virtus est, quid impossibilitatem spectas humanam, ubi efficientiam vides esse divinam? S. CASSIANUS *Libro V. de Incarnatione Domini cap. 1.*

Quid mihi quærere, quomodo verum sit, quod Deus dixerit; cum dubitare non debeam, quin verum sit, quod Deus dixerit? *Idem Libro IV. cap. 6.*

Piscatorum solæcismis dissolutos fuisse Atticos syllogismos ait THEODORETUS *Libro seu Sermone 5. contra gentiles, sive græcarum affectionum curatione.*

Sciendum nobis est, quod divina operatio si ratione comprehenditur, non est admirabilis: nec fides habet meritum, cui humana ratio præbet experimentum. Sed hæc ipsa nostri redemptoris opera, quæ ex semetipsis comprehendere nequaquam possunt, ex alia ejus operatione pensanda sunt, ut rebus mirabilibus fidem præbeant facta mirabiliora. S. GREGORIUS M. *Homilia 26. in Evangelia, initio.*

Hinc est quod nonnulli inquieti spiritus, dum plus exquirunt contemplando quam capiunt, usque ad perversa dogmata erumpunt: & dum vetitatis discipuli esse humiliter negligunt, magistri errorum fiunt. *Idem.*

Quid prodest si quis catholice credat, & gentiliter vivat? S. PETRUS DAMIANI *Sermone de S. Eleucadia.*

Quid magis contra rationem quam ratione rationem conari transcendere? Et quid magis contra fidem quam credere nolle quidquid non possis ratione attingere? S. BERNARDUS *Epistola 190. ad Innocentium Papam.*

Utinam attenderent Judæi! utinam animadverterent Pagani, quanta conscientiae securitate pro hac parte ad divinum judicium poterimus accedere! nonne cum omni confidentia Deo dicere poterimus: Domine si error est, a te ipso decepti sumus? Nam ista in nobis tantis signis & prodigiis confirmata sunt & talibus, quæ nisi per te fieri non possunt. RICHARDUS A S. VICTORE *Libro 1. de Trinitate cap. 2.*

Finio verbis sapientissimi viri, qui etsi Patribus jungi minime possit, haud indignus est visus Bourdaloue, quem nullo discrimine inter Patres pro conatione allegaret, Picum videlicet Mirandulanum, qui
secun-

secunda Epistolarum suarum, ita pronuntiat: Magna infania Evangelio non credere, cujus veritatem sanguis Martyrum clamat, Apostolicæ resonant voces, prodigia probant, ratio confirmat, elementa loquuntur, dæmones confitentur; sed longe major infania, si de veritate Evangelii non dubites, vivere tamen, quasi de ejus falsitate non dubitares.

C A P U T II.

Fontes.

Præter eos, quos laudavi in Dissertatione de ratione Patres legendi (ubi de *Operibus Dogmaticis adversum infideles*) sequentes etiam cupio commendatos.

TERTULLIANUM in *Scorpiaco*. Item in *Libro de Idololatria capitibus 14. 16. 17.* Et in *Apologetico capitibus 2. & 27.* de professione fidei non simulanda.

S. CYPRIANUM, qui & ipse de hoc agit *Libro de lapsis*, & *Epistola 56.* Adde *Pontium Diaconum, ejus vitæ Scriptorem*, ubi de fuga ipsius.

S. ATHANASIUM in illud *Matthæi 11. versu 17.:* Omnia mihi tradita sunt. Item in *Apologia de fide sua &c.*

S. HILARIUM PICTAVIENSEM in *Libris de Trinitate*, ubi passim tuetur partes fidei contra rationem.

S. BASILIUM *Homilia 15. de fide: & Opusculo de vera ac pia fide.*

S. GREGORIUM NAZIANZENUM in *Carminibus arcanis, præsertim 4.* Item *Carmine alio ad Nemesium, quod est numero 61.* Idem in *Orationibus sæpissime.*

S. CHRYSOSTOMUM *Homilia de fide & lege naturæ.*

Homilia 6. in Matthæum.

S. CHRYSOSTOMUM *Homiliis* 4. 5. 6. & 7. *in ad Romanos.*

Homilia 9. *in II. ad Corinthios.*

Homilia 7. *in I. ad Thessalonicenses &c.*

S. GREGORIUM BÆTICUM *Libello de fide adversus Arianos* *.

S. HIERONYMUM, *cujus locos quam plurimos collegit Schultingus Tomo II. Confessionis Hieronymianæ cap. 4. De fide profitenda legendus S. Doctor in scriptis contra Rufinum & Joannem Hierosolymitanum.*

S. AUGUSTINUM *Libro de fide & symbolo.*

Libro de fide & operibus.

Enchiridio ad Laurentium de fide, spe & charitate.

Libro X. de Trinitate cap. 10. ubi strangulat Idealistas, de rebus omnibus dubitantes.

Libro contra mendacium ad Consentium cap. 2. de profitenda fide.

Citatis Epistolis 137. *alias* 3. *ad Volusianum, & 118. alias* 56. *ad Dioscorum.*

Item 228. *alias* 180. *ad Honoratum.*

Enarratione in psalmum 31. *de operibus quæ fiunt extra fidem præclare.*

Sermonibus 201. *alias* 31. *de Tempore: 374. alias* 67. *de diversis &c. &c.*

S. ISIDORUM PELUSIOTAM *Libro IV. epistola* 28.

S. CYRILLUM ALEXANDRINUM *homilia* 11. *Paschali*, quantum diversitas religionum noceat rei publicæ.

S. CHRYSOLOGUM *Sermone* 151. *de fuga in persecutione.*

EUSE-

* Quamquam in isto & sequentibus quibusdam vix fititur in Fide generatim; verum illico ad Dogmata singularia excurritur.

EUSEBIUM GALLICANUM *homilia 2. de S. Joanne Baptista, in Judæos adventum Messia expectantes.*

S. PROCLUM *Epistola de fide ad Armenos.*

S. CYRILLUM ALEXANDRINUM *Libris tribus de recta fide ad Theodosium & Reginas.*

THEODORETUM *Libro 1. adversus gentiles, sive de græcarum affectionum curatione, qui & ipso titulo de fide inscribitur.*

CREDITUM PROSPERUM *Libro de Promissionibus & Prædictionibus Dei.*

SEVERINUM BOETHIUM *Libro de fide ad Joannem Diaconum.*

S. FULGENTIUM *de fide ad Petrum, ubi habet regulas fidei quadraginta.*

S. ISIDORUM HISPALENSEM *Libro II. de officiis Ecclesiasticis, capitibus 22. & 23. Libro item II. Sententiarum cap. 2.*

S. ANTIOCHUM *Homilia I.*

S. JOANNEM DAMASCENUM *Libro IV. de orthodoxa fide, capitibus 11. & 12.*

S. PASCHASIUM RATBERTUM *Libris tribus de fide, spe & charitate.*

S. PETRUM DAMIANI *Opusculo de fide catholica.*

S. BRUNONEM *de Ornamentis Ecclesiæ cap. 1. de præstantia fidei*

HUGONEM VICTORINUM *Traçtatu de fide.*

PETRUM BLESENSEM *in instructione fidei ad Soldanum Iconiensem: & opere novello de assertionem fidei.*

S. BERNARDINUM SENENSEM *in Quadragesimali de Religione christiana, late & egregie.*

S. THOMAM VILLANOVANUM *Sermone in octava Paschæ.*

Plures alios in *Prodromo II. pag. 250.* adducit Joannes Baptista Génér, etli non omnino accurate.

Porro fidei gratiam nulli negari, præclare ostendunt *S. Athanasius Libro de Incarnatione*: *S. Chrysostomus Libro ad scandalum passos*: *S. Augustinus Epistola olim 49. nunc 102*: *Theodoretus Libro 6. adversus græcos.*

TITULUS XX.

De *Gratia*, tam habituali quam actuali.

CAPUT I.

Loci.

Natura opus est Creatoris; gratia munus est redemptoris. *S. AMBROSIIUS Libro de Joseph cap. 11.*

Hoc scito baptismum præterita donare peccata, non futuram servare justitiam, quæ labore, & industria, ac diligentia, & semper super omnia Dei clementia custoditur; ut nostrum sit rogare, illius tribuere quod rogatur: nostrum incipere, illius perficere: nostrum offerre quod possumus, illius implere quod non possumus. *S. HIERONYMUS Libro 3. adversus Pelagianos, initio.*

Non mihi sufficit quod semel donavit, nisi semper donaverit. Peto ut accipiam, & dum accipero, rursus peto. Avarus sum ad accipienda Dei beneficia. Nec ille deficit in dando, nec ego satior in accipiendo. Quanto plus bibero, tanto plus sitio. *Idem Epistola 133. ad Ctesiphontem, olim præfixa libris adversus Pelagianos.*

Ista quæstio, ubi de arbitrio voluntatis & Dei gratia disputatur, ita est ad discernendum difficilis, ut quando defenditur liberum arbitrium, negari Dei gratia videatur; quando autem asseritur Dei gratia,

tia, liberum arbitrium putetur auferri. S. AUGUSTINUS *Libro de gratia Christi cap. 47.*

Quisquis tibi Domine enumerat vera merita sua, quid tibi enumerat nisi munera tua? *Idem Doctor gratiæ Libro IX. Confessionum cap. 13.*

Ego creavi, ego recreo: ego formavi: ego reformo: ego feci, ego reficio. Si non potuisti facere te, quomodo potes reficere te? *Idem Enarratione in psalmum 45. versus finem.*

Imaginem in nobis Dei deformare potuimus; reformare non possumus. *Idem Sermone 49. alias 27. de verbis Apostoli.*

Natura humana etiam si in illa integritate, in qua condita est, permaneret, nullo modo se ipsam creatore suo non adjuvante servaret. Cum igitur sine gratia Dei salutem non posset custodire, quam accepit: quomodo sine gratia Dei potest reparare, quam perdidit? *Idem Epistola 186. alias 106. ad Paulinum.*

Fecisti ut essem; & non tu fecisti, ut bonus essem? Dedisti mihi ut sim; & potuit mihi alius dare, ut bonus sim? Si tu mihi dedisti, ut sim, & alius mihi dedit ut bonus sim: melior est ille qui dedit mihi ut bonus sim quam ille qui mihi dedit ut sim. Porro quia te nemo melior, nemo te potentior, nemo te in misericordia largior, a quo accepi ut essem, ab illo accepi ut bonus essem. *Idem Concione 2. in psalmum 58.*

Divinam poscamus gratiam; nam quidquid aliud petitur, nihil petitur; non quia nulla omnino res est; sed quia tantæ rei comparatione quidquid concupiscitur nihil est. *Idem Tractatu 102. in Joannem.*

Duæ vitæ sunt, una corporis, altera animæ. Sicut vita corporis anima, sic vita animæ Deus. Quomodo si anima deserat moritur corpus; sic anima

anima moritur si deferat Deus. *Idem Concione 2. in psalmum 70.*

Rursum S. Doctor in illud psalmi 49.: Deus! tuus ego sum. Quid vis amplius? pretium quæris a Deo, ut aliquid tibi det Deus? ut quod tibi dederit tuum sit? Ecce ipse Deus, qui dabit, tuus est. Quid eo ditius? dona quærebas, ipsum donatorem habes. *Enarratione in eundem psalmum.*

Audite me, o pauperes! quid non habetis si Deum habetis? audite me o divites! quid habetis si Deum non habetis? *Idem Sermone 115. alias 3. de S. Cypriano, seu 15. de Diversis.*

Fur tibi tollit aurum; quis tollit tibi Deum? *Idem sermone 85. alias 205. de tempore.*

Hæc gratia cur ad illum veniat, ad illum non veniat, occulta esse causa potest, injusta non potest. *Idem Libro I. de peccatorum meritis, & remissione cap. 21.*

Quærimus meritum obdurationis & invenimus. Merito namque peccati universa massa damnata est. . . . Quærimus autem meritum misericordiæ, nec invenimus, quia nullum est; ne gratia evacuetur, si non gratis donatur, sed meritis redditur. *Idem Epistola 194. alias 105. ad Sixtum.*

Nunquam Deus deserit hominem, nisi prius ab homine deferatur. *Idem Sermone 22. alias 88. de Tempore. Est 13. S. Cæsarii.*

Opus Dei est mutare hominem; quia solus potest instaurare, quod fecit. S. PAULINUS *Epistola 38. alias 29. ad Aprum.*

Credamus nos Dei filios, respondeamus generi, vivamus cœlo, patrem similitudine referamus, ne perdamus vitiis, quod sumus per gratiam consecuti. S. CHRYSOLOGUS *Sermone 10.*

Intellige esse tibi genus e cœlo, cui pater habetur in cœlo; & age ut vivendo sancte sancto respondeas patri. Dei filium ille se probat, qui vitiis

tiis non obscuratur humanis, qui divinis virtutibus etiam crescit. *Idem sermone 67.*

Homo! quid commune cum terris tibi, qui confiteris tibi genus esse de cœlis? Ergo cœlestem vitam monstra in habitatione terrena; quia si quid in te gesserit terrena cogitatio, cœlo maculam, cœlesti generi injuriam intulisti. *Idem Sermone 71,*

Poculum quippe immortalitatis, quod confectum est de infirmitate nostra, & virtute divina, habet quidem in se, ut omnibus profit, sed si non bibitur, non medetur. S. PROSPER in *Respons. ad objectionem 1. Vincentii.*

O bonum! o pium! o inæstimabilis misericordiæ Dominum! qui ad hoc nobis in præsentis religionis munera tribuit, ut ipsa in nobis postea quæ nunc dat munera muneretur! SALVIANUS *Libro 7. de Gubernatione initio.*

Iuste instat præcepto, qui præcurrit auxilio. S. LEO *Sermone 16. de Passione.*

Omnia dona excedit hoc donum, ut Deus hominem vocet filium, & homo Deum nomet patrem! *Idem Sermone 1. de Nativitate.*

Agnosce o homo dignitatem tuam, & divinæ confors factus naturæ noli in pristinam vilitatem degeneri conversatione redire. *Idem eodem sermone.*

O quanta est misericordia conditoris nostri! servi digni non sumus, & amici vocamur! S. GREGORIUS M. *Homilia 27. in Evangelia.*

Hominis meritum superna gratia non ut veniat invenit; sed postquam venerit facit, Atque & ad indignam mentem veniens Deus dignam sibi exhibet veniendo, & facit in ea meritum, quod remuneret, qui hoc solum invenerat, quod puniret. *Idem Libro XVIII. Moralium cap. 40.*

Cum augentur dona, rationes etiam crescunt donorum. *Idem Homilia 9. in Evangelia.*

Non

Non est desperanda invicta Dei gratia, quantamcunque hostis fraudem, quantamcunque nostram fragilitatem attenderimus. Qui vel hostium fraude vel nostro vitio angustiores Dei gratiam constituimus, si hostem potentiores ad nocendum, quam Deum ad liberandum, nos autem habiliores ad labendum, quam ipsum ad stabiliendum crediderimus. Quid vero est, quod ait Apostolus: *Ubi abundavit delictum, superabundavit & Gratia*, nisi hæc potentior sit ad salvandum, quam illud ad perimendum? Non est ergo metuenda bene operandi necessitas, quibus in Deo tanta ipsius necessitatis est facultas, ut quidquid bene voluerimus per eum, qui omnia potest, possimus. ALGERUS *Libro I. de Sacramento corporis & sanguinis Domini, cap. 22.*

Quærant alii meritum: nos invenire gratiam studemus. S. BERNARDUS *Sermone in Nativitate B. Mariæ de aquæ ductu.*

Omnes nobis causamur deesse gratiam; sed justius forsitan ipsa sibi queratur gratia deesse nonnullos. Idem *Sermone de diversis 18. de triplici custodia.*

Vide quanta largitate toto orbe gratia Spiritus effusa sit. Non solum justis confirmandis, sed & peccatoribus justificandis! quomodo ubique gentium Spiritu creante novum genus hominum, renovata sit facies terræ! imo quanta quotidie mutatio fiat per dexteram excelsi; ut repente perditissimi hominum, publicani, & meretrices justos quam plurimos præcedant in regno Dei, & novissimi fiant primi. Prorsus non sicut delictum ita & donum; quia ubi abundavit delictum, ibi superabundans gratia non solum donat delicta, sed etiam virtutum accumulatur merita, & sublimius restituit lapsos redemptio quam constituerat prima creatio. Sane in his omnibus quanto mirabilior Dei gratia prædicatur, tanto damnabilior hominis duritia convincitur,

citur, si gratiam vel oblatam recuset, vel acceptam non servet. *Guerricus Abbas Sermone I. in die Pentecostes.*

Ut illa sola gratia, sine qua nullus a te diligitur salva nobis maneat, omnem aliam gratiam tua nobis gratia subtrahat, aut certe gratiam utendi simul conferat. *Idem Sermone III. de S. Benedicto initio.*

C A P U T II.

Fontes.

S. CYPRIANUS *Epistola 2. ad Donatum, post initium; quam efficax, quam paratu facilis sit divina gratia.*

ARNOBIUS Senior Libro 2. adversus gentes, eleganter de æquali vocatione ad salutem per Dei gratiam.

LACTANTIUS Libro III. divinarum institutionum cap. 25.

S. EPHRÆM de divina gratia Tomo III. novo, græco-latino pag. 42.

S. MACARIUS pluribus in homiliis.

S. GREGORIUS NAZIANZENUS Oratione 40. quam promptus sit Deus ad gratiam nobis tribuendam.

S. GREGORIUS NYSSENUS Oratione 7. de Beatitudinibus, initio.

S. AMBROSIIUS Libro I. de Abel & Cain, cap. 7. Libro de Elia & Jejunio, capite ultimo: Sermone item 8. in psalmum 118. versu 64; ubi docet, nemini, modo ipse velit, Dei gratiam deesse. Idem Epistola 63. alias 82. : & 25. ad Ecclesiam Vercellensem.

S. CHRYSOSTOMUS Catechesi 2. ad illuminandos, post homilias ad populum, de virtute illuminandi, quæ est in gratia.

S. CHRYSOSTOMUS *Homilia* 50. in *Joannem* de
vi & copia gratiæ.

Adde *Homiliam* 18. in *ad Romanos*.

Homiliam 12. in *I. ad Corinthios*.

Homiliam 11. in *I. ad Thessalonicenses*.

Homiliam 34. in *ad Hebræos*.

Homiliam ipsi tributam de *Adam & Heva*.

S. HIERONYMUS in *Libris contra Pelagianos*: &
Epistola 133. ad *Ctesiphontem*, quæ his olim præmitti
solebat. Ex aliis quoque operibus locos ejus omnes
collegit *Cornelius Schultingus Confessionis Hierony-*
mianæ Tomo II. cap. 5.

S. AUGUSTINUS ut ordine temporum, quo scri-
psit, in tanta librorum copiâ progrediar:

tribus Libris de peccatorum meritis, & re-
missione.

Epistola 140. alias 120. ad *Honoratum*,
quæstione 6. de gratia novi Testamenti.

Libro de Spiritu & litera.

Libro de Natura & Gratia.

Libro de gestis Pelagii.

Epistola 287. alias 57. ad *Dardanum*, de
præsentia Dei.

Libris duobus, uno de gratia Christi, altero
de peccato originali.

Libris duobus de Nuptiis, & Concupi-
scentia.

Libris sex contra Julianum.

Libris quatuor contra duas Epistolas Pela-
gianorum.

Libris quatuor de anima & ejus origine.

Libro de perfectione Justitiæ contra Ca-
lestinum.

Libro de gratia & libero arbitrio, & dua-
bus epistolis adjectis.

Libro de correptione, & gratia.

Opere imperfecto contra Julianum.

Atque

Atque ista vir sanctus scripsit contra Pelagianos. Accedunt alia contra Semipelagianos eodem ordine servato, puta

Epistola 217. alias 107. ad Vitalem.

Libris duobus ad Simplicianum.

Libro de Prædestinatione Sanctorum.

Libro de Dono perseverantiæ.

Sunt autem & alia innumera, quæ sparsim contra utramque hanc hæresin apud eum reperiuntur; & quidem de sermonibus * & literis ipse testatur *Libro II. retractionum cap. 33.* De aliis docent *Enchiridium ad Laurentium: Tractatus in Joannem** Conciones duæ in psalmum 58: Enarratio, & conciones duæ in psalmum 70.: Expositio in psalmum 144.* atque innumera alia. Addi possunt *Rescripta, & Epistolæ summorum Pontificum Innocentii, & Cælestini* in hac ipsa causa Pelagianorum.

S. CASSIANUS *Collationibus 13. & 23.*

S. PROSPER *Carminibus de ingratis.*

Libro ad capitula objectionum Vincentianarum.

Libro ad Excerpta Genuensium.

Libro contra Collatorem.

Libris duobus de vocatione omnium gentium; si tamen sunt illius.

S. VALERIANUS CIMELIENSIS *Homilia 11.* Qui gloriatur, in Domino gloriatur.

ARNOBIUS JUNIOR *Libro de gratia & liberi arbitrii concordia.*

L 2

S. FUL-

* Tales sunt *Sermo 26. alias 11. de verbis Apostoli: 30. alias 12. de verbis Apostoli: & 156. alias 13. de verbis Apostoli.*

** Ubi notari speciatim volo *Tractatum 26.* ubi de suavi illa efficacitate divinæ gratiæ.

S. FULGENTIUS *Libro I. ad Monimum: Libro de incarnatione, & gratia Domini nostri Jesu Christi: Libris tribus de veritate prædestinationis & gratia. Item Epistola 6. ad Theodorum Senatorem.*

S. GREGORIUS M. *Libro II. Moralium cap. 49. & Libro XXIII. Moralium cap. 27. egregie de subtracta ad tempus gratia. Libro XXXIII. Moralium cap. 21. quam juste agat Deus in negotio gratiæ. Alia quædam dat Libro VIII. ejusdem operis. Homilia 9. in Ezechielem, initio de necessitate Gratiæ.*

RATRAMNUS CORBEJENSIS *Libris duobus de Prædestinatione.*

S. ANSELMUS *Libro de concordia præscientiæ, & prædestinationis & gratiæ cum libero arbitrio. In Dialogo de libero arbitrio.*

FRANCO AFFLIGINENSIS *in Libris de Gratia, seu beneficentia Dei.*

S. BERNARDUS *Libro de gratia, & libero arbitrio: Sermone 2. de S. Andrea: Sermone 1. in psalmum 90. post initium: Sermonibus 21. & 54. in Cantica: Sermone 34. de diversis, de altitudine & bassitudine cordis; ubi comparat studium gratiæ cum studio pecuniæ.*

Plura de gratia habituali dabunt Tituli Baptismus, Perseverantia &c.: de gratia actuali, Tituli Inspirationes, Cæcitas spiritualis, Obduratio, Judicia Dei, Tentationes &c.



TITULUS XXI.

De *Gula*, *Jejunio*, & ceteris huc spectantibus.

CAPUT I.

Loci de Gula.

Monstrum haberetur libido sine gula ; cum duo hæc tam unita, atque concreta sint, ut si disjungi omnino potuissent, ipsi prius ventri pudenda non adhærerent. Specta corpus ; & una regio est. Denique pro dispositione membrorum ordo vitiorum. Prior venter, & statim cetera saginæ substructa lascivia est ; per edacitatem salacitas transit. *TER-TULLIANUS Libro de Jejuniis cap. 1.*

In hunc thesaurum (stercoris scilicet) omnes illæ ciborum copię reconduntur ! *S. ZENO Sermone de Jejunio.*

Quid saginas teipsum & pinguefacis ? an ignoras quanto pinguius tibi corpus conficis, tanto graviorem carcerem animæ struis ? *Idem in psalmum 29. versus finem.*

Nec enim quidquam eorum laudamus, quæ semel in fauces transmissa pari postea honore sunt, vel ut rectius loquar, pari ignominia. *S. GREGORIUS NAZIANZENUS Oratione 25. ante medium.*

Præpingues nimium carnes ventremque
tumentem

Haud capit æthereæ janua parva domus.

Idem Carmine inter varia 59. in fidos Monachos.

Sufficit corpori malitia sua. Quid flammæ materia opus est, aut belluæ copiosiori alimento, ut effrenator reddatur, ac ratione violentior ? *Idem Oratione 44. in S. Pentecosten, sub initium.*

L 3

Num

Num immolandi sumus, qui nos ita inpinguamus? cur vermi lautam paras mensam? cur majorem facis saniem? cur fontes sudorum & foetores deponis? cur te ad omnia inutilem reddis? S. CHRYSOSTOMUS *Homilia 27. in Adā.*

Christus fame tabescit, & tu præ crapula dirumperis! *Idem ibidem paulo ante.*

Cogita quid sint cibi, in quæ mutantur, quid efficiantur. An non hæc vel audiens indignaris? cur ergo studes illa semper accumulare? nihil aliud est illud deliciarum additamentum, quam stercoreum incrementum. Habet enim natura mensuram, & quod superabundat, jam alimentum non est, sed pernicies, & stercus abundantius. Nutri corpus, ne eneces. Ideo alimentum vocatur, non ut perdamus corpus, sed ut alamus. Ideo ut puto alimentum ad hoc secernitur, ut ne deliciarum simus amatores. Nisi illud ita se haberet, nec deliciæ inutiles essent, nec corpori nocerent, nunquam cessarem nos invicem devorare. Nam si quantum vellemus venter exciperet, diggeret, & corpori mitteret, innumera videremus bella, & pugnas. Si enim nunc cum alia in stercus secernuntur, alia in sanguinem & phlegma inutile & adulterinum, deliciis tamen incumbimus, & sæpe opes integras in mensa una consumimus, nisi talis esset deliciarum finis, quid non faceremus? *Idem sanctus Doctor Homilia 13. in I. ad Timotheum.*

Natus in paupere domo, & in tugurio rusticano; qui vix milio & cibario pane rugientem saturare ventrem poteram, nunc similam, & mella fastidio. Novi & genera & nomina piscium, in quo littore concha lecta sit calleo. Saporibus avium discerno provincias, ac ciborum me raritas, ac novissime damna ipsa delectant. S. HIERONYMUS *Epistola 52. alias 2. ad Nepotianum.*

Aposto-

Apostolus macerat corpus suum, & animæ sub-
jicit imperio, ne quod aliis præcipit, ipse non ser-
vet: & adolescentula fervente cibis corpore de ca-
stitute secura est? *Idem epistola 54. alias 10. ad Fu-
riam.*

Cum variis nidoribus fumant patinæ, ad esum
sui expleta esurie quasi captivos trahunt, unde &
morbi ex saturitate nimia concitantur, multique
impatientiam gulæ vomitu remediuntur; & quod
turpiter ingesserunt, turpius egerunt. *Idem Li-
bro II. adversus Jovinianum, propius initium.*

Deum ventrem vis habere pro Christo, & quasi
pinguis hostia in mortem propriam faginaris, imi-
tarisque eorum vitam, quorum tormenta non me-
tuisti. *Idem Epistola 147. alias 48. ad Sabinianum.*

Per licitos usus ad immoderatos transitur ex-
cessus, dum per curam salutis irrepit delectatio vo-
luptatis, & non sufficit concupiscentiæ, quod po-
test satis esse naturæ. S. LEO *Sermone 12. de Qua-
dragesima.*

Mensa, in qua nulla Dei mentio fit, a bruto-
rum stabulo nihil dissimilis est. S. JOANNES DA-
MASCENUS *Parallelorum Titulo 28. litera δ, olim Li-
bro II. Parallelorum cap. 6.*

Nequaquam totus manduces; sed corpore tuo
suam refectionem procurante mens suam non ne-
gligat. GUILIELMUS ABBAS S. THEODORICI *ad fra-
tres de monte Dei.*

CAPUT II.

Fontes de Gula.

CLENENS ALEXANDRINUS *Libro II. cap. 1. & 4.
Padagogi.*

TERTULLIANUS *Libro de Jejuniiis adversus Psy-
chicos.*

NOVATIANUS, aut si quis est alius Auctor, *Epistola de libris judaïcis.*

S. BASILIUS in *homiliis de Jejuniis*; *Libro de vera Virginitate*; *homilia 14. in Ebriosos*, & *Epistola ad Gregorium Theologum*, alias 1. hodie 2.

S. GREGORIUS NYSSENUS *Oratione de funere Placilla*, de cura corporis præstanter: *Oratione 1. de pauperibus amandis*: *Oratione 4. de Oratione Dominica.*

S. AMBROSIIUS *Libro de Elia & Jejuniis*, fuse.

S. CHRYSOSTOMUS *Libro de Virginitate*, capitibus 69. 70. 71.

Libro, quod nemo læditur, nisi a se ipso.

Oratione 6. de fato, & *Providentia*, quæ est contra ingluviem.

Homilia 2. ad populum, ubi pulchre inter se comparat vitam temperantem & intemperantem.

Homilia 10. in Genesim.

Homiliis 45. 49. & 71. in Matthæum.

Homilia 21. in Joannem.

Homiliis 16. 27. 35. in Acta.

Homilia 12. in II. ad Corinthios.

Homilia 13. in I. ad Timotheum &c.

S. HIERONYMUS in *Epistolis sæpe*, uti 79. alias 9.; 54. alias 10. Item 130. alias 8: & quæ olim ac nunc est 22.; maxime vero *Libro II. adversus Jovinianum.*

S. AUGUSTINUS *Libro X. Confessionum cap. 31. Et Epistola 21. alias 109. ad Sandimoniales.*

S. ISIDORUS PELUSIOTA *Libro II. epistola 240. præclare.*

S. CHRYSOLOGUS *sermone 174.*

S. NILUS initio *Libri de octo vitiis cogitationibus. Et Narratione de cæde Patrum Sinaitarum*, numero 16.

S. JOANNES CASSIANUS *Libro V. Institutionum fere toto. Et collatione V. pluribus capitibus.*

SAL.

SALVIANUS in *Libris de Gubernatione*, gravissimis verbis invehitur in comestationes.

S. GREGORIUS M. *Libro I. Moralium, capitibus pluribus.*

S. ANTIOCHUS *Homiliis 3. 4. 6.*

HUGO A S. VICORE *Libro II. de Claustro animæ, capitibus 6. 7. 19.*

S. BERNARDUS *Sermone 2. de verbis Apostoli ad Romanos: Regnum Dei non est esca & potus. Est 19. de Diversis.*

Sermone 30. in Cantica.

Libro de Conversione ad Clericos.

Apologia ad Guilielmum Abbatem.

Epistola 1. ad Robertum Nepotem.

Et tributo ipsi Tractatu de Passione Domini cap. 24. num. 139.

GUERRICUS Abbas *Sermone in die Purificationis.*

AELREDUS Abbas *Sermone 3. de oneribus Esaiæ.*

PETRUS BLESSENSIS *Epistola 85.*

JOANNES SARESBERIENSIS *fuse Libro VIII. Policratici.*

A P P E N D I X.

De Jejunio.

Loci.

Per cibum offensus est Deus; per Jejunium mitigatur. S. ZENO VERONENSIS *Sermone de Jejunio.*

Reverere jejunii canitiem. Tam vetus est, ut simul cum homine condito cœperit. In paradiso præscriptum est. S. BASILIUS *homilia 1. de Jejunio.*

Quoniam non jejunavimus, exulamus a paradiso. Jejunemus igitur, ut ad illum revertamur. *Idem eadem Homilia.*

In obtendentes infirmitatem idem gravissimus Pater: Jejunare non potes, & potes continue expleri cibus: potes conficere corpus pondere escarum? Atqui infirmis non ciborum varietatem, sed inediam, & abstinenciam a medicis solere præscribi scio. Qui fit igitur, ut cum ista possis, illa te non posse causeris? *Ibidem.*

Labor quidem est in jejunando; at nondum pro Jesu crucifixi sumus. S. GREGORIUS NYSSENUS *Oratione in principium jejuniorum, quam alii Asterio Amaseno tribuerunt. Egregie autem locus facit pro verno jejunio, quo alias patientis Domini memoria recolitur.*

Si vis Christianus esse, debes quod Christus facere. Ille qui peccatum non habebat, quadragesimam jejunavit: tu non vis quadragesimam jejunare qui peccas? Ille, inquam, peccatum non habebat, sed pro nostris jejunavit peccatis: qualis ergo apud conscientiam tuam christianus es, cum Christo pro te esuriens tu prandes? S. AMBROSIIUS *creditus Sermone 36. nunc 21.*

Etiam ipsis jejunium conviviiis dat gratiam. Dulciores post famem epulæ fiunt, qui assiduitate fastidio sunt, & diuturna continuatione vilescunt. Condimentum cibi jejunium est. Quanto avidior appetentia, tanto esca jucundior. *Verus AMBROSIIUS Libro de Elia & Jejunio cap. 9.*

In quadragesima ventris ingluviem decoquit, & in cochlearum morem succo victitans suo futuris dapibus ac saginæ aqualiculum parat. S. HIERONYMUS *Epistola 107. alias 7. ad Lætam.*

Solam abstinenciam carniū putant, & leguminibus onerant stomachum. *Idem Epistola 54. alias 10. ad Furiam.*

Quid

Quid prodest tenuari abstinencia corpus si animus intumescat superbia? Quam laudem merebimur de pallore jejunii, si invidia lividi sumus? *Apud eundem AUCTOR Epistolæ ad Celantiam.*

Si volumus bene jejunare a cibis, ante omnia jejunemus a vitiis; quid enim prodest vacuare corpus ab escis, & animam replere peccatis? quid enim prodest pallidum esse jejuniis, si odio & invidia livescas? quid enim prodest vinum non bibere, & iracundiæ veneno inebriari? quid prodest abstinere a carnibus ad edendum creatis, & malignis obtreccionibus fratrum membra lacerare? quid prodest si abstineamus ab his quæ aliquando licent, & faciamus illa quæ nunquam licent? S. AUGUSTINUS *Sermone 64. de Tempore, nunc 143. in appendice.*

Cum corpus castigatur, & servituti subjicitur, restringendæ sunt deliciæ non mutandæ. *Idem Sermone 208. alias 27. de diversis.*

Qui sic se a carnibus temperant, ut alias escas & difficilioris præparationis, & pretii majoris inquirant, multum errant. Non enim est hoc suscipere abstinenciam sed mutare luxuriam. *Idem Sermone 209. alias 73. de diversis.*

Jejunant non ut solitam temperando minuant edacitatem, sed ut immoderatam differendo augeant aviditatem. Nam ubi tempus reficiendi advenit, opimis mensis tanquam pecora præsepibus irruunt, numerosioribus ferculis corda obruunt, ventresque distendunt, artificiosis & peregrinis condimentorum diversitatibus gulam ne vel compescatur irritant. Denique tantum capiunt manducando quantum diggerere non sufficiant jejunando. *Idem Sermone 210. alias 74. de diversis.*

S. CHRYSOLOGUS *de filio prodigo esuriente loquens*: Si tantum præstitit vel invita fames, probate, quid voluntarium possit conferre jejunium. *Sermone 2.*

Semper

Semper virtuti cibus jejunium fuit. S. LEO
Sermone 2. de jejunio decimi mensis, & collectis.

Curo nos læta traxit ad culpam: afflictæ reducat ad veniam. Auctor etenim mortis nostræ per fructum ligni vêtiti vitæ præcepta transgressus est. Qui ergo a paradisi gaudiis per cibum cecidimus, ad hæc, in quantum possumus, per abstinentiam resurgamus. S. GREGORIUS M. *Homilia 16. in Evangelia.*

Per abstinentiam carnis vitia extinguenda, non caro. *Idem Libro XX. Moralium cap. ult.*

De jejunio in satisfactionem injuncto eleganter beatus PETRUS DAMIANI: Cuncta languorum genera simulant ut quod potissimum metuunt languorem jejunii non incurrant. *Libro 1. epistola 15.*

S. BERNARDUS *de jejunio Domini imitando Sermonem habens*: Non est magnum, ait, si jejunat cum Christo, qui fessus est ad mensam Patris cum ipso. *Sermone 1. in capite jejunii.*

Fontes.

Præter supra apertos ex TERTULLIANO, NOVATIANO, BASILIO M., AMBROSIO, CASSIANO, adde: ORIGENIS *homiliam 10. in Leviticum.*

S. CYPRIANI *crediti Sermonem de jejunio, & tentatione Christi*; ubi præclare de periculo superbix ex jejuniiis.

S. ZENONIS *Sermonem allegatum de jejunio.*

S. EPHRÆM *Sermonem de jejunio Tomo III. novo græco-latino, pag. 22.*

S. BASILII M. *præter homilias tres de jejunio, admonitionem ad filium spirituales, in superbientes propter jejunia sua.*

S. GREGORII NYSSENI *Orationem laudatam in jejunii initium.*

AMBROSII crediti sermones complures; veri Epistolam ad Ecclesiam Vercellensem, nunc 62. alias 82. & 25.

PRUDENTII Hymnos 7. Jejunantium, & 8. post Jejunium.

S. CHRYSOSTOMI Homilias 1. 8. 11. 30. in Genesin: Homilias 3. 15. & 18. ad populum: Homilias de jejunio septem, Tomo IX. Montfauconi inter spuria. Verum magno hic opus delectu, si quid egregium vis extundere.

S. HIERONYMI Librum 2. contra Jovinianum.

Epistolam 2. nunc 52. ad Nepotianum.

Epistolam 10. nunc 54. ad Furium.

Epistolam 22. (etiam nunc) ad Eustochium.

Epistolam 54. nunc 41. ad Marcellam, adversus Montanum.

Vitam S. Hilarionis Abbatis.

S. AUGUSTINI Librum de utilitate jejunii, & Epistolam 86. nunc 36. de jejuniiis veterum.

S. CYRILLI ALEXANDRINI Homilias aliquot paschales.

S. CHRYSOLOGI Sermones 8. 41. 42. & 43.

EUSEBII GALLICANI Homiliam de initio quadragesimæ, & Homiliam 4. ad Monachos.

S. LEONIS Sermones de quadragesima, & sermones de jejunio decimi mensis.

S. CASSIANI Librum V. de institutis renuntiantium, & Collationem XXI. pluribus utrobique capitibus.

S. MAXIMI TAURINENSIS Homilias de jejunio.

JULIANI POMOERII ultima capita Libri II. de vita contemplativa.

S. GREGORII M. Homiliam 16. in Evangelia.

S. ANTIOCHI Homiliam 7.

S. ELIGII NOVIOMENSIS Homiliam 3.

THEOPHANIS Homiliam 16.

S. THEODORI STUDITÆ Catechesin 55.

THEODORI BALSAMONIS *Epistolam ad Antiochenos de Jeuniis*, apud Joannem Bapt. Cotelerium, Tomo II. *Monumentor Ecclesiæ græcæ*.

S. BERNARDI *Sermones in capite jejunii*, & *Sermones de quadragesima*. *Sermones* 16. in *Cantica*; *Apolo-
logiam ad Guilielmum Abbatem*; ubi fuse de super-
bis, atque etiam de delicatis jejunatoribus.

PETRI BLESENSIS *Commentarium in caput* 1. *Jobi*.

TITULUS XXII.

De Hæresi.

CAPUT I.

Loci.

Equid verisimile est, ut tot, ac tantæ (Ecclesiæ) in unam fidem erraverint? variasse debuerat error doctrinæ ecclesiarum, ceterum quod apud multos unum invenitur, non est erratum, sed traditum. Audeat ergo aliquis dicere, illos errasse qui tradiderunt? Quo quomodo sit erratum, tamdiu utique regnavit error, quamdiu hæreses non erant. Aliquos Marcionitas, & Valentinianos liberanda veritas expectabat. Interea perperam evangelizabatur, perperam credebatur, tot millia millium perperam tincta, tot opera fidei perperam administrata, tot virtutes, tot charismata perperam operata, tot sacerdotia, tot ministeria perperam functa, tot denique martyria perperam coronata. Aut si nec perperam, nec in vacuum: quale est, ut ante res Dei currerent, quam cujus Dei notum esset? ante christiani, quam Christus inventus? ante hæreses, quam vera doctrina? Sed enim in omnibus veritas imaginem antecedit, postremo similitudo succe-

succedit. Ceterum satis ineptum, ut prior in doctrina hæresis habeatur, vel quoniam ipsa est, quæ futuras hæreses, & cavendas prænuntiavit. Ad ejus doctrinæ Ecclesiam scriptum est, imo ipsa doctrina ad Ecclesiam suam scribit: *Esti angelus de cælo aliter evangelizaverit citra quam nos anathema sit!* **TER-TULLIANUS** de *Præscriptionibus adversus hæreticos* cap. 29.

Oportebat hæreses esse. Nec tamen ideo bonum hæreses, quia esse eas oportebat. Quasi non & malum oportuerit esse. Nam & Dominum tradi oportebat, sed væ traditori! *Idem ibidem* cap. 30.

Idem, cum hæresiarcharum ortum, atque doctrinam memorasset: Hos, inquit, ut insigniores, & frequentiores adulteros veritatis nominamus. Ceterum & Nigidius nescio quis, & Hermogenes, & multi alii adhuc ambulant pervertentes vias Dei. Cupio ostendant mihi ex qua auctoritate prodierunt. Si alium Deum prædicant, quomodo ejus Dei rebus & literis, & nominibus utuntur adversus quem prædicant? Si eundem quomodo aliter? Pro bent se novos Apostolos esse, dicant Christum iterum descendisse, iterum ipsum docuisse, iterum crucifixum, iterum mortuum, iterum resuscitatum. Sic enim Apostolos solet facere, dare illis præterea virtutem eadem signa edendi, quæ & ipse. Volo igitur & virtutes * eorum proferre. Nisi quod agnosco maximam virtutem eorum, qua Apostolos in perversum æmulantur. Illi enim de mortuis vivos faciebant, isti de vivis mortuos faciunt. *Ibidem* cap. 30. & 31.

De verbi autem administratione quid dicam? cum hoc sit negotium illis, non Ethnicos convertendi. Hanc magis gloriam captant si stantibus ruinam,

ruinam, non si jacentibus elevationem operentur. Quoniam & ipsum opus eorum non de suo proprio ædificio venit, sed de veritatis destructione. Nostra suffodiunt, ut sua ædificent. *Idem ibidem cap. 42.*

Non potest Evangelium ex parte consistere, & in parte nutare. Aut utrumque oportet ut valeat, aut utrumque vim veritatis amittat. S. CYPRIANUS *sermone de lapsis, circa medium.*

Profecto mirum est, cum omnes hæreses adversus seipsas dimicent, ut unaquæque ea. quæ commenta est, tueatur, solum in mentiendo inter se consentiunt; nimirum unum omnes patrem habent, qui mendacium ipsis superfeminavit. S. ATHANASIUS *Epistola encyclica ad Episcopos Ægypti & Lybiæ, initio.*

Sequitur fidei defectionem hypocrisis mendax, ut sit vel in verbis pietas, quam amiserat conscientia. S. HILARIUS PICTAVIENSIS *Libro 10. de Trinitate, initio fere.*

In crudelitatem, & inhumanas artes hæreticorum mirifice convenit GREGORII NAZIANZENI *gravissima, atque scitissima sententia:* Quoniam pacto hominibus parcerent, qui divinitati minime pepercerunt.

De monasteriis exierunt, & nunc luxuriæ sunt magistri. S. AMBROSIIUS *in psalmum 36. ad versum 23.*

Quem potissimum legam? plura nomina, sed una perfidia. *Idem Libro I. de Fide ad Gratianum cap. 4.*

Reliquerunt Apostolum, sequuntur Aristotelem. *Idem in psalmum 118. Enarratione 22. ante medium.*

Age iterum adversus infideles Anomœos certamen ineamus. Qui si indigne ferant se infideles vocari, rem ipsam fugiant, & ego nomen obtegam. Absistant ab infideli mente, & absistam a contumelioso vocabulo. Sin autem ipsi operibus fidem in-honorantes, seque ipsi turpitudine replentes nullo pudore

pudore afficiuntur, cur mihi succensent, si verbis ea objiciam, quæ operibus ipsi exhibent? S. CHRYSOSTOMUS *Sermone 2. contra Anomæos.*

Et non animadvertitis idcirco nos scribere, ut vos respondere cogamini, & aperte aliquando dicere, quod pro tempore, personis & locis vel loquimi vel tacetis? nolo vobis liberum esse negare quod semel scripseritis. Ecclesiæ victoria est vos aperte dicere, quod sentitis. Aut enim idem responsuri estis, quod & nos loquimur; & nequaquam eritis adversarii, sed amici: aut si contraria nostro dogmati dixeritis in eo vincemus, quod omnes cognoscent Ecclesiæ, quid sentiat. Sententias vestras prodidisse superasse est. Patet prima fronte blasphemia. HIERONYMUS *Epistola 133. ad Ctesiphontem olim libris adversus Pelagianos præfixa. Et brevius Epistola 41. alias 54. ad Marcellam: Hæc sunt, quæ coargutione non indigent. Perfidiam eorum exposuisse, superasse est.*

Quisquis es assertor novorum dogmatum, quæ forte, ut parcas Romanis auribus, parcas fidei, quæ Apostolico ore laudata est. Cur post annos quadringentos docere nos niteris, quod ante nescivimus? Cur profers in medium, quod Petrus & Paulus edere noluerunt? Usque ad hanc diem sine ista doctrina mundus christianus fuit. Illam senex tenebo fidem, in qua natus sum. *Idem Epistola 84. alias 65. ad Pammachium, & Oceanum.*

Contemplemur hæreticos, quomodo semel desperantes salutem gulæ se tradant, & deliciis, vescantur carnibus, frequenter adeant balneas, musco fragrent, unguentis variis delibuti quærant corporum pulchritudinem. Semel enim futura non sperant, neque credunt resurrectionem. Quod cum sermone pandant, ostendunt operibus. Si enim non crederent ista non facerent. *Idem in caput 23. Hieremias.*

Quid maledictorum pannos hinc inde confutis, & eorum carpitis vitam, quorum fidei resistere non valetis? Num idcirco non estis hæretici, si nos quidam assertionem vestram crediderint peccatores. *Idem epistola 97. alias 78. ad Pammachium, & Marcellam.*

In uno tibi consentire non potero, ut parcam hæreticis. Mori possum, tacere non possum. *Idem Apologia ultima adversus Rufinum, ad finem.*

In extrema Epistola scribis manu tua, opto te pacem diligere. Ad quod breviter respondeo: Si pacem desideras, arma depone. Blandienti possum aquiescere; non timere comminantem. Sit inter nos una fides, & illico pax sequetur. *Idem ibidem, in fine.*

Hæretici per totam faciem terræ. Alii hic, alii ibi. Nusquam tamen defunt. Ipsi se non noverunt. Alia secta in Africa, alia hæresis in Oriente, alia in Ægypto, alia in Mesopotamia verbi gratia. Diversis locis sunt diversæ; sed una mater superbia omnes genuit. S. AUGUSTINUS *Libro de Pastoribus cap. 10.*

Non ad eum (Diabolum) pertinet, si quis illo aut illo modo erret. Omnes errantes vult quibus libet erroribus. *Idem ibidem cap. 12.*

Nonne isti palpant in meridie, quasi in media nocte? quod quidem omnium hæreticorum est, qui rem manifestissimam (Ecclesiam) in luce omnium gentium constitutam videre non possunt. *Idem Libro II. contra Epistolam Parmeniani cap. 3.*

Videtur ergo, id vos agere, ut omnis de medio scripturarum auferatur auctoritas, & suus cuique animus auctor sit, quid in quaque scriptura probet, quid improbet, id est, ut non auctoritati scripturarum subjiçatur ad fidem, sed sibi scripturas ipse subjiçiat, non ut ideo illi placeat aliquid, quia hoc in sublimi auctoritate scriptum legitur; sed ideo recte

recte scriptum videatur, quia hoc illi placuit. Quo te committis anima misera, infirma, carnalibus nebulis involuta, quo te committis? *Idem Libro XXXII. contra Faustum cap. 19.*

Idem in hæreticos conquerentes de persecutionibus etiam cruentis quas paterentur a Catholicis, data non concessa rei veritate istuc reponit: Talia facere volunt, & saltem talia pati nolunt. Nam videte, qualia faciunt, & qualia patiuntur. Occidunt animas, affliguntur in corpore: sempiternas mortes faciunt, & temporales se perpeti conqueruntur! Idem Tractatu 11. in Joannem, ubi fuse pertractabat hanc thesin. Nec minus eleganter, brevius tamen ad Donatum Presbyterum Donatistam: Displicet tibi, quia traheris ad salutem; cum tam multos nostros ad perniciem traxeris? Epistola 204. nunc 173. ad Donatum.

VINCENTIUS LIRINENSIS *inconstantiam, & fluctuationem hæreticorum describens: Heu, exclamat, miseranda conditio! quantis illi curarum æstibus quantis turbinibus exagitantur! nunc etenim qua ventus impulerit, incitato errore rapiuntur, nunc in semetipsos reversi tanquam contrarii fluctus reliduntur: nunc temeraria præsumptione ea quæ incerta videntur, approbant, nunc irrationali metu etiam quæ certa sunt expavescunt; incerti qua eant, qua redeant, quid appetant, quid fugiant, quid teneant, quid dimittant. Commonitorii 1. cap.*

Frustra utuntur catholico nomine, qui istis impietatibus non resistunt. Possunt hæc (nostra) credere, qui possunt talia (hæreticorum) patienter audire? S. LEO *Epistola 15. alias 93. ad Turibium Episcopum Asturicensem, ad calcem.*

Ubi apostolica forma & vita, quam jactatis? illi (Apostoli scilicet) clamant; vos susurratis. Illi ut nubes volant; vos in tenebris & subterraneis domibus delitescitis. Quid simile illis in vobis ostenditis? an quod vobiscum mulierculas non

utique circumducitis* sed includitis? Non æque comitatio ut cohabitatio suspitioni patet? Verum quisnam de illis sinistrum quidpiam suspicaretur, qui mortuos suscitabant? fac tu similiter, & una recubantem putabo foeminam virum. Alioquin temere tibi usurpas illorum dispensationem, quorum sanctitatem non habes. Cum fœmina semper esse, & non cognoscere foeminam, nonne plus est, quam mortuum suscitare? Quod minus est, non potes: & quod majus est, vis credam tibi? S. BERNARDUS *Sermone* 65. in *Cantica*.

CAPUT II.

Fontes.

Præter ea, quæ libro nono, Dissertatione prima, contra hæreticos legenda suadebam, addi præterea sequentia possunt:

NOVATIANUS *Libro de Trinitate cap. 11.*

LUCIFER CALARITANUS *Libro de non conveniendo cum hæreticis.*

S. HILARIUS PICTAVIENSIS *Libro contra Constantium Augustum*; ubi plura habet de moribus hæreticorum.

S. BASILIUS M. *Epistolis compluribus,*

S. GREGORIUS NAZIANZENSIS *Orationibus præsertim 23. & 49.* In illa enim de crudelitate, & in ista de simulatione hæreticorum agit.

S. PACIANUS *Epistolis tribus ad Sympronianum* multa eaque præclara dat, quæ in omnes ex æquo hæreticos intorqueantur.

S. CHRYSOSTOMUS præclare explicat illud: *Oportet hæreses esse.* Locum dedimus Libro quarto, ubi

* Respicit ad sanctas mulieres, quæ Apostolos, ut necessaria eis præberent, nonnunquam comitabantur.

ubi egimus de claritate in docendo. *Idem Homilia 19. in ad Hebræos* docet unum caput fidei credi ab eo minime posse, qui non & reliquis assentiatur. Adde *Auctorem operis imperfecti apud eundem Chrysostomum homilia 19.*

S. HIERONYMUS *Epistola 130. alias 8. ad Demetriadem, post medium.*

Epistola 108. alias 27. ad Euslochium, proprius finem.

Epistola citata ad Pammachium, & Oceanum, de artibus & insinuationibus hæreticorum.

Epistola 133. ad Ctesiphontem, etiam supra laudata, de mulierositate hæreticorum.

In libris contra Ruffinum, quam exhortuerit, atque etiam excanduerit ad calumniam hæresis sibi impactam,

In Caput 5. ad Galatas, ipsis statim iniitiis esse hæresi obsistendum.

Lege etiam eundem *in caput 23. Hieremiæ, & in caput 6. Osee.*

Plurima addit Cornelius Schultingus in *Confessione Hieronymiana.*

S. AUGUSTINUS *Libro de utilitate credendi, quam stulte hæretici petant, ut potius ipsis quam catholicis credant.*

Quæstione 11. in Matthæum, non posse unum articulum sine altero credi.

Libro XVI. de Civitate, cap. 2. hæreses profuisse Ecclesiæ.

Libro XXI. de Civitate, cap. 25. hæreticos esse peiores gentilibus.

Libro de Pastoribus, cap. 7. ne ægre ferant hæretici, si scribamus adversum eos.

Enarratione in psalmum 57. post medium, quod hæreses non ferant ætatem.

S. AUGUSTINUS *Sermone* 164. *alias* 22. *de verbis Apostoli cap. 10. ad Pastores eorum, convictos quidem, sed id tateri non audentes, egregie.*

SALVIANUS *Libro 5. de gubernatione Dei*, ubi pulchre excusat hæreticos, quos dicimus *materiales*, iisque malos catholicos longe postponit.

ARNOBIUS *Junior in consiliu cum Serapione, post initium Libri 1. dogma unum credi haud posse, quin & alterum credatur.*

S. GREGORIUS M. *in Libris Moralium præsertim V. & XX.* ubi plura habet capita in hæreticos.

S. ISIDORUS HISPALENSIS *Libro 1. Sententiarum cap. 16. generatim de hæreticis: & Epistola 4. ne quis indoctus cum iis disputet.*

S. ANASTASIUS SINAITA *in viæ duce, sapius.* Sic *capite 7. ostendit, quomodo hæretici cum SS. Patribus agent.*

S. ANTIOCHUS *homilia 130. de hæreticis.*

GUIPMUNDUS AVERSANUS *in fine libri 3. de corpore & sanguine Domini gravissimam habet adhortationem ad hæreticos*

S. BERNARDUS *Sermonibus continuis 64. 65. & 66. in Cantica de hæreticis clanculariis.*

PETRUS VENERABILIS *in Summula quædam brevi contra hæreses: Et Tractatu adversus Petrobrusianos.*

GUILLIELMUS PARISIENSIS *Libro 1. de moribus, ubi egregie describit hæreticos.*

Quæ pertinent ad hæreticos puniendos, & adimendam eam, quam identidem crepant, conscientia libertatem egregie, & speciatim faciunt S. Patricianus *Epistola 2. ad Sympronianum: S. Augustinus Epistolis 88. alias 68; 93. alias 48; 105. alias 166; 134. alias 160; 183. alias 159; 185. alias 50. Item Libro 1. contra Epistolam Parmeniani: Libro 1. contra duas Epistolas Gaudentii: Libro III. contra*

contra Cresconium cap. 51. S. Leo Sermone 5. de jejunio decimi mensis, & in Epistolis non semel. Gelasius Papa in Epistola ad Euphemianum. S. Joannes Damascenus contra Manichæos. S. Bernardus Sermonibus citatis. Quo autem sensu Sermone 65. in Cantica hæreticos non armis, sed argumentis velit capi, vide Notam Merlonis Hortii in eundem locum.

Adde Titulo de Hæresi titulos affines de Ecclesia: de Fide: de Scriptura: de Traditione: de Conciliis: de Summo Pontifice.

TITULUS XXIII.

De Inferno, ejusque duplici pœna, damni & sensus.

CAPUT I.

Loci.

Nec tormentis aut modus ullus aut terminus. Illic sapiens ignis membra urit, & reficit, capit & nutrit. MINUTIUS FELIX in *Octavio*, prope finem.

Continuus & superfluous erit illarum lacrimarum decursus. Stridorem illum dentium flammæ inextinguibiles agitant. Immortales miseri vivent: incendia & inconsumptibiles flammæ nudum corpus allambent. Ardebit purpuratus dives, nec erit qui æstuanti linguæ stillam aquæ infundat. In proprio adipe frixæ libidines bullient, & inter sartagine flammeas miserabilia corpora cremabuntur, & omni tormento atrocius desperatio condemnatos affliget. *Creditus CYPRIANUS Sermone de Ascensione Christi, sub finem.*

Idem divinus ignis una eademque vi atque potentia & cremabit impios, & recreabit: & quantum

tum e corporibus absumet, tantum reponet, ac sibi ipse æternum pabulum subministrabit. *LACTANTIUS Libro VII divinarum institutionum cap. 21.*

Timeate dilectissimi justa judicia, omittite errorem, dammate delicias! Properat jam tempus extremum. Tartarus & gehenna laxatos impius sinus pandunt. Post animarum tempestitiva supplicia redivivis quoque perpetua corporibus pœna servatur. Nemo Titii jecur credat, & vulturem Poëtarum. Ipse sibi materiam recrescentium corporum reparat ignis æternus. *S. PACIANUS in Parænesi ad Pœnitentiam, versus finem.*

Vim ejus & de præsentibus æstimate, cujus sumariola quædam montes subterraneanis ignibus decoquunt. Æstuat indefessis flammæ globis Æthna Siculus, & Vesuvius Campanus: &, quo nobis judicii perpetuitatem probent, dissiliunt, devorantur, nec ullis tamen sæculis finiuntur. *Idem eadem Parænesi.*

Sæculares ecce ignes timemus, & carnificum ungulas expavescimus! comparate cum his æternas torquentium manus, apicesque flammæ nulla ætate morientium. Per ego vos Ecclesiæ fidem fratres! per sollicitudinem meam, per communes omnium animas obtestor, & deprecor, ne pudeat in hoc opere, ne pigeat oportuna quamprimum remedia salutis invadere, dejicere mœroribus animum, sacco corpus involvere, cinere perfundere, macerare jejunio, mœrore conficere, multorum precibus adjuvare. In quantum pœnæ vestræ non perceritis, in tantum vobis Deus parcat. *Idem ibidem.*

Si ejus qui est e patria ejectus omnes miserentur, & qui amisit hæreditatem videtur omnibus miserabilis: qui a cœlo excidit a bonis quæ illic sunt reposita, quam multis plorari debet lacrimis? imo vero nec plorari. Ploratur enim quispiam quando aliquid ei acciderit, cujus ipse non est causa; quando

autem

autem libero suo arbitrio seipsum vitio quisquam dediderit, non lacrimis, sed lamentationibus atque luctu tunc erit dignus. . . . Innumerabilibus revera ejulatus, innumerabilibus lamentationibus digni sumus. Si universus orbis terræ, & lapides, & ligna & arbores & feræ & aves, & ut semel dicam totus orbis terræ voce accepta nos desleat qui a bonis illis excidimus, nihil ut par est deslebit vel lamentabitur. S. CHRYSOSTOMUS *Homilia 23. in ad Hebræos.*

Cogitemus quantum sit malum uri perpetuo, & esse in tenebris, & innumerabiliter emittere ejulatus, & stridere dentibus, & ne audiri quidem! *Idem homilia 1. ad Hebræos, in Morali.*

Quantas delicias & quantum temporis illis supplicii vis comparari? Vis ne centum annos, aut duplo amplius? Quid hoc erit si compararetur cum sæculis infinitis? Quod enim est somnium unius diei ad totam vitam collatum, id ipsum est rerum præsentium usura, futurorum statui comparata. Num aliquis est qui suave somnium optet ea conditione, ut per totam vitam crucietur? Ecquis ita stultus est, ut ad talem retributionem accedat? *Idem S. Doctor Parænesi 1. ad Theodorum.*

At verborum (de Inferno) times importunitatem? Num si fileas gehennam extinxeris? num si dixeris accenderis? Seu dixeris, seu non dixeris exardescet ignis. De ea dicatur assidue, ut nunquam in eam incidas. Fieri non potest, ut anima de gehenna sollicita cito peccet. Audi enim optimam admonitionem. In memoriam revoca novissima tua, & in æternum non peccabis. . . . Nullus ex iis, qui gehennam habent ante oculos, incidet in gehennam: nullus ex iis qui gehennam despiciunt, effugiet gehennam. *Idem Homilia 2. in 11. ad Thessalonicenses.*

Sed quonam in loco, inquires, erit (gehenna?) Extra mundum hunc totum, ut ego puto. Quemadmodum enim regum carceres & metalla procul posita sunt: ita extra mundum hunc erit gehenna. Ne ergo quæramus ubinam sit; sed quomodo illam effugiamus, *Idem Homilia 31. in ad Romanos, & Homilia in secundum Christi adventum, inter Spuria, Tomo VIII. Montfauconi.*

Hic quando contingit ille conflictus (supplicii scilicet, & sensus) aut dolor vincit, & sensum mors adimit: aut natura perdurans vincit, & dolorem sanitas tollit; ibi autem & dolor permanet, ut affligat, & natura perdurat. ut sentiat; quia utrumque ideo non deficit ne poena deficiat. S. AUGUSTINUS *Libro XIX. de Civitate cap. 28.*

Quare in inferno mors quæritur, & non invenitur? quia quibus in hoc sæculo vita offertur, & nolunt accipere, in inferno quærent mortem, & non poterunt invenire. *Idem Sermon 252. de Tempore, nunc 229. in Appendice nova. Est Casarii Arelatenfis 52.*

Sicut nullum gaudium rerum temporalium ex aliqua parte simile potest inveniri gaudio vitæ æternæ, quam sancti accepturi sunt: ita nullus cruciatibus comparari. *Idem Libro de catechizandis rudibus cap. 24.*

Quæ quisque gravia valde patitur in hac vita, in comparatione æterni ignis non parva sed nulla sunt. *Idem Sermon 22. alias 109. de Tempore.*

Si non veniret ignis Dei judicii, & sola peccatoribus immineret separatio a facie Dei, in qualibet essent affluentia deliciarum, non videntes a quo creati sunt, & separati ab illa dulcedine ineffabili vultus ejus. in qualibet æternitate, & impunitate peccati plangere se deberent. Sed quid loquor, aut quibus loquor? hæc amantibus poena est, non contemnentibus. Qui dulcedinem sapientiæ, & veritatis

tatis utcunque sentire cœperunt, noverunt quod dico, quanta poena est tantummodo a facie Dei separari. Qui autem illam dulcedinem non gustaverunt, si nondum desiderant Dei faciem, timeant vel ignem. Supplicia terreant, quem præmia non invitant. Vile tibi est quod Deus pollicetur? contremisce quod minatur. Veniet dulcedo præsentiae. Non mutaris? non excitaris? non suspiras? non desideras? Amplexaris peccata tua, & delicias carnis tuæ? Stipulas ad te congeris. Veniet ignis: *Ignis in conspectu ejus ardebit.* Non erit iste ignis sicut focus tuus; quo tamen si manum mittere cogaris, facies, quidquid (ille) voluerit, qui hoc minatur. Si tibi dicat: Scribe contra caput patris tui, scribe contra capita filiorum tuorum; nam si non feceris, manum tuam mitto in focum tuum: facies; ne ardeat manus tua, ne ardeat ad tempus membrum tuum, non semper in dolore futurum. Minatur ergo inimicus tam leve malum, & facis malum: minatur Deus æternum malum, & non facis bonum. *Idem Enarratione in psalmum 49.*

Ardens inferni puteus aperietur. Descensus erit, reditus non erit. Illic denudati & capitaliter mortui in perpetuum demergentur, dejiciendi in tenebras exteriores, infeliciter exclusi, infelicius excludendi. De hoc puteo Propheta commemorat: *Neque absorbeat me profundum, neque urgeat super me puteus os suum.* Ideo autem dixit: *Neque urgeat super me os suum,* quia culti susceperit reos, claudetur sursum, & aperietur deorsum, dilatabitur in profundum. Nullum spiramen, nullus liber anhelitus claustris desuper urgentibus relinquitur. Detrudentur illuc valedicentes rerum: ultra nescientur a Deo, qui Deum scire noluerunt, morituri vitæ, & morti sine fine victuri. **EUSEBIUS GALLICANUS homilia 3. de Epiphania.**

Illud

Illud autem quomodo trepidus, & male conscius sermo poterit explicare, cum cœperit inexpressibilis caro, & infectæ carnis medullæ sævis gehennæ æstibus penetrari, & more ferventium, ac decoquentium metallorum inextinguibili ardore tota hominis substantia infundi, & depascentibus flammis corpora atque animas ex parte consumi, ex parte nutriri, ut inter medios ignium globos damnata natura det pabulum, & accipiat incrementum! *Idem Homilia 1. ad Monachos.*

Occidente itaque pœna, & vivificante sententia stabit sæculis materia reparabilis, & nunquam ad metam malorum termino fugiente perveniet: & dum sibi nullam spem promittere poterit, vel post immensa tempora jam etiam in præsentī sentientur consequentium tormenta sæculorum, ac sic dolorem mortis conscientiaē imposita immortalitas augebit. *Idem ibidem.*

Væ, qui hæc lugenda imposterum, ridenda nunc deputant! væ, quibus hæc prius experienda sunt, quam credenda! *Idem ibidem.*

Non tanti est vita, si ad hoc vivat homo, ut in paucis hujus vitæ annis consumat æternos, & sub brevi fine congreget sibi pœnas sine fine mansuras. *Idem homilia de latrone beato.*

JULIANUS POMOERIUS de inferni cruciatibus eleganter: Torquent animas, nec extorquent, puniunt corpora damnata, nec finiunt. *Libro III. de vita contemplativa cap. 12.*

Memoria æterni ignis tecum singulis noctibus dormiat, tecumque evigilet. S. JOANNES CLIMACUS de luctu, gradu 7.

Idem Gradu 4. narrat, se dum monasteria visitat, reperisse fratrem, ministerio culinæ occupatum, qui dono lacrimarum mirabili polleret, quem rogans, unde id adeptus esset, audivit: Ex ignis, quem perpetuo cernebat, conspectu vasta ignis inferni

ferni incendia animo versasse, quæ consideratio uberes ex oculis lacrimas soleret elicere.

Fit ergo miseris mors sine morte, finis sine fine, defectus sine defectu; quia & mors vivit, & finis semper incipit, & defectus deficere nescit. S. GREGORIUS M. *Libro X. moralium cap. 66.*

Ecce, quæ maneat damnatos poena, cognovimus: & instruente nos sacro Eloquentia quantus in damnatione ignis, quanta in igne obscuritas, quantusque in obscuritate pavor sit nullatenus ambigimus. Sed quid prodest ista prænosse, si non contingat evadere? *Idem ibidem.*

Ne nos ipsos decipiamus. Detur enim quod voluptati per totam vitam nostram vacaverimus: sed quid ad infinita sæcula? hic enim & bona & mala finem habent: illic autem immortales poenæ. Hic si ardeat corpus, egreditur anima: illic vero incorrupto resurgente corpore semper anima comburitur, & peccatores enim incorrupti resurgunt. Non ut honorentur, sed ut immortaliter in tormentis permaneant. Si itaque balnei vehementiorem vaporem non ferimus, quomodo feremus igneum flumen? JOANNES JEJUNATOR Patriarcha Constantinopol. *homilia de pænitentia, continentia & virginitate.* Est ultima apud Chrysostomum *Tomo I. Ducæano.*

Sic morientur, ut semper vivant; & sic vivent, ut semper moriantur. HUGO A S. VICTORE *Libro I. de anima cap. 3.*

Hæc levia sunt meditati flammæ perpetuas. S. BERNARDUS *Epistola I. ad Robertum nepotem, ante finem.*

Mors depascet eos; quia semper morientur ad vitam, & semper vivent ad mortem. *Idem Sermone 2. in illud: Regnum Dei non est esca, & potus. Est. 19. de diversis.*

Quid tam poenale, quam semper velle, quod nunquam erit & semper nolle, quod nunquam non erit?

erit? . . . in æternum non obtinebit, quod vult, & quod non vult, in æternum nihilominus sustinebit. *Idem Libro V. de Consideratione cap. 12.*

Descendant in infernum viventes; videlicet ne descendant morientes. *GUILIELMUS Abbas S. Theodorici, ad fratres de monte Dei, propius initium.*

CAPUT II.

Fontes.

TERTULLIANUS *Libro de Penitentia cap. 12.*

ORIGENES *Homilia 9. in Hieremiam, de utilitate gehennæ.*

S. CYPRIANUS *Libro ad Demetrianum, prope finem, & Libro de laudibus martyrii cap. 12.*

LACTANTIUS *Libro VII. divinarum Institutionum cap. 21.*

S. EPHRÆM *Parænesi 48. ad Monachum acedia deditum &c. Tomo II. novo græco-latino. Adde ejusdem de tormentis in inferno perferendis interrogationes & responsiones, Tomo II. græco-latino novo pag. 382.*

S. BASILIUS M. *Homilia in Psalmum 33. vers. 12.*

S. CHRYSOSTOMUS *Parænesi 1. ad Theodorum lapsum, jam ante laudata, egregie de poenis inferni dicit.*

Sed etiam Libro 1. de Providentia.

Homiliis 24. 37. 38. 44. 77. in Matthæum.

Homilia 21. in Acta.

Homiliis 25. & 31 in ad Romanos.

Homilia 9. in I. ad Corinthios.

Homiliis 9. & 10. in II. ad Corinthios, præctice & præclare.

Homiliis 6. & 13. in ad Philipenses.

S. CHRY-

S. CHRYSOSTOMUS *Homilia 7. in I. ad Thesalonicenser.*

Homilia 15. in I. ad Timotheum,

Homilia 3. in ad Philemonem.

Homilia 28. in ad Hebræos.

Sermone item de præmiis Sanctorum, & de gehenna si sit, & ubi sit.

S. AUGUSTINUS *Libro XXI. de Civitate fere toto.*

In Enchiridio capitibus 111. 112. 113.

Tractatu de triplici habitaculo.

Libro de Spiritu & Anima cap. 56.

In psalmos 48. & 49.

S. CYRILLUS ALEXANDRINUS *Oratione de exitu animi, & de secundo adventu. Tomo V. Parte 2.*

SALVIANUS *Libro 4. de Gubernatione, quod ipsemet inferni flammam succendamus.*

JULIANUS POMOERIUS *loco supra allegato.*

S. FULGENTIUS *Libro de Fide ad Petrum Diaconum cap. 43. Et Libro II. de remissione peccatorum capitibus 13. & 21.*

S. GREGORIUS M. *Libro IX. Moralium, capitibus ultimis.*

Libro XV. Moralium, capitibus pluribus.

Libro XXXIV. Moralium cap. 19.

Libro IV. Dialogorum, capitibus 28. & 44.

Idem videndus etiam capitibus 12. & 13. ejusdem operis, ac libri.

ESAIAS Abbas *Oratione 29.*

HUGO VICTORINUS *Libro I. de anima cap. 3. & opusculo antepenultimo de fide hominis, capitibus 3. 4. 5. ac Opusculo ultimo de statu futuri sæculi.*

S. BERNARDUS *Sermone 16. in Cantica: Libro V. de consideratione cap. 12.*

RICHARDUS A S. VICTORE *Libro de potestate judiciaria in extremo judicio.*

S. BER-

S. BERNARDINUS SENENSIS *Tomo II. Sermone 12* cur culpa temporalis æterna pœna plectatur. *Idem* de Inferno agit *Tomo eodem Sermone 22. & Tomo III. Sermone 18. extraordinario.*

S. THOMAS A VILLANOVA *Concione I. in Dominicam I. Adventus.*

Superessent multi alii; verum isti omnia occuparunt, quæcunque dici possunt.

TITULUS XXIV.

De *Judicio* divino, Generali & Particulari.

CAPUT I.

Loci.

Describe mihi in mente tua extremum communis vitæ finem, cum veniet filius Dei in gloria sua cum Angelis suis. *Veniet enim, & non filebis.* Nimirum quando veniet judicaturus vivos & mortuos, atque unicuique secundum opus suum redditurus: quando tuba illa magnum quiddam ac horrendum sonans excitabit eos, qui ab orbe condito dormierint, & procedent qui bona fecerint in resurrectionem vitæ, qui vero mala, in resurrectionem judicii. Revoca tibi in memoriam Danieli oblatam Dei visionem quomodo nobis ob oculos judicium ponat! Aspiciebam, inquit, donec throni positi sunt, & antiquus dierum sedit. Vestimentum ejus candidum quasi nix, & capillus capitis ejus quasi lana munda. Rotæ ejus ignis ardens. Flumen ignis trahebat in conspectu ejus. Mille millia deserviebant ei, & dena millia denum millium assistebant ei. Judicii que locum constituit, & libri aperti sunt, Bona, mala, manifesta, occulta, actiones, verba, cogitationes, omnia acervatum.

vatim, ut ab omnibus & Angelis & hominibus exaudiri possint, clare & aperte revelantes. Ad hoc quomodo affectos necesse est esse eos qui male vixerint? Ubi itaque anima illa abscondetur, quæ in oculis tot spectatorum subito visa fuerit dedecoris plena? Quali vero corpore infinita illa, & intolerabilia perferet supplicia, ubi ignis inextinctus & vermis indefinenter puniens, & imum inferi tenebricosum & horrendum, & ululatus amari, & ejulatus ingens, & ploratus, & stridor dentium, & ubi mala finem non habent? Ab his post mortem liberari non datur, neque est industria ulla neque ars effugiendi amara supplicia. Hæc nunc vitare licet. Dum autem licet, erigamus nosmet ipsos ex casu, neque de nobis ipsi desperemus, si a malis discefferimus. S. BASILIUS M. *Epistola 46. alias s. ad Virginem lapsam.*

Quando viderint terram moveri, pulverem misceri, ex æquo undique excitari corpora, nemine ad hoc inserviente, sed jussu sufficiente ad terram repletam exinaniendam (cogita enim quantum sit omnes ab Adamo usque ad ejus adventum tunc illic stare cum uxoribus & filiis) Quando inquam in terra tantum viderint tumultum, tunc scient. . . Qualis ergo tremor, qualis metus invadet eos qui vivent in terra? una enim rapitur, & una dimittitur: & unus assumitur, & unus dimittitur. Quis erit eorum animus cum illos quidem in altum tolli, se vero dimitti viderint? An non quavis gehenna terribilius poterunt hæc perterrere? Ponamus ergo verbis, jam hoc adesse. Si enim mors repentina, vel in urbibus terræ motus & ruinæ ita nostros afficiunt animos: quando viderimus effratam terram & illis omnibus repletam: quando tubas audierimus; quando Archangeli vocem quavis tuba clariorem: quando viderimus coelum contrahi: quando ipsum adesse omnium Regem

Vol. VII. N Deum

Deum, quis erit nobis animus? Horreamus rogo & extimescamus tanquam hæc jam fiant. Ne dilatione & mora nosipfos consolemur. Nam cum omnino fieri oporteat, nihil juvat dilatio. Quantum tunc est tremor, quantus metus! Vidistis aliquando eos qui abducuntur ad mortem. Quo animo eos esse putatis ingredientes viam usque ad portam quot mortibus non peiorem? Quid non eligant & agere & pati ut ab illa liberentur caligine & nube? Ego multos audiui qui Imperatoris clementia postquam abducti fuerant, erant revocati, quod nec homines viderint tanquam homines; adeo erat turbatus & stupefactus & emotus animus. Si nos ita terret mors corporalis, quando advenerit æterna quomodo erimus affecti? Et quid dico de iis qui ad mortem abducuntur? Tunc eos circumfistit turba, plures ipsos ignorantes; si quis tamen illorum animos circumspexerit, nemo est adeo fævus, nemo tam forti & magno animo, qui non ipsam habeat animam consternatam, ac dejectam, & metu & ægritudine dissolutam. Si autem aliis hanc mortem suscipientibus, quæ a somno nihil differt, ita afficiuntur, qui ejus non sunt participes: quando nos ipsi in majora inciderimus, quomodo nos habebimus? Non potest, non potest, credite, verbis explicari, quomodo afficiemur. S. CHRYSOSTOMUS *homilia 8. in ad The-salonicensēs.*

Idem homilia 10. in 2. ad Corinthios: Existimemus igitur diem illum extremum nunc adesse; quisque conscientiam consideret, fingatque animo adesse jam judicem, omniaque detegi, atque in medium proferri. An non erubuistis? An non mente excessistis? Quod si nunc re nondum præsentē sed efficta duntaxat atque animo adumbrata conscientia nostra pene nos exanimat: quid tandem faciemus cum dies ille venerit, cum totus orbis terra-

rum

rum adfuerit, cum Angeli, & Archangeli, cum densa agmina atque omnium cursus & raptus in nubibus, & acies tremoris plena? cum tubæ aliæ atque aliæ & continuæ illæ voces? Nam etiam si nulla gehenna esset, tamen in tanto splendore rejici, & cum ignominia secedere quantum tormentum esset? &c.

Unusquisque igitur in suam conscientiam veniens, & peccata recogitans, rationem accurate ab se repetat, ne tunc cum mundo damnemur. Horrendum quippe est: judicium illud, tremendum tribunal, terroris plenæ rationes reddendæ, & fluvius igneas undas agens. *Frater non redimit: redimet homo?* Recordare eorum quæ in Evangelio dicuntur, Angelorum circumcursantium, clausi thalami, lampadum extinctarum, potestatum in fornaces trahentium; & illud tecum reputa: si nostrum cujuscumque occultum facinus aliquod in medium hodiè afferretur, in Ecclesia tantum, an non mallet interire, & terram sibi dehiscere potius, quam tot nequitiae testes habere? Quid ergo tunc patiemur, cum coram orbe toto omnia afferentur in tanto, tam splendido theatro, & notis, & ignotis omnia conspicientibus? at væ mihi, undenam terrire vos cogor? ab hominum æstimatione, cum a timore Dei oporteret, & ab ejus condemnatione. Quinam quæso te, erimus, cum vincti, dentibus stridentes, in exteriores tenebras ducemur? imo quid faciemus, quod omnium terribilissimum est, cum Deo occurremus? Si quis enim sensum & mentem habeat, certe jam gehennam sustinuerit, cum a facie Dei expulsus erit. *Idem homilia 5. in ad Romanos.*

Idem homilia 14. in ad Romanos, quam ad stuporem ipsum summi Judicis adventum ob oculos ponit! Cogitatione ascende, & supra hoc cœlum instans contemplare ipsum hoc superius cœlum, sublimi-

tatem immensam, lucem horrore plenam, angelorum populos, archangelorum coetus innumeros, alias incorporeas virtutes. Ac rursus a superioribus illis descendens imaginem rerum quæ in terra sunt assume, depinge tibi terrenum Imperatorem; nimirum homines auro onustos, bigas alborum mulorum, qui auro ornantur, currus lapillis decoratos stratum niveum, & candidum, laminas in curribus agitata, dracones in vestibis sericis exhibitos, clypeos aureis umbilicis ornatos, lora ex iis ad summas rotas per lapillos multos extensa, equos auro onustos, & frena aurea. At cum ipsum Imperatorem videmus, nulli jam dictorum attendimus. Tunc ille solus nos ad se convertit, purpurea indumenta, diadema, cathedra, fibula, calcei, oris splendor magnus. His omnibus accurate collectis rursus ad superna cogitationes erige, atque ad illum tremendum diem quo Christus adveniet. Non enim bigas mulorum tunc videbis, neque currus aureos, neque dracones & clypeos, sed quæ multo plena sunt honore, tantumque terrorem immittunt, ut ipsæ incorporeæ virtutes percellantur. Nam ait: *Virtutes cælorum movebuntur.* Tunc aperietur totum coelum, & apsidum illarum portæ expandentur. Descendet unigenitus Dei filius non viginti, non centum hastatis satellitibus stipatus, sed millenis, decies millenis Angelis, Archangelis, Cherubim, Seraphim, ceterisque virtutibus: omniaque erunt timore & tremore plena, dirupta terra, hominibus omnibus ab Adamo usque ad illum diem de terra ascendentibus & raptis, ipso Christo cum tanta gloria sese exhibente, ut & luna & sol & omne lumen occultetur a tanto splendore illuminatum. Quis sermo illam beatitudinem repræsentabit, illum splendorem & gloriam. Heu mihi o anima! nunc enim lachrymæ subit, & valde ingemiscere cogitanti ex quantis bonis excidimus,

a quanta

felicitate alieni evadimus. Nam alieni sumus (de me ipso loquor) nisi magnum quidpiam, & mirabile operemur.

Vere vox magna tubæ terribilis, cui omnia obaudiunt elementa, quæ petras scindit, inferos aperit, clausuras tenebrarum pertransit, portas æreas conterit, vestes adamantinos, & ferreos confringit, vincula mortis dirumpit, & de profundo abyssi animas liberatas corporibus suis assignat! AUCTOR OPERIS IMPERFECTI in *Marthæum homilia* 49.

Judicaturus Domino lugubre mundus immuet, tribus ad tribus pectora ferient, potentissimi quondam reges nudo latere palpitabunt. Exhibebitur cum prole sua vere tunc ignitus Jupiter. Adducetur & cum suis stultus Plato discipulis. Aristotelis argumenta non proderunt. Tunc tu rusticanus, & pauper exultabis, & ridebis. *Idem Epistola* 14. *alias* 1. *ad Heliodorum, in fine.*

Sedebit Judex qui stetit sub iudice. Damnabit vero reos, qui factus est falsus reus. S. AUGUSTINUS *Sermone* 127. *alias* 64. *de Verbis Domini.*

Ipse judicat. Securi sint boni! iudicem ipsorum nullus adversarius corrumpit, nullus advocatus circumvenit, nullus testis illudit. Sed quam securi sunt boni, tantum timeant mali. *Idem Libro de ovibus, circa medium.*

Curiositas abscedat; pietas succedat. Quid ad te quando veniet (tempus iudicii). Sic vive quasi hodie venturum sit: & non timebis cum venerit. *Idem Sermone* 265. *alias* 6. *inter additos a Parisiensibus cap. 3.*

Quamdiu in hoc corpusculo positi sumus, conceditur nobis scissa redintegrare, maculata diluere, vulnerata sanare: quidquid autem hic non redemerimus mortifera securitate decepti, integrum nobiscum insanabili cum dolore reportabimus ad sanctorum præsentiam, atque ad ipsum tremendi Judi-

cis majestatem. Et quid de nobis erit, si cum talibus ornamentis processuri sumus in illum conventum omnium Sanctorum? qui dies ille, quæ trepidatio, quæ terræ, & cœli spectatio erit, cum inter aliorum præclara gesta, & illustria merita, aliorum probra, & dedecora proferentur! Et quid gravius, quid intolerabilius, quam si illo tempore malorum ignominia reveletur, quo bonorum gloria manifestabitur? multo enim invidiosior, & damnabilior erit causa criminum sub assistentium comparatione virtutum. Quid erit terroris, quid miseræ, quid mœroris, quando sub illo admirabili Apostolorum, Martyrumque concilio, sub illo angelorum sydere, ac præfulgente confesso cum rubore veterum delictorum diversis tetra maculis anima producet! quando latissimam iniquitatum suarum, confusibilemque vitæ totius historiam ante oculos suos videbit exponi, ut illam inaudita clamantium vox malorum conscientia obmutescente, & deficiente condemnet! EUSEBIUS GALLICANUS *homilia 1. de ascensione.*

Ille veniet ad judicandum nos, qui se iudicio meminit addictum pro nobis. Ille veniet ad discutiendam vitam nostram, qui eam restituit per mortem suam. Ille inquam pro commissa nobis salute nostra rationem exacturus est, qui pro nostra redemptione damnatus est. Qui tantum contulit, scit quantum reposcat. *Idem homilia 1. de symbolo.*

Prima erit in reos intoleranda sententia renderarum præsentia cicatricum. Quid igitur illo tempore facturi sumus, quando contra illos crucifixi Domini livores notæ peccatorum nostrorum, ac maculæ libidinum proferentur? aut quo putas vultu respiciet redemptio nostra perditionem nostram? Tanto graviora erunt humana delicta, quanto majora se ostenderunt divina beneficia. rendum

rendum est autem, ne illam vocem Resurrectionis etiam in judicio suo ad vasa iniquitatis prolaturus, atque dicturus sit: *Infer digitum tuum huc, & vide manus meas, & affer manum tuam, & mitte in latus meum*: & agnosce, quæ pro te, & a te impietas humana! pertulerim. Illa utique clavornm signa bonis salutaria, malis terribilia, quæ usque ad diem judicii non delentur, sine dubio objicienda servantur. Et quid post hæc sequitur, nisi illud interpositum inter vivos, & mortuos expavescendum chaos, vastumque discrimen, exclusæ a natura viventium tenebræ exteriores, dura separatio a dulci intuitu Sanctorum, & a societate fidelium: & e contrario inter lachrymabiles gemitus, planctusque lugentium collegium triste miserorum, & a beata patria æternum teterrimæ noctis exilium? Quam lugubre erit homini Deum videre, & perdere, & ante pretii sui perire conspectum! Et ideo charissimi! ista, dum tempus est, cogitantes, ita indefesso studio laboremus, ut quod nobis contulit judicatus, integrum in nobis inveniat judicaturus. *Idem homilia 4. ad Monachos.*

Sublato ex oculis cælo erunt in prospectu angelicarum virtutum ordines cum fulgore. Mille millia procurent, & decies mille millia. Conspicitur vero descendens Dominus, dum nimia luce circa se præfulgurat universa. Quis ejusmodi spectando par erit? quis terrori moderabitur? Nam si fulgur crebro intermicans non ferimus, & non raro splendor intuentem solo affligit: quid tum dicet, qui eum ipsum qui facit fulgura, vederit emicantem? S. BASILIUS SELEUCIENSIS *Oratione 43. in Transfigurationem Domini.*

Præcones venturi Judicis sumus. Quis ergo venturum judicem nuntiet, si præco tacet? S. GREGORIUS M. *homilia 16. in Evangelia, ante medium.*

Hoc tempus misericordiæ est. Illud tempus judicii erit. Per ista ergo hujus temporis flagella significas, quomodo tunc percussurus es, quando non parcens judicas, qui sic districte modo percussis, quando parcis. *Idem Libro XIX. Moralium cap. 28.*

O anima sterilis quid agis? quid torpes anima peccatrix! Dies judicii venit, juxta est dies Domini magnus, juxta & velox nimis. Dies iræ dies illa: dies tribulationis & angustiae, dies calamitatis & miseriae: dies tenebrarum & caliginis: dies nebulæ & turbinis: dies tubæ, & clangoris. O vox diei Domini amara! Quid dormitas anima tepida, & digna evomi? quid dormitas? Qui non experscitur, qui non tremit ad tantum tonitruum non dormit, sed mortuus est. S. ANSELMUS *Meditatione 2. de terrore judicii.*

O angustiae! hinc erunt accusantia peccata; inde terrens iustitia, subtus patens horridum chaos inferni, desuper iratus Judex, intus urens conscientia, foris ardens mundus. Justus vir salvabitur, peccator sic deprehensus in quam partem se premet? constrictus ubi latebo, ubi apparebo! Latere erit impossibile, apparere intolerabile. *Idem ibidem inferius.*

Libenter illius judicium subeo, & amplector sententiam, qui pro miserrimo, & indigno servo suo judicatus & mortuus est, & ne me damnaret ad gehennam, ad crucem se damnari permisit. Hunc non recuso judicem, quem habui Redemptorem. S. THOMAS VILLANOVANUS *Concione 1. in I. Dominicam Adventus.*

C A P U T II.

Fontes.

TERTULLIANUS *Libro de spectaculis, capite ultimo* gravissimis verbis docet, quanta sint orbi spectacula exhibenda in die illo judicii.

ORIGENES *Libro IX. in ad Romanos cap. 14.*
Et jam ante *Libro II. cap. 2.*

S. HIPPOLITUS *Martyr* (si tamen ipse est auctor)
Oratione de consummatione mundi, & Antichristo, ac secundo Adventu Domini nostri Jesu Christi

LACTANTIUS *Epitomes cap. 8. de fine mundi.*
Et fusius *Libro VII. institutionum divinarum, pluribus capitibus.*

S. CYRILLUS HIEROSOLYMITANUS *Catechesi 15. ad Illuminatos.*

S. EPHRÆM *sermonibus de resurrectione: de Antichristo: de apparitione crucis: de judicio ipso: Opusculo de variis quæstis: Et sermone de compunctione animi &c. De Panoplia ad Monachos.* Et recte de eo S. Joannes Damascenus, *de iis, qui in fide dormierunt: Ad hæc beatus Ephræm, cui secundus Christi adventus exactissime manifestatus fuit, sic etiam loquitur &c.*

S. BASILIUS M. *homilia in psalmum 33. de pudore gravissimo hoc in judicio a reis omnibus sustinendo.*

Oratione de futuro judicio, quam inter opera divi Ephræm vulgavit primus Gerardus Vossius.

Homilia 7. in divites pathetice de exhortationibus pauperum oppressorum, ipsorumque etiam scelerum coram Dei judicio.

S. BASILIUS *Libro de vera virginitate*, ubi iterum fufe de pudore.

Adde homiliam 11. in *Hexaemeron*, & *Proœmium in Ethica*.

S. GREGORIUS NYSSENUS in *sextum psalmum de octava*: *Oratio 2. in verba*: *Faciamus hominem*: *Ei Oratine 5. de Beatitudinibus, ad finem*.

S. AMBROSIUS *Libro 1. in Lucam, fufe*.

S. CHRYSOSTOMUS in *Epistolis ad Olympiadem, Parœnesi 1. ad Theodorum lapsum*.

Homiliis 5. 14. & 25. in ad Romanos.

Homilia 10. in II. ad Corinthios.

Homilia 2. in ad Colossenses.

Homilia 2. in II. ad Thessalonicenses.

Homilia 3. in II. ad Timotheum.

Homilia in 2. Adventum Christi, quæ est confarcinata ex homiliis 25. & 31. in ad Romanos, Tomo VIII. Montfauconi. Præcipue vero in caput 24. & 25. Matthæi.

SULPITIUS SEVERUS *Epistola 1. tota ad Claudiam sororem*, ubi est plurimus in ostendendo, quod nullam ibi excusationem habituri simus.

S. HIERONYMUS frequens est in argumento iudicii, præsertim *Commentariis in Esaiam*: in *Danielem*: in *Joëlem*: in *Amos*: in *Sophoniam*: in *Malachiam*. Adde *Epistolam ipsi tributam ad amicum, quem instituit in scientia divinæ Legis, & Commentarium in psalmum 49*.

S. AUGUSTINUS locis innumeris, præsertim *Libro XX. de Civitate fere toto, & sequentibus duobus*: *Epistolis 197. & 199. alias 78. & 80. ad Hesychium*: *Enarratione in psalmum 49*: *Et adscripto ipsi Tractatu de vanitate Sæculi cap. 3.*

S. ISIDORUS PELUSIOTA præclare in eos, qui non credunt instituendum iudicium, *Libro II. epistola 157.*

Titulus XXIV. De Judicio divino. Caput II. 203

SIXTUS III. *creditus, sub finem Libri de malis Doctoribus, de sententia, de separatione, de pudore eorum, qui sunt probi habitus, cum scelerati essent.*

EUSEBIUS GALLICANUS *homilia 1. de Epiphania ad finem, & homiliis 4. ac 8. ad Monachos, etiam ad finem.*

THEODORETUS *Libro II. adversus gentiles, qui est de fine & judicio.*

JULIANUS POMOERIUS *Libro III. de vita contemplativa cap. 12.*

S. CESARIUS ARELATENSIS *Sermone 55. alias 67. Augustini de Tempore.*

S. GREGORIUS M. *homiliis 26. & 29. in Evangelia, præclare, ut nos paremus, commonet: Libro XVII. Moralium capitibus 32. & 33.*

S. ISIDORUS HISPALENSIS *Libro I. Sententiarum, a capite 25.*

S. JULIANUS TOLETANUS *in Libris tribus Prognosticorum, ubi agit de futuro sæculo.*

S. JOANNES DAMASCENUS *Libro IV. de orthodoxa fide, capitibus 27. & 28. Item in Parallelis huc facit non semel.*

THEOPHANES CERAMEUS *Homilia 18.*

S. PETRUS DAMIANI *Opusculo 59. de novissimis & Antichristo.*

S. ANSELMUS *Opusculo de terrore judicii ad excitandum in se timorem. Est 2. inter Meditationes.*

HUGO A S. VICTORE *Tractatu de fine Sæculi, & de statu futuri sæculi. Idem Libro III. de anima cap. 23. apud Bernardum de interiori domo (quod est idem opus) cap. 38.*

S. BERNARDUS *Sermone 8. in psalmum 90: Sermone 6. de adventu Domini, ubi agit de resurgente corpore. Adde Sermonem 16. in cantica.*

RICHAR-

RICHARDUS A S. VICTORE *de judiciaria potestate in finali & universali judicio*: Et alio, qui hunc proxime antecedit, *Tractatu de meditandis plagis, quæ circa finem mundi eveniunt.*

A P P E N D I X.

De Judicio particulari.

Loci.

Nemo se seducat inanibus verbis. Nam repentinus tibi imminebit interitus, & exitium procellæ simile aderit. Veniet Angelus tristis abductus violenter, trahensque animam tuam peccatis vinctam, crebro se ad quælibet præsentia obvertentem, ac sine voce gementem, occluso jam gemituum ac lamentorum organo. O quam dilaniabis te ipse! quantum ingemisces! S. BASILIUS M. *Homilia 13. in S. Baptisma.*

Quemadmodum qui carcerem inhabitant, semper quidem in anxietate ac doloribus sunt, sed maxime eo die quo educendi sunt, & ad ipsas judicis fores ducendi & ante cancellos stantes. vocemque judicantis intus audientes metu obrigescunt, & nihilo meliore sunt specie quam mortui; sic & anima ipso quidem etiam prævaricationis tempore maxime affligitur, & premitur; sed multo magis quando hinc avulsa ad rationes illic reddendas, & ad terribile illud judicium abducenda est. Propterea sæpe refugit, & intro recedit: metuit & exhorrescit cum a carne discessura est. Tunc enim si quis rapuerit, sive aliena invaserit, sive alios infestaverit, sive injuste alicujus inimicus fuerit, sive aliud quodlibet malum designaverit, universus peccatorum chorus revocatur, & oculis sese offert. statque acerbus conscientiae accusator. S. CHRYSOSTOMUS

STOMUS *Ecloga 8. de anima, Tomo XII. Montfauconi. Est ex concione 2. in Lazarum, etsi nonnihil immutatus sit locus.*

Vinctus tum maxime dolet cum educunt eum ad iudicium: tunc maxime tremit, cum prope tribunal est; quando rationes dare oportet. Idcirco terribiles visiones narrant multi hoc in statu oblatas, quarum speciem non ferentes ii, qui decedunt, lectum ipsum cum magno impetu succutunt jacentes, & eos qui adsint torvis inspiciunt oculis, anima intus sese exagitante, & a corpore avelli renuente, nec adventantium angelorum conspectum ferente. Nam si cum homines terribiles conspiciamus, formidamus: cum angelos comminantes & virtutes immanes videbimus, quid non patiemur, anima a corpore abstracta & incassum, multumque lugente? *Idem Sanctus homilia 54. in Matthæum.*

Rursus homilia 2. in II. ad Thessalonicenses: Dic mihi, o homo! cum sistendus sis ad tribunal Christi de quavis potius quam de ea reloqueris? Et si tibi sit lis apud iudicem sæpe verbis tenuis, non noctu, non interdiu, non aliquo temporis momento, non hora aliqua aliquid aliud loqueris, sed perpetuo de re illa: de tota autem vita tua rationem redditurus & iudicium subiturus ne eos quidem toleras, qui hoc iudicium tibi in mentem revocant? Propterea ergo omnia perierunt, & sunt perdita ac profligata, quod ad humanum tribunal sistendi pro rebus quæ ad hanc vitam pertinent omnia moveamus, quemlibet rogemus, assidue de eo simus solliciti, omnia pro illa re agamus; ad Christi autem tribunal non multo post venturi nihil nec per nos, nec per alios agamus, iudicem non rogamus, quamvis nobis longum det temporis spatium, & nos rapiat in mediis peccatis, sed permittat ut ea exuamus, & nihil eorum quæ ad ipsum pertinent præter-

prætermittat illa bonitas, & benignitas. Sed nihil amplius efficitur; propterea majus est supplicium.

Ipsa est infelicitas hominum! propter quod peccant, morientes hic dimittunt: & ipsa peccata secum portant. S. AUGUSTINUS *Sermone* 58. *alias homilia* 42. *ex* 50.

Quid inter hæc cum eam cæperit ad definitam sententiam, & immobili lege defixam importunus depositi exactor abstrahere, & hinc inde insultare, & infilire infernalium diræ facies ministrorum? quid erit cum ab apparitoribus mortis per hunc vastum aërem separari, & per semitas tenebrarum abduci trans diem cæperit, & nequaquam remeabile iter agere per fines illos, ubi ipsa lux deficit? cum peregrina ubique anima comitante malorum suorum tristi agmine viderit se per extremas mundi oras in illud inane, ac vacuum cadere de mundo, atque illud magnum chaos, quod vitæ mortisque regionem discernit intrare, & vitales auras naturæ ipsius exul amittere? cum rebus humanis vale ultimum dicens, mortem ante se habens, & vitam post se relinquens in illud horrendum, & vix oculis attingendum pertrahetur profundum, diversis avaritiæ, ac malitiæ catenata criminibus, quantum perdidit pretium, tantum exceptura supplicium? Cum ad hæc itaque crudelis custodiæ perventum fuerit loca, ubi jam futuri poenarum iudicii ipsa sui expectatione desæviet, ne dicam aliud, solus moeror excruciat animam, universis solatiis destitutam; sola torquebit cogitatio desperatam, solus metus exanimabit attonitam, & quia ibi jam nulla erit parandi victus, aut vestitus sollicitudo, nulla laborandi, militandi, agendive occasio, nulla facultatis, aut honoris ambitio, solus mentem omnibus aliis curis vacuam intolerandus, reddendæ rationis terror implebit, solum, ac totum

totum judicii pondus captivis sensibus imminet * EUSEBIUS GALLICANUS *Homilia 1. ad Monachos.*

Si judicandum se aliquis ab humana hac potestate & rapiendum ad tribunal terrenum esse cognoverit, advocatos requirit, patronos adhibet, officialium, atque apparitorum gratiam favoremque mercatur: & hæc omnia metu judicii futuri agit, cum tamen eventum judicii comparare non possit. Adeo etsi victoriam emere ipsam non valet, spem tamen victoriæ magno emit. Dic mihi quisquis ille es, qui credere te judicium Dei dicis, tu si vel supradictorum exemplo hominum judicandum te esse a Deo crederes, nonne spem ac salutem tuam quolibet pretio comparares? Sed non credis utique, non credis. Et licet credulitatem tuam verbis velis asseverare, non credis. Verbis enim, ut ait, Apostolus confiteris, sed factis negas. Si enim crederes, quomodo non futuri judicii inæstimabile malum fugeres, & immortalia suppliciorum tormenta vitares? Sed non credis utique, non credis: ac licet aliud & sermone asseris, & professione, non credis. Sermo enim & professio tua jactitant fidem, sed vita, atque obitus publicant infidelitatem. Alioqui vince me, vinci volo. Non quæro ut mihi credulitatem tuam superioris vitæ actibus probes, uno contentus sum testimonio supremorum tuorum. Ecce jam! ecce morieris egressurus de domo corporis tui, nesciens quo iturus, quo abducendus, ad quam poenalia, & quam tetra rapiendus, cui unum tantummodo superest inter suprema perfugium, una effugiendi æterni ignis specula datur, ut pro te of-
feras

* Ponit suspendi aliquandiu sententiam, differrique ipsum judicium; quæ opinio, si est univèrse loquendum, hodie penitus exolevit.

feras saltem quod in substantia habes; quia aliud quod possis Deo offerre jam non habes: & tu immemor tui, oblitus salutis tuæ de legatariis novis cogitas, de locupletando hærede suspiras? Et hæc faciens credere te iudicium Dei dicis, qui tibi cum iudicandus sis vel inter suprema non consulis? & cogitare te aliquid de salute animæ tuæ loqueris, cui nullus est anima tua vilior, apud quem prope non interest, cui prosis, dummodo tibi noceas? SALVIANUS *Libro 3. ad Ecclesiam catholicam, post medium.*

Tanto districtiorem justitiam in Iudicio exigit, quanto longiorem patientiam ante iudicium prærogavit. S. GREGORIUS M. *homilia 13. in Evangelia.*

Cum semper iudicia districta pertimescant (Electi): tunc tamen hæc vehementer metuunt, cum ad solvendum humanæ conditionis debitum venientes districto iudici appropinquare se cernunt: & fit tanto timor acrior quanto & retributio æterna vicinior. Ante oculos autem cordis nihil inane tunc transvolat de phantasmate cogitationis, quia subductis e medio omnibus se & illum tantummodo considerant, cui appropinquant. Crescit pavor vicina retributione justitiæ, & urgente solutione carnis quanto magis districtum iudicium jam jamque quasi tangitur, tanto vehementius formidatur. Et si ea quæ sciunt nunquam se prætermisisse meminerunt, formidant tamen illa quæ nesciunt; quia videlicet semetipsos dijudicare & comprehendere omnino non possunt, atque urgente exitu subtiliori terrentur metu. Unde Redemptor noster solutioni carnis appropinquans & membrorum suorum servans speciem factus in agonia cœpit prolixius orare. Quid enim pro se ille cum in agonia esset, peteret, qui in terra positus celestia cum potestate tribuebat? Sed appropinquante
morte

morte nostræ mentis in se certamen expressit, qui vim quamdam terroris, ac formidinis patimur, cum per solutionem carnis æterno propinquamus judicio. Neque enim tunc cujuslibet anima immerito terretur, quando post pusillam hoc invenit, quod in æterum mutare non possit. Consideramus quippe quod viam vitæ præsentis nequaquam sine culpa transire potuimus: consideramus etiam quia ne hoc quidem sine aliquo reatu nostro est, quod laudabilitur gessimus, si remota pietate judicemur. Quis enim nostrum vitam præcedentium Patrum valeat vel superare vel assequi? & tamen David dicit: *Ne intres in judicium cum servo tuo; quia non justificabitur in conspectu tuo omnis vivens.* Paulus cum diceret: *Nihil mihi conficius sum,* caute subjunxit: *sed non in hoc justificatus sum.* Jacobus dicit: *In multis enim offendimus omnes.* Joannes dicit: *Si dixerimus, quia peccatum non habemus, ipsi nos seducimus, & veritas in nobis non est.* Quid ergo facient tabulæ, si tremunt columnæ? aut quomodo virgulta immobilia stabunt, si hujus pavoris turbine etiam cedri quatiuntur? *Idem Libro XXIV. Moralium cap. 12.*

Si nosmet ipsos dijudicaremus, non utique judicaremur. Bonum judicium, quod me illi districto, divinoque judicio subducit, & abscondit: Prorsus horreo incidere in manus Dei viventis! volo vultui iræ judicatus præsentari, non judicandus. S. BERNARDUS *Sermone 55. in Cantica.*

Præter hæc erui alia quam plurima possunt ex sequentibus.

Fontes.

ORIGENES *homilia 9. in Leviticum, sub medium, de incuria in præparando nos ad hoc judicium.*

S. EPHREM *Sermone in eos, qui in Christo obdormierunt, ante medium, Tomo III. græco-latino, ubi*
Vol. VII. O fufe

fuse & horride de angustiis exeuntium ad tribunal animarum.

S. BASILIUS M. *epistola* 46. numero 5. jam laudata obiter; sed nerve de judicio particulari.

S. CHRYSOSTOMUS *homilia de decem millium talentorum debitore.*

SULPITIUS SEVERUS *Epistola* 1. *ex recens repertis ad Claudiam sororem cap.* 5. ubi agit de excessu animæ piæ, ante Christum comparituræ.

S. AUGUSTINUS *Epistola* 199. alias 80. ad *Hesichium: Libro de anima, & ejus origine capite* 4. Item in tributo ipsi *Tractatu de vanitate sæculi cap.* 1. & *Tractatu de Speculo peccatoris cap.* 7.

S. CYRILLUS ALEXANDRINUS *fuse, & gravissime de anima jam separata & judicanda Oratione de exitu animi, & de secundo Adventu. Est Tomo V. Parte 2.* atque etiam pro *Generali Judicio* egregie facit.

EUSEBIUS GALLICANUS *homilia* 1. ad *Monachos*, jam laudata, ubi pulchre docet, quomodo anima relictum corpus sit alpectura.

S. GREGORIUS M. *Libro V. Moralium cap.* 7. & *IX. Moralium cap.* 34 de timore, quo etiam sanctissimi hoc judicium perhorrescebant. *Libro XXV. Moralium primis capitibus; item homiliis* 12. & 39. in *Evangelia* alia quoque huc habet.

EUSTRATIUS *libris tribus de vita sanctorum animis.*

S. ANSELMUS *Meditatione* I. §. 12. de anima a corpore separata.

HUGO VICTORINUS *Libro* I. de anima *cap.* 2. & *Libro* II. de eadem *capitibus* 17. & 18. Item *Parte XVI. de sacramentis fidei*, quod est opusculum antepenultimum, *cap.* 2.

S. BERNARDUS *Sermone* 28. de *diversis; de eo, quod dicitur in Job: In sex tributationibus, & fuse Sermone* 8. in *psalmum* 90. Qui habitat. Timorem temperat *Sermone* 6. in *Cantica.*

TITU.



TITULUS XXV.

De *Justitia*, ejusque Officiis, Administris,
Læfionibus.

CAPUT I.

Loci.

Bonum est, cum puniuntur nocentes. Quis hoc nisi nocens negabit. TERTULLIANUS *Libro de Spectaculis cap. 19.*

Lex justa est, quæ & nocenti tribuit, quod meretur: & Judex integer ac bonus dicitur, cum malefacta vindicat. Bonorum enim salutem custodit, qui malos punit. Ipse autem est nocens, qui aut innocenti nocet, aut nocenti parcit, ut pluribus noceat. LACTANTIUS *Libro de ira Dei cap. 17.*

In summa, o Judex! te judicium subitum esse scito. S. GREGORIUS NAZIANZENUS *Epistola 74. ad Celeusium.*

Justitia in alto quodam suggestu locata videt, exploratque omnia, quæ aliis potius nata quam sibi non tam suas utilitates, quam publica emolumenta rimatur. S. AMBROSIIUS *Libro 3. de virginibus, post medium.*

Dum illum punit, alios corrigit. Voluit enim, ut poena ad unum, metus ad omnes perveniret. *Idem Sermone 19.*

Aliorum tormenta aliorum remedia sunt, cumque punitur homicida, recepit quidem ipse quod fecit; sed alii deterrentur a scelere. S. HIERONYMUS *in caput 3. Jeremiæ.*

Memor tribunalis Domini, & de judicio tuo te intelligens judicandum, nec mihi nec adversario favcas, neve personas loquentium, sed causam

consideres. *Idem adversus errores Joannis Hierosolymitani, propius initium.*

Justitia ea virtus est, quæ suum cuique distribuit. Quæ igitur justitia est hominis, quæ ipsum hominem Deo vero tollit, & immundis hominibus subdit? hocce est sua cuique distribuere? an qui fundum aufert ejus, a quo emptus est, & tradit ei, qui nihil in eo habet juris, injustus est: & qui seipsum aufert dominanti Deo, a quo factus est, & malignis servit spiritibus, justus est? S. AUGUSTINUS *Libro XIX. de Civitate cap. 21.*

Ignorantia Judicis plerumque est calamitas innocentis. Et quod est intolerabilius, magisque plangendum, ac rigandum si fieri posset fontibus lachrymarum, cum propterea Judex torqueat accusatum, ne occidat nesciens innocentem, fit per ignorantie miseriam, ut & tortum & innocentem occidat; quem ne innocentem occideret torserat. *Idem ibidem superius cap. 6.*

Purimum interest, quo animo quisque parcat. Sicut enim est aliquid misericordia puniens, ita & crudelitas parcens. *Idem Epistola 153. alias 54. ad Macedonium, num. 17.*

Virtutes, si separatæ fuerint, dilabuntur. Aequitas sine bonitate sævitia est, & justitia sine pietate crudelitas. S. CHRYSOLOGUS *Sermone 145.*

Jubet Christus, ne litigemus. Quis jubenti obtemperat? nec solum jubet. sed in tantum hoc jubet, ut ea ipsa nos, de quibus lis est, relinquere jubeat, dummodo litibus exuamur. *Si quis enim voluerit tecum judicio contendere, & tunicam tuam tollere, relinque ei & pallium.* Interrogo, qui sint, qui spoliantibus adversariis cedant, imo qui sint, qui adversarios suos non spoliare conentur? Tam procul enim abest, ut cum tunicis etiam pallia relinquamus, ut si quo modo possumus, pallium simul

simul adversariis tunicasque tollamus. SALVIANUS
Libro 3. de gubernatione, ante medium.

Pœnam meruit lenitas, quam potuit intulisse
districtio. Ultionem suscepit, qui detrectat inferre.
Vini divini judicii aut extenuat, aut contemnit, qui,
hoste suo cum potitur, indulget. Justitia coër-
cendi sunt, quos constat gratiam non secutos. S.
ENNODIUS *de vita S. Epiphanii Ticinensis.*

Vitia transmittit ad posteros, qui præsentibus
culpīs ignoscit. *Idem ibid.*

Qui criminosos patitur impune transire, ad cri-
mina hortatur infantes. *Idem ibidem.*

Bonīs nocet, qui malīs parcit. S. MARTINUS
BRACARENSIS *in Sententiis de moribus.*

Culpa est, totam persequi culpam. Immiseri-
cordem se confitetur, cui quidquid licet, lubet.
Item gloriosa virtus est in principe extra punire,
quam liceat. Virtus est, ad vindictam necessitate
trahi, non voluntate venire. HILDEBERTUS CENO-
MANENSIS *Epistola 25.*

De Justitia distributiva eleganter PETRUS BLE-
SENSIS *ait*: Illud in curia detestabile est, quia qui
magis diligunt, minus diliguntur. Imperiti etiam
& omnino inutiles elegantioribus beneficiis am-
pliantur, divitiæ accumulantur divitibus, nec est
qui respiciat ad inopem, & mendicum. Elisæus
implebat vasa vacua, & deficientibus vasis vacuis
stetit oleum: in curia vero contemnuntur vasa
vacua, & plena implentur: ligna in sylvas, &
aquæ in maria deferuntur. *Epistola 14.*

Hæc de Justitiæ Officiis, & Administris: multo
plura de *Læsionibus* superflunt.

Gravissime TERTULLIANUS *ad Scapulam, iniquum*
Judicem nomine Christianorum, quos affligebat: Parce
tibi, si non nobis! *Libro ad Scapulam cap. 5.*

Adulteria prohibetis, & facitis! MINUTIUS
FELIX *in Octavio, versus finem.*

Incisæ sint licet leges, & publico ære præfixo jura præscripta sint, inter leges ipsas delinquitur, inter jura peccatur. Innocentia nec illic ubi defenditur reservatur. Sayit invicem discordantium rabies, & inter togas pace rupta forum litibus mugit insanum. Hasta illic, & gladius, & carnifex præsto est, ungula effodiens, equuleus extendens, ignis exurens. Ad hominis corpus unum supplicia plura quam membra sunt. Quis inter hæc vero subveniat? Patronus? sed prævaricatur, & decipit. Judex? sed sententiam vendit. Qui sedet crimina vindicaturus, admittit, & ut reus innocens pereat, sit nocens Judex. S. CYPRIANUS *Epistola 2. ad Donatum.*

Interim nocentes nec cum innocentibus per-eunt. Nullus de legibus metus est, de Quæsitore, de Judice pavor nullus. Quod potest redimi, non timetur, *Idem ibidem.*

Consensere jura peccatis, & coepit licitum esse, quod publicum est. Quis illis rerum pudor, quæ esse possit integritas, ubi, qui damnent improbos, desunt; soli illi, qui damnentur, occurrunt? *Idem ibidem.*

Quia student damnare tanquam nocentes, quos utique sciunt innocentes, constare de ipsa innocentia nolunt. Quasi vero major iniquitas sit probatam innocentiam damnassee, quam inauditam. Sed, ut dixi, verentur, ne si audierint damnare non possint. LACTANTIUS *Libro V. divinarum institutionum, cap. I.*

Omne jus in viribus habet. S. ZENO *Sermone de Justitia.*

Legibus suis suas leges impugnat, jus jure distinguit. *Idem ibid.*

Præscriptio industria vocitatur, & appetitio rei alienæ sub prætextu propriæ defensionis, ac diligentia callidissimis argumentis urgetur, ut qui in-
defen

defensus, aut innocens quod legibus habet, legibus perdat; quod est omni violentia deterius; quia illud quod vi eripitur nonnunquam repeti potest. Glorietur qui volet ista justitia; verumtamen sciat, quia misero est miserior, qui miseriis ditatur alienis. *Idem ibidem.*

Hoc permultis ætatis nostræ judicibus evenire conspicio, qui magnis & excelsis viris gravissima quæque facilius condonarint, quam humilibus & ajectis quidquam vel levissimi momenti. S. GREGORIUS NAZIANZENUS *Oratione 6.*

Injustos advocatos calumniæ patronos & diaboli oratores vocat S. GREGORIUS NYSSENUS *Oratione de S. Stephano.*

Usque adeo hoc inolevit malum, ut jam quasi ex consuetudine vendantur leges, corrumpantur jura, sententia ipsa venalis sit, & nulla jam causa possit esse sine causa. S. AMBROSIIUS, aut quisquis est auctor, *Sermone olim 66. & 7. nunc omisso.*

Quid tibi vis cum libro & charta, & signaculo, & conscriptione, & vinculo juris? non audisti: *solve omnem colligationem injustitiæ, dissolve obligationem violentarum commutationum, dimitte confractos in remissionem, & omnem conscriptionem iniquam disrumpe.* Tu mihi tabulas offers: ego tibi recito Dei legem. Tu atramento scribis: ego spiritu Dei inscripta repeto oracula Prophetarum. Tu testimonia falsa componis: ego testimonium conscientiae tuæ posco. *Verus AMBROSIIUS Libro de Nabuth cap. 10.*

Quæ ab ipsis facta contra omnem sunt ordinem, contra omnes ecclesiasticos canones: & quid dico canones ecclesiasticos? Neque in gentiliū judiciis, neque in barbarorum tribunalibus talia attentata sunt unquam: neque Scythæ neque Sauromatæ unquam judicarunt, judicium dandum

uni parti, absente ea quæ accusatur, & vitante non iudicium, sed inimicitias & invocante multa millia iudicum & protestante coram toto orbe, declaraturam se non esse ream, depulsuramque crimina & ostensuram suam innocentiam. S. CHRYSOSTOMUS *Epistola 1. ad Innocentium Papam.*

O! & vere, Jus summum summa malitia. Post miracula adhuc sæviunt leges! S. HIERONYMUS *de muliere septies icta.*

Illum, qui a potente ad falsum testimonium urgetur, sic præclare firmat AUGUSTINUS: Quid mihi facit potens iste, quid premit? carnem, corpus dicis premit. Dico ego, perimit. Quanto mitius mecum agit ille, quam ego, si mentitus fuero? ille occidit carnem meam, ego occido animam meam. Iratus potens occidit corpus. Os, quod mentitur, occidit animam. Corpus occidit? moriturum erat: etsi non occideretur. Animam vero, quam non occidit iniquitas, in æternum excipit veritas. Serva ergo, quod servare potes: pereat, quod quandoque periturum est. *Sermone 81. alias 33. ex Sirmondians.*

In iudiciis quo aurum vergit, illuc etiam sententia propendet. S. ISIDORUS PELUSIOTA *Libro II. epistola 101.*

Malum quidem est injuste agere, sed injustam ferre sententiam id vero longe est deterius. Alterum enim spem auxilii relinquit ei, qui injuria affectus est; alterum vero hanc ipsam spem aufert, & injustum factum corroborat. Quapropter neque injuste agamus, neque si forte Iudices eligamur, injuste calculum feramus. *Idem Libro IV. Epistola 84.*

Oportet æquos iudices reo alteram aurem servare. Quod si adversariorum sermonibus utrumque præbent, & ex eorum arbitrio sententiam promunt, amplectamur injuriam regni coelorum

con-

conciliatricem, & forum illud expectabimus in quo non accusator futurus, nec patronus, nec testis, nec discrimen dignitatum; sed dictorum, factorumque judicium, & congrua meritis retributio. THEODORETUS *Epistola 91. ad Eutrechium*, ubi quidem in favorem causæ propriæ.

De Seronato, non avaro minus quam inclementi judice, eleganter S. SIDONIUS APOLLINARIS: Non cessat, *inquit*, simul furta vel punire, vel facere. *Libro II. Epistola 2. ad Eccidium*.

Hi sunt qui causas morantur adhibiti, impediunt prætermitti, fastidiunt admoniti, obliviscuntur locupletati. Hi sunt qui emunt lites, vendunt intercessores, deputant arbitros, judicanda dictant, dictata convellunt. *Idem Libro V. epist. 7. ad Thaumastum*, quo quidem egregie depexuit Legulejos, atque Causidicos nostros.

Quorum si nares afflaverit uspiam rubiginosi aura marsupii, confestim videbis illic & oculos Argi, & manus Briarei, & Sphynгарum ungues, & perjuria Laomedontis, & Ulyssis argutias, & Sinonis fallacias. *Idem ibidem*.

Statuunt, non adulterandum; & primi adulterant. Statuunt, non furandum; & furantur. Quamvis pene non possim dicere, quod furentur; non enim sunt, quæ agunt furta, sed latrocinia. SALVIANUS *Libro 7. de Gubernatione, versus finem*.

Arma ista Juris sunt, non furoris. Itaque cunctator esse debet, qui judicat de salute. Alia sententia potest corrigi, de vita transactum non patitur immutari. CASSIODORUS *Libro VII. epist. 1.*

Dum vendunt judicia, aliena crimina sua faciunt esse peccata. *Idem Libro VI. epist. 21.*

Nummus sæpe momenta legibus præbuit, atque ad suum intellectum obscuras sententias sal-

sus interpretator inflexit. S. PETRUS DAMIANI
Opusculo 12.

Veniet, veniet, qui male iudicata rejudicabit, illicite jurata confutabit, qui faciet iudicium injuriam patientibus, qui iudicabit in iustitia pauperes, & arguet in æquitate pro mansuetis terræ. Veniet pro certo, qui per Prophetam minatur, in psalmo dicens: *cum accepero tempus, ego iustitias iudicabo*. Quid faciet de iniustis iudiciis, qui ipsas quoque iustitias iudicabit? Veniet, inquam, veniet dies iudicii, ubi plus valebunt pura corda, quam astuta verba, & conscientia bona, quam mariupia plena. Quandoquidem iudex ille nec fallatur verbis, nec flectetur donis. Tuum, Domine Jesu, tribunal apello! tuo me iudicio servo, tibi committo causam meam. Domine Deus Sabaoth, qui iudicas iuste, & probas renes, & corda! cujus oculi sicut fallere nolunt, ita falli non possunt. Tu vides, qui tua, vides, qui quærunt & sua. S. BERNARDUS *Epistola* 1. *ad Robertum Nepotem, circa medium*.

Sæpe causas tamdiu differunt, ut litigantibus plus quam totum auferant, quia major est expensarum sumptus, quam sententiæ fructus, nec terminantur negotia pauperum, quousque eorum mariupia evacuentur. *Innocentius III. Papa de Vilitate conditionis humanæ*.

Sed supersunt aliæ *Læsiones Justitiæ*, ex videlicet, quæ extra causas & tribunalia fiunt.

Passim discurretur, rapitur, occupatur. Prædandi dissimulatio nulla, nulla cunctatio. Quasi ille qui non repit, damnum, & dispendium proprium sentiat, sic unusquisque rapere festinat. In latronibus est utcunque aliqua scelerum verecundia. Avias fauces, & desertas solitudines diligunt, & sic illic delinquitur, ut tamen delinquentium facinus tenebris, & nocte veletur. Avaritia palam sævit,

vit, & ipsa audacia sua in fori luce abruptæ cupiditatis arma prostituit. Inde falsarii, inde venefici, inde in media civitate sicarii tam ad peccandum præcipientes, quam impune peccantes. A nocente crimen admittitur, nec innocens qui vindicet invenitur. S. CYPRIANUS *ad Demetrianum*.

Nullus rapiendi, modus ubi nulla mensura cupiendi. S. AMBROSIIUS *Libro I. de Abel & Cain cap. 5.*

Nemo habet injustum lucrum sine justo damno. Ubi lucrum ibi & damnum; lucrum in arca, damnum in conscientia. S. AUGUSTINUS *Sermone 215. de Tempore, nunc 265. in Appendice.*

In magna egestate sunt, qui de iniquitate sunt divites. *Idem*, vel quisquis est auctor Libri de *vera innocentia*, cap. 83.

Qui aliena concupiscunt, sua produnt, perduntque. S. CYRILLUS ALEXANDRINUS *Oratione de exitu animi, & de secundo adventu, prope finem.*

Quæ sunt non modo urbes, sed etiam municipia atque vici, ubi non, quot curiales fuerint, tot tyranni sint? SALVIANUS *Libro 5. de Gubernatione Dei.*

Quotusquisque juxta divitem pauper aut intactus aut tutus est? siquidem pervasionibus præpotentum aut sua homines imbecilli aut etiam se ipsos cum suis pariter amittunt. Ut non immerito de utrisque personis facer sermo testatus sit, dicens: *Venatio Leonis onager in eremo; sic pascua divitum sunt pauperes.* Quamvis tyrannidem hanc non pauperes tantum, sed pene universitas patiatur generis humani. Quid enim omnium aliud dignitas sublimium quam proscriptio civitatum? aut quid aliud quorundam quos taceo præfectura quam præda? nulla siquidem major paupericulorum est depopulatio quam potestas. Ad hoc enim honor a paucis emitur, ut cunctorum vastatione sol-

solvatur. Quo quid esse indignius, quid iniquius potest? Reddunt miseri dignitatum pretia quas non emunt. Commmercium nesciunt, & solutionem sciunt. Ut pauci illustrentur mundus evertitur. Unius honor orbis excidium est. *Idem Libro de eadem Gubernatione.*

Talibus non dare tulisse est & merita; quando qui potest esurientibus subvenire, si non pascit, extinguit. Pudeat illis tollere quibus jubemur offerre. Ultra omnes crudelitates est divitem velle fieri de exiguitate mendici. *CASSIODORUS Libro X. epistola 13.*

Magnum scelus est rem pauperum præstare divitibus, & de sumptibus inopum acquirere favores potentum, arenti terræ aquam tollere, & flumina, quæ non indigent, irrigare. *S. ISIDORUS HISPALENSIS Libro III. sententiarum cap. 60.*

C A P U T I I.

Fontes.

S JUSTINUS MARTYR *Apologia 2. verius 1. de justitia nemini denegenda.*

TERTULLIANUS *initio apologetici* præclare urget, ut ponantur præjudicia, & accusati audiantur. Idem facit in *Libris contra Nationes, & in Libro ad Scapulam.*

PHILO HEBRÆUS de Judicis officio.

ORIGENES *h milia 9. in Jeremiam* adversus clementiam intempestivam.

S. CYPRIANUS *Libro ad Demetrianum jam laudato* alia præterea de injustitiis & oppressionibus habet. Idem *libro de lapsis* præstanti allegoria suadet, ne nocentes permittantur impune abire.

LACTANTIUS *Libro V. Institutionum divinarum, capitibus pluribus, præclare* prorsus huc facit, & *initio*

tio statim illud exigit; ne inauditus quis damnetur, qui fuit accusatus. Adde *Librum VI. earundem Institutionum cap. 9. & Epitomes capita 1. & 2.*

S. ZENO *Sermone de Justitia.*

S. BASILIUS M. *in caput 1. Esaie ad illud: Diligunt munera.*

S. GREGORIUS NYSSENUS *in Encomio S. Gregorii Neocæsariensis de justitia distributiva Ecclesiastica. Adde Orationem 4. de Beaudinibus, & homiliam 5. in Ecclesiasten, qua agit de virtutibus Jurisperitorum.*

S. AMBROSIUS *Concione 16. in psalmum 118. de publica utilitate administratæ Justitiæ.*

Concione 8. in eundem psalmum, quam necessario plectendi nocentes.

Concione 20. in eundem psalmum, non licere prodesse sibi cum damno alterius.

Libro I. de officiis, pluribus capitibus Justitiæ partes persequitur.

Libro II. de officiis cap. 22. de importuna clementia

Libro II. de Abel & Cain cap. 10. breviter, sed eleganter contra impunitatem.

S. CHRYSOSTOMUS *Libro III. de Sacerdotio loquitur de Justitia distributiva Ecclesiastica.*

Homilia 21. ad populum de clementia in reos.

Homilia 5. in ad Romanos de iudiciis punientibus ea, quorum ipsimet sunt rei

Homilia in ad Romanos de plectendis noxiis.

Homilia 3. in ad Philemonem de necessitate Justitiæ divinæ.

Adde AUCTOREM *Operis imperfecti apud eundem Chrysostomum, homilia 12. in Matthæum de periculis Justitiæ in litibus.*

S. ZOSIMUS *Papa Epistola 4. de cura inquirendæ veritatis in subsidium innocentie.*

S. Au-

S. AUGUSTINUS *Epistola citata ad Macedonium*, ubi etiam de vendentibus patrociniū, testimoniū, sententiā. *Libro IV. de Civitate cap. 4. de Iustitia regnorum publica. Libro XIX. de eadem cap. 16. in intempestivā clementiā. Concione 2. in Psalmum 100. non esse innoxium, qui vel noceat sibi, vel nocentes aliis toleret.*

S. ISIDORUS PELUSIOLA *Libro II. epist. 277. in faventes divitibus. Libro V. epist. 182. de acceptione munerum. Libro eodem epist. 279. de clementia in puniendō.*

S. CHRYSOLOGUS *Sermone 138. de Publicanis.*

SALVIANUS in *Libris de gubernatione sæpius. Ubi etiam de Iustitia divina, quam sceleribus nostris cogimus ad puniendum.*

CASSIODORUS *Libro I. epist. 5. de finiendis litibus & appellationibus. Libro III. epist. 46. de animadvertendo in noxios. Idem alia quam plurima habet in aliis Epistolis, præsertim autem placet 1. Libri VII.*

S. MARTINUS BRACARENSIS *Libro de virtutibus Cardinalibus a cap. 4.*

S. GREGORIUS M. de iudicibus, qui jus non tam iustitiæ quam lucri amore dicunt *Libro IX. Moralium cap. 25.*

S. ISIDORUS HISPALENSIS *Libro III. Sententiarum, capitibus seu a capite 52.*

S. MAXIMUS MARTYR *ad Theopemptum Scholasticum de iudice iniquitatis.*

S. JOANNES DAMASCENUS in *Paralellis* varia habet de iustis, iniustisque iudicibus.

S. ANTHOCHUS *homilia 9. de non acceptandis muneribus, & homilia 75. de Iustitia.*

THEODULPHUS AURELIANENSIS *Parænesi poetica ad Iudices, vulgata primum a Sirmondo anno 1646. Parisiis.*

S. AGO-

S. AGOBARDUS *Epistola de coercendis injustitiis ad ad Matfredum Comitem.*

S. PETRUS DAMIANI *opusculo* 57. in iudices nimis indulgentes.

HEGESIPPUS *creditus*, reipsa non antiquus auctor, *Libro II. de excidio Hierosolymæ cap. 9.* ubi pœnam admonet esse culpæ attemperandam.

S. BERNARDUS *Libro I. de consideratione cap. 10.* in caudicicos. *Libro II. de eadem cap. 11.* suadet modum aliquem in puniendo. Idem *Sermone 5. in Natali Domini* de Justitia Dei, cui veluti vim inferimus. Addi etiam potest *Sermo 61. opusculi ipsi adscripti de modo bene vivendi ad sororem*, ubi agit de acceptatione munerum.

PETRUS BLESSENSIS *Epistola* 10. de eadem acceptatione munerum. *Epistolis* 14. 25. & 26. contra advocatos. *Epistola* 70. circa justitiæ distributionem, ubi quidem idoneos cognatos ceteris præferri cupit. Idem *opusculo de Institutione Episcopi, de administratione Justitiæ, vehementer.*

JOANNES SARESBERIENSIS *Libro V. Policratici capitibus* 10. 15. 16. 17. de acceptatione munerum.

RAYMUNDUS JORDANUS, IDIOTA dictus, in opere *de oculo spirituali cap. 6.* de eodem argumento.

S. BERNARDINUS SENENSIS *sparsim Tomo I. operum* de partibus justitiæ, & ejusdem læsionibus publicis agit.

S. LAURENTIUS JUSTINIANUS *Libro de Justitia, in opere de Ligno vitæ.*

DE INJUSTITIIS ATQUE OPPRESSIONIBUS
præ aliis commemorant.

S. ZENO *Veronensis* Sermone jam laudato de Justitia.

S. BASILIUS M. *homilia 6. in illud: Destruam horrea mea: homilia 7. in divites: homilia 8. in famem & siccitatem: homilia 2. in Psalmum 14.*

S. GREGORIUS NAZIANZENSUS *oratione 15. in abscondentes frumenta. * Idem de eadem injustitia paulo ante medium orationis 20. fuse & præclare.*

S. AMBROSIIUS *Libro de Nabuth, fuse. Libro de Tobia, capitibus pluribus. Libro III. de officiis cap. 3. & 6. Libro V. Hexaëmeron cap. 5. apud homines idem fieri, quod apud pisces, ubi minor esca majoris est.*

S. CHRYSOSTOMUS *homilia in Psalmum 11.*

Homiliis 7. & 11. in ad Romanos.

Homilia 39. in I. ad Corinthios de abscondentibus frumenta

Homilia 10. in I. ad Thessalonicenses.

Oratione ipsi tributa de Joseph.

Maxime vero homiliis in utramque ad Timotheum, ubi in avaros eos, qui studio augendæ rei bona ceterorum direptum eunt, invehitur sane acerrime. *Neque alium ejus Commentarium reperias, ubi huic amovendo malo parem insumpserit operam, uti recte monet Montfauconus Præfatione in eundem hunc commentarium.*

S. ISIDORUS PELUSIOTA *Libro I. epist. 178. vehementissimus est in eos, qui injustitias Præfectorum non inhibent. Idem Libro V. epist. 210.*

* Hoc enim qui facit, non solum juxta hodiernos, verum etiam juxta veteres Theologos genus Injustitiæ proprie dictæ committit; sed de isto plura Libro nostro sequente, Titulo: *Usura*.

210. non minus acriter invadit Zosimum, elemosynas pro pauperibus collectas intervertentem, iisque ad luxuriam abutentem. Adde *Libro III. epistolam 277. & Libro V. epistolam 183.*

SALVIANUS *Libro 4. 5. & 7. de gubernatione*, ubi quidem latinos omnes superat in hoc nostro argumento.

S. LAURENTIUS NOVARIENSIS *homilia de Publicano*, ubi invehitur in Publicanos.

S. ANTIOCHUS *homiliis 37. & 41.*

S. JOANNES DAMASCENUS *Libro II. Parallelorum cap. 17. nunc Titulo IX. Litera e.*

JONAS AURELIANENSIS *Libro II. de Instituto Laicali cap. 23.* contra eos, qui animi causa, præsertim quo liberius venari possint, opprimunt subditos, conjiciunt in vincula &c.

PETRUS BLESSENSIS *opusculo jam laudato de institutione Episcopi.*

JOANNES SARESBERIENSIS *Libro VI. Policratici cap. 1. in injustos officiales, & exactores. Libro item VII. cap. 17. de aliis generibus injustitiæ.*

Vide Titulos *Avaritia, Usura, Restitutio, & similes.*

TITULUS XXVI.

De Liberis, eorumque erga parentes officiis.

CAPUT I.

Loci.

Pasce matrem tuam. Etsi paveris matrem, adhuc non reddidisti cruciatus, quos pro te passa est: non reddidisti alimenta quæ tribuit, tenero pietatis affectu immulgens labris tuis ubera: non reddidisti famem, quam pro te illa toleravit. ne quid, quod tibi noxium esset, ne quid, quod lacti noceret

ret, hauriret. Tibi illa jejunavit, tibi manducavit: tibi illa, quem voluit cibum non accepit, tibi quem noluit cibum sumpsit: tibi vigilavit, tibi flevit, & tu illam egere pateris? O Fili, quantum tibi sumis judicium, si non palcas parentem! illi debes quod habes, cui debes, quod es. S. AMBROSIIUS *Libro VIII. in Lucæ caput 18.*

Tu matri debes pudoris injuriam, virginitatis dispendium, partus periculum. Matri longa fastidia: matri longa discrimina, cui miseræ in ipsis votorum fructibus majus periculum est; & cum ediderit quod optavit partu absolvitur, non timore. *Idem Libro II. in caput 2. ejusdem, in fine.*

Rursus S. Doctor ad illud: Putatis, quod pacem veni dare in terram &c. Si advertamus, inquit, quia prima causa religionis, secunda pietatis est, enodatam etiam hanc putabimus quæstionem. Oportet enim ut divinis humana posthabeas. Nam si officium parentibus exhibendum est, quanto magis auctori parentum, cui gratiam etiam pro parentibus tuis debes? Aut si illi omnino non recognoscunt parentem, quemadmodum tu recognoscas?

Non igitur dicit renuntiandum esse pignoribus, sed Deum omnibus præferendum. Denique habes in alio libro: *Qui diligit patrem, aut matrem plus quam me, non est me dignus.* Non diligere parentes, sed Deo præferre prohiberis. Etenim naturæ pignora Domini beneficia sunt, nec quisquam debet plus amare beneficium, quod accepit, quam Deum, a quo beneficium servatur. *Idem Libro VII. in Lucæ caput 12.*

Ubi jam solatium patres, ubi præsidium genitores invenient, si filios senserint parricidas? Aut quando externa tuta sunt, si domestica nobis obstitunt? (Vel) bestię, & mutę pecudes pietatis jura

jura conservant, & quibus natura denegat rationem, non tamen denegat pietatem. S. CHRYSOSTOMUS *sermone quodam ipsi tributo de Absolom, qui, quod sciam, non est in editione nova.*

Quid (parentibus) dabis quale ipsi tibi? *Idem homilia 2. in illud: Salutate Priscillam & Aquilam.*

Merentur cæcitatis subire supplicium, qui parentum vultus vel torvo visu despexerit, & elatis oculis læserit pietatem. S. HIERONYMUS *Epistola supposita de honorandis parentibus, in Appendice.*

Mater, & filia! nomina pietatis, officiorum vocabula, vincula naturæ, secundaque post Deum foederatio! non est laus si vos diligitis; scelus est, quod odistis. Dominus Jesus Christus subjectus erat parentibus suis: venerabatur matrem cujus ipse erat pater, colebat nutritium, quem nutriverat: gestatumque se meminerat alterius utero, alterius brachiis. Unde & in cruce pendens commendat parentem discipulo, quam nunquam ante crucem dimiserat. Tu vero filia (jam enim desino ad matrem loqui, quam forsitan & ætas & imbecillitas, ac solitudo excusabilem facit) tu inquam filia ejus domum angustam judicas, cujus non tibi fuit venter angustus? decem mensibus utero clausa vixisti, & uno die in uno cubiculo cum matre non duras? An oculos ejus ferre non potes? &, quia omnes motus tuos, utpote illa quæ genuit quæ aluit & ad hanc adduxit ætatem, facilius intelligit, testem domesticam fugis? si virgo es, quid times diligentem custodiam? si corrupta, cur non palam nubis? secunda post naufragium tabula est, quod male coeperis, saltem hoc remedio temperare. *Idem Epistola 117. alias 47. de vitando suspecto conubernio.*

Foveatur parentum senectus, & factis eorum vicissitudo reddatur. Habet enim quamdam senectus infantiam. Videant liberi vestri, quid faciant

vobis, vicem similem reddituri. *Idem putatus in Epistola de honorandis parentibus, de qua supra dictum.*

*Neque omittenda hoc loco narratio de filio, qui, quo liberius caderet matrem suam, relictis Catholicis ad Donatistas defecit: Quid execrabilius, quæso te, quam id quod nunc accidit? Corripitur ab Episcopo suo juvenis crebris cædibus matris insanus, & impias manus nec illis diebus, cum etiam severitas legum sceleratissimis parcat, a visceribus, unde natus est, revocans. Minatur eidem matri, se (quo impunis deinceps esset) in partem Donati transiturum, & eam quam incredibili furore solet cedere, perempturum. Minatus ei transit ad partem Donati: rebaptizatur furens, & in maternum sanguinem fremens albis vestibus candidatur. Et mox: Cæditur mater carnalis in membris, quibus genuit & nutrit, ingratum. Prohibet hoc Ecclesia mater spiritualis, cæditur & ipsa in Sacramentis, quibus genuit & nutrit, ingratum. Nonne tibi videtur dixisse parricidaliter frendens: Quid faciam Ecclesiæ, quæ mihi prohibet cedere matrem meam? Inveni quid faciam. Injuriis quibus potest etiam ipsa feriat. Fiat in me aliquid, unde membra ejus doleant. Vadam mihi ad eos qui noverrunt exsufflare gratiam, in qua ibi natus sum: destruere formam quam in utero ejus accepi. Ambas matres meas sævis cruciatibus torqueam. Quæ me posterior peperit, efferat prior. Ad hujus dolorem spiritualiter moriar; ad illius cædem carnaliter vivam. Quid aliud expectamus, nisi ut in miseram mulierem senectute decrepitam, viduitate destitutam, a cujus cædibus in Catholica (Ecclesia) prohibebatur, jam Donatista securus armetur? Quid enim aliud furibundo corde concepit cum diceret matri: *Transferam me in partem Donati, & bibam sanguinem tuum?* Ecce jam conscientia cruentus,*

entus, veste dealbatus perfecit partem pollicitationis suæ. Restat pars altera, ut matris sanguinem bibat. S. AUGUSTINUS *Epistola* 34. *alias* 168. *ad Eusebium*.

Rapit militem Christi tuba cœlestis ad prælium: & retinet mater! *Idem Epistola* 107. *alias* 38. *ad Lætum*.

S. CHRYSOLOGUS enarrans molestias parentum: Heu me, exclamat, cur tanta filii nesciunt? cur ista non sentiunt? cur vicem parentibus reddere non desudant? Et tamen parentum pietas perseverat; quia quidquid filiis parentes impenderint, repensabit parentibus parens omnium Deus. *Sermone* 33.

Semper in (parentum) amore cautela est. Nemo enim melius diligit, quam qui maxime veretur offendere. SALVIANUS *ad finem Epistolæ* 4. *ad Hypatium & Quistam, parentes*.

Pro Orphanis egregie facit illud FRANCONIS AFRIGINENSIS: O (Dei) pietas! o clementia! o gratia! quæ, & cum pater derelinquit, non deserit, & quem mater exponit, colligit: atque cum parentum arescit charitas, ipsa magis exuberat. *Tomo, seu Libro IV. de gratia Dei*.

Sola causa, qua non liceat obedire parentibus, Deus est. Ipse enim dicit, qui amat patrem, & matrem plus quam me, non est me dignus. Si me vere ut boni, ut pii parentes diligitis: si veram si fidelem erga filium pietatem habetis, quid me patri omnium Deo placere satagentem inquietatis, & ab ejus servitio, cui servire regnare est, retrahere attentatis? Vere nunc cognosco, quia inimici hominis domestici ejus. In hoc vobis obedire non debeo: in hoc vos non agnosco parentes, sed hostes. Si diligeretis me, gauderetis utique quia vado ad meum atque vestrum, imo ad universorum patrem. Alioquin quid mihi & vobis? quid a vo-

bis habeo nisi peccatum, & miseriam? hoc solum quod gesto corruptibile corpus de vestro me habere fateor, & agnosco. Non sufficit vobis quod me in hanc sæculi miseriam miseri miserum induxistis, quod in peccato vestro & peccatores peccatorem genuistis, quod in peccato natum de peccato nutritis; nisi etiam invidendo mihi misericordiam, quam consecutus sum ab eo, qui non vult mortem peccatoris, filium insuper gehennæ faciatis? O durum patrem! o favam matrem! o parentes crudeles, & impios, imo non parentes, sed peremptores, quorum dolor salus pignoris, quorum consolatio mors filii est! qui me malunt perire cum eis, quam regnare sine eis: qui me rursus ad naufragium, unde tandem nudus evasi, rursus ad ignem, unde vix semiustus exivi, rursus ad latrones, a quibus semivivus relictus sum, sed miserante Samaritano jam aliquantulum convalui, revocare conantur: & militem Christi prope jam rapto cœlo triumphantem (quod non in me glorior, sed in eo qui vicit mundum) ab ipso jam introitu gloriæ, tanquam canem ad vomitum, tanquam suem ad lutum ad sæculum reducere moliantur! S. BERNARDUS *Epistola* 111. *ex persona Helix monachi ad parentes suos.*

Si Deus ita severus erit in die iudicii his, qui extraneis pietatis emolumenta non fecerunt: quanto magis his, qui erga parentes impii extiterunt? S. BERNARDINUS SENENSIS *sermone* 17. *Tomi* 11.

CAPUT II.

Fontes.

PHILO *Libro de Decalogo* sane egregie urget præceptum quartum.

S. CYRILLUS HIEROSOLYMITANUS *Catechesi* 7. *ad Illuminatos.*

S. EPHREM

Titulus XXVI. De Liberis &c. Caput II. 231

S. EPHRÆM *capite 2. de virtute, Tomo I. novo, Græcolatino.*

S. BASILIUS M. *homiliis 8. & 9. denique uberius sermone 24. collectitio, de honore parentibus exhibendo, ac de senectute, atque juventute.*

S. GREGORIUS NAZIANZENSIS *Carminibus 49. Nicobuli filii ad patrem, 50. Nicobuli patris ad filium, 51. filiorum nomine ad parentem Vitalianum offensum. Sunt inter Carmina varia.*

S. ASTERIUS AMASENUS *homilia 3. adversus avaritiam, de filio ægre mortem patris expectante.*

S. AMBROSIIUS *Libro V. Hexaemeron cap. 16. exemplo brutorum.*

Libro de Noë & arca, capitibus 30. & 31. tam de malis, quam de bonis liberis.

Libro de benedictionibus patriarcharum, capite 1. de efficacitate benedictionis paternæ.

Sermone 15. in Psalmum CXVIII. de amore parentum non ordinato.

In caput II, Lucæ, ipso fine, quantum parentibus debeatur.

Sermone 44. alias 84. & 6. de verberibus parentum, blandissime.

S. CHRYSOSTOMUS *homilia de beato Abraham egregie de vehementia illa amoris, quo parentes natura feruntur in liberos.*

Homilia in Psalmum 3. de Absolom, ubi varia huc faciunt.

Homilia 21. in ad Ephesios.

Homilia 2. in II. ad Timotheum de obligationibus filiorum spiritualium.

Sermone 4. ex octo additis in Genesin.

Auctor operis imperfecti, apud eundem homilia 32. eleganter ostendit liberos non tantum amare parentes, quantum ab ipsis amantur.

S. HIERONYMUS *Epistolis jam allegatis.*

S. AUGUSTINUS *Epistola citata ad Latum*, ne a parentibus retrahi nos sinamus ab obsequio Dei.

Sermone 322. alias 31. de diversis, de maledictis parentum formidandis.

Sermone 344. alias 31. ex 40. novis de pietate in parentes ordinata.

Sermone 45. alias 12. ex 40. novis, fuse & eleganter de venali pietate liberorum in parentes divites.

Ennarratione in Psalmum 70. sermone 1. ubi liberi non debeant obedire.

Idem putatus libro de salutaribus documentis cap. 21. pulchre ex amore in parentes argumentum amoris erga Deum petit.

S. CYRILLUS ALEXANDRINUS *Libro 7. de adoratione, & cultu in spiritu & veritate*, fuse. *Idem Libro III.* ipsi supposito *apologorum moralium cap. 16.* egregie docet, liberos malos idipsum expectare, quod parentibus olim intulerunt.

SALVIANUS egregie, atque tenerrime *Epistola jam laudata.*

S. ENNODIUS *Declamatione 17. in eum*, qui seni patri cibos subtraxit.

CASSIODORUS *Libro II. epist. 14.* vehementer in ingratos liberos.

S. ANTIOCHUS *homilia 108. de officio* erga parentes.

RABANUS MAURUS *opusculo de reverentia filiorum erga parentes*, apud Stephanum Baluzium ad *calcem operum Petri de Marca.*

PETRUS BLESSENSIS *Epistola 47. in filios ingratos atque rebelles*, & *II. de pietate ordinata.*

S. BERNARDINUS SENENSIS *Sermone 30. Tomi I. & sermone 17. Tomi II.*

Addendus etiam MAPHÆUS VEGIUS LAUDENSIS, vir eruditus & eloquens, qui merito hactenus in

in *Bibliothecis Patrum* locum invenit, a *Libro IV. de liberorum educatione.*

Nec omittendi, quos Titulo de *Matrimonio* laudabinius, cum de molestiis, quas parentibus liberi faceflunt.

TITULUS XXVII.

De *Luxuria.*

CAPUT I.

Loci.

Pudicitia eo usque jam exolevit, ut non ejuratio, sed moderatio libidinum credatur, isque fatis castus habeatur, qui minus incestus fuerit. TERTULLIANUS *Libro de Pudicitia cap. 1.*

Enimvero utique interdum cogitabant, unde cecidissent, & post libidinum vaporata momenta coelum suspirabant. *Idem Libro de habitu muliebri (Seu, ut alii solent allegare, Libro I. de cultu fæminarum) cap. 2. Et si vero loquitur de filiis Dei filias hominum depereuntibus, quos ipse cum aliis antiquis Angelos putabat, tamen justis & innocentibus antea Christianis mirifice accommodatur.*

Idem de Fornicatione, atque de Adulterio locutus: Reliquas autem, *inquit*, libidinum furias impias, & in corpora & in sexus ultra jura naturæ non modo limine, verum omni ecclesiæ tecto summovemus; quia non sunt delicta, sed monstra. *Libro supra laudato de pudicitia cap. 4.*

Impudicitia semper est detestanda, obscenum ludibrium reddens ministris suis, nec corpori parcens, nec animis. Debellatum enim propriis viribus totum hominem suum sub triumpho libidinis facit. S. CYPRIANUS *Libro de bono pudicitiae, ante medium.*

Idem ibidem vocat cupiditatum infestam rabiem, incendium conscientiae bonae, matrem impoenitentiae, ruinam melioris aetatis.

Quantos leones domuit una muliebris infirmitas delicata! *Idem, vel quisquis est auctor, de singularitate Clericorum, post initium.*

Desiderii sui veneno mens ebria corpus contumeliis applicat, & junctis complexibus ambo in mortiferas suavitates elapsi obdormiunt. Cumque evigilaverint, sero poenitentiam adducit confusio, & inquinamentorum horror foedatae menti occurrit. *Idem creditus, reapse Arnoldus Carnotensis, Prologo operis de Cardinalibus Christi operibus.*

Cum excogitasset Deus duorum sexuum rationem; attribuit iis, ut se invicem appeterent, & conjunctione gauderent. Itaque ardentissimam cupiditatem cunctorum animantium corporibus admisit, ut in hos affectus avidissime ruerent, eaque ratione propagari, & multiplicari genera possent. Quae cupiditas, & appetentia in homine vehementior, & acrior invenitur; vel quia hominum multitudinem voluit esse majorem, vel quoniam virtutem soli homini dedit, ut esset laus & gloria in coercendis voluptatibus, & abstinentia sui. Scit ergo adversarius ille noster, quanta sit vis hujus cupiditatis, quam quidam necessitatem dicere maluerunt, eaque a recto & bono ad malum & pravam transfert. Illicita enim desideria immittit, ut aliena corpora contaminent, quibus habere propria sine delicto licet: objicitque oculis irritabiles formas, suggeritque fomenta, & vitiis pabulum sumministrat: tum intimis visceribus stimulos omnes conturbat, & commovet, & naturalem illum incitat, atque inflammat ardorem; donec irretitum hominem, implicatumque decipiat. Ac ne quis esset, qui poenarum metu abstinere alieno, lupanaria quoque constituit, & pudorem infelicium mulierum

rum publicavit, ut ludibrio haberet tam eos, qui faciunt, quam quas pati necesse est. His obscœnitatibus animas ad sanctitatem genitas velut in cœni gurgite demersit, pudorem extinxit, pudicitiam profligavit. Idem etiam mares maribus admiscuit, & nefandos coitus contra naturam, contraque institutum Dei machinatus est. Sic imbuit homines, & armavit ad nefas omne. Quid enim potest esse sanctum iis, qui ætatem imbecillam, & præsidio indigentem libidini suæ depopulandam tœdendamque subtraverint? non potest hæc res pro magnitudine sceleris enarrari. Nihil amplius istos appellare possum quam impios, & parricidas, quibus non sufficit sexus a Deo datus, nisi & suum profane, ac petulanter illudant. Hæc tamen apud illos levia, & quasi honesta sunt. Quid dicam de iis, qui abominandam non libidinem, sed insaniam potius exercent? piget dicere; sed quid his fore credamus, quos non piget facere? & tamen dicendum est, quia fit. De istis loquor, quorum teterima libido & execrabilis furor ne capiti quidem parcit. Quibus hoc verbis, aut qua indignatione tantum nefas prosequar? vincit officium linguæ sceleris magnitudo. Cum igitur libido hæc edat opera, & hæc facinora designet, armandi adversus eam virtute maxima sumus. Quisquis affectus illos frænare non potest, cohibeat eos intra præscriptum legitimi fori, ut & illud quod avide expetit, consequatur, & tamen in peccatum non incidat. Nam quid sibi homines perdituri volunt? nempe honesta opera voluptas sequitur. Si ipsam per se appetunt, iusta, & legitima frui licet. Quod si aliqua necessitas prohibebit, tum vero minime adhibenda virtus erit, ut cupiditati continentia reluctetur. LACTANTIUS *Libro VI. divinarum Institutionum cap. 23.*

Ita bestialis ad libidinem impetus in pecudes homines vertit. S. GREGORIUS NYSSENUS *de vita Moſis, ad finem.*

Sævus criminum ſtimulus libido eſt, quæ nunquam manere quietum patitur affectum. Nocte fervet, die anhelat, de ſomno excitat, a negotio abducit, a ratione revocat, aufert conſilium, mentes inquietat, lapſos inclinat, caſtis inſidiatur, potiendo inflammatur, uſuque accenditur. Nullus peccandi modus, & inexplebilis ſclerum ſitis niſi morte amantiſ extingui non poteſt. S. AMBROSIUS *Libra II. de Abel & Cain cap. 5.*

Non vides hæc ſancta vaſa? an non ad unum eis ſemper eſt opus? num audet quiſpiam eis uti ad aliquid aliud? Tu es hiſ vaſis ſanctior, & multo ſanctior: cur ergo te ipſum polluiſ. & inquinat? S. CHRYSOSTOMUS *homilia 14. in ad Ephēſios, — ad finem.*

Idem in pæderafiam: Quodcunque, exclamat, dixeris peccatum, non æquale dixeris huic iniquitati: &, ſi ii, qui hæc patiuntur, rei ſenſum haberent, millies mori præoptarent, ne hoc paterentur. *Homilia 4. in ad Romanos.*

Si libidiniſ igne flagrat, ignem illum (gehennæ) oppone, atque hic conſectum extinguetur, & evaneſcet. *Idem homilia 10. in II. ad Corinthioſ.*

Tactus alienorum corporum, & ſœminarum ardentior appetituſ viciniſ inſaniæ eſt. Ob hunc ſenſum cupimus, irāſcimur, geſtimus, invicem æmulamur, ſolliciti ſumus, & expleta voluptate per quamdam plenitudinem rurfuſ accendimur, quærimuſque facere, quod cum fecerimus, iterum pœniteamus. S. HIERONYMUS *Libro I. adverſuſ Joſovinianum.*

Vireſ in fornicando deficiunt, & fornicandi deſiderium non quieſcit. *Idem in caput 4. Oſeæ.*

Libido

Libido transacta semper sui relinquit poenitudinem. Nunquam satiatur, & extincta re accenditur: usu crescit, & deficit; nec rationi paret. quæ impetu ducitur. *Idem Epist. 123. alias 11. ad Aguruchiam.*

Facile aliis caremus vitiis. Hic hostis nobis inclusus est, quocunque pergimus, nobiscum portamus inimicum. *Idem Epistola 22. ad Eustochium, propius initium.*

De eodem cuncti sumus luto, iisdem compacti exordiis. In serico, & in pannis eadem libido dominatur, nec regum purpuras timet. nec mendicantium spernit squallorem. *Idem Epist. 79. alias 9. ad Salvinam.*

Nescitis, quia templum Dei estis, & spiritus Dei habitat in vobis? Si quis templum Dei corruperit, corrumpet illum Deus. Videtis, quomodo minatur? non vis corrumpi domum tuam; quare corrumpis domum Dei? S. AUGUSTINUS Libro de decem chordis cap. 10.

Si placent corpora, Deum ex illis lauda, & in artificem eorum retorque amorem, ne in his, quæ tibi placent, tu ei displiceas. *Idem Libro IV. confessionum cap. 11.*

Diu profecto flagitiosissimus ille populus ignem illum accenderat, quo peribat: & ideo completis iniquitatibus suis arsit flammis criminum luorum; tam male enim de Deo meruit, ut gehennam, quæ in futuro iudicio datur, etiam in hoc sæculo sustineret. *SALVIANUS Libro 4. de gubernatione Dei, ante medium.*

Et quanta iniquitas, & quam lugenda perversitas, ut animam, quam Christus sanguine suo redemit, luxuriosus quisque propter unius momenti delectationem libidinis diabolo vendat! *S. CÆSARIUS ARELATENSIS sermone 89. Poni etiam solebat*

bat inter opera Augustini, Titulo: *Liber de honestate mulierum.*

Libidinis initia continebit, qui exitum cogitabit. S. MARTINUS BRACARENSIS in *sententiis de Moribus.*

Momentaneum est, quod delectat; æternum, quod cruciat. S. GREGORIUS M. S. CÆSARIUS, PETRUS BLESSENSIS, S. FRANCISCUS SERAPHICUS iisdem fere verbis.

O detestanda concupiscentiæ turpitude! quæ non solum mentem effeminat, sed corpus enervat: non solum maculat cor, sed foedat personam. Semper namque illam præcedunt ardor, & petulantia: semper comitatur foetor, & immunditia: semper sequuntur dolor, & poenitentia. S. LAURENTIUS JUSTINIANUS de *Ligno vitæ, Tractatu de continentia cap. 3.*

Hæc lues sordidissima contaminat carnem, & mentem effeminat; si quid vero in homine honestum & virile est, totum obruit, & enervat. Cumque cetera vitia se quibusdam virtutum tegumentis oppallient, & frequenter ad humanos aspectus quadam extollentia jactantiæ intumescant, mens hujus turpitudinis conscia tantum prima fronte præfert suæ actionis horrorem, ut non solum ea hora, qua ipsius caro perniciose voluptate præstringitur, sed etiam, quando audit aliquos loquentes de turpitudine sua, rubore perfunditur, absentiam captat, & immundi operis recordatione torquetur. PETRUS BLESSENSIS *Libro de dilectione Dei & proximi (qui subjungitur Tractatui de Amicitia Christiana) cap. 7.*

Quis æstimare sufficit, quam execrabiliter damnable sit apud Deum & homines Herodiana crudelitas, quæ pueros occidit, atque malitia Pharaonis, qui submersit parvulos hebræorum! Et illi quidem non animarum, sed corporum homicidæ fuerunt. Quanto igitur detestabilius est, eorum non
dicam

dicam homicidium, sed parricidium, qui tot innocentum animas occiderunt! Procul dubio quanto excellentior est anima corpore, tanto infeliciores Pharaone sunt proditores, & damnabiliores Herode. Putas, quod dissimulando transeat, & non requirat Deus de manu tua, quod in concupiscentiis, & in immunditiis tuis nobilissima ejus periit creatura? Nonne hoc est peccatum, quod lex Moÿsis damnat ad mortem, lex Imperialis gladio ultore persequitur? Deus etiam, qui solet peccatores misericorditer ad poenitentiam expectare, quasi suæ bonitatis oblitus, in ultionem tanti criminis de cœlo pluit ignem sulphureum, ut foetorem peccati poenæ foetor ostenderet, atque etiam cum supplicio temporali cruciatus æternæ damnationis inciperet. *Idem Libro de Confessione Sacramentali, sub medium.*

Turpe reputas de tam turpi materia loqui; sed turpior est infernus. Si foedus est sermo, foedius est putrescere in peccato. Numquid audebis facere, & ego illud dicere non audebo? *Idem ibidem.* Quod optime quadrat omnibus, quot quot cloacam hanc purgare debent, labore quam sibi injucundo, tam utili aliis, ac necessario.

CAPUT II.

Fontes.

TERTULLIANUS in *Libro*, quem laudavimus de *Pudicitia*, & alio de *Exhortatione castitatis*. Idem in *Apologetico* de spurcitiis Gentilium.

CLEMENS ALEXANDRINUS *Libro II* *Pædagogici* cap. 10. Idem in *Exhortatione ad gentes* de earum turpitudine.

MINUTIUS FELIX in *Octavio* & ipse Ethnicorum Libidines exagitat.

Titulus XXVII. De Luxuria. Caput II. 24

S. HIERONYMUS *Libro II. adversus Jovinianum*, qui & passim in Epistolis sive causas hujus morbi, sive remedia ostendit. Notanda etiam *Epistola 55. alias 147. ad Amandum*.

S. AUGUSTINUS *Sermone 162. alias fragmento 3. de verbis Apostoli*, invehitur in fornicationem, idque verbis gravissimis.

Sermone 289. in appendice. alias 243. de Tempore, de vanis excusationibus tam scortationis, quam adulterii.

Libro XIV. de Civitate. capitibus pluribus. In prioribus quoque Libris ejusdem operis multa affert de cæcitate gentilium, qui libidinem veluti consecraverant.

Libro IV. contra Julianum, fuse.

Libro de bono conjugali.

Libro de continentia.

Libris de Nuptiis, & concupiscentia.

Libris de adulterinis conjugis &c.

S. ISIDORUS PELUSIOTA *Libro IV. epist. 129. de qualitate peccati fornicationis.*

SALVIANUS *Libris 4. 6. & 7. de gubernatione acerrime hoc vitium exprobrat sui temporis Christianis.*

SEVERINUS BOETHIUS *Libro III. de consolatione Philosophiæ Prosa 7. & 8. atque etiam iisdem Metris impugnat libidinem.*

S. JOANNES CLIMACUS *gradu 15.*

S. GREGORIUS M. *Libro 6. in I. Regum.*

S. ISIDORUS HISPALENSIS *Libro II. Sententiarum cap. 39.*

S. ANTIOCHUS *homiliis 19. & 20.*

S. JOANNES DAMASCENUS *Libro III. Paralellorum cap. 28. nunc Titulo X. litera π. Varia huc affert.*

S. PETRUS DAMIANI *opusculo 49. cap. 3. Remedium ministrat in tentationibus libidinis.*

S. ANSELMUS in deploratione *Virginitatis amissæ*, & *Parænesi ad Virginem lapsam*.

S. BERNARDUS obiter de conversione ad Clericos cap. 12.

PETRUS BLESSENSIS *Libro*, quem dixi, de *Amicitia christiana capitibus* 6. 7. 8. & qui pone sequitur de *charitate Dei & proximi, capitibus* 48. & 49.

JOANNES SARESBERIENSIS *Libro VIII. Policratici* cap. 6. & *Libro III. cap.* 13.

In Pæderastiam nominatim concitantur S. Justinus Martyr *apologia* 2. Clemens Alexandrinus *Libro II. Pædagogici* cap. 10. S. Ephræm *Epistola ad Joannem Monachum*, Tomo II. novo græcolatino pag. 186. Chrysostomus *Libro* 3. contra oppugnatores vitæ monasticæ, & homilia 4. in ad Romanos. Salvianus *Libro* 7. de gubernatione, post medium. S. Petrus Damiani in *Libro Gomorrhiano* Alanus Insulensis *Libro de plandū naturæ contra Sodomicæ crimen*. S. Bernardus de conversione ad Clericos cap. 19. Petrus Blesensis *Traçtatu de charitate Dei & proximi* cap. 7. S. Bernardinus Senensis Tomo II. sermone 15.

Videre etiam juverit Titulos : *Matrimonium, Virginitas, Forma, Mulier, Caro, Tentationes &c.*

TITULUS XXVIII.

De Magistratibus, & capitibus Familiarum.

CAPUT I.

Loci.

Quoniam mores ac vitia Regis imitari genus obsequii judicatur, abjecerunt omnes pietatem, ne exprobrare regi scelus viderentur, si pie viverent. Sic assidua imitatione corrupti divinum, fas reliquerunt, & paulatim male vivendi consuetudo

tudo mos factus est. LACTANTIUS *Libro V. divinarum Institutionum cap. 6.*

S. GREGORIUS NAZIANZENUS, cum enumerasset difficultates, quæ in regendo alios oboriuntur: In his ego, inquit, cogitationibus dies noctesque versor, hæc medullas etiam meas eliquant, & carnes conficiunt, nec me audacem esse sinunt, ac sublata facie incedere. Hæc animum meum dejiciunt, & mentem contrahunt, & linguæ vinculum injiciunt, faciuntque, ut non de Præfectura, nec de corrigendis & gubernandis aliis cogitem, id quod exuberantis cujusdam facultatis est, sed quomodo ipse venientem iram effugere atque a vitii rubigine nonnihil meipsum abradere queam: purgarique prius, deinde purgare, sapientia instrui, atque ita demum alios sapientia instruere, lux fieri, & alios illuminare, ad Deum appropinquare, & ita alios adducere. *Oratione 1. post medium.*

S. GREGORIUS NYSSENUS *oratione 1. de hominis procreatione acutissimum in principes mulierosos telum intorquet*: Turpe est, inquit, ut qui domi suæ servus est, gentibus dominetur, & is reipublicæ tradat gubernacula, qui scorti nutus observat, qui meretricis arbitrio regitur.

Quis ferat, si ipse gubernare nequeat, qui alios gubernandos receperit? S. AMBROSIIUS *Epistola 63. alias 82. & 25. ad Ecclesiam Vercellensem, sub medium.*

Qui studet humanæ infirmitatis emendare vitia, ipsam infirmitatem suis debet sustinere & quodammodo pensare humeris, non abjicere. Nam pastor ille lassam ovem venisse legitur, non abjecisse. Quare illi non sunt inter Christi discipulos habendi, qui dura pro mitibus, superba pro humilibus sequenda opinantur, & cum ipsi quærant Domini misericordiam, aliis eam denegant. S. AMBROSIIUS *Libro I. de penitentia cap. 1.*

Gentilibus quoque ipsis deteriores esse ait, qui proximi salutem neglexerunt, sic dicens: *Si quis autem suorum & maxime domesticorum providentiam non gerit, fidem negavit, & est infideli deterior.* Quid enim hoc loco providentiæ nomine vis intelligi? An fortasse necessariorum largitionem? equidem puto ipsum curam animæ significare. Sin vero tu contradicas, sic quoque mea sententia firmior manebit. Nam si de corpore hæc dicit eumque qui quotidianum hunc cibum non præbet, tanto supplicio addixit, gentilibusque deteriorem esse ait, quo tandem in loco statuetur is, qui quod majus, magisque necessarium est contemnit? S. CHRYSOSTOMUS *Libro 3. adversus oppugnatores vitæ monasticæ.*

Quod ipsum etiam observat discipulus ejus ISIDORUS PELUSIOTA *Libro II. epist. 124.*

Audiant te homines parva mandantem, & grandia videant facientem. AUCTOR operis imperfecti in *Matthæum, homilia 43. ante medium.*

Solemus mala domus nostræ scire novissimi, ac liberorum, & conjugum vitia vicinis canentibus ignoramus. S. HIERONYMUS *Epist. 147. alias 48. ad Sabinianum, prope finem.*

Præclare quadrat magistratibus malis, quod dixit Augustinus de diis gentilium: Illi & alii atque alii similes . . . tanquam in senatum Deorum selecti; sed plane selecti nobilitate criminum, non dignitate virtutum. S. AUGUSTINUS *Libro VII. de Civitate cap. 33.*

Quisquis in eo quod præpositus est gaudet, & honorem suum quærit, & commoda sua respicit: se pascit, non oves. *Idem Libro de Pastoribus cap. 1.*

Magnopere observent dum vindicant, ne nimium sit: cum ignoscunt, ne parum. Nihil puniant, quod non valeat ad melius: nihil indulgeant, quod vertatur in pejus. Suos putent omnes,

in

in quos sibi potestas data fuerit. Ita serviant, ut eis dominari pudeat, ita dominantur, ut eos servire delectet. *Idem Libro II. de ordine cap. 8.*

Quid iniquius, quam velle sibi obtemperari a minoribus, & nolle obtemperare majoribus? *Idem Libro de opere Monachorum cap. 31.*

Charissimi! in tanta morum diversitate, & tam detestabili corruptela regite domos vestras, regite filios vestros, regite familias vestras. Quomodo ad nos pertinet in Ecclesia loqui verbis, sic ad vos pertinet in domibus vestris agere; ut bonam rationem reddatis de his, qui vobis sunt subditi. Amat Deus disciplinam. Perversa autem, & falsa innocentia est habenas laxare peccatis. Valde inutiliter, valde perniciose sentiet filius patris lenitatem, ut iuste postea Dei sentiat severitatem. Et hoc non solus; sed cum dissoluto patre suo. Quid enim? si ipse non peccat, & non facit quod filius ejus: ideo non debet ab ipsa nequitia filium prohibere? An forte ut videatur filio ejus, quin & pater talia faceret, nisi tenuisset? Peccatum quod tibi non displicet in filio tuo, delectat te; sed ætas deseruit, non cupiditas. *Idem Enarratione in Psalmum 50. ad calcem.*

Nullus congregationi fratrum præfuturus eligatur, priusquam idem qui præficiendus est, quid obtemperaturis oporteat imperare, obediendo didicerit: & quid junioribus tradere debeat, institutis seniorum fuerit assecutus. S. CASSIANUS *Libro II. cap. 3. Monasticarum Institutionum.*

Qui scit se quibusdam esse præpositum, non moleste ferat, aliquem sibi esse prælatum; sed obedientiam quam exigit, etiam ipse dependat, & sicut non vult gravis oneris sarcinam ferre, ita non audeat aliis importabile onus imponere. S. LEO *Epistola 14. alias 84. ad Anastasium Thessalonicensem, in fine.*

Tunc illi pauperes Magistratus opulentam rempublicam habebant: nunc autem dives potestas pauperem facit esse rempublicam. Et quæ rogo infamia est, aut quæ cæcitas, ut egestuosa, ac mendicante republica divitias posse putent stare privatas? SALVIANUS *Libro I. de gubernatione Dei.*

Inhonestæ victoria est suos vincere. Satis est poenarum potuisse punire. S. MARTINUS BRACARENسيس in *Sententiis de Moribus.*

Virtutibus pollens coactus ad regimen veniat, virtutibus vacuus nec coactus accedat. S. GREGORIUS M. *Pastoralis curæ Parte I. cap. 9.*

Penset ergo, qui ad satisfaciendum districto iudici de sua tantummodo anima fortasse vix sufficit, quia quot regendis subditis præest, reddendo apud eum rationis tempore ut ita dicam tot solus animas habet. *Idem Libro XXIV. Moralium cap. ultimo.*

Usus rectæ conversationis est, ut præesse non audeat, qui subesse non didicerit; nec obedientiam subjectis imperet, quam prælatis non novit exhibere. *Idem Libro I. Dialogorum cap. 1.*

Sit Rector operatione præcipuus, ut vitæ viam subditis vivendo denuntiet: & grex, qui Pastoris vocem; moresque sequitur, per exempla melius, quam per verba gradiatur. Qui enim loci sui necessitate exigitur summa dicere, hac eadem necessitate compellitur summa monstrare. Illa vox namque libentius auditorum corda penetrat, quam dicentis vita commendat; quia quod loquendo imperat, ostendendo adjuvat, ut fiat. *Idem Pastoralis curæ Parte II. cap. 3.*

Quæ potest esse pastoris excusatio, si lupo oves comedit, & pastor nescit? *Idem Libro II. Registri Indictione 11. epist. 52. nunc Libro III. Indictione 11. epist. 53. ad Joannem Episcopum.*

Talis

Talis debet esse dispensatio regiminis, ut is qui præest ea se circa subditos mensura moderetur, quatenus & arridens timeri debeat, & iratus amari; ut eum nec nimia lætitia vilem reddat, nec immoderata severitas odiosum. *Idem Libro XX. Moraliū cap. 3.*

Moyſes sic amavit eos, quibus præfuit, ut pro eis nec sibi parceret: & tamen delinquentes sic persecutus est, quos amavit, ut eos etiam Domino parcente proſterneret. Utrobique legatus fortis, utrobique mediator admirabilis causam populi apud Deum precibus, causam Dei apud populum gladiis allegavit. *Idem Libro XX. Moraliū cap. 5.*

Plerumque qui præſunt, nisi in ore cordis Spiritus sancti fræno teneantur, in iratæ retributionis atrocitatem proſiliunt: quantumque prævalent agere, tantum in sibi subditis æstimant licere. Amica etenim potestati pene semper impatientia est, eique male subiectæ imperat; quia quod ipsa sentit, potestas exequitur. Sed sancti viri plus se interius patientiæ jugo subjiunt, quam foris hominibus præſunt, & eo veriore principatum foris exhibent, quo humiliorem Deo intrinsecus famulatum tenent. Atque idcirco sæpe plus quosdam tolerant, quo se de eis ulcisci amplius possunt, ac ne unquam ad illicita tranſeant, plerumque nolunt pro se exequi etiam quod licet. *Idem Libro XX. Moraliū cap. 38.*

Reſtringenda sub ratione potestas est, nec quidquam agendum priusquam concitata ad tranquillitatem mens redeat; nam commotionis tempore iustum putat ira quod fecerit. *Idem Libro X. Indictione 3. epist. 11. alias 12. ad Godeſcalcum Ducem.*

Quod verbis prædicant, moribus impugnant. Unde fit, ut cum paſtor per abrupta graditur, ad præcipitium grex ſequatur. *Idem Paſtoralis curæ Parte I. cap. 2.*

Scire Prælati debent, quia si perversa unquam penetrant, tot mortibus digni sunt, quot ad subditos suos perditionis exempla transmittunt. *Idem ejusdem operis Parte III. admonitione 5.*

Rectorem subditis & Matrem pietas, & Patrem exhibeat disciplina. HUGO A S. VICTORE *Libro IV. Miscellanearum Eruditionum Titulo 11.*

Altio rem locum sortitus es, sed non tutiorem: sublimiorem, non securiorem. S. BERNARDUS *Epistola 237. ad Papam Eugenium.*

Subesse non sistent, præesse non norunt; superioribus infideles, inferioribus importabiles. *Idem Libro IV. de consideratione cap. 2.*

Qui dimittit oves in pascua absque custode, pastor est non ovium sed luporum. *Idem sermone 77. in Cantica, prope finem.*

Væ tibi, si præes, & non prodes! Sed væ gravius, si quia præesse metuis, prodelle refugis. *Idem Epistola 86. ad Guilielmum Abbatem S. Theodoric.*

Pulcherrimus ordo est, & saluberrimus, ut onus quod portandum imponis, tu portes prior, & ex te discas qualiter oporteat aliis moderari. *Idem Epistola 201. ad Balduinum Abbatem Reatini monasterii.*

Magna abusio! pauci ad os legislatoris, ad manus omnes respiciunt. *Idem Libro IV. de Consideratione cap. 2.*

Ipse rector, ipse regula fratrum. Legebant in vitæjus quomodo conversarentur. *Idem in vita S. Malachie, propius initium.*

Ament te domestici tui; si non, facito ut timeant. *Idem Libro IV. de consideratione cap. 6.*

Curam exigeris, non curationem. *Idem Libro eodem cap. 2. Et mox: Ita quæso factum, quod tuum est; nam Deus quod suum est satis absque tua sollicitudine, & anxietate curabit.*

CAPUT II.

Fontes.

PHILO HEBRÆUS *Libro de Creatione Principis.*

ATHENAGORAS *in Legatione pro Christianis.*

ORIGENES *homilia 20. in Numeros, de periculo Principum & Magistratuum. Item homilia 7. in Jesum Nave.*

S. CYPRIANUS *ad Demetrianum, & quæ alia ex eo memoravi Titulo: Justitia.*

LACTANTIUS *Libro V. Institutionum citatarum, capitibus 6. & 24. Libro item de opificio Dei cap. 20. ubi pulchra est commendatio humani capitis.*

S. OPTATUS MILEVITANUS *Libro III. de Schismate Donatistarum, initio, de observantia in Principem.*

S. GREGORIUS NAZIANZENUS *Orationibus 1. 17. 19. Prima autem tota in difficultate regendi consumitur. Adde Epistolam ejus 50. ad Olympium imperio decedentem.*

S. AMBROSIIUS *sermone 20. in Psalmum 118. potestate ne abutamur.*

S. CHRYSOSTOMUS *homilia de nomine Abraham, qua commendat lenitatem.*

Homilia 1. de David & Saul, ubi urget reverentiam Principum.

Homilia 1. in illud Esaie: Vidi Dominum. Negligentiam magistratuum sæpe nasci ex culpa populi.

Homilia 61. in Matthæum, de cura Patrumfamilias.

Homilia 23 in ad Romanos, de observantia erga Magistratus.

Homilia 5. in II. ad Thessalonicenses, ubi præclara datur idea patrifamilias, & superioris.

Homilia 14. in I. ad Timotheum, de cura domesticorum &c.

Homilia 16. in eandem, ut qui alios sibi volunt obedire, etiam ipsi Deo obediant.

Homilia 34. in ad Hebræos, de necessitate Magistratum.

Adde *Homiliam ejus 6. ad populum*, de Magistratibus timendis, & *Eclogam 21. de Imperio & potestate.*

SYNESIUS *Oratione de Regno*, & *Epistola 73. de veris Præfæctis.*

S. AUGUSTINUS *Libros de civitate IV. & V. fere totos consumit*, ut ostendat potestatem principum esse a Deo, & referendam ad Deum. Idem etiam hoc facit *sermone 83. alias 15. de verbis Domini, ad finem*: Et *sermone 62. alias 6. de verbis Domini*, nobis obdiamus, cum malum quid præcipitur, potestatemve reformidemus. Adde *Epistolam ejus 70. nunc 220. potestate mundana quomodo utendum.*

S. PAULINUS, aut quisquis est auctor *Epistolæ ad Celantiam*, de officio matrisfamilias.

S. ISIDORUS PELUSIOTA *Libro IV. epist. 145. de difficultate regendi homines. Libro item V. epistolis 225. & 275. cum demum, qui bene pareat, esse bene imperaturum.*

S. CYRILLUS ALEXANDRINUS *Libro de recta fide ad Theodosium Imperatorem, initio.*

THEODORETUS *præstantissime Oratione 7. de Providentia.*

SALVIANUS *Libro VII. de Gubernatione Dei.* Cui adde, quæ supra Titulo de *Justitia* attulimus in causa violentiæ, oppressionisque subditorum.

S. VALERIANUS CIMELIENSIS *homilia 1. de bono disciplina.*

AGAPETUS *Diaconus in admonitoria ad Justinianum Imperatorem.*

S. FULGENTIUS *Libro de Prædestinatione & gratia cap. 13. ut Deo præstent obedientiam, qui exigunt ab hominibus.*

S. JOAN-

S. JOANNES CLIMACUS *Libro ad religiosum Pastorem, seu de officio cænobiarchæ.*

S. GREGORIUS M. *Libro Pastorali. Libro item XXIV. Moralium, capitibus 24. & 25. de superbia Principibus cavenda. Libro XXVI. Moralium cap. 26. & 27. de humilitate cum potestate jungendâ.*

S. ANTIQCHUS *homilia III.*

JONAS AURELIANENSIS *opusculo de Institutione regia.*

HINCMARUS RHEMENSIS *opusculo de regis persona, & regio ministeria ad Carolum Calvum Regem: Item alio de Novi regis institutione ad rectam regni administrationem, ad Ludovicum Balbium Regem.*

PHOTIUS *Epistola 1. sane egregia ad Michælem Principem Bulgariae, de Principis officio.*

S. PETRUS DAMIANI *opusculo XII. cap. 17. de periculis & labore Præfecturarum: Item Opusculo XXI. cap. 1. quod pariter huc spectat. Præcipue autem opusculo 57. de Principis officiis, in coërcitione improborum.*

S. BERNARDUS *Libris quinque de consideratione ad Eugenium Papam, ubi passim & copiose hoc ventilat argumentum.*

Epistola 42. ad Henricum Senonensem Archiepiscopum, quæ est hodie Tractatibus adjuncta. Agit autem egregie de Præpositis iis, qui, quam petunt a suis obedientiam, superioribus aliis negant.

Sermone 3. de Adventu Domini, quanta cura servandæ subditorum animæ.

Sermone 44. in Cantica, de spiritu lenitatis.

Sermonibus 76. & 77. in eadem Cantica, de bonis & malis Prælatibus.

PETRUS CELLENSIS *Epistola 34. ne respectu humano negligatur disciplina.*

PHILIPPUS ABBAS *Epistola 13. & Libro de obedientia.*

JOAN.

JOANNES SARESBERIENSIS *Libris IV. V. VI. VIII. Policratici.*

GUILLIELMUS PARISIENSIS *Libro de Moribus cap. 8.* in indiscretos superiores sane egregie.

S. BERNARDINUS SENENSIS *Tomo II. sermone 16.* de regimine Principum.

JOANNES ANTONIUS CAMPANUS, *Episcopus Interamnenfis, Libro de gerendo Magistratu*, qui & ipse in *Bibliothecam Patrum* fuit translatus.

DIONYSIUS CARTHUSIANUS *de vita & regimine Principum: Et de vita principis fœminæ.*

Accedunt Tituli: *Obedientia. Domini. Servi. Episcopatus. Ambitio. Peccata aliena. Zelus &c.*

TITULUS XXIX.

De Matrimonio.

CAPUT I.

Loci.

Adjiciunt sibi homines causas nuptiarum de solitudine posteritatis, & liberorum amarissima voluptate. TERTULLIANUS *Libro I. ad uxorem cap. 5.*

Servanda fides ab utroque alteri est; imo exemplo continentiae docenda uxor, ut se caste gerat. Iniquum est enim, ut id exigas, quod præstare ipse non possis. Quæ iniquitas effecit profecto, ut essent adulteria, fœminis ægre ferentibus præstare se fidem non exhibentibus mutuam charitatem. Denique nulla est tam perditæ pudoris adultera, quæ non hanc causam vitiis suis præten-
dat, injuriam se peccando non facere, sed referre. LACTANTIUS *Libro VI. divinarum Institutionum cap. 23.*

S. BASILIUS (*aut quisquis est auctor*) de vera Virginitate propius initium, postquam ærumnas uxoris enarrasset, ita egregie concludit: Sed quid plura necesse est dicere? Dominum dote mulier emens virum, ancilla fit ex libera, exigua nuptiarum voluptate naturalem vendens libertatem, ac januam sibi ineffabilium dolorum, ac omnium molestiarum materiam in matrimonio aperit.

Verum non ita o viri! concessum aliquid esto vel memoriæ membrorum vestrorum. Flectant & injiciant pudorem obsequia ac ministeria uxorum. Quantavis ira succensueritis, partus unius dolores cum iis contendite quæ reprehenditis, multisque hæc partibus vinci comperietis. Considerentur, inque medium proferantur benevolentia bona, morborum curationes, casuum ac calamitatum societas, lachrymæ mariti causa nonnullis oblata. Veniat in mentem, quod parentes suos, quod domum reliquerit, qua fuerat edita, extraneum secuta: quod forte aliquid rerum suarum, ut viri injuriam, molestiamque redimeret, abalienaverit. Hæc omnia affectum concilient, amorisque vinculum nectant, ac lubricum animum velut marcidam domum contineant, atque erigant. Vincat misericordia nec consuetudo, ac longi temporis convictus conculcentur, quibus brutis ipsis animantibus separari ægre accidit. ASTERIUS AMASENUS *homilia 5. in illud: An liceat homini dimittere uxorem &c.*

Bona vincula nuptiarum, sed tamen vincula etsi vincula, tamen charitatis. Bonum conjugium, sed tamen a jugo tractum, & jugo mundi. S. AMBROSIIUS *Libro III. de virginibus, circa medium.*

Quæ nupserit, ad servitutem pecunia sua venditur. Meliori conditione mancipia, quam conjugia comparantur. In illis meritum emitur servitutis, in istis pretium ad servitutem additur.

Idem

Idem in opere alio, quod Exhortatio Virginitatis vocatur.

Nemo alienum affectet thorum; nec latendi spe. aut faciendi impunitate, nec longiore mariti absentia provocetur. Adest præsul conjugii Deus, quem nihil latet, nullus evadet. Nemo irrideat vicem absentis mariti. Servat excubias Deus, imo sine excubiis deprehendet reum, antequam faciat. In animis singulorum crimen agnoscit, & si maritum fefelleris, eum non falles. Si maritum evaseris, & judicem, non evades Judicem totius mundi. Ille gravius ulciscitur injuriam inopis, contumeliam mariti imprudentis. Major est injuria auctorem, quam custodem thalami sprevisse, & non considerasse. *Idem Libro de Abraham cap. 2.*

Levius certe faciliusque est contra naturæ concupiscentiam, & contra se ipsum certare, quam contra improbam mulierem. S. CHRYSOSTOMUS *homilia 63. in Matthæum.*

Nemo vestrum studeat uxorem ducere ditio- rem, sed potius pauperiorem. Non enim ingreditur afferens ex divitiis tantam occasionem voluptatis quantam introducet molestiam ex probris, ex eo quod plura exigit quam intulerit, ex contumeliis, ex magnis sumptibus & impensis, ex verbis molestis & importunis. Fortasse enim dicet: Nihil adhuc consumpsi ex tuis, meis adhuc induor, ex iis quæ mihi donarunt parentes. Quid dicis o mulier! tuis es adhuc induta? Et quid hoc verbo fuerit miserius? corpus non habes proprium, & pecunias habes proprias? non estis amplius duæ carnes post matrimonium, sed facti estis in unam: & duæ sunt facultates, non una? O amor. pecuniæ! unus homo, unum ambo facti estis animal, & adhuc dicis mea! Execrandum hoc verbum & sceleratum a Diabolo est invecum. Deus omnia nobis fecit communia, quæ sunt his magis necessaria:

saria : & hæc non sunt communia ? Non licet dicere lux est mea, sol est meus, aqua mea, quæ sunt, majora, omnia nobis sunt communia : pecuniæ autem non erunt communes ? pereant millies pecuniæ ; imo vero non pecuniæ, sed animi instituta, quæ nesciunt uti pecuniis sed eas omnibus præferunt. *Idem ibidem.*

Honora eam (uxorem) & non opus habebit, ut honoretur ab aliis. *Idem ibid. inferius.*

Vis tibi obedire uxorem, sicut Christo Ecclesiam ? ipse quoque ejus curam gere, sicut Christus Ecclesiæ. Etiam si animam pro ipsa dare oporteat, etiam si millies conscindi, etiam si quodvis sustinere & pati : non recusabis : Et si hæc passus fueris, nihil adhuc tale fecisti, quale Christus. Nam tu quidem jam conjunctus hæc facis : ille autem pro ea, quæ ipsum averfatur, & odio habet. *Idem ibidem superius.*

Continentiam is, qui uxorem habet, facilius servabit, utpote qui solatio multo fruatur : in reliquis autem non ita clara res est. Verum in illa quoque re plures videmus conjugatorum cadere, quam monachorum. Neque enim tot ex monasteriis ad nuptias transeunt, quot ex conjugali toro ad scorta. *Idem Libro III. adversus oppugnatores vitæ monasticæ, numero 14.*

(Uxorem verberare) hæc extrema contumelia est, non verberatæ, sed verberanti . . . Dedecus & ignominia autem hujus modi quis ferat ? quis sermo possit eam explicare, quando ululatus & gemitus per compita feruntur, & concursus est in domum ejus, qui tam indecore se gerit, & vicinorum & prætereuntium, ac si fera quæpiam quæ intus sunt labefactet & perdat ? Optabilis esset terram dehiscere ei, qui tam furiose se gerat, quam ut postea in foro appareat. *Idem homilia 26. in I. ad Corinthios.*

Ubi timor Dei est, ibi & castitas est, ubi autem non est timor Dei, ibi neque castitas est. Caro enim urget, securitas mulieris adjuvat carnem. Si timor Dei non fuerit, quis resistet, quis eam teneat indagatam? AUCTOR *Operis imperfecti in Matthæum, homilia 1.*

Nulla est uxoris electio; sed qualiscunque obvenit habenda. Si iracunda, si fatua, si deformis, si superba, si foetida, quodcunque vitii est, post nuptias discimus. Equus, asinus, bos, canis, & vilissima mancipia, vestes quoque & lebetes, sedile ligneum, calix, & urceolus fictilis probantur prius, & sic emuntur; sola uxor non ostenditur, ne ante displiceat, quam ducatur. S. HIERONYMUS *Libro I. adversus Jovinianum, ad finem, ex mente Theophrasti.*

Uxorem pauperem alere difficile est; divitem ferre tormentum. *Idem ibidem ex eodem.*

Quorundam matrimonia adulteriis cohæserunt, & o rem improbam! iisdem illis (mulieribus) pudicitiam præceperunt, qui abstulerant. Itaque cito ejusmodi nuptias satiety solvit, cum primum lenocinium libidinis abcessit, quod licebat eviluit. *Idem ibidem, paulo inferius.*

Origo amoris (conjugum) honesta, sed magnitudo deformis. Nihil autem interest quam ex honesta causa quis insaniat, unde & Xystus in sententiis: Adulter est, inquit, in suam uxorem amator ardentior. In aliena quippe uxore omnis amor turpis est, in sua nimius. Sapiens vir iudicio debet amare conjugem, non affectu. Reget impetus voluptatis, nec præceps feretur in coitum. Nihil est foedius, quam uxorem amare quasi adulteram. Certe qui dicunt se causa reipublicæ & generis humani uxoribus jungi, & liberos tollere, imitentur saltem pecudes, & postquam uxorū venter intumuerit, non perdant filios, nec amatores uxoribus

ribus se exhibeant, sed maritos. *Idem ibidem.*

Quidquid viris jubetur, hoc consequenter redundat in foeminas, neque enim adultera uxor dimittenda est, & vir mœchus retinendus. Si qui meretrici jungitur, unum corpus facit, igitur & quæ scortatori, impuroque sociatur, unum cum eo corpus efficitur. Aliæ sunt leges Cæsarum, aliæ Christi: aliud Papinianus, aliud Paulus noster præcipit. Apud illos viris impudicitiae troena laxantur, & solo stupro, atque adulterio condemnato passim per lupanaria, & ancillulas libido permittitur; quasi culpam dignitas faciat, non voluntas. Apud nos quod non licet foeminis, æque non licet viris, & eadem servitus pari conditione censetur. *Idem Epistola 77. alias 30. ad Oceanum.*

Quid prodest etiam diligens custodia; cum uxor servari impudica non possit, pudica non debeat. Infida enim custos est castitatis necessitas, & illa vere pudica dicenda est, cui licuit peccare, si voluit. *Idem Libro ante laudato adversus Jovinianum, iterum ad finem.*

Si ducturi estis uxores, servate vos uxoribus vestris. Quales vultis eas invenire, tales & ipsæ inveniant vos. Quis est, qui non castam velit ducere? intactam quæris? intactus esto. Puram? purus esto. Non enim illa potest, & tu non potes. Si fieri non posset, nec illa posset. Quia vero illa potest, doceat te, quia fieri potest. *S. AUGUSTINUS sermone 132. alias 46. de verbis Domini.*

Sed cum hæc eis dicimus, non solum nihil vult detrachere severitati, sed irascuntur insuper veritati, & loquuntur, atque respondent: Sed nos viri sumus. An vero sexus nostri dignitas hanc sustinebit injuriam, ut cum aliis foeminis præter uxores nostras si quid admittimus, in luendis poenis mulieribus comparemur? Quasi non propterea ma-

gis debeant illicitas concupiscentias viriliter frœnare quia viri sunt: quasi non propterea minus debeant a libidine superari quia viri sunt: quasi non propterea minus debeant lascivienti carni servire, quia viri sunt. Et tamen indignantur si audiant adulteros viros pendere similes adulteris fœminis pœnas; cum tanto gravius eos puniri oportuerit, quanto magis ad eos pertinet, & virtute vincere, & exemplo regere fœminas. Christianis equidem loquor, qui fideliter audiunt: *Caput mulieris vir*; uti se agnoscunt duces, illas autem comites esse debere. Et ideo cavendum est viro illac ire vivendo, qua timet, ne uxor sequatur imitando. *Idem Libro II. de adulterinis conjugis cap. 8.*

Servetur inprimis viro auctoritas sua, totaque a te discat domus, quantum illi honoris debeat. Tu illum dominum obsequio tuo, tu magnum illum tua humilitate demonstra, tanto ipsa honoratior futura, quanto illum amplius honoraveris. *Caput* enim, ut ait Apostolus, mulieris est vir; nec aliunde magis reliquum corpus ornatur, quam ex capit dignitate. S. PAULINUS, *aut quiscunque Auctor Epistolæ ad Celantiam, post medium.*

In lege, in qua conjugiorum jura servantur, quamvis cohibita luxuriæ evagatio uni tantum fœminæ mancipatur: tamen nequaquam possunt carnalis concupiscentiæ aculei non vigere, & difficile est, ut ignis, cui etiam studiose pabula suggeruntur, ita præfixis terminis includatur, ut non extra vagatus amburat, quidquid attigerit. Cui etiam si sua illa ita semper occurrat objectio, ut exæstulare extrinsecus non sinatur, tamen etiam dum cohibetur, incendit; quia voluptas ipsa culpabilis est, & ad velocissimos adulteriorum rapitur excessus consuetudo concubitus. Cæterum quos gratia Salvatoris sancto incorruptionis amore flammaverit, ita omnes carnalium desideriorum spinas dominicæ chari-

charitatis igne consumunt, ut nec tepens favilla vitiorum refrigerium integritatis imminuat. Legis ergo famuli licitorum ulu ad illicita prolabantur, gratiæ participes, dum licita contemnunt, illicita non noverunt. S. CASSIANUS *Collatione XXI. cap. 33.*

A congressu venereo abstines, nec cum marito tuo dormire vis? ille autem, quia tui copiam ipsi negas, abit jam, ac scelus perpetrat. Illius scelus continentiae tuæ adscribetur. Utrum tandem præstat, eumne tecum somno frui, an cum meretrice? Ne te fruatur, non ipsi interdictum est; ne autem illa, lege divina prohibetur. Si tecum dormierit, nihil criminis est: si autem cum illa, membris tuis exitium attulisti. Sedet igitur Paulus in viri & uxoris cubili, & clamat: *Nolite fraudare invicem, nisi forte ex consensu ad tempus.* Videsne te hac de causa uxorem accepisse, & illam item virum, ut pudicitiam coleretis? Audes te a libidine continere? adduc maritum, ut ipse quoque continentiae studeat, quo duplex corona sit, altera nimirum castitatis, altera concordiae, non autem castitatis & belli. S. JOANNES DAMASCENUS *ex sermone Chrysostomi 1. in Psalmum 50.* quem locum quia Billius, aliunde insignis interpres, secunda vice latinum reddidit, scilicet cum Chrysostomum *in psalmos*, & Damasceni *Parallela* verteret, malui ipsius verba retinere *Libro III. Parallelorum Editionis antiquae Damasceni cap. 28.*

Non gignendæ proli, sed ingenitæ deserviunt voluptati. Ii plane non mariti, sed prolectarii: non conjuges, sed potius amatores sic ad intemperantiam coitus tempus omne continuant, ut uxoribus suis, quod turpe dictu est, nec prægnantibus parcant: & castitatis regulam violare homines nequaquam erubescant, quam circa prægnantes suas &

animalia muta custodiunt. S. PETRUS DAMIANI *Libro I epist.* 15.

Bestia quælibet ad hoc solummodo coit, ut gignat; homo solus ad hoc gignit, ut coeat. *Idem ibidem.*

Mulierum labor immutatus est, & quæ laborare consueverant, dominari cœperunt. HUGO A S. VICTORE (verius Hugo alter Folietanus) *Libro de nuptiis carnalibus cap. 1. ad calcem*

Omni immunditiæ laxat habenas, qui nuptias damnat. S. BERNARDUS *sermone 66. in Cantica, propius initium.*

C A P U T II.

Fontes.

ATHENAGORAS *ad finem Legationis pro Christianis,* quam sanctum fuerit primorum christianorum matrimonium.

TERTULLIANUS *Libris duobus ad uxorem: de Exhortatione item castitatis: de Monogamia: de Pudicitia.*

CLEMENS ALEXANDRINUS *in Libris Stromatum, maxime 2. & 3.*

S. BASILIUS M. *Libro de Virginitate jam laudato.*

S. GREGORIUS NAZIANZENUS *Carminе parænetico ad Olympiadem, & oratione hortatoria ad Virginitatem.*

S. CHRYSOSTOMUS præter fontes, ex quibus supra est haustum, *homiliis tribus de nuptiis Tomo III. Montfauconi a pag. 193. Libro præterea de Virginitate. Homiliis 63. in Matthæum, & 20. in ad Ephesios.*

S. HIERONYMUS *Libro contra Helvidium. Libris contra Jovinianum, & horum defensione ad Pamphilum ac Domnionem.*

S. Au.

S. AUGUSTINUS *Libro de bono conjugali.*

Libro de adulterinis conjugiiis.

Libro de sancta virginitate.

Libro de continentia.

Libris duobus de nuptiis & concupiscentia.

Libris sex contra Julianum, maxime 3. 4. 5.

6. aliisque contra Pelagianos perscriptis.

Libro item 83. Quæstionum, quæstione ultima de conjugio.

S. PAULINUS *Epistola ipsi tributa ad Celantiam.*

S. LEO *Epistola 159. alias 79. ad Nicetam, Episcopum Aquilejensem; item Epistolis 41. alias 90. & 167. alias 92.*

S. GREGORIUS M. *Pastoralis curæ Parte III. cap. 28.*

S. ISIDORUS HISPALENSIS *Libro II. de officiis Ecclesiasticis cap. 19.*

S. JOANNES DAMASCENUS *Libro III. Parallelorum capitibus 27. & 28. nunc Titulis X. & XI. litera π.*

JONAS AURELIANENSIS *Libris tribus de Institutione Laicali.*

THEODORUS ABUCARA *Dialogo de una uxore du-cenda.*

HUGO A FOLIETO, putatur VICTORINUS, *Libris duobus de nuptiis carnalibus, & spiritualibus; verus HUGO Libro I. de varietate mundi, & Tractatu de Sacramento conjugii.*

JOANNES SARESBERIENSIS *Libro III. Policratici cap. 11.*

DE POLYGAMIA SPECIATIM.

TERTULLIANUS *Libris jam laudatis.*

S. HIERONYMUS *Libro 1. adversus Jovinianum, Epistola 123. alias 11. ad Ageruchiam, & Epistola 79. alias 9. ad Salvinam.*

S. AUGUSTINUS *Libro XXII. contra Faustum cap. 47.*

DE SANCTITATE MATRIMONII.

TERTULLIANUS in *Libris adversus Marcionem*,
& *Libris ad uxorem*.

CLEMENS ALEXANDRINUS *Libro 3. Stromatum*.

S. AMBROSIIUS *Libro 1. de Virginibus*.

S. EPIPHANIUS *hæresi præsertim 46.*

S. CHRYSOSTOMUS *homilia 4. de verbis Esaïæ, & homilia 22. ex variis in Matthæum locis &c.*

S. BERNARDUS *sermone 66. in cantica*.

DE EXEMPLARIBUS CHRISTIANI
MATRIMONII.

S. GREGORIUS NAZIANZENUS *Orationibus II. 20. & 28.*

S. HIERONYMUS *Epistolis 79. alias 9. ad Salvianam, & 107. alias 7. ad Lætam.*

S. PAULINUS *Epistola ad Celantiam*.

DE MATURANDIS JUVENUM NUPTIIS.

S. CHRYSOSTOMUS sæpe, præsertim *homilia 5. in I. ad Theffalonicensis.*

DE CONSENSU PARENTUM.

S. AMBROSIIUS *Epistola 83. alias 43. & 64. ad Sifinnium.*

DE MATRIMONIO CUM CONSANGUINEIS ETC.

S. BASILIUS M. *Epistolâ 160. alias 197.*

Creditus SIXTUS III. Libro de castitate, post initium.

RABANUS MAURUS *Epistola ad Humbertum Episcopum, & Libro ad Bonosum.*

RATHERIUS VERONENSIS *opusculo de nuptu cujusdam illicito.*

S. ANSELMUS *de nuptiis consanguineorum, quod opusculum etiam inter Epistolas ejus habetur.*

DE MATRIMONIO CUM INFIDELIBUS,
ET HÆRETICIS.

TERTULLIANUS *Libro 2. ad uxorem.*

PHILO HEBRÆUS *Libro de specialibus legibus, pagina mihi 600.*

S. AMBROSIIUS *Libro I. de Abraham, & Epistola 19. alias 24. & 70. ad Vigilium.*

S. AUGUSTINUS *Libro de fide & operibus cap. 19. & Libro XV. de civitate cap. 16.*

ABUSUS ET ORGIA IN FESTIS
NUPTIALIBUS.

S. CYPRIANUS *Libro de habitu Virginum, proprius finem.*

S. CHRYSOSTOMUS *potenter homilia 12. in I. ad Corinthios, & 12. in ad Colossenses. Adde homiliam 48. in Genesin.*

S. PETRUS DAMIANI *opusculo 41. de tempore celebrandi nuptias.*

DE IPSO OPERE, ET COMMERCIO
CONJUGALI.

CLEMENS ALEXANDRINUS *Libro II. Pædagogii, toto capite 10. Item Libro II. Stromatum ad finem, & Libro 3. Stromatum sæpius.*

ORIGENES *homilia 5. in Genesin de intemperantia uxorum.*

S. AMBROSIIUS *Libro I. in Lucam ad finem, fufe.*

S. CHRYSOSTOMUS *homilia 1. in psalmum 50. & homilia 19. in I. ad Corinthios.*

S. HIERONYMUS *Libro 1. adversus Jovinianum, in fine: Epistola 122. alias 46. ad Rusticum: In caput 5. Epistolæ ad Ephesios: Et Epistola 7. nunc 107. ad Latam, in fine.*

S. AUGUSTINUS *Libro de Moribus Manichæorum: Sermone 292. in Appendice, alias 244. de tempore: Sermone 278. alias 34. de diversis: Libro III. de doctrina Christiana, a capite 18. Item in Libris supradictis frequenter.*

AUCTOR *Epistolæ ad Celantiam, præclare.*

S. ISIDORUS PELUSIOTA *Libro V. Epistola 99. ad Hieracem.*

S. NILUS in *Historia cædis Patrum Sinaitarum*.

S. FULGENTIUS *Epistola* 1. tota.

S. AVITUS *Epistola* 2.

S. GREGORIUS M. *Pastoralis Curæ Parte III. cap. 28. pulcherrime.*

JONAS AURELIANENSIS *Libro II. de Institutione Laicali aliquot capitibus.*

S. PETRUS DAMIANI *vehementer loco jam citato: opusculo item 41. de tempore celebrandi nuptias.*

S. BERNARDINUS SENENSIS *Tomo I. Sermonibus 17. & 18.*

Denique S. METHODIUS *Martyr opusculo indubitato, quod Symposium decem Virginum inscribitur, verbis quidem disertis, at minime lubricis ipsum adeo coitum repræsentat Virginibus; puto ne majorem paterentur famem, ut ait Hieronymus, cum dulcius putant omne quod nesciunt.*

DE MATRIMONIO SINE HOC NEGOTIO.

S. HIERONYMUS *Libro adversus Helvidium, & in vita Malchi monachi.*

SALVIANUS *Epistola ad Hipatium & Quietam.*

AELREDUS, *Abbas Rievallensis, in vita S. Eduardi regis Angliæ, cap. 3.*

Quotquot item in conjugium Mariæ cum Josepho, dum Evangelia explicant, sunt commentati.

DE MUTUA CHARITATE.

S. CHRYSOSTOMUS *homilia 26. in I. ad Corinthios: homilia 20. in ad Ephesios, & alias sæpe.*

AUCTOR operis imperfecti *homilia 32. in Matthæum.*

DE MOLESTIIS UXORIS.

TERTULLIANUS *Libris duobus ad uxorem, & Libro de carne Christi cap. 4.*

S. METHODIUS *Martyr in Symposio decem Virginum.*

S. BASILIUS M. *Libro de Virginitate.*

S. GRE-

S. GREGORIUS NAZIANZENUS *Carminē 2. in laudem Virginitatis.*

S. GREGORIUS NYSSENUS *Libro de Virginitate, a capite 3.*

S. ASTERIUS *homilia jam laudata.*

S. AMBROSIIUS *Libro 1. de Virginitatibus.*

S. CHRYSOSTOMUS *Libro de Virginitate: homilia 17. in Genesin: oratione de S. Thecla, & oratione de SS. Bernice & Prosdoce*

S. HIERONYMUS *ad finem Libri adversus Helvidium: Libro 1. adversus Jovinianum: Epistola 22. ad Eustochium: Epistola 54. alias 10 ad Furiam &c. Adde item Epistolam Valerii ad Rufinum, Hieronymo falso adscriptam.*

ALCIMUS AVITUS *Libro de consolatione Castitatis ad Fusciam Sororem, quod est Carmen sat elegans.*

S. AUXENTIUS *Abbas in allocutione ad Virgines, in Actis ejus ad diem XIV. Februarii, ipso fine.*

DE MOLESTIIS MARITI.

Cum sæpissime locis supra laudatis, tum *homilia 7. S. BASILII M. in divites, de insatiabili cupiditate mulierum venditare sese atque ostentare volentium.*

S. CHRYSOSTOMI *Libro 2. de Providentia, quando de Abraham: Parænesi 2 ad Theodorum lapsum: Ecloga 14. de mulieribus & pulchritudine &c.*

S. HIERONYMI *Libro 1. adversus Jovinianum suffissime, & præstantissime.*

HUGONIS VICTORINI, seu potius alterius, FOLIETANI, *Libro de nuptiis carnalibus.*

PETRI BLESENSIS *Epistola 79.*

Denique eorum omnium, quotquot sunt in *caput 15. Matthæi, & caput 7. Epistolæ I. ad Corinthios commentati.*

Vide etiam Titulum *Mulier* Libro duodecimo, ut qui proprie huc & præcipue facit.

DE MOLESTIIS UTRIQUE COMMUNIBUS.

Multa dant cum supra dicta, tum S. GREGORIUS NYSSENUS *Libro de Virginitate cap. 3.*

S. CHRYSOSTOMUS *Libro de eadem Virginitate, a capite 50.*

S. PAULINUS *Epistola 39. nunc 25. ad finem.*

S. ISIDORUS PELUSIOTA *Libro III. epistola 351.*

Adde Titulos: *Liberorum, & Parentum officia.*

DE ZELOTYPIA.

S. AMBROSIIUS *Enarratione in Psalmum 36. initio.*

S. CHRYSOSTOMUS *Libro de Virginitate cap. 52. homilia 26. in Genesin: homilia 20. in ad Ephesios: homilia de SS. Bernice & Prosdice.*

DE ADULTERIO.

PHILO HEBRÆUS *Libro de Decalogo.*

LACTANTIUS *Libro VI. divinarum Institutionum cap. 22. & epitomes cap. 6.*

S. CHRYSOSTOMUS *homilia de libello repudii: homilia in Psalmum 7. homilia 3. de verbis Esaiæ: Vidi Dominum, præclare: homilia 62. in Joannem: homilia 5. in I. ad Thessalonicenses &c.*

S. HIERONYMUS *Epistola 77. alias 30. ad Oceanum, egregie prorsus de adulteriis maritorum.*

S. AUGUSTINUS *Libro de adulterinis conjugis, aliisque jam supra dictis.*

Item sermone 392. alias homilia 49. ex 50. præsertim ad finem.

Sermone 289. appendicis, alias 243. de Tempore.

Sermone 132. alias 46. de verbis Domini.

Sermone 14. appendicis, alias 83. de Tempore.

Et rursum in libro de decem chordis.

S. ISIDORUS PELUSIOTA *Libro III. epist. 76.*

S. BASILIUS SELEUCIENSIS *oratione 41.*

SALVIANUS *Libro 4. & 7. de gubernatione, vehementer.*

S. CR.

S. CÆSARIUS ARELATENSIS *admonitione ad eos, qui uxores habentes adulteria committere non erubescunt.*

DE DIVORTIO, ATQUE REPUDIO.

S. GREGORIUS NAZIANZENSIS *jam ante laudata oratione hortatoria.*

S. ASTERIUS AMASENUS *homilia 5. ubi causam mulieris perpetuo tuetur.*

S. AMBROSIIUS *Libro 8. in Lucam.*

S. CHRYSOSTOMUS *Tomo III. novo, homilia de Libello repudii.*

S. HIERONYMUS *Epistola 77. alias 30. ad Oceanum; & Epistola 55. alias 147. ad Amandum.*

S. AUGUSTINUS *Libro XIX. contra Faustum cap. 26.*

DE SECUNDIS NUPTIIS.

Vide titulum de Viduis.

Etsi vero innumeros hic fontes aperui, tamen plurimos præterea ostendunt Tituli: *Mulier. Virginitas. Luxuria. Filii. Parentes. Vidua. Electio Status &c.*

TITULUS XXX.

De Morte, & quæ huc spectant.

CAPUT I.

Loci.

Christianum expeditum mori genus aut hanc obtinationem abdicatione voluptatum eruditur, quo facilius vitam contemnant amputatione quasi retinaculis ejus, ne desiderent quam jam supervacuam sibi fecerint. TERTULLIANUS *Libro de spectaculis cap. 1.*

Quod morimur ad immortalitatem morte transgredimur, nec potest vita æterna succedere, nisi hinc contigerit exire. Non est exitus iste sed transitus,

fitus, & de temporali itinere ad æterna transgressus. Quis non ad meliora festinet? S. CYPRIANUS *Libro de Mortalitate.*

Mori timeat, qui ad secundam mortem de hac morte transibit. Mori timeat, quem de sæculo recedentem perennibus poenis æterna flamma torquet. Mori timeat, cui hoc mora longiore confertur, ut cruciatus ei & gemitus interim differatur *Idem ibid.*

Quis non timeat, si timet ille, quem omnia timeant? si pavet ille, cui omne genua curvatur? si ille qui est mors mortis, & morsus inferni morte appropinquante pertimescit? *Idem creditus sermone de Passione Domini.*

Si cum ex una regione in aliam transimus super terram, aliquibus viæ ducibus, ac directoribus indigemus: quanto magis, quando in infinita transeundum hinc erit sæcula, unde nullus rediit? S. EPHRAEM *Sermone in eos, qui in Christo obdormierunt, Tomo III. novo, græcolatino.*

Magnum & occultum est mortis arcanum, & nullus enarrare illud potest. Tremenda sunt, ac terribilia, quæ tunc anima subibit; sed nemo nostrum ea novit, nisi soli, qui illuc permeaverunt, nisi soli, qui illuc præcesserunt, nisi soli, qui ibi periculum eorum fecerunt. Non vides apud fratres morientes, animamque agentes, quibus assidemus, quam terribilia tunc eis accidere cernantur? quo pacto suspirent? Non aspicias eos sudoribus frigidis, & amarulentos instar messorum in agro? quomodo oculos huc illucque retorqueant? quomodo alii dentibus strideant, quomodo obtorpescant, & expavescant, tumultuarieque agant, & quo pacto multi etiam capillos suos evellant? quo pacto electo exsiliant, fugere volentes, licet nequeant, videantque ea, quæ nunquam prius viderunt: & audiant a potestatibus, quæ nunquam antea audierunt:
& pa-

& patiantur, quæ nunquam alias passi sunt: quærentes qui eos redimat, & nemo est, qui liberet: requirentes socios, & nemo adest, qui ipsos comitetur: requirentes advocatos, & patronos, & nemo est, qui ausit. S. EPHRAËM *ibidem*.

Multi dum multa secum statuerunt, ad crastinum non pervenerunt; at subito rapti sunt sicut passerulus ab accipitre, & velut agni a lupo, & quasi captivus a latrone, nec loqui prorsus valentes, nec testamentum condere, neque vocem ullam edere. Alii enim vesperi cubitum sani concedentes ad mane non pervenerunt: alii ad mensam accumbentes expirarunt: alii inter ambulandum & ludendum repente sunt mortui. Alii in balneo morientes idem balneum pro epitaphio ac sepultura habuerunt. Alii vero dum nuptias celebrarent, in ipso thalamo nuptiali subito, atque inopinate abrepti sunt, & eadem sibi vestimenta pro nuptiis pararunt, atque pro funere, successeruntque in locum tibi-cinum lamentantes, & in locum saltantium atque tripudiantium lugentes, atque plorantes. Et ista omnia novimus, ac scimus: quodque gravius est sponte interim & scienter peccamus, nobisque ipsi illudimus. Et propterea nullam a Deo veniam consequimur, quia non ex ignorantia, sed scientes erramus. *Idem ibidem*.

Nunc propter gratiam Christi quia mors facta est somnus, & quies, ac certa multaque sunt resurrectionis indicia quasi de vita in vitam transferendi sic exultamus & lætamur. Et quid dico de vita in vitam? de deteriori ad meliorem? de temporali ad æternam? de terrena ad coelestem? S. CHRYSOSTOMUS *homilia 67. in Genesin, post medium*.

Vitæ hujus quantumvis laboriosæ, atque temporalis tanta dulcedo est, ut cum mortales non possint efficere, ne moriantur; tamen multis & magnis conatibus agant, ne cito moriantur. Certe omni
animæ

animæ laborare molestum est; & tamen ab iis a quibus nihil seu boni seu mali post hanc vitam spectatur, omnibus laboribus agitur, ne labor omnis morte finiatur. Tanta etiam est hujus ærumnosæ vitæ nescio quæ suavitas, tantusque in illa utcunque viventium horror mortis, ut nec illi mori velint, qui per mortem ad vitam transeunt, in qua mori non possint. AUGUSTINUS *Sermone* 280. *alias* 103. *de diversis, qui est primus de SS. Perpetua & Felicitate.*

Aut quid agunt, qui mori timent, nisi ut paulo posterius moriantur? *Idem Epistola* 151. *alias* 259, *ad Cæcilianum.*

Time, certe, time mori si potes non mori. Quod per naturam vitare non potes, quare propter fidem non suscipis? Tollat tibi istam vitam qui minatur, adversarius: dat tibi Deus aliam vitam; quia & istam ipse tibi dedit: & si noluerit nec ipsa tollitur. *Idem in Enarratione in psalmum* 96. *num.* 17.

Mori male times: & male vivere non times?... non potest male mori, qui bene vixerit. *Idem Tractatu de disciplina christiana, vel de domo disciplinæ cap.* 12.

Si mors sic timetur, quæ finit temporalem laborem, quomodo timenda est, quæ mittit in æternum dolorem? *Idem Epistola* 122. *alias* 138. *ad Clerum & populum Hipponensem.*

Times mortem ad momentum, quæ veniet et si nolis: time poenas in æternum, quæ non venient, si nolueris. *Idem sermone* 279. *de Paulo Apostolo, numero* 9. *fuit olim* 24. *ex Sirmondianis.*

Eum timere debet homo, a quo factus est homo. Quod supra homines est time; & homines te non tenebunt. Mortem sempiternam time; & præsentem non curabis. *Idem Enarratione in Psalmum* 63.

Quam horam fratres modo timete, ut non tunc timeatis: illam nunc præcavete, ut tunc securi

curi esse possitis. *Idem sermone 57. sive libro de vanitate sæculi.*

Quid istuc quæso, quid istuc est? nihil ita quotidie homines ut mortem vident, nihil ita obliviscuntur ut mortem: agitur humanum genus rapida in occasum mortalitate, omnisque posteritas succedentium sæculorum lege decurrit. Patres nostri præterierunt, nos abimus, posterī sequentur. Velut ex alto undarum jactus aliis atque aliis supervenientibus in littoris extrema franguntur: ita in terminum mortis succiduae alliduntur ætates. Hæc nos considerationis nostræ memoria circumstrepit. Debitum vitæ finem jam jamque affuturum putemus, qui nobis tanto magis appropinquabit, quanto magis distulit. Vicinum speremus diem, longinquum esse nescimus. S. EUCHERIUS in *Parænesi ad Valerianum*.

Sive vitam hanc contemnendam putas, sive amplectendam, in utroque facilis negotii mei causa est. Nam si spernitur, una est spernendi ratio, ut melior appetatur: & si diligitur, tanto magis est diligenda, quæ major est. *Idem ibidem.*

Paratos nos inveniat extrema necessitas, quæ sæpe prævenit imparatos: certam nobis imponat solitudinem incerta conditio. Quotidianus sit illius periculi metus, cujus nescitur incursus. *Idem, dictus EUSEBIUS GALLICANUS, homilia I. ad Monachos, initio.*

Non est aliquid in tam brevibus vitæ metis ita ferum, quod expectare longum immortalis præsertim animus putet. Quorum magna spes, & excelsa facinorum machina repentino, atque insperato sæpe fine destituitur. Quod quidem illis miseriæ modum statuit; nam si nequitia miseros facit, miserior sit necesse est diuturnior nequam. Quos infelicissimos judicarem, si non eorum malitiam sal-

tem

tem mors extrema finiret. SEVERINUS BOETHIUS *Libro IV. de Consolatione Philosophiæ, prosa 4.*

Quis ille pavor erit, o anima, cum dimissis omnibus, quorum tibi est tam jucunda præsentia, tam gratus aspectus, cohabitatio ipsa tam familiaris, sola ingredieris incognitam penitus regionem occurrentia tibi catervatim ruere teterrima illa monstra videbis? Quis tibi in die tantæ necessitatis occurret? quis tuebitur a rugientibus præparatis ad escam? quis consolabitur? quis deducet? Filioli mei! memoremur novissima nostra, ne peccemus. S. BERNARDUS *Sermone de eo, quod legitur in Job: In sex tribulationibus.*

CAPUT II.

Fontes.

S. CYPRIANUS *Libro de Mortalitate* egregie demit timorem mortis.

S. ATHANASIUS *in vita S. Antonii*, quam salutaris memoria mortis.

S. EPHRÆM *Sermone supra laudato*, atque aliis compluribus.

S. BASILIUS *oratione egregia de Morte, vulgata a Gerardo Vossio, inter opera divi Ephræm. Idem in admonitione ad filium spirituales de præparatione non differenda.*

S. GRÆGORIUS NYSSENUS *oratione magna Catechetica cap. 8.* mortem esse inigne beneficium Dei. Item in *Dialogo cum Macrina*, cujus huc plurima faciunt.

S. AMBROSIIUS *Libro de bono mortis. Libro de obitu Fratris Satyri. Libro de fide resurrectionis &c.*

S. CHRYSOSTOMUS *Sermonibus duobus de consolatione mortis, Tomo VI. Montfauconi.*

Epistolis aliquot ad Olympiadem.

Homilia in Psalmum 110. Encomium mortis.

S. CHRYS-

S. CHRYSOSTOMUS *homilia in Psalmum 114. tollit mortis metum.*

Homilia 54. in Matthæum, de angoribus, & solatio in morte.

Homilia 3. in ad Philippenses, de metu mortis.

Homilia 9. in I. ad Theſſalonicenſes, cur tempus mortis occultum?

Homilia 5. ad populum idem præſtat, & præclare.

Homilia de S. Dorothea, nil intereſſe, ubi moriamur. &c. &c.

S. HIERONYMUS *in Epitaphiis pluribus præclara prorsus animadvertit de morte: item Epistola 140. alias 39. varia habet.*

S. AUGUSTINUS *Traſtatu 43. in Evangelium Joannis, frustra timeri mortem.*

Traſtatu 9. in epistolam Joannis, non debere timeri mortem.

Libro de disciplina Chriſtiana, vel de domo diſciplinæ, capitibus 11. & 12. rursus de metu mortis, & egregie quidem.

Libro I. de Civitate cap. 11. de genere mortis.

Vide etiam Libri XIII. de eadem civitate quædam capita.

Concione 1. in Psalmum 48. de morte infelici divitum sæculi.

Expositione in Psalmum 109. in fine, de aliis atque aliis in mundum venientibus, & e mundo abeuntibus.

Libro II. de peccatorum meritis & remissione cap. 31. cur Deus credentes non exemerit a poena mortis?

Epistola 45. nunc 127. ad Armentarium & Paulinam de fuga mortis.

In speculo peccatoris fuſius de angustiis morientium, ubi & præparationem urget ad felicem mortem.

In consolatione mortis Tomo VI. Maurino, a pagina 25.

Adde *Sermonem* 279. alias 24. ex *Sirmondianis* de frustraneo timore mortis, quasi evitari ea posset. Et

Sermonem 361. alias 120. de *diversis*, ubi insignia quædam suppeditat.

S. CYRILLUS ALEXANDRINUS *oratione de excessu animæ*, ubi multa de hoc nostro argumento.

S. EUCHERIUS *Parænesi jam laudata*, mortem timeri minime oportere. Item *homiliis* 1. & 3. ad *Monachos*, de angustiis morientium.

S. JOANNES CLIMACUS *gradu* 6. de *memoria mortis*.

S. GREGORIUS M. *Libro XXIV. Moralium cap. 11.* de angoribus in morte. Pulchra etiam habet *homilia* 13. in *Evangelia*.

S. ISIDORUS HISPALENSIS *Libro III. Sententiarum cap. 66.*

S. THEODORUS STUDITA sæpissime agit de morte in *sermonibus suis catecheticis*.

S. PETRUS DAMIANI *opusculo* 50. *cap. 6.* de angustiis morientium.

S. RUPERTUS TUITIENSIS *de Meditatione mortis, Libris duobus*.

S. ANSELMUS in *admonitione moribundi Parte I. operum, ad calcem*.

HUGO A S. VICTORE *Traçtatu de morientibus, & alio de statu futuri sæculi*.

S. BERNARDUS *Sermone* 12. de *diversis, de primordiis, mediis & novissimis nostris. Sermone* 26. in *cantica*, ubi plurima huc spectantia. Adde *vitam S. Malachiæ*, ubi mortem viri sancti elegantissime describit.

DEMETRIUS CYDONIUS *oratione de contemnenda morte*.

S. BER-

S. BERNARDINUS SENENSIS *Tomo I. de religione christiana, sermonibus* 12. & 13.

S. LAURENTIUS JUSTINIANUS *in Ligno vitæ, Libro de humilitate cap.* 4.

A P P E N D I X.

Atque hæc de morte generatim; nunc ad ea, quæ mortem sequuntur, transeamus, *Cadaver* videlicet, *sepulchrum*, *sacra funebria* &c.

LACTANTIUS *de sepultura peregrinorum Libro VI. Institutionum divinarum cap.* 12. ita monet: Non patiamur figuram, & figmentum Dei feris, ac volucribus in prædam jacere; sed reddamus id terræ unde ortum est, & quamvis in homine ignoto necessariorum munus implebimus; in quorum locum quia defunt, succedat humanitas, & ubicunque homo desiderabitur, ibi exigi officium nostrum putabimus.

Nisi mors fratris tui ad sanio rem te mentem reduxerit, nullus te juvare poterit. Nisi, dum mortuum cernis, resipiscas, quando tandem converteris? S. EPHRÆM *Sermone in eos, qui in Christo obdormierunt.*

Idem vir sanctus sermone eodem, quomodo non verbis, sed rebus ipsis e sepulchro nobis defuncti loquantur: Hic qui vestros ante oculos in sepulchro cernitur pulvis, iste quem conspicitis, cinis, hic fœtor, ista putrefacta ossa, immundi hi vermes corpora sunt illorum adolescentulorum, & puellarum, quos concupiscebatis olim . . . Hæc putredo illa est facies, quam dies, noctesque inexplebili voluptate deosculabamini. Hæc tabes, & fluxio immunda illa est caro, inter cujus complexus peccabatis. Ideo videte, & plane credite, qui adhuc carne in vita vana versamini, certoque scitote quod dum in lecto inter complexus vestrarum conjugum, puellarum-

larumque jacetis vos cinerem, lutumque tunc complecti. Scitote inquam, dum cunctis earum membris circumfundimini, vos tunc foetorem & putredinem amplecti. Discite quando earum amore, ac desiderio adeo flagratis, vos tunc vermes, & cinerem, tetrumque odorem concupiscere. Nolite seduci o Juvenes, & juvenulæ insipientes, nolite decipi in vana juventutis pulchritudine; nam & nos, qui vestros ante oculos putridi jacemus mortui, in vita olim sicut vos apparuimus, & accurate ornati odoramentisque inuncti fuimus, atque in bonis dies nostros duximus: & ecce, ut videtis in cœnum ac cinerem, & pulverem, foetoremque gravem universa illa jam reciderunt.

Hoc illi (Tobiæ) quotidianum opus, & magnum quidem. Nam si viventes operire nudos lex præcepit, quanto magis debemus operire defunctos? Si viantes ad longiora deducere solemus, quanto magis in illam æternam domum profectos, unde jam non revertantur? S. AMBROSIIUS *Libro de Tobia cap. 1.*

Nihil hoc officio præstantius ei conferre, qui tibi jam non possit reddere: vindicare a bestiis consortem naturæ. Fera hanc humanitatem defunctis corporibus detulisse produntur: homines denegabunt? *Idem ibidem.*

Quousque extenditis divites insanas cupiditates? numquid soli habitabitis super terram? cur ejicitis consortem naturæ, & vendicatis possessionem? in commune omnibus divitibus atque pauperibus terra fundata est: cur vobis jus proprium soli divites arrogatis? Nescit natura divites, quæ omnes pauperes generat. Neque enim cum vestimentis nascimur, nec cum auro, argentoque generamur. Nudos fudit in lucem, egentes cibo, amictu, poculo: nudos recipit terra quos edidit. Nescit fines possessionum sepulchro includere. Cespes angustus æque

æque & pauperi abundat & diviti, & terra quæ viventis non cepit affectum, totum jam divitem capit. Nescit ergo natura discernere quando nascimur, nescit quando deficiamus, omnes similes creat, omnes simili claudit gremio sepulchri. *Idem Libro de Nabuth cap. 1.*

Quis discernat species mortuorum? redoperi terram, & si potes divitem deprehende. Erudrato sepulchrum, & si cognoscis egentem argue. Nisi forte hoc solum, quod cum divite plura pereunt. Sericæ vestes, & auro intexta velamina, quibus divitis corpus ambitur, damna viventium, non subsidia defunctorum sunt. *Idem ibidem.*

Rursum de corpore Achab insepulto: Quam justa, quam severa sententia, ut quam intulit alteri mortis acerbitem, eam ipse mortis suæ horrore dissolvere proderetur! Inhumatum pauperem Deus aspicit, & ideo insepultum divitem jacere decernit, ut & mortuus luat suæ iniquitatis ærumnam, qui nec mortuo putavit parcendum. Itaque vulneris sui cruore perfusum cadaver specie funeris vitæ suæ prodidit crudelitatem. *Idem cap. 11. ejusdem libri.*

Abstine ab infano funerum sumptu. Quid sibi vult enim illa superflua, insanaque impensa quæ lugentibus multum affert detrimenti, defuncto nihil lucri; imo si vere dicatur, multum damni? sepulturæ namque magnificentia in causa sæpe fuit ut fures corpus nudum & insepultum projicerent. Sed o inanem gloriam! quantam illa in luctu tyrannidem quantam insaniam ostendit? multi enim ne id accadat tenuia scindunt linteamina & aromatibus impleta multis ut duplici ratione furibus sint inutilia, sic terræ mandant. An non hæc furentium, an non insanorum sunt, ambitionem præ se ferre & rursum illam tollere? Etiam inquirunt, ut in tuto sint penes defunctum hæc omnia machinamur. Quid ergo si fures non auferant, an non

vermes & tineæ auferent? Quid vero si parcant ei vermes & tineæ, an non tempus & sanies perdent? Ponamus autem ut nec vermes nec tineæ, non tempus, nec quidpiam aliud hæc consumat, sed corpus ad usque resurrectionem intactum maneat, & hæc omnia nova & minuta serventur, quid amplius inde defunctis, quando corpus nudum suscitabitur, illa vero in sepulchro manebunt, nihilque nos iuvabunt ad rationem reddendam? S. CHRYSOSTOMUS *homilia 84. in Joannem.*

Quid superbit terra, & cinis? quid inflaris homo? quid arrogans es? quid speras ex gloria mundi & divitiis? Egrediamur ad sepulchra obsecro, videamus ibi mysteria, videamus discerptam naturam, ossa corrosa, corpora putrefacta. Si sapiens es considera, si prudens, dic mihi, quis illic rex, & quis privatus? quis nobilis, & quis servus? quis sapiens, & quis insipiens? ubi pulchritudo illic adolescentiæ? ubi graciosus aspectus? ubi oculi speciosi? ubi elegans nasus? ubi ignita labia? ubi pulchritudo genarum? ubi frons irradians? Nonne omnia cinis? nonne omnia pulvis? nonne omnia favilla? nonne omnia vermis? nonne omnia putredo, & foetor? Hæc animo versantes, dum tempus habemus, convertamur a via nostra, quâ erramus. *Idem homilia 9. de Pœnitentia, Tomo II. Montfauconi.*

S. HIERONYMUS *in caput 27. Matthæi, invehens in ambitionem quorundam divitum:* Nec in tumultis quidem, ait, possunt carere divitiis! *Et in vita S. Pauli Eremitæ, ad finem:* Parcite saltem divitiis quas amatis. Cur ambitio inter luctus, lachrymasque non cessat? an cadavera divitum nisi in serico putrescere nesciunt?

Mortuus est ille dives, & tale illi funus factum est. Ecce quo se converterunt homines. -- Non attendunt quam malam vitam habuerit, cum viveret,

ret,

ret, sed quam pompam cum moreretur. S. AUGUSTINUS *Concione 1. in Psalmum 48.*

Sacra corpora funeris honore privantes ignibus dabant, & post hominum mortes contra ipsam pugnant humanitatem. Cum jam causa periisset furoris, finem non imponebant crudelitati. Quam confusa dementia! quibus cœlum aquirebant, his terram negabant! Sed tamen vellent nollent beatitudinis eorum testes erant, quibus etiam mortuis invidebant. EUSEBIUS GALLICANUS *homilia de S. Blandina.*

Age frater, quid est caro ista, quam videlicet tam diligenti cura vestibus contegis, & tanquam regiam sobolem molliter nutris? Nonne massa putredinis? nonne vermis, pulvis, ac cinis? Nec ista quæ nunc est a sapiente viro attenditur; sed potius dignum est, ut sanies, virus, foetor, & obscenæ corruptionis illuvies, quæ postmodum futura est, perpendatur. Quas ergo gratias tibi referent vermes, qui voraturi sunt carnes, quas molliter, & suaviter enutristi! S. PETRUS DAMIANI *Opusculo 42. cap. 6.*

Quid sit caro, doceat ipsa caro, quodque perhibet mortua, testetur & viva. *Idem Libro VII. epist. 19. ad Blancam Comitissam.*

Quò fine claudatur hominis caro insinuant ipsa sepulchra ossibus plena, foetoribus intolerabilia, vermibus referta. Nam post hominem vermis de ea generatur, post vermem foetor, & horror exhalat, sicque in non hominem vertitur omnis homo. Igitur o sæculi amatores, o carnis concupiscentiarum fautores, cum fæx, cum limus, cum res vilissima simus, unde superbimus? Quare corporis nostri miseriam non consideramus? O mira fatuitas! o dedignanda vanitas cordis nostri! cujus cervicosos motus omnino domare non potest humilitatis tanta memoria, quin adhuc superbiat pulvis, &

cinis. S. LAURENTIUS JUSTINIANUS in *Ligno Vita*, *Libro de Humilitate cap. 4.*

Alia præterea & magno numero dabunt ORIGENES *Libro V. & VIII. contra Celsum.*

LACTANTIUS loco citato.

S. EPHREM *Sermone in eos, qui in Christo obdormierunt, jam laudato.*

S. BASILIUS *homilia 3. in illud: Attende tibi ipsi: Homilia 21. Quod rebus mundanis adhærendum non sit: Homilia in Psalmum 115.*

S. GREGORIUS NAZIANZENSUS *Carminibus Jambico 16. in sepulchrorum efflores.*

S. GREGORIUS NYSSENUS *Oratione in Meletium, & oratione in Placillam, de deductionibus funerum eleganter.*

S. AMBROSIIUS *Libro VI. Hexaëmeron, de cadaveribus.*

S. CHRYSOSTOMUS *Sermone de fide, & lege natura, doctrina sepulchrorum.*

Homilia de S. Babyla, de honestate sepulturæ.

Epistola 3. ad Olympiadem, pulcherrime, quæ sit perturbatio, quis moeror, quis planctus in domo, ubi recens defunctus jacet.

Homilia 35. in Matthæum, necessitas corruptionis cadaverum.

Idem non semel in efflores sepulchrorum invehitur, cum agit de avaritia.

SEVERUS SULTITIUS *Epistola ad Bassulam socium, de funere S. Martini, præclara.*

S. HIERONYMUS *Epistola 77. alias 30. ad Oceanum, de funere Fabiolæ.*

S. AUGUSTINUS *Libro de cura pro mortuis.*

Libro I. de Civitate, capitibus 12. & 13. de curandis defunctorum corporibus.

Concione 1. & 2. in Psalmum 48.

Sermone 172. alias 32. de verbis Apostoli. Agit de sumptu funebri.

Ser-

Sermone 173. alias 33. de verbis Apostoli.

S. ISIDORUS PELUSIOTA de effossoribus sepulchrorum, laudatus Titulo: *de Avaritia.*

S. CHRYSOLOGUS *Sermone 121. initio, præclare de pompa funerum.*

S. GREGORIUS TURONENSIS de funere S. Rade-
gundis. Locum dedi Libro primo Dissertatione
de Delectu Patrum.

S. ANDREAS CRETENSIS *Oratione de vita huma-
na, & defunctis.*

S. PETRUS DAMIANI *Libello de Congregationis
sue institutis cap. 23. Doctrinam sepulchrorum vi-
tiis omnibus mederi.*

S. ANSELMUS *Meditatione I. §. 11. de corpore post
animæ discessum: & §. 12. de anima a corpore sepa-
rata.*

PETRUS CLUNIACENSIS *Libro II. epistola 17. de
sepultura præclare.*

Adde Titulos: *Caro. Forma &c.*

Pro Epitaphiis & concionibus funebribus lege
*Philonem Libro de Joseph, ubi de morte ipsius si-
mulata. S. Ephræm Sermonibus duobus in Patres
defunctos, Tomo I. novo. S. Gregorium Nazianze-
num Orationibus 10. 11. 18. 19. Et Epitaphio Basi-
lii, ad finem Tomi II. S. Gregorium Nyssenum Ora-
tionibus in laudem S. Basilii fratris sui: in laudem S.
Meletii Antiocheni: in funere Pulcheriæ. Et in funere
Placillæ. S. Ambrosium Orationibus in obitu fratris,
de exitu Theodosii &c. Idem Libro II. de Abel &
Cain docet jacturam, quam subit respublica in
morte proborum. Eusebium Gallicanum Sermoni-
bus quibusdam funebribus. S. Andreæ Cretensem
Oratione de vita humana, atque defunctis. S. Ber-
nardum Sermone in Depositione Humberti. Et Ser-
mone 26. in Cantica &c. &c.*



TITULUS XXXI.

De *Mundo*; tam phyfico, quam morali sensu.

CAPUT I.

Loci. *

S. CYPRIANUS *adhortans suos, ut ne sive alienam mortem lugerent, sive propriam formidarent: Quod cum temper, inquit, faciendum fuerit Dei servis, nunc fieri multo magis debet, corridente jam mundo, & malorum instantium turbinibus oblesso; ut qui cernimus coepisse jam gravia, & scimus imminere graviora lucrum maximum computemus, si istinc velocius recedamus. Si in habitaculo tuo parietes vetustate nutarent, tecta desuper tremarent, domus jam fatigata, jam lassâ, ædificiis senectute labentibus ruinam proximam minaretur: nonne omni celeritate migrares? Si navigante te turbida & procellosa tempestas fluctibus violentius excitatis prænuntiaret futura naufragia, nonne portum velociter peteres? Mundus ecce nutat, & labitur, & ruinam sui non jam senectute rerum, sed sine testatur: & tu non Deo gratias agis, non tibi gratularis, quod exitu maturiore substractus ruinis, & naufragiis, & plagis imminetibus exuaris? *Ad finem Libri de Mortalitate.**

Ac mihi hæc quoque causa esse videtur, cur nullum hujusce vitæ bonum hominibus certum sit, ac diuturnum: atque hoc ut si quid aliud recte ab artifice Verbo, & sapientia illa mentem omnem superante factum esse; ut nos in iis quæ in aspectum cadunt atque alias aliter mutantur & mutant,

ac

* Hos locos colligebat auctor Anno 1771. & 1772. dum fames, & inopia undique premunt, & funera perpetua ob oculos versantur.

ac sursum deorsumque feruntur, & invertuntur, ac priusquam manu teneantur fuga se proripiunt, eludamur. Nimirum ut perspecta eorum instabilitate, ac varietate ad futuræ vitæ portum contendamus. Quid enim fecissemus, si prosperitas nobis firma, & perpetua esset, cum, licet fluxa & fragilis sit, usque eo tamen ipsi tanquam vinculis quibusdam adstricti simus, ejusque voluptate, atque impostura in hanc servitutem redacti, ut nihil præsentibus rebus melius, atque excellentius cogitare possimus? S. GREGORIUS NAZIANZENUS *Oratione 16. in medio.*

Fuge sæculi mare, & naufragium non timebis. In mari servantibus ventis etsi non omnium naufragium omnium tamen periculum est. S. AMBROSIIUS *Libro IV. in caput 4. Lucæ.*

Vide quæso ut hominum res mare imitantur: ut perturbatione illa vita hæc nostra implicatur: ut sæpius quam aqua in terra tempestate jactamur: ut vehementius inter nos quam venti collidimur: ut pecuniæ quasi procellæ nos inter nos committunt, & quasi in tempestate maris huc atque illuc impellimur. Hic illius agrum usurpat: alius cujusdam servos abduxit. Atque hic de aqua vicinum in judicium adducit: ille cum cive de aëre contendit. Hi propter terræ mensuram concertant: illi inter se de ædificandi ratione digladiantur. Hic ea, quæ non dedit, ut accipiat impetum facit: ille quæ accepit ne reddat in judicio contendit. Hic usuris non satiatur: ille sorte etiam privare contendit. Hic cum est inops molestia afficitur: ille rerum omnium copia abundans tumultuatur. Qui nihil habet probris afficitur: qui habet insidiis appetitur. Qui magistratus gerit livorem excitat: qui potestate præditus est odio habetur: Qui in imperio est, armatur. Bella frequentia sunt: invidia alia ex alia incidit: insatiabilis cupiditas dominatur: avaritia regnat,

regnat, mendacium summis laudibus effertur: mutua fides exulat: veritas terram deseruit: amicitia mense definitur. Alii vim suam (his malis medendi) perdiderunt. Terra jam mala ferre non potest: aër usque ad ipsum æthera contaminatus est. S. CHRYSOSTOMUS, *aut quisquis est auctor homilice in illud Psalmi 38.* Verumtamen frustra conturbatur omnis homo vivens.

Dominus scit cogitationes hominum, quoniam vanæ sunt. Legimus in Poëta sæculari: *O curas hominum! o quantum est in rebus inane!* Et gentiles, & Philosophi istum versiculum ad coelum levant. Et quid dicunt? Nihil potuit prudentius dici. Ecce rusticanus noster hebræus ante tanta sæcula hoc locutus est. Et quid dicit? *Dominus scit cogitationes hominum, quoniam vanæ sunt.* Pater & mater nutriunt filium, promittunt sibi de illo felicitatem, mittunt ad studia, erudiunt. Venit usque ad adulescentiam, disponunt ut etiam militet. Cum omnia cogitaverint per annos triginta, una febricula venit, & tollit omnes cogitationes. S. HIERONYMUS in *Psalmum 93.*

Si vana sæculi hujus inexperta concupisti, experta contemnas. S. AUGUSTINUS *Epistola 203. alias 82. ad Largum.*

In hoc mundo non timere, non dolere, non laborare, non periclitari impossibile est. Sed plurimum interest qua causa, qua expectatione, quo termino ista quisque patiat. Ego quidem cum amatores sæculi hujus intueor, nescio quando possit esse ad eorum animos sanandos opportuna sapientia. Quando enim res velut prosperas habent, fastu respuunt salubres monitus, & quasi anilem reputant cantilenam: quando autem in adversis agunt, magis cogitant evadere unde ad præsens anguntur, quam capere unde curentur, & unde perveniant, ubi angere omnino non possint. Aliquando
tamen

tamen quidam cordis aures admovent, atque adhibent veritati, rarius inter prospera, crebrius inter adversa. Sed tamen pauci sunt; ita enim prædicti sunt: inter quos te esse cupio, quia veraciter diligo. *Idem ead. Epistola.*

O infelicitas generis humani! amarus est mundus, & diligitur. Puta si dulcis esset, qualiter amaretur. *Idem sermone 298. alias 111. Appendicis, de Tempore. Et sermone 38. alias 245. de Tempore.* Ecce turbatur mundus, & amatur mundus! Quid si tranquillûs esset mundus? formoso quomodo hæreret, qui sic amplecteris fœdum? Flores ejus quomodo colligeret, qui ab spinis non revocas manum?

Non vis relinquere mundum? relinquit te mundus, etsi * sequeris mundum. *Idem ibidem.*

Nisi forte adhuc mundus amandus est tanta rerum labe contritus, ut etiam speciem seductionis amiserit. Nam quantum illi laudandi atque prædicandi, qui dignati non sunt etiam cum mundo florente florere, tantum increpandi, & accusandi sunt, quos perire cum pereunte delectat. *Idem Epistola 127. alias 45. ad Armentarium & Paulinam.*

Omnia illa, quæ hic erant magna, modo jam nulla sunt. S. EUCHERIUS in *Parænesi ad Valerianum, ante medium.*

Quidquid est, illarum rerum facies adumbratis quondam nitoribus exposita jam obsolevit, omnisque fucatus splendor intercidit. Vix jam habet mundus, ut fallat. Periit imago illa rerum ad decipiendum usque decora. Prius nos seducere vero cogitabat fulgore, nec poterat: prope jam non valet & ipsa nos falsa ostentatione corrumpere. Solidis bonis carebat, ecce deficit etiam caducis. Non hunc aut ad tempus speciosa ornant, aut im-

poste-

* Ita loco & testibus Maurin's legit M. S. Codex S. Victorinus.

posterum mansura confirmant. Nisi nosmet ipsi decipimus, pæne mundus decipere nos non potest. *Idem ibidem, post medium.*

Quo magis est in hoc non jam dicam sæculi exitu, sed vel in hoc rerum ejus defectu hominum miseranda conditio, qui sibi nec futurorum spem gaudiorum reponunt, cum jucunditate præsentium non fruuntur. Voluptatem vitæ brevioris non capiunt; perpetuæ sperare non possunt. Bonis temporalibus non utuntur; non utentur æternis. Hic rei parum; illic spei nihil. Dolendus prorsus atque miserandus hominis status iste est, nisi forte faciat de acerbissima conditione congruam necessitatem, nisi ob hoc ipsum ad potiora utilitatis suæ remedia se corrigat, contendatque ad illa salubrioris vota consilii; præsertim cum ita dilacerata præsentis temporis res sit, ut qui unius futuri sæculi commodum perdit, utriusque perdiderit. *Idem ibidem.*

Ecce mundus, qui diligitur fugit. Sancti isti ad quorum tumbam consistimus, florentem mundum mentis despectu calcaverunt. Erat tunc vita longa, salus continua, opulentia in rebus, foecunditas in propagine, tranquillitas in diuturna pace, & tamen cum in se ipso floreret, jam in eorum cordibus mundus aruerat. Ecce jam mundus in se ipso aruit, & adhuc in cordibus nostris floret! ubique mors, ubique luctus, ubique desolatio. Undique percutimur, undique amaritudinibus replemur, & tamen cæca mente carnalis concupiscentiæ ipsas ejus amaritudines amamus, fugientem sequimur, labenti inhæremus. Et qui labentem retinere non possumus, cum ipso labimur, quem cadentem tenemus. Aliquando nos mundus delectatione retraxit a Deo, nunc tantis plagis plenus est, ut ipse nos jam mundus mittat ad Deum. S. GREGORIUS M. *homilia 28. in Evangelia.*

Infelices filii Adam omiſſis veris, & ſalutaribus ſtudiis caduca potius & tranſitoria quærent. Quibus aſſimilabimus homines generationis hujus: aut quibus comparabimus illos, quos videmus a terrenis, & corporalibus conſolationibus avelli, ſepararique non poſſe? Profecto ſimiles ſunt his, qui ſubmerſi periclitantur in aquis. Nimirum videas eos tenentes tenere, nec ulla ratione deferere quod primum occurrerit manibus, quidquid ſit illud; licet tale ſit aliquid quod omnino prodeſſe non poſſit, ut ſunt radices herbarum, cæteraque ſimilia. Nam & ſi qui ad eos forte veniant ut ſubveniant, nunquam ſolent apprehenſos involvere ſecum; adeo ut jam nec ſibi nec illis auxilium ferre prævaleant. Sic pereunt miſeri, dum peritura ſectantes amittunt ſolida, quibus apprehenſis emergere, & ſalvare poſſent animas ſuas. S. BERNARDUS *Sermone 1. de Adventu Domini.*

Si ſapis, ſi habes cor, ſi tecum eſt lumen oculorum tuorum, define jam ea ſequi quæ & aſſequi miſerum eſt. Beatus qui poſt illa non abiit, quæ poſſeſſa onerant, amata inquinant, amiſſa cruciant. An non ea ſatius cum honore ſpernis, quam cum dolore perdis? an non ea prudentius Chriſti cedis amori, quam morti? Eſt in inſidiis prædo, cujus manibus nec te, nec tua potes ſubducere. Non poterit prævideri, quia tanquam fur in nocte ita veniet. Nihil intuliſti in hunc mundum, haud dubium quin nec quidquam auferes. Dormies ſomnum tuum, & nihil invenies in manibus tuis. Sed noſti hæc, non eſt in docendo te ſuperflue laborandum, orandum potius, ut quod tibi jam noſſe datum eſt, detur & implere prout oportet. *Idem Epistoſta 103. ad quemdam non nominatum.*

CAPUT II.

Fontes.

TERTULLIANUS *ad Martyras*, carcerem esse mundum.

S. CYPRIANUS *Epistola 2. ad Donatum*, & *Libro ad Demetrianum*.

S. BASILIUS M. *Epistola 1. nunc 2. ad Gregorium Theologum*, de turbis mundi. Item *homilia 3. in: Attende tibi ipsi. Et homilia 21. quod rebus mundanis adhærendum non sit.*

S. GREGORIUS NAZIANZENUS *carminibus plurimis*, quibus fallaciam, ingratitude, & laqueos mundi deplorat.

S. GREGORIUS NYSSENUS *Dialogo cum Macrina, & homiliis octo in Ecclesiasten.*

S. AMBROSIIUS *Libro de fuga sæculi, & Libro de bono mortis.*

S. CHYSOSTOMUS *homilia in Eutropium.*

Libro, quod nemo læditur, nisi a se ipso.

Homilia 1. in Genesin, in fine.

Homilia citata in illud Psalmi 38. Verumtamen frustra conturbatur.

Homilia 24. in Matthæum, de nugis mundi.

Homilia 7. in Joannem.

Homilia 15. in ad Philipenses, de miseria vel felicissimorum hujus mundi.

Homilia 1. in I. ad Timotheum, ubi egregie in vanitatem bonorum mundi. &c. &c.

S. HIERONYMUS in *Epistolis paræneticis* compluribus, uti 43. alias 18. *ad Marcellam*, ubi etiam ad vivum depingit Nobilium mundanorum vitam. Idem in *cap. 14. Esaiæ* de ruina mundi, sub figura Babylonis. Item *Epistola 14. alias 1. ad Heliodorum*, de mundi periculis. Et in *caput 1. v. 4. Epistolæ ad Galatas*, quo sensu mundus sit malus. Varia quoque huc affert in *caput 7. Michææ.*

S. Au-

S. AUGUSTINUS *Epistola* 26. alias 39. ad Licentium.

Libro XXII. de civitate, capitibus 22. & 23. præclare.

Expositione Psalmi 109. sub finem, de præterlabentibus rebus mundi ad instar fluminis.

Quod & affert *Enarratione in Psalmum* 65. *Libro supposito de contemptu mundi, atque etiam de vanitate sæculi.*

Sermone 311. alias 115. de diversis, egregie prorsus de mundi amaritudine.

Denique in *Libris contra Donatistas* passim de permixtione, separationeque bonorum & malorum in isto mundo.

S. EUCHERIUS *Parænesi ad Valerianum*, quæ ipso titulo præfert *Contemptum mundi*.

SALVIANUS *Libro* 3. de gubernatione Dei, sub finem.

SEVERINUS BOETHIUS de *Consolatione Philosophiæ*, passim.

S. JOANNES CLIMACUS gradu 1.

S. GREGORIUS M. *Pastoralis curæ* III. Parte cap. 27. Et homilia 1. in *Evangelia*.

S. ISIDORUS HISPALENSIS de contemptu mundi, si tamen illius est hic libellus.

S. ANTIOCHUS homilia 15. de amore mundi.

S. JOANNES DAMASCENUS in *Paralellis* varia de mundi vanitate & inconstantia affert pluribus in locis.

S. ANSELMUS *Libro* I. *Epistola* 8. de odio mundi. Item *Meditatione* VII. Quod nihil stabile est in mundo.

HUGO A S. VICTORE *Libris quatuor de vanitate mundi, Tomo* II.

S. BERNARDUS in *Declamationibus*, quæ olim de contemptu mundi inscribebantur.

De conversione ad Clericos.

Vol. VII.

T

Sermone

Sermone 7. in Quadragesima, quid sit in mundo peregrinari, mundo mori, mundo crucigi.

Sermone 15. de diversis, initio, hortatur exire e mundo.

Epistolis compluribus, eisque egregiis, quibus inducit ad relinquendum, spernendumve mundum, præsertim inde a 103.

INNOCENTIUS III. *Tractatu de contemptu mundi*, quem P. Ludovicus Bourdaloüe concione 2. Partis III. excellentem appellat.

S. BERNARDINUS SENENSIS *Tomo III. sermone 23. de amore mundi.*

S. LAURENTIUS JUSTINIANUS *Opusculo de contemptu mundi, capitibus ultimis.*

Multa alia dant Tituli: *Vita humana*: (qui cum isto fere idem est) *Solitudo. Tempus. Tentatio. Abusus. Finis hominis. Electio status*, & similes.

S. PETRUS DAMIANI *Opusculo 12. quod est apologeticon de contemptu sæculi.*

A P P E N D I X.

De Mundo, sensu naturali.

Quod colimus nos, Deus unus est, qui totam molem istam cum omni instrumento elementorum, corporum, spirituum, verbo quo iussit, ratione qua disposuit, virtute qua potuit, de nihilo expressit in ornamentum majestatis suæ; unde & Græci nomen κόσμον accommodaverunt. TERTULLIANUS *Apologetici cap. 17.*

Deus est: & post eum nos, ab ipso facti, per omnia Deo similes. Nobis omnia subjecta sunt, terra, aqua, ær, astra omnia, propter nos creata, ut nobis serviant. ORIGENES *Libro 4. contra Celsum, ante medium. Et paulo inferius.* En! totam hanc

hanc mundi machinam, coelestesque cursus Deus propter nos potissimum fabricatus est.

Non ullo pacto potest humanis opinionibus substantia Naturæ comprehendi, quam nemo novit, nisi ipse solus, qui fecit. S. ZENO *Sermone 2. de Genesi.*

S. BASILIUS *Clausula homiliae 1. in Hexameron.* Artifici optimo pro his quæ sapienter & industrie peracta sunt gloriam demus, & ex pulchritudine eorum quæ videntur eam qui omnem pulchritudinem superat mente concipiamus: & ex magnitudine sensibilibus horum & circumscriptorum corporum illum qui infinitus est & immensus, quique omnem præ potentia suæ multitudine cogitationem exsuperat, intelligamus. Etsi enim eorum quæ facta sunt naturam ignoramus: at certe quidquid omni ex parte sub nostros sensus cadit tantum præ se fert admirationis, ut vel acutissima mens impar esse comperiat quæ aut minimum quid eorum quæ in mundo sunt pro rei dignitate explicet, aut dubiam laudem rependat Creatori, cui omnis gloria honor, & imperium in sæcula sæculorum, Amen.

Mundus vere est ut appellatur & incomparabilis pulchritudo, nec aliquod unquam opus quod quidem materia constet, illustrius, aut magnificentius excogitari potest. S. GREGORIUS NAZIANZENSIS *Oratione 12.*

S. Ambrosius vel de solo aspectu imæ portionis mundi in admirationem datus: Quid enim inquit pleno agro pulchrius, cum seges fluctuat, cum poma irrutilant, vel cum uvarum ferta dependent, aut baccis onusta olea curvescit, vel viridanti gramine montium vertex, vallium humilia vestiuntur? *Libro de Isaac, & anima cap. 7.*

Præstantissime CHRYSOSTOMUS *homilia 10. ad populum: Præterea mente mihi prata percurrere, hortos,*

tos, florum genera, herbas omnes, & earum usus, suaveolentiam, figuras, situm, nomina tantum arbores fructuosas & infructuosas, metallorum naturam, animalium terrestrium, marinorum, natatiliam, per aërem meantium: montes, saltus, lucos, inferius pratum, superius pratum (est enim in terra pratum, & in cœlo pratum) siderum varii flores, inferius rosæ, superius iris. Vis & in avibus tibi pratum demonstrem? Considera pavonis corpus varium, & omnem excedens tincturam: purpurantesque aviculas. Cogita mihi cœli pulchritudinem, quantum temporis agit nec offuscaturum est, sed velut hodie fabricatum ita est nitens & splendidum; terræ uterum tantum tempus pariens quomodo non hebetavit virtutem suam. Cogita mihi fontes quomodo scaturiunt, & non defecerunt, ex quo facti sunt jugiter manantes diebus & noctibus. Cogita mare, quot flumina suspiciens mensuram non excessit! Sed quousque incomprehensibilia sectemur? in memoratorum singulis dicere par est: *Quam magnificata sunt opera tua, Domine! omnia in sapientia fecisti.*

Considerate lilia agri, quomodo crescunt, non laborant, neque nent. Dico autem vobis quoniam nec Salomon in omni gloria sua coopertus est, sicut unum ex istis: Et revera quod sericum, quæ regum purpura, quæ pictura textricum potest floribus comparari? Quid ita rubet ut rosa? quid ita candet ut lilium? Violæ vero purpuram nullo superari murice oculorum magis quam sermonis iudicium est. S. HIERONYMUS in cap. 6. Matthæi.

Mundus ipse ordinatissima sua mutabilitate & mobilitate & visibilium omnium pulcherrima specie quodammodo tacitus & factum se esse, & non nisi a Deo ineffabiliter atque invisibiliter magno & ineffabiliter & invisibiliter pulchro fieri se potuisse
pro-

proclamat. S. AUGUSTINUS *Libro XI. de Civitate cap. 4.*

Jam cetera pulchritudo quam & utilitas creaturæ, quæ homini licet in istos labores miserasque projecto atque damnato spectanda, atque sumenda divina largitate concessa est, quo sermone potest terminari? in coeli & terræ, & maris multimoda & varia pulchritudine, in ipsius lucis tanta copia, tamque mirabili specie, in sole ac luna, & sideribus, in opacitatibus nemorum, in coloribus & odoribus florum, in diversitate ac multitudine volucrum garrularum atque pictarum multiformi specie tot tantorumque animantium, quorum illa plus habent admirationis, quæ molis minimum (plus enim formicularum, & apicularum opera stupemus, quam immensa corpora balænarum) in ipsius quoque mari: tam grandi spectaculo, cum sese diversis coloribus induit velut vestibus & aliquando viride, atque hoc multis modis, aliquando purpureum, aliquando cæruleum est? Quam porro delectabiliter spectatur etiam quodcumque turbatur, & fit inde major suavitas, cum sic demulcet intuentem, ut non jactet & quatiat navigantem. Quid ciborum usquequaque copia contra famem? Quid saporum diversitas contra fastidium naturæ diffusa divinitus, non cocorum arte ac labore quaesita? quanta in tam multis rebus tuendæ, ac recuperandæ salutis auxilia? quam grata vicissitudo diei alternantis, & noctis, aurarumque blanda temperies? In fruticibus, & pecoribus, indumentorum conficiendorum quanta materies? Omnia commemorare quis possit? Hæc autem sola, quæ a me velut in quemdam aggerem sunt coarctata si vellem velut colligata involucra solvere, atque discutere, quanta mihi mora esset in singulis quibus plurima continentur? Et hæc omnia miserorum sunt, damnatorumque solatia, non præmia beatorum.

Quæ igitur illa sunt, si tot ac talia, & tanta sunt illa? quid dabit eis, quos prædestinavit ad vitam, qui hæc dedit etiam eis, quos prædestinavit ad mortem? *Idem Augustinus Libro XXII. de Civitate cap. 24.*

Cum sit mundus innumerabilibus miraculis plenus, procul dubio majus est & excellentius etiam ipse mundus miraculum. *Idem ejusdem operis Libro XXI. cap. 7.*

Si ipsis quoque oculis bene, & utiliter uti volumus, per istos etiam in futurum cupiditate magna ex parte raptamur; si admirationem quam ex mundi contemplatione capimus; retorqueamus in ipsum tantæ machinæ auctorem. S. EUCHERIUS *Parænesi ad Valerianum, in medio.*

Per creaturam ad creaturæ Dominum ascendamus. Deus namque cum res creatas in morem scalæ adaptaverit, per eas sui amantibus ascensum ad se extruxit. BASILIUS SELEUCIENSIS *Orat. i.*

Plura qui volet, adeat ATHENAGORAM in *Legatione pro christianis.*

TERTULLIANUM contra *Hermogenem.*

PHILONEM de mundi opificio: Quod mundus sit incorruptibilis. Item in adscripto ipsi libro de mundo.

EUSEBIUM Cæsariensem Libro II. de vita Constantini cap. 57.

S. ATHANASIIUM *Oratione contra gentes.*

S. GREGORIUM NAZIANZENUM *Oratione 2. de Theologia, & Carmine arcano 4. de mundo.*

S. GREGORIUM NYSSENUM de titulis *Psalmodum* cap. 3. de harmonia, & concentu universi: Et oratione de iis, qui præmature abripiuntur, a pulchritudine mundi assurgendum ad pulchritudine conditoris.

S. CHRYSOSTOMUM Libro ad scandalum passos: homilia 10. ad populum &c.

SYNESIUM in *Hymnis.*

S. Au-

Titulus XXXI. De Mundo. Appendix. 295

S. AUGUSTINUM *Expositione in Psalmum 148. Libris XI. & XII. de Civitate, atque sermone 241. alias 143. de tempore.*

S. EUCHERIUM in *Parænesi ad Valerianum, circa medium, de obedientia & amore, quam docet aspectus mundi.*

THEODORETUM *Libro 2. & 4. adversus Gentiles, item Orationibus pluribus de providentia.*

NEMESIUM *Libro de natura hominis cap. 1. ZACARIAM MITYLENEUM Dialogo de mundi opificio contra Philosophorum disputationem.*

S. JOANNEM DAMASCENUM *Libro II. de fide orthodoxa, capitibus 1. 2. 5. 6. Item Libro I. ejusdem operis cap. 3.*

MOSEN BARCEPHAM *de Paradiso.*

FRANCONEM AFFLIGINENSEM *Libro II. de gratia Dei.*

DIONYSIUM CARTHUSIANUM *de Venustate mundi & pulchritudine diei.*

His accedunt, quotquot in opus sex dierum scripserunt, scilicet: S. EUSTATHIUS ANTIOCHENUS, (si tamen ipse est auctor) S. BASILIUS M. S. GREGORIUS NYSSENUS, S. CHRYSOSTOMUS, S. AUGUSTINUS, S. CYRILLUS ALEXANDRINUS, S. ANASTASIUS SINAITA, S. PATERIUS, VENERABILIS BEDA, RABANUS MAURUS, GEORGIUS PISIDES &c.

Adde huic Titulo alios quosdam de *Deo, de Providentia, de Homine, de Miraculis &c.*



TITULUS XXXII.

De *Occasionibus* peccandi, propinquis
& proximis.

CAPUT I.

Loci.

Nemo diu tutus est periculo proximus, nec evadere diabolum servus Dei poterit, qui se diaboli laqueis implicavit. Intercedendum est cito talibus ut separentur, dum adhuc separari innocentes possunt; quia dividi postmodum nostra intercessione non poterunt, posteaquam conscientia gravissima cohæserint. S. CYPRIANUS *Epistola* 62. *ad Pomponium.*

Metuite quantum potestis ejusmodi casus exitia, & in ista subversione labentium vos experimenta perterreant. Nimum præceps est qui transire contendit, ubi alium conspexerit cecidisse, & vehementer infrænis est, cui non incutitur timor alio pereunte. AUCTOR *Libri de singularitate Clericorum*, apud eundem Cyprianum.

In hac parte expedit plus timere, quam male fidere, & utilius est infirmum se homo cognoscat, ut fortis existat, quam fortis videri velit, & infirmus emergat. *Idem ibid.*

Si inter festa sancta potest communis conventio scandalizari, ubi tentator ipse diabolus tremit, quis illic stabilem se esse promittit, ubi tentator audacter occurrit? & si illic periclitamur, ubi Dei præcepta nos congregant, quid agimus, ubi Dei jussa nos separant? & si turbamur illic, ubi Dei voluntate munimur, quanto magis, ubi non solum diabolus, sed etiam Dominum habemus adversum? *Idem ibid.*

Con-

Confundantur assertores dilectionis hujuscemodi, quos judicant illi, qui pro communibus commodis etiam consanguineam deferunt charitatem. In omni mundo pene totum junctum est genus humanum, & ubique cognatio naturalis alterna peregrinatione discernitur. Possunt parentes, possunt filii, possunt fratres, possunt & ipsi quod plus est conjuges a Deo concessa sibi naturæ vincula dirumpere: & Clerici Deo non concedente insuper prohibente mulierum nexibus ancillatam non valent recusare charitatem! *Idem ibid.*

Audemus dicere, a Deo Patre missus est Filius de sinu Patris, & regno absens esse duravit, ut Ecclesiam faceret innocentem: Et Clericus mulieris latus deferere non potest, ne Christi Ecclesiam reddat infamem? *Idem ibid.*

Accipimus quidem fortitudinem spiritalem, per quam substantiæ nostræ fragilitas roboretur; sed ita nobis spiritalis fortitudo collata est, ut providos, non ut præcipites tueatur, ut illos muniat, qui renuntiant importunitatibus delictorum, non eos, qui se magis importunis delictis immergunt. *Idem ibid.*

Si quis dicat, se ex frequenti cum mulieribus colloquio, atque consuetudine nequaquam lædi, is aut particeps non est masculæ naturæ, aut res est quædam portentosissima, in utriusque sexus confinio posita, quales dicunt eos, qui eunuchi nati sunt (si tamen hoc illis etiam demus, quod nullo modo foeminæ libidine afficiantur, aut commoveantur; *Concupiscentia enim spadonis devirginare juvenculam* inquit sapiens) aut si expertus non est, cum totus libidinibus immerfus sit, insciens ebrios, & phreneticos imitatur, qui gravissimis morbis affecti existimant esse se a morbo immunes. Agedum quod rationi haud consentaneum est, id inter disceptandum concedamus, esse quempiam, qui nullo

masculo affectu exstimuletur. Verum tamen si nihil sentit, tamen se nihil sentire vix ceteris etiam persuadere poterit. Porro quod quis nulla sibi proposita virtute multis offensione est, hoc ei periculosum esse arbitror. Deinde vero aliud etiam considerandum est, quod etiam si nullo viro perniciem afferant cogitationes, at non item de muliere quoque nobiscum contendet, quasi ea etiam corporearum libidinum expers sit; quin potius ipsa, cum sæpe debiti ratione prædita sit, irrepaturque facile in eam libido, ex eo qui in ipsius colloctionem incaute venit, detrimenti aliquid accipit. Et ipse quidem non sauciatur; sed non raro, licet nesciens sauciavit. S. BASILIUS M. *Constitutionum monasticarum cap. 3. alias 4.*

S. CHRYSOSTOMUS *Opusculo egregio, adversus eos, qui apud se habent Virgines subintroductas*: Jam vero si quis nos intemperantiæ ob hæc verba condemnet? Sane strenuos illos viros, & cum mulieribus habitantes, qui nihil grave patiantur beatos quidem dico qui tales sint, & vellem etiam ipse hoc robore donari: & ipse quidem adducor ut credam, posse hujusmodi viros reperiri; vellem tamen eos qui nos reprehendunt posse hoc nobis persuadere, quod adolescens fervens corpore puellæque virgini cohabitans & ad latera ejus assidens, & simul cœnans, & per diem totum confabulans (ut nihil aliud apponem intempestivos risus, & effusos cachinnos, & mollia verba, atque alia quæ dictu inhonesta) sed in eadem inquam habitans domo, eidemque communicans mensæ ubi multa est libertas verborum, & ultro citroque accipiuntur multa, danturque, nulla humanarum affectionum capiatur, sed purus a mala voluptate & concupiscentia permaneat. Vellem hæc ab his qui nos arguunt doceri posse. Sed neque ipsi volunt doceri, & nobis ad hæc defensionem afferentibus recla-

mant

mant quasi impudentibus, eodem quo ipsi morbo correptis, propriamque tegetibus malitiam.

Et iterum, cum ostendisset summam vel apud Sanctos continentiae difficultatem: At tu dicis, quod licet videas cohabitantem virgini, & deliciantem, & animam potius amittentem, quam cohabitatricem paratumque omnia & facere & pati potius quam separari a dilecta: ne suspiceris aliquid mali, ne putes concupiscentiae negotium, sed pietatis potius. Admirande vir! is affectus est iis qui lapidibus cohabitant, non hominibus. Et tu quidem forte non credis ob magnam tuam continentiam: ego autem audiui quosdam dicentes, quod etiam multi erga lapides & statuas nonnihil affecti sunt. Quod si tantum valuit artificium solum, ubi aspera & dura effigies, quantam operabitur insaniam in effigie pulchra tenerum corpus. Quomodo non credentur magis verisimilia dicere qui vos accusant, quam vos qui defenditis? Idem ibidem.

Et rursum: Defensore caret, ait virgo, neque virum habet, neque tutorem, saepe item neque patrem nec fratrem. Indiget aliquo qui ei manum praebeat, & solitariae moerorem consoletur & ubique se pro ea opponat adversariis, & ipsam in securitate & portu constituat. Quam tu mihi securitatem quaeso, quem portum narras? portus enim propugnaculum video, non arcens fluctus, sed excitans: & portum non comprimentem tempestates, sed graves, quae non aderant moventem procellas. Non confundimini, non vultus vestros obtegitis dum hanc defensionem affertis? Ibid.

Et altero, quod consequitur, opusculo: Quod regulares saeminae viris cohabitare non debent: Quare ipsum habes domi? quam causam justam, & rationabilem nobis dices? nupta enim nuptias dicet; scortum libidinem; tu autem virgo qualem nobis causam narrabis dignam quae proferatur, & justam?

Et

Et iterum: Jam autem si te rogavero causam hujus contubernii, num aliquam dicere potes? infirma sum, inquit, mulier, neque sola valeo meo usui sufficere. Enimvero cum hæc cohabitatoribus vestris objicimus, ab eis contraria audimus; nempe quod propter suum ministerium vos teneant. Quomodo igitur quæ ex abundanti viris etiam solatio esse potestis, vobis mulieribus subsidio esse non potestis, sed aliis indigetis? nam sicut vir viro, ita mulier mulieri commodius & rectius utique cohabitavit. Quando autem & viris ad ministerium commodiores estis, multo magis vobis ipsis. Ad quid enim quæso necessaria & utilis viri societas? aut quale ille mulieri exhibebit ministerium; quod non possit mulieri mulier? num telam tecum texere vel tramam nere cum stamine ille magis poterit quam mulier? an non contra se res habet? ille enim etiam si vellet, non utique sciret; nisi forte nunc id ipsos docueritis; quippe mulieris solius hoc opus est. Sed vellem lavare, ignem accendere, & ollam fervere facere? etiam hæc non minus sed melius quam vir mulier efficere potest. Quomodo igitur utilis vir dic quæso? an quando vendere & emere oportet? Sed neque hic mulier valet minus quam vir; & testabitur utique forum & omnes quotquot vestimenta emere volunt, a mulieribus plerumque emunt. Quod si turpe virginibus in foro stare in commerciis (sicut & turpe est) quando magis cohabitare viro turpius. Verumtamen & hoc minus quam illud effugere potest. Nam hæc vel puellæ quæ ministrat, vel vetulis quæ ad hoc idoneæ sunt, rectius commiserim. Unde palam est, hæc prætextus & effugia esse ac tegumenta infirmitatis.

Et infra: Quid enim tibi o misera tantum prodesse potest frigida hæc cohabitatio cum tanto thesauro te privet? Vide quæso! deducit te e coelis,
exclu-

excludit te spirituali thalamo, sejungit te a cœlesti sponso, parat tibi immortalia supplicia, & tormenta finem non habentia. Pro his si talenta innumera præberet contubernalis tuus, si promptior esset mancipiis venalitiis: si te in majori honore & dignitate constitueret quam sit regina: an non ut damnosum, & ut inimicum & plura auferentem quam dantem sic averfari & odio habere oporteret? Proponitur tibi cura de bonis cœlestibus, de regno futuro, de vita immortalī, de ineffabili gloria: tu vero negotia terrena commemoras, & hunc ad illa utilem visum colis quasi dominum, & non te occultas, neque oras ut te terra absorbeat, ut sic inde migres?

Quid tibi necesse est in ea versari domo, in qua necesse habeas quotidie aut perire, aut vincere? S. HIERONYMUS *Epistola 117. alias 47. de vitando suspecto contubernio.*

Inter has tantas illecebras voluptatum etiam ferreas mentes libido domat, quo majorem in virginibus patitur famem, dum dulcius putat omne, quod nescit. *Idem ibid.*

Quid tu facies puella fani corporis, delicata, pinguis, rubens, æstuans, inter carnes, inter vina & balneas, juxta maritos, juxta adolescentulos, quæ si rogata non feceris, tamen formæ putes testimonium si rogeris? *Idem ibid.*

Veniet veniet tempus; dies enim allabitur dum ignoras, & iste formosulus tuus quia cito senescunt mulieres, maxime quæ circa viros sunt vel ditiorē reperiet, vel juniorem. Tunc te poenitebit consilii tui, & tædebit pertinaciæ, quando & rem & famam amiseris, quando quod male junctum fuerat, dividetur bene. *Idem ibid.*

Si scandalizat te oculus, pes, manus: projice ea; nulli parcas, ut soli parcas animæ . . . Crudelitas

litas ista pietas est. *Idem Epistola 125. alias 4. ad Rusticum.*

Contra libidinis impetum apprehende fugam, si vis obtinere victoriam. *Creditur AUGUSTINUS Sermone 250. de Tempore, nunc 293. in Appendice; & ut solet, apud Cæsarium.*

Si juxta Dei verbum in gehennam scandalis trahimur, recte profecto ut gehennam vitare possimus etiam manibus nostris oculisque multamur. Non quod membris suis quis privare se debeat, sed quia tam necessariae nobis sunt quædam domesticorum obsequiorum necessitudines, ut his quasi oculis interdum quasi manibus utamur, recte nobis præsentium ministeriorum officia subtrahimus; ne æterni ignis tormenta patiamur. Ubi enim de ministerio agitur & vita rectius profecto christiano est ministerio carere, quam vita. *SALVIANUS, Libro 3. de gubernatione Dei, post medium.*

Jam cecidit, qui de sua virginitate confidit. *S. CÆSARIUS ARELATENSIS in Epistola ad quosdam Germanos.*

Dispar sexus in unum locatus, eo titillatur instinctu, quo nascitur. *S. LEANDER Regula de Institutione Virginum, & contemptu mundi ad Florentinam sororem cap. 2.*

Melius est peccatum cavere, quam emendare; facilius enim resistimus hosti, a quo nondum victi sumus, quam ei, a quo jam superati, ac devicti cognoscimur. *S. ISIDORUS HISPALENSIS Libro II. sententiarum cap. 23.*

Quomodo vivere audes, ubi mori non audes? *S. BERNARDUS Epistola 105. ad Romanum.*

Etli culpa non est, culpæ tamen occasio est, & indicium commissæ, & causa committendæ. *Idem Tractatu de 12. gradibus humilitatis & superbiæ, gradu 1. superbiæ.*

C A P U T I I.

Fontes.

S. CYPRIANUS *Epistola 2. ad Donatum: Libro de disciplina, & habitu Virginum: obiter etiam Epistola 7. maxime vero Libro toties laudato de singularitate Clericorum.*

S. EPHRÆM *de iis, qui animas ad impudicitiam pelliciunt, cum dicant nihil male esse: Et de abstinendo ab omni consuetudine perniciofa Tomo III. novo.*

S. BASILIUS M *Constitutionum monasticarum cap. 4. & homilia 9. Quod Deus non est auctor malorum, versus finem. Idem Libro de Virginitate complura habet de fugienda occasione.*

S. GREGORIUS NAZIANZENSUS *oratione 4. post initium, contra temeritatem in adeundo pericula Idem in Carminibus cum exemplo a se petito, tum rationibus aliis arcet a contubernio mulierum. Videri etiam potest Exhortatio ejus ad Virgines, ubi pariter hortatur ad occasiones fugiendas.*

S. GREGORIUS NYSSENUS *de vita Moſis, ad finem: Oratione 5. de Oratione Dominica, etiam ad finem: Et homilia 4. in Ecclesiasten, rursus ad finem.*

S. AMBROSIUS *Libro de fuga sæculi.*

S. CHRYSOSTOMUS *Opusculis duobus supra laudatis, neque unquam sat laudandis.*

Homilia priore in Psalmum 50. ubi de Bethſabee.

Homiliis in Psalmos 139. & 140.

Homiliis 16. & 60. in Matthæum, de occasionibus auferendis, quibus liberi maxime pervertuntur.

Concione 3. de Lazaro, initio.

Homilia 12. in ad Romanos, ubi fuse docet, facilius evitari occasionem, quam in ea pugnari, ac victoriam referri.

Homilia

Homilia 5. in ad Hebræos.

Homilia 15. ad populum, de multitudine periculorum peccandi.

S. HIERONYMUS *Epistola 2. nunc 52. ad Nepotianum.*

Epistola 12. nunc 128. ad Gaudentium.

Epistola nunc 8. olim 22. ad Eustochium.

Epistola 47. nunc 117. supra jam allegata.

Epistola 51. nunc 50. ad Domnionem.

Idem *Libro 2. adversus Jovinianum*, præter alia multa statim initio ostendit, nunquam sistere in occasione concupiscentiam, sed progredi semper, dum pervenerit ad scelus.

Denique *Libro adversus Vigilantium* egregie dicit de occasionibus fugiendis.

S. AUGUSTINUS *Libro VI. Confessionum cap. 8.* de violentia occasionis vel in eum, qui resistere illi decreverat. *Libro XVI. de Civitate cap. 19. & Libro XXII. contra Faustum cap. 36.* ne speremus auxilium Dei, ubi ultro periculum adimus. Item *Sermone supra laudato ex Appendice*, ubi iterum hortatur ad cavendas occasiones.

S. ISIDORUS PELUSIOTA *Libro I. epist. 66. & Libro II. epist. 62. & 284.*

S. ANTIOCHUS *homiliis 17. & 18.*

MARBODUS REDONENSIS *Epistola ad Robertum servum Dei, si tamen sit germana.*

S. BERNARDUS *Sermone 65. in Cantica*, ubi mirifica eloquentia ostendit, quam sit incredibile, ut quis caste versetur in contubernio cum muliere. Locum alibi jam dedimus. Vide etiam eundem *Sermone 1. in die sancto Paschæ.*

Adjiciendi sunt etiam Tituli: *Tentationes. Societas mala. Scandalum. Mulier. Comædiæ. Chorea. &c.*

TITULUS XXXIII.

De Odio, Vindicta; Reconciliatione item,
& Amore Inimicorum.

CAPUT I.

Loci.

Amicos diligere omnium est, inimicos autem so-
lorum Christianorum. TERTULLIANUS *Li-*
bro ad Scapulam cap. 1.

Quid est ad pacem Dei accedere sine pace, ad
remissionem debitorum cum retentione? Quomo-
do placabit Patrem iratus in fratrem? *Idem Libro*
de oratione.

Hunc expectemus fratres dilectissimi, judicem,
& vindicem nostrum, Ecclesiæ suæ populum &
ab initio mundi justorum omnium numerum secum
pariter vindicaturum. Qui ad vindictam suam ni-
mium festinat, & properat, consideret, quia nec-
dum vindicatus est ipse, qui vindicat. S. CYPRIA-
NUS *Libro de bono patientiæ, ad finem.*

Non minus est mali, referre injuriam, quam in-
ferre. LACTANTIUS *Libro VI. divinarum Institu-*
tionum cap. 18.

Qui referre injuriam nititur, eum ipsum a quo
læsus est, gestit imitari. Ita qui malum imitatur,
bonus esse nullo modo potest. *Idem ibid.*

Benigni Christi benigna omnia sint, itidemque
Christi passiones. Quibus quidnam tandem aliud
majus, ac præstantius daremus, si cum Deus mor-
tem ipsam nostræ salutis causa pertulerit, nos con-
tra ne leves quidem offensas, & injurias æqualibus
nostris remittamus? S. GREGORIUS NAZIANZENUS
Oratione 25.

O homo quam altus es, si ad amplitudinem
præceptorum coelestium sinum tuæ mentis expan-
Vol. VII. U das!

das! quam latum est mandatum charitatis! *Diligite*, inquit, *inimicos vestros!* Omnes in affectu charitatis inclusit, qui non exclusit inimicos. Quis enim videtur exceptus cum recipitur inimicus? Unde Apostolus: *Si fieri*, inquit, *potest, cum omnibus hominibus pacem habentes.* Non potest hoc Judæis dici, non gentilibus. ut cum omnibus pacem habeant. Illi vix suos diligunt; Christiano etiam inimicos non licet non amare. S. AMBROSIIUS in *Psalum* 118. ad illud: Latum mandatum tuum nimis.

Beneficium se putabat accepisse augustæ memoriæ Theodosius, cum rogaretur ignoscere: & tunc propior erat veniæ cum fuisset commotio major iracundiæ. Prærogativa ignoscendi erat indignatum fuisse, & optabatur in eo, quod in aliis timebatur, ut irasceretur. *Idem oratione de obitu Theodosii, propius initium.*

S. CHRYSOSTOMUS, cum cohortatus esset ad amorem odio referendum, ita objectionem humanæ infirmitatis occupat: Et quomodo, inquires, potest hoc fieri? Cum Deum videas hominem factum tantum descendisse, & tanta pro te passum esse: interrogas adhuc & ambigis: quomodo possumus injurias conservis remittere? Non audis Paulum dicentem: *Qui ascendit sursum, & sedet in dextera, interpellat pro nobis?* Non vides quomodo post crucem, & Ascensionem Judæis qui se interfecerant, miserit Apostolos, qui sexcenta ipsis afferrent bona? Idque cum mille ab ipsis passuri essent mala? At tu læsus admodum es? Et quid tantum passus es, quantum Dominus tuus vinctus, colaphis cæsus, flagellatus, a conservis consputus, mortem passus, mortem inquam omnium turpissimam; idque post mille ipsis illata beneficia? si porro multum læsus sis, ideo maxime beneficia confer, ut tibi splendidiorem nectas coronam, & fratrem a gravissimo morbo

morbo liberes. Nam & medici quando ab ægro furente calcibus, & injuriis impetuntur, tunc maxime ipsos miserantur, & ad sanitatem ipsis restituendam sese apparant, gnari contumeliam illam a violentia morbi proficisci. Et tu itaque hanc circa insidiatores teneto sententiam, sicque erga lædentes te geras. Illi namque sunt qui vere morbo laborant, & vim patiuntur omnem. Libera igitur eum a gravi isto damno, & da operam, ut iram remittat. A sævo dæmone, nempe furore eripe. Nam cum dæmoniacos videmus lacrimamur, neque studemus ipsi a dæmone agitari. Hoc igitur erga iratos nunc faciamus; nam iis similes sunt iracundi; imo illis inferiores sunt, qui sensibus integris infaniunt. *Homilia 18. in Matthæum.*

Idem rursus hoc assumens argumentum: Non vides, ait; quantum quotidie Deus blasphemetur? Quantum contumelia afficiatur & ab infidelibus, & a fidelibus: & per verba & per res ipsas? Quid ergo? an propterea solem extinxit? an lunæ cursum sustulit? an aërem confudit? nequaquam. Imo contra solem oriri curat, pluviam demittit, fructus dat, & annuos cibos blasphemis, insensatis, execrandis, persecutoribus; non uno die, non secundo, non tertio, sed per totam vitam. Hunc & tu imitare: hunc secundum humanas vires æmulare. Non potes ut sol oriatur curare? a maledictis abstinere. Non potes pluviam dare? ne contumeliam inferas. Non potes alimenta dare? ne violentus sis. Hæc tua dona sufficiunt. A Deo autem per opera exhibentur collata inimicis beneficia; tu per verba saltem exhibe, pro inimico precare. Sic eris similis Patri tuo, qui in coelis est. *Homilia 6. in I. ad Timotheum.*

Sed atrociter læsus es, nec potes iram remittere. Quid igitur? an igitur te ipsum magis etiam & gravius lædes? neque enim tantis malis te afficiet inimicus quæcunque fecerit, quibus te ipsum afficis, si illi non reconcilieris; sed Dei leges conculcaris. Ille te contumelia affecit? Dic mihi, num tu ideo Deum afficies contumelia? &c. non recipere in gratiam eum qui molestiam attulit non tam est illum ulcisci, quam Deum afficere contumelia, legis hujus auctorem, præcipientis ut inimicis reconciliemur, priusquam accedamus ad altare. Proinde ne respicias ad conservum, neque ad magnitudinem injuriarum quas intulit ille; sed ad Deum: illiusque timore in animum demisso illud expende, quod quo majorem vini admoveris animo tuo, post innumera mala cogens illum redire in gratiam cum eo qui molestiam intulit: tanto majus præmium feres a Deo, qui hæc præcepit: & quemadmodum hic Deum excipis multo cum honore, sic & ipse te illic multa cum gloria excipiet, reddetque tibi millecuplam istius obedientiæ mercedem *Idem homilia de beato Philogonio, in fine.*

Quisquis roganti & peccati sui poenitenti non ex corde dimittit, nullo modo exstimet a Domino sua peccata dimitti; quoniam mentiri veritas non potest. . . *Si non dimiseritis hominibus, nec pater vester dimittet vobis peccata vestra.* Ad tam magnum tonitruum qui non expergiscitur non dormit sed mortuus est. S. AUGUSTINUS *Enchiridii capite 74.*

O quicumque ille es, attendis quid tibi fecerit homo; & non consideras, quid tu feceris Deo. *Idem Sermones 5. de sanctis nunc 210. in appendice.*

Si nobis aliqua potens persona injuriam faciat, si nos etiam in faciem maledicat: nec respondere aliquid alperum, non dicam vicem reddere audeamus. Quare hoc? ne ab illa persona potente adhuc
majora

majora quam pertulimus patiamur. Quod a nobis extorquet hominis timor debuerat a nobis exigere Christi amor. *Idem ibidem.*

Dominus jussit. Dura jussit; sed magna promissit. *Idem sermone 15. alias 254. de tempore*

Sed ille noluit tibi dimittere? noli esse sollicitus. Servi estis ambo. Habetis Dominum. Conseruo tuo debes? noluit tibi dimittere? interpella Dominum amborum. Quod tibi dimiserit Dominus, si potest, exigat servus. *Idem Sermone 211. alias homilia 40. ex 50.*

Quid ei nocebit, qui bene uti etiam inimico potest? *Idem Libro de vera Religione cap. 47.*

Homo si sine peccato esse non potes, & vis semper dimitti tibi, dimitte semper. Quantum vis dimitti tibi dimitte tantum. Quoties vis dimitti tibi toties tu dimitte. Imo quia vis totum dimitti tibi, totum dimitte. Homo! intellige, quia remittendo aliis tu tibi veniam dedisti. S. CHRYSOLOGUS *Sermone 67.*

Et dimitte nobis debita nostra, sicut & nos dimittimus debitoribus nostris. Qui sic petit, & debita non relaxat, iste se etiam, per quod orat, accusat. *Idem vir sanctus sermone 68.*

Bona semper venia, sed tunc dulcissima cum debetur. Vicit poenam, judicem prævenit, evasit judicium qui remittendo, ante se veniam, quod delinqueret, jam prævidit. *Idem rursus Sermone 139. & 38.*

Quia nemo non peccat. nemo non parcat. S. LEO *Sermone 12. de Quadragesima.*

Ait Dominus: *Si percusserit te in dexteram maxillam, præbe ei & alteram.* Quantos putamus esse, qui dicto huic vel aures modelle præbeant, vel certe, etiamsi id facere videntur, animis acquiescant? Aut quotusquisque est, qui si ictum unum acceperit non multos pro uno reddat? Tantum ab illo abest,

ut cædenti maxillam præbeat, ut tum se vincere putet, non quando adversarium vapulando sed quando cædendo superaverit. SALVIANUS *Libro 3. de Gubernatione Dei, ante medium.*

O quam multus es ad ignoscendum! o quam magna multitudo dulcedinis tuæ, Domine! o quam longe cogitationes tuæ a cogitationibus nostris! o quam firmata est etiam super impios misericordia tua! Mira res! ille clamat: *ignosce*; Judæi: *crucifige*. S. BERNARDUS *Sermone in feriam quartam majoris hebdomadæ.*

CAPUT II.

Fontes.

TERTULLIANUS *Libro de Patientia capitibus 9. & 10. Item Libro IV. contra Marcionem, cap. 16. ubi speciatim de lege Talionis.*

S. CYPRIANUS *Libro de bono patientiæ fufus. Item Libro de oratione Dominica.*

LACTANTIUS *præclare loco citato.*

S. CYRILLUS HIEROSOLYMITANUS *Catechesi Mystagogica 5.*

S. BASILIUS M. *Homilia 10. adversus iratos.*

S. GREGORIUS NAZIANZENUS *Oratione 4. hortatur christianos, ne cæso Juliano Apostata vindicandi opportunitate utantur.*

S. GREGORIUS NYSSENUS *Oratione 5. de oratione dominica. Et Oratione 7. de Beatitudinibus.*

S. AMBROSIIUS *Libro I. de officiis, capitibus 3. 4. 5. & 6. Item Libro V. in caput 6. Lucæ.*

S. CHRYSOSTOMUS *homilia contra quosdam non recte in fide sentientes, Tomo III. Montfauconi.*

Item alia eodem Tomo: Peccata fratrum non evulganda.

Homilia de dilectione inimicorum, ibidem.

Homilia

Homilia in illud: Si esurierit inimicus tuus, rursum ibidem.

Homilia de decem millium talentorum debitore.

Homiliis 3. 20. & 21. ad populum. Et 20. quidem late versatur in hoc nostro argumento; 3. & 21. agit de venia rebellibus danda.

Homilia 2. de proditione Judæ, Tomo II. novò.

Homiliis 4. & 27. in Genesin.

Homilia in Psalmum 4 ante medium.

Homiliis 16. 18. 63. 80. in Matthæum.

Homiliis 17. & 41. in Acta.

Homiliis 12. 21. 22. 27. in ad Romanos.

Homilia 32. in I. ad Corinthios.

Homiliis 5. & 16. in II. ad Corinthios.

Homilia 4. in I. ad Timotheum.

Homilia I. in ad Philemonem, egregie.

Adde, si vis, Eslogam ejus de odio & inimicitiis, & plura alia.

S. HIERONYMUS Epistola 36. nunc 13. ad Castorinam materteram.

S. AUGUSTINUS Enchiridii capite 73. & 74.

Enarratione in Psalmum 54. versu 1. & sequent.

Epistola 138. alias 5. legem veniæ non esse contra bonum Reipublicæ.

Sermone 56. alias 48. de diversis, fuse.

Sermone 58. alias homilia 42. ex 50.

Sermone 59. de tempore, nunc 62. appendicis.

Sermone 304. alias 37. de diversis.

Sermone 315. alias 93. de diversis.

Sermone 316. alias 94. de diversis.

Sermone 317. alias 92. de diversis.

S. ISIDORUS PELUSIOTA Libro II. epistolis 6. & 67. de molestiis inimicitiarum.

S. CHRYSOLOGUS Sermonibus 38. & 139.

S. CASSIANUS Collatione IX. cap 22.

S. LEO Sermone 10. de Quadragesima amore inimicorum præparat suos ad sanctam hebdomadam.

S. CÆSARIUS ARELATENSIS *homilia* 7. de diligendis inimicis.

S. JOANNES CLIMACUS *gradu* 9.

S. GREGORIUS M. *homilia* 27. in *Evangelia*, de oratione pro inimicis: Et *Libro XXII. Moralium, capitibus pluribus*, de amore inimicorum.

S. ANTIOCHUS *homiliis* 52. 53. 54. 57. 71. 72.

S. BERNARDINUS SENENSIS *Tomo I. Sermone* 25. & 26.

Adde Titulos: *Amor proximi. Passio Domini &c.*

Sed & omnes fere Patres, qui *dominica* in *Orationem* scripserunt, hic consuli utilissime possunt *Petitione* 6.

TITULUS XXXIV.

De Parentibus, & eorum in Liberos officiis.

CAPUT I.

Loci.

Omnia, quæ deliquerint filii, de parentibus requiruntur. ORIGENES *creditus Libro I. in Job, ad caput* 1.

S. CYPRIANUS, *ut horrorem parentibus incuteret, ita eorum liberos ad Deum judicem loqui docet*: Perdidit nos aliena perfidia. Parentes sensimus parricidas. Illi nobis Ecclesiam matrem, illi patrem Deum negaverunt. *Libro de lapsis, propius initium.*

Quomodo castigabitis liberos, cum vos incastigatam vitam atque incompositam vivatis? S. BASILIUS M. *homilia* 14. in *Ebriosos*.

S. GREGORIUS NAZIANZENSIS *inter alias laudes parentum S. Basilii M.* Mihi tamen, inquit, maximum & clarissimum esse videtur felicitas in liberis. Nam qui simul & multos & probos, atque honestos filios habuerint, in fabulis fortasse reperias.

Hos

Hos tamen res ipsa nobis exhibuit, ut qui tales quidem ipsi fuerint, ut etiam si talium liberorum parentes haudquaquam extitissent, sibi ipsis tamen ad nominis claritatem sufficere potuissent: rursus autem ejusmodi filios in lucem extulerint, ut etiam si ipsi non tanta virtute fuissent, omnes tamen sobolis felicitate superaturi essent. *Oratione 20. propius initium.*

Quid poterat filia de adultera matre discere nisi damnum pudoris. S. AMBROSIIUS *Libro III. de Virginibus, post initium.*

Amare liberos dulce, & impensius amare prædulce; sed frequenter amor ipse patrius, nisi moderationem teneat, nocet liberis; si aut nimia indulgentia dilectum resolvat, aut prælatio unius ceteros ab affectu germanitatis avertat. Plus acquiritur filio cui fratrum amor acquiritur. Hæc præclarior munificentia patrum, hæc ditior hæreditas filiorum. Jungat liberos æqualis gratia, quos junxit eadem natura. Lucrum pietas nescit pecuniæ, in quo pietatis dispendium est. Quid miraris, si propter fundum, aut domum oriuntur inter fratres jurgia, quando propter tunicam inter Jacob sancti filios exarsit invidia? Quid ergo? reprehendendus Jacob, quia præferebat unum ceteris? Sed nec libertatem possumus auferre parentibus, ne eos plus diligant quos plus credunt mereri: nec filiis rescare debemus studium plus placendi. Denique & Jacob illum plus amabat, in quo majora virtutum insignia prævidebat, ut non tam filium pater prætulisse videatur, quam Propheta mysterium, meritoque variam tunicam fecit ei, quo significaret, eum diversarum virtutum amictu fratribus præferendum. *Idem Libro de Joseph Patriarcha cap. 2.*

Magnum depositum habemus, filios nempe. Curam ergo eorum habeamus, nihil non agamus, ne illud nobis malignus ille auferat. Nunc autem

a nobis contraria omnia præstantur. Ut ager sit optimus omnia facimus: ut fideli viro tradamus, alinarium, mulionem, procuratorem, & dispensatorem, qui sit optime affectus, quærimus. Quod autem omnium nobis pretiosissimum est, ut filium alicui committamus, qui possit ejus castitatem tueri, id negligimus; quamquam id præ omnibus prædiis nobis carissimum esse debet. Cetera enim omnia ad hoc possidentur. Prædia illis danda curamus; illos autem minime. Viden' rei absurditatem? Primo filii animam exerce, & hæc postea aderunt. Nam si illius anima bona non sit, nihil eis pecuniæ proderunt: sin autem proba, nihil ex paupertate lædentur. Vis illum relinquere divitem? doce illum esse probum. Ita enim rem familiarem augere poterit: & si non augeat, non in deteriori conditione erit quam ii qui plurima possident. Si autem improbus fuerit, etiamsi innumera bona ipsi relinquant, non custodem reliquisti, sed inferiorem reddidisti iis qui in extremam paupertatem devenere. Filiis enim non recte institutis melior est paupertas quam divitiæ. Paupertas enim illos vel invitos in virtute retinet; divitiæ vero ne volentes quidem temperantes esse sinunt. S. CHRYSOSTOMUS *homilia 9. in I. ad Timotheum.*

Et ad matres conversus: Matres! Filias vestras recte componite; facilis vobis est hujusmodi cura. Vigilate ut domi maneant. Ante omnia autem ad pietatem illas institute, & ut honestæ sint ac pecunias spernant, ne cultum & ornatum nimis curent. Sic illas nuptiis tradite. Si illas sic efformetis, non ipsas tantum, sed etiam virum, qui illas ducturus est servabitis; nec virum tantum, sed filios: nec filios solum, sed nepotes. Nam si radix sit bona, furculi quoque in melius proficient, & extendentur, horumque omnium mercedem accipietis. Ut igitur non unius animæ utilitati prospici-

cientes, sed multarum per unam sic omnia faciamus. Ita enim oportet istam ex paterna domo ad nuptias pergere, ut Athletam ex palæstra, omni scientia accuratissime instructam. *Idem eadem homilia.*

Multi patres ut bonus equus filio obveniat, & ut ædes magnificæ, ut prædium magni pretii: cuncta faciunt atque moliuntur; ut autem anima ejus bona fiat, & pium propositum nullius pensi habent. Et hoc est, quod totum mundum subvertit. *Idem homilia in illud: Vidua eligatur &c. Tomo III. Montfauconi.*

Liberos minus quam pecudes curamus: de afinis & equis magis solliciti sumus quam de filiis. Mulum si quis habeat, multum curat, ut agasorem illi optimum provideat, non improbum, non furacem, non temulentum, non artis suæ imperitum: si autem filiæ pædagogum dare opus sit, casu & sine delectu obvium quemque excipimus; etsi hac arte nulla sit major. Quid par illi arti quæ dirigendæ animæ & efformandæ juvenis menti & indoli incumbit? Qui tali instructus est facultate, plus diligentia exhibeat oportet, quam quis pictor, aut statuarius. At nos id nihil curamus; sed id unum spectamus, ut linguam ediscat: illudque satagimus tantum opum acquirendarum causa. Non enim ut loqui valeat, sed ut pecunias colligat linguam ediscit; ita ut si absque loquendi facultate possent ditescere, nihil hanc disciplinam curaremus. Vides quanta sit pecuniarum tyrannis, hominesque trahat quo velit? *Idem homilia 60. in Matthæum.*

Si nos jubemur vigilare pro animabus eorum, tanquam rationem reddituri: multo magis pater qui genuit, qui educavit, qui cum illo domi semper manet. Quemadmodum enim in suis delictis non potest ad excusationem & veniam confugere,
ita

ita nec in iis quæ filii deliquerint. Idque rursus beatus Paulus declarat. Cum enim ille lege sanciret cujusmodi esse deberent ii, qui aliorum principatum adeunt, cum aliis omnibus quæ illis necessario inesse debebant, filiorum quoque curam exigit, quasi nulla jam reliqua spes veniæ sit si illi perversi fuerint. Et jure quidem. Nam si ex natura vitia hominibus inessent, merito quispiam ad excusationem confugeret; quoniam autem ex proposito & improbi & probi efficimur, quam tandem ille excusationem poterit obtendere, qui quem omnium maxime diligit, perverti atque improbum fieri permisit? At nemo qui pater sit hæc dixerit; cum natura instet, ut ad hoc officium illum excitet. Sed forte non potuit? Neque hoc dici potest; nam quod eum tenerum acceperit, & quod primus & solus in sua potestate, & sibi commissum habuerit, semperque domi versantem, facile ac nullo negotio ipsum moderari potuit. Itaque nulla alia de causa perversi evadunt liberi, nisi quod patres circa præsentis vitæ commoda insaniant. Cum enim ad illa solum respiciant, nihilque eis præferendum censeant, & suam pariter & liberorum animam negligere coguntur. Hos ergo patres (quod nemo tamen ira commotum dicere existimet) filiorum occisoribus sceleratiores esse dixerim. Illi enim corpus ab anima separant; isti & animam, & corpus gehennæ ignis tradunt. Illam porro mortem naturali lege subire necesse est; hanc vero effugere licebat; nisi ipsam patrum negligentia intulisset. Ad hæc mortem adveniens resurrectio cito delere poterit; animæ verò interitum nihil solabitur. Neque enim salus illam exceptura est, verum immortales ille poenas necessario luet. Itaque non injuria patres hujusmodi filiorum occisoribus deteriores esse dixerimus. *Idem Libro 3. adversus oppugnatores vitæ monasticæ.*

An

An illud ut fugeret monuisti, & leges a Christo hac de re politas ipse legisti? An tu ipse ne si existant quidem nosti? Quonam ergo modo poterit ea filius perficere, quorum nec pater ipse, qui illum erudire debuerat, leges novit. *Idem ibid.*

Atque utinam hoc solum damni adesset, quod nihil utile patres consilii darent! non tantum utique malum esset. Nunc autem eos ad contraria prorsus impellitis. Neque enim aliud patres audies cum filiis tractare, cum eos ad studia literarum hortantur, nisi verba hujusmodi: ille, inquit, humilis, humilique loco natus eloquentia adeptus summos magistratus obtinuit, divitias acquisivit in gentes, uxorem duxit opulentam, splendida construxit ædes, omnibus terrori est, & gloria fulget. Alius rursus, ille inquit, latina lingua eruditus in regia clarissimus est, cunctaque intus administrat. Et alius alium rursus ostendit, cunctique eos, qui in terra insignes sunt memorant; cœlestium autem nulla unquam mentio; imo si quis illa commemorare aggrediatur, ut qui cuncta pervertat ejicitur. Cum igitur a principio hæc illis occinatis, nihil aliud eos quam omnium malorum materiam docetis, duos violentissimos amores insinuantes, pecuniarum dico, & qui longe iniquior est, vanæ inanisque gloriæ. Horum vero alteruter per se solus cuncta pervertere potest: cum autem ambo in teneram juvenis animam confluunt, quasi quidam torrentes conjuncti bona omnia corrumpunt, tantam vim spinarum, & arenæ, tantam colluviem contrahentes, ut animam illam sterilem, infructuosam, bonisque omnibus vacuum efficiant. Horum testes esse possunt exteri quoque Scriptores, quorum unus alterum affectum non cum alio junctum, sed per se solum arcem, alius caput malorum appellat. Quod si separatum arx est, & caput: cum alius longe gravior, & potentior accesserit, insana
nempe

nempe gloriæ cupido, & cum illo violenter irrue-
rit, radicesque posuerit, atque juvenis animum
occupaverit, quis demum ejusmodi morbum amo-
vere possit, cum maxime patres ipsi non ut evel-
lantur, sed ut firmiora sint hæc mala germina ni-
hil non agant, & dicant? Quis igitur adeo stultus
est, ut non desperet de salute pueri ad hunc mo-
dum instituti? Optandum est animam contrariis
rebus imbutam a malitia se subducere: quando au-
tem undique illicitiunt pecuniarum præmia, & sce-
lerati viri ad imitandum proponuntur, quænam sa-
lutis spes superest? Nam eos, qui pecuniarum amo-
re tenentur & invidos & improbos, & multum
jurantes, & perjuros, contumeliosos item fures,
inverecundos, impudentes, ingratos, denique omni
nequitia plenos esse necesse est. Horum testis fide
dignus est beatus Paulus, qui radicem omnium
malorum esse avaritiam dixit: & ante ipsum Chri-
stus idipsum declaraverat, asseverans non esse pos-
sibile Deo servire eum, qui illi morbo serviret.
Cum igitur initio juvenis ad hanc statim adduca-
tur servitutem, quando liber evadere poterit?
quando fluctum sustinere omnibus pellentibus,
omnibus immergentibus, & in extremæ submer-
sionis necessitatem ipsum constituentibus? &c.

Ac si dedita opera filios perdere studeatis sic
illa omnia præcipitis eis, quæ si exequuntur, salu-
tem consequi non possunt. Rem altius considera.
Væ, inquit, *ridentibus*! vòs autem ipsis multas
præbetis ridendi occasiones. *Væ divitibus*! vos
vero ut pecuniosi sint, assidue molimini. *Væ cum
benedixerint vobis omnes homines*! Vos autem pro
populari aura facultates sæpe omnes effunditis.
Rursus is, qui fratri contumeliam infert, reus est
gehennæ; vosque tamen & imbecilles, timidos esse
putatis eos, qui tacite illatas sibi ab aliis contume-
lias ferunt. Jubet Christus pugnas, & lites con-
teni-

temnere; vos autem illos in his semper mali ver-
fari curatis. Oculum ille, si noceat, eruere sæpe
jubet: at vos eos maxime vobis conciliatis amicos,
qui possint pecunias præbere, etiam si extremam
nequitiam doceant. Uxorem repudiare non per-
mittit, præterquam in sola adulterii causa; at vos,
dum pecunias acquirere liceat, hoc præceptum de-
spicere docetis. Jusjurandum vetat omne; vos
quem id servare videritis etiam ridetis. *Qui amat,*
inquit, *animam suam, perdet eam;* vos ad hunc amo-
rem illos semper adducitis. *Si non remisieritis,* in-
quit, *hominibus peccata, neque vobis remittet pater*
vester cælestis; vos illis exprobratis cum eos qui se
læserint ulcisci nolunt, utque id mature præstare
possint, illos instituitis. Gloriæ cupidos omnia
frustra agere docuit Christus, siue illi jejunaverint,
siue oraverint, siue miserti fuerint; at vos ut illam
assequantur, nihil non agitis. Equid opus omnia
perlequi, cum supra memorata innumeras gehen-
nas inferre possint? nec modo omnia simul, sed
seorsim singula. At vos omnia simul congesta, &
intolerabile peccatorum onus imponentes sic in flu-
vium igneum immittitis! Quando salutem nancisci
poterunt tantam ferentes ignis escam? *Idem ibidem*
ex Montf.

Neque id solummodo grave est, quod Christi
præceptis contraria doceatis, sed quod præclaris
appellationibus vitia obtegatis. Hippodromis ac
Theatris jugiter interesse urbanitatem vocantes:
divitias, libertatem, gloriæ amorem magnanimita-
tem: arrogantiam fiduciam: prodigalitatem hu-
manitatem: injustitiam fortitudinem. Denique
quali hæc fallacia non sufficiat, virtutem quoque
contrariis nominibus vocatis, Temperantiam ap-
pellantes rusticitatem: Modestiam timiditatem: Ju-
stitiam imbecillitatem: Contemptum fastus servi-
lem animum: Injuriarum tolerantiam infirmitatem;

ac si metuatis ne si ab aliis veram horum appellationem audierint filii vestri, perniciem hujusmodi fugiant. Neque enim parum confert ad vitiorum aversionem, si nudæ & propriæ eorum appellationes proferantur; sed tantum id habet roboris ad peccantium animos feriendos, ut plerique sæpe turpissimis insignes vitiis se ita vocari non libenter ferant; sed adeo sæviant, & indignentur ac si acerbissima paterentur. Si quis adulteratam mulierem, & stupratum puerum ex turpissimo actu vocaverit, irreconciliabilis efficitur inimicus; utpote qui magna affecerit injuria. Neque hos tantum, sed etiam avarum, ebriosum, arrogantem, demumque omnes gravissima operatos videas non tam de ipso opere, vulgique opinione angi & dolere, quam de facinorum nominibus. Multos porro novi hac ratione emendatos, qui opprobriis moderatiores evaserunt. At vos hoc solatium, atque remedium sustulistis, quodque gravius est non verbis solum, sed exemplo quoque & opere hæc illis monita datis, dum ædes splendidas construistis, agros emitis pinguisimos, reliquosque magnificos apparatus additis, prorsusque velut quadam nebula animos eorum obtenebratis. Unde igitur mihi persuaderi poterit, posse illos salutem consequi, cum ad ea evocari videam quæ qui faciunt prorsus perituros esse Christus declaravit: cum videam vos animam eorum quasi minus aliquid negligere; illa autem quæ vere superflua sunt quasi necessaria & præcipua curare? *Idem ibidem.*

Non sentit illa sicut ceteræ matres; quæ corpus natorum suorum amant, animam autem contemnunt. Desiderant enim illos valere in sæculo isto, & non curant quid passuri sint in alio. Alii militias filiis suis provident, alii honores; & nemo filiis suis providet Deum. Perditionem illorum cum magno pretio comparant, & salutem illorum nec

nec dono accipere volunt. Si viderint illos pauperes, tristantur & suspirant; si autem viderint illos peccantes, nemo tristatur, ut ostendant, quia corporum sunt parentes non animarum. AUCTOR operis imperfecti in Matthæum, homilia 35.

Hæc est, & esse debet piorum conjugum intentio, ut regenerationi generatio præparetur. S. AUGUSTINUS Libro IV. contra Julianum cap. 1.

Non est laudandus, qui amat filios, sed detestandus qui non amat. Pro magno enim laudaturus sum in homine, quod video in tigride. Idem alias homilia 38. ex 50. Sermone 385.

Sed forte neglexit malus filius vel monita patris, vel objurgationem, vel severitatem? Tu imple personam tuam: Deus de illo exiget suam. Idem ad finem Enarrationis in Psalmum 50.

O spectaculum formidandum! Amor in prolem Deique dilectio iudicio contendunt, & iudex ensifer instat Abrahamus, ac ense jus dicit, victoriamque Dei dilectioni tribuit, consignat sanguine, testemque victoriæ sacrificium facit. BASILIUS Se-leuciensis oratione 7. de Abraham.

Bene omnes parentibus suis filii non magis in patrimonia quam in vitia succedunt, nec magis facultates paternas sumunt, quam pravitates: ac si transeuntes semper in mores patrum ante eorum incipiunt nequitiam quam substantiam possidere. Et est ratio, cur hoc sit. Bona enim parentum non nisi mortuis eis possident, viventibus adhuc & valentibus mores. Ac sic priusquam in dominio suo habere incipiant res paternas, habent in animis ipsos patres: & antequam habeant illa quæ falso dicuntur bona, ante habent illa, quæ vere probantur mala. SALVIANUS Libro 1. ad Ecclesiam Catholicam.

Quid ergo, cum hæc ita sint, interdicare forsitan parentibus filiorum videar affectum? minime.

quid enim tam ferum, tam inhumanum, tam legi æmulum quam si non amandos dicamus filios, qui amandos fatemur inimicos: aut si affectum quem natura præstat, prohibeamus, qui etiam eum, quem natura prohibet, impendimus: aut si charitatem menti extorqueamus quam habet, qui etiam illam ei conamur inferere, quam non habet? Non ita est; non solum enim amandos dicimus filios, sed præcipue, ac super omnia amandos, nec quidquam his omnino anteponendum, nisi Deum solum. Nam & hoc est præcipue amare, illum filiis antepondere, quem non expediat omnino postponere. Quid est ergo aut quo modo amandos dicimus filios? quo absque dubio nisi quo Deus ipse constituit? neque enim ullus melior filiorum amor quam quem ille docuit, qui ipsos filios dedit. *Idem ibidem.*

Videtis quas parari opera parentibus filiis Deus jubeat, non pecuniarios thesauros, nec graves metallo aureo saccos habentes quidem multum ponderis, sed plus tamen iniquitatis: non superbas & præeminentes excelsis arcibus domos, non supra humanos visus elata culmina, nec inserta nubibus aëreo habitatore fastigia, non denique fundos interminabiles, & notitiam possessoris sui excedentes, qui consortes pati indignum æstimet, & vicinitatem injuriam putet. Non ergo hæc Deus præcipit, nec in servilia terrenæ procurationis officia curam paternæ pietatis extendit. Pauca sunt quæ mandat, sed salutaria: expedita, sed sancta: præcepto parva, sed fructu grandia: scripto brevia, sed beatitudine sempiterna. *Parentes enim, inquit. nolite ad indignationem provocare filios vestros, sed educate illos in disciplina & correptione Domini, ut ponant scilicet, sicut Propheta dixit, ut ponant in Deo spem suam, & non obliviscantur operum Dei sui, & mandata ejus exquirant.* En quales divitias Deus dili-

diligit ! en quas pignoribus recondi exigit opes ! en quas parari imperat facultates, fidem scilicet, ac timorem Dei, modestiam, sanctimoniam, disciplinam non terrena, non vitia, non pereuntia, non caduca. Præclare utique. Cum enim Deus vivorum sit, non mortuorum, recte illa parari filiis jussit, per quæ in æternum viverent, non per quæ in æternitate morerentur. *Idem ibid.*

Quid ergo æstuas paterna pietas ? Quid adquirenda terrena, & peritura distenderis ? nihil majus præstare filiis potes, quam si hoc bonum per te habeant, quod nunquam penitus amittant. *Idem ibidem.*

Oportet vos, mihi credite, etiam inter filios vestros salutis, animarumque vestrarum non oblivisci. Propinqua enim vestra pignora esse vobis, & conjunctissima satis certum est ; sed, mihi credite, nemo vobis propinquior, nemo conjunctior, quam vos ipsi. Amate itaque, non obstitimus, amate filios vestros, sed tamen secundo a vobis gradu. Ita illos diligite, ne vos odisse videamini. Inconsultus namque & stultus amor est alterius memor, & sui immemor. *Idem ibidem.*

C A P U T I I.

Fontes.

- S.** BASILIUS M. homiliis 8. & 9. in *Hexæmeron*.
Homilia 6. in divites.
Homilia 21. quod rebus mundanis adhærendum non sit.
Proæmio Ethicorum de Judicio Dei.
Homilia supposita in aliquot scripturæ locos, dicta in Lacizis.
Oratione collectanea 24. ubi de officiis parentum æque ac liberorum.

S. GREGORIUS NAZIANZENUS *Oratione* 20. laudata, de parentibus Basilii. Item *Oratione* 19. de parentibus suis. *Carminibus etiam* 49. ad Nicobulum patrem: 50. ad Nicobulum filium: 51. ad Vitalianum.

S. AMBROSIUS *Libro V. Hexaemeron capitibus* 17. & 18. *Libro item VI. ejusdem operis capitibus* 4. de parentum officiis naturalibus. *Libro quoque II. de Jacob, & vita beata capitibus* 2. de affectu singulari erga aliquem ex liberis.

S. JOANNES CHRYSOSTOMUS *Libris* 2. & 3. contra oppugnatores vitæ monasticæ.

Homilia 59. in Genesin, in fine, obiter & generatim.

Homilia 2. in Psalmum 50. obiter, in matres non lactantes.

Homilia de beato Abraham, de amore parentum in liberos.

Homilia 1. de Anna, in fine, de cura ne pervertantur.

Homiliis de SS. Macchabæis, de amore liberorum naturali, & rationali.

Homilia 9. de pœnitentia, nunc 3. in avaros causa liberorum, post medium.

Homilia 60. in Matthæum multa huc supersunt.

Homilia 2. in Joannem contra eos, qui filios ducunt ad spectacula, non ad conciones.

Homilia 7. in ad Romanos de hæreditate.

Homilia 21. in ad Ephesios de Institutione.

Homiliis 5. & 10. in I. ad Thessalonicenses, ubi in priore urget maturas liberorum nuptias; in altera in avaritiam liberorum obtentu invehitur.

Adde laudatam homiliam in illud: Vidua eligatur Tomo III. novo. Eclogam 27. Tomo XII. novo, & homiliam de inani gloria, & educandis a parentibus liberis, quam apud Mont-fau-

fauconum frustra requiro. Germanam agnoscit Tillemontius, neque diffitetur Labbeus. Legenda est autem apud P. Franciscum Combesis, qui cum aliis quibusdam opusculis 1656. *Parisiis* primus eam publicavit.

S. HIERONYMUS *Epistolis pluribus, uti ad Latam* 7. nunc 107. *ad Salvinam* 9. nunc 79. *ad Gaudensium* 12. nunc 128 *obiter item in caput 6. ad Ephesios.*

S. AUGUSTINUS in *Psalum* 50. loc. cit. *Sermone* 13. *alias* 94. *de tempore.* *Libro de decem chordis* docet amorem liberorum etiam in alteram vitam erga jam defunctos extendendum. Maxime vero in *Libris Confessionum*, ubi multa de educatione sua.

S. ISIDORUS PELUSIOTA *Libro I. epist.* 316.

S. CHRYSOLOGUS *Sermone* 55.

S. CYRILLUS ALEXANDRINUS *Libro VII. de Adoratione in spiritu & veritate.*

EUSEBIUS GALLICANUS *Sermone* 4. *de Epiphania*, ubi de matribus præsertim, ut cum lacte instillent pietatem.

SALVIANUS *Libro 4. de Gubernatione* pulchre ab amore naturali parentum assurgit ad amorem Dei, ut cujus omnes liberi simus. Idem *Epistola* 4. *ad Hypatium, & Quietam.* Ac *Libro 3. ad Ecclesiam Catholicam* filios religiosos magis amandos a parentibus, quam reliquos. Sed & alia in eo opere, quæ præclare huc faciant.

S. ENNODIUS *Declamatione* 15. in novercam, & *Declamatione* 21. in patrem, qui cum filium captum non redemisset, ab eo ali petebat.

S. GREGORIUS M. *Libro III. Expositionis in Librum I. Regum cap. 2.*

S. BERNARDUS *Epistolis pluribus* in parentes, qui liberos a Vocatione abstrahabant.

MAPHÆUS VEGIUS *de Liberorum educatione & claris moribus, in Bibliothecis Patrum.*

Accedunt Tituli: *Magistratus & Capita Familiarum. Electio status. Avaritia. Eleemosyna &c.*

TITULUS XXXV.

De Peccato Originali.

CAPUT I.

Loci.

Nisi homo deliquisset, optimum solummodo Deum nosset ex naturæ proprietate; at nunc etiam justum patitur ex causæ suæ necessitate. Tamen & hoc ipso optimum, dum & justum Et bono enim juvando & malo puniendo justitiam exhibens utramque sententiam bono præstat, hinc vindicans illud, inde remunerans illud. TERTULIANUS *Libro de Resurrectione carnis cap. 14.*

Omnes homines sub peccato nascimur; quorum ortus in vitio est; quia concupiscentiæ voluptate concreti prius subimus contagia delictorum, quam vitalem de hoc aëre spiritum ducamus. S. AMBROSIIUS *Libro I. de Pœnitentia cap. 2. Respicit autem aërem contagiosum & lethalem, eumque vitali nostro & salubri opponit.*

Idem ad illud Psalmi 48. Iniquitas calcanei mei circumdabit me. Alia, *inquit*, est iniquitas nostra, alia calcanei nostri, in quo Adam dente serpentis est vulneratus, & obnoxiam hæreditatem successio- nis humanæ suo vulnere dereliquit; ut omnes illo vulnere claudicemus. *Enarratione in eundem Psalmum.*

Felix ruina, quæ reparatur in melius. *Idem in Psalmum 39. post medium.*

Deus creavit hominem rectum, naturarum auctor, non utique vitiorum. Sed sponte depravatus, justeque damnatus depravatos, damnatosque gene-

generavit. S. AUGUSTINUS *Libro XIII. de Civitate cap. 14.*

Quando dicunt, & parvulos turbant: Si de peccatore peccatores nati sunt, quare non de baptizato jam fideli, cui remissa sunt universa peccata, iusti nascuntur? Cito respondete: Ideo de baptizato non iustus nascitur, quia non eum generat, unde regeneratus est, sed unde generatus est. *Idem Sermone novo 294. alias 14. de verbis Apostoli.*

In illius peccati poena quid inobedientiæ nisi inobedientia retributa est? Nam quæ hominis est alia miseria, nisi adversus eum ipsum inobedientia ejus ipsius? ut quoniam noluit quod potuit, quod non potest velit. *Idem Libro XIV. de Civitate cap. 15.*

Idem in Pelagianos, qui identidem oggerebant: Non peccat iste, qui nascitur; non peccat ille, qui genuit; non peccat iste, qui condidit. Per quas rimas inter tot præsidia innocentiae peccatum ingressum est? *Hunc in modum conclamat:* Quid quærit latentem rimam, cum habeat apertissimam januam? Per unum hominem, ait Apostolus, per unius delictum, ait Apostolus, per inobedientiam unius hominis, ait Apostolus. Quid quærit amplius? quid quærit apertius? quid quærit inculcatius? *Libro de Nuptiis, & Concupiscentia cap. 28.*

Qua justitia, si hæredes parentum peccati non sumus, patimur? Si vobis solis æquitas suppeditat naturalis, qua justiora sint judicia veltra quam Dei, inter nos & Deum residentes in superbiæ folio judicate! *Idem, vel potius Auctor HYPOGNOSTICI Libro 2.*

Infelix ego, qui in me venenatum inimicæ arboris gustum nec crucis ligno diggeffi! Durat enim mihi illud per Adam virus paternum, quo universitatem generis sui pater prævaricatus infecit. S. PAULINUS *Epistola 8. nunc 30. ad Severum.*

Cum evenisset, ut ipsum generis nostri initium morti, quæ ex peccato extiterat, subjectum esset, necessario in nos ipsos quoque hoc malum pertransivit, & una cum radice germina quoque ex illa prodeuntia depastum est. S. CYRILLUS ALEXANDRINUS *L. 2. de adoratione in spiritu & veritate, ad finem.*

Quos oculos non redigat in fontes, & fluenta lacrimarum, quando unius lapsus extitit ruina cunctorum, & unius culpa omnium defluxit ad poenam, ac parentis vitium universo generi exitium ferale præparavit? S. CHRYSOLOGUS *Sermone 111.*

O si tunc vel levis turbo arborem mortiferam dejecisset! . . . O si manus tangens inconcessa tremuisset! o si peccati diem tenebrasset nox immissa, & lamenta mundi, & incrementa mortis & creatoris injuriam sustulisset! *Idem Sermone 74.*

Idem Serm. 148. de muliere loquens: Hinc peccatum primum, hinc origo mortis, hinc labor, hinc dolor, hinc gemitus, hinc amara nostræ conditio servitutis. Namque homo ante Dominum omnium in omnium dejectus est servitutem, & timet omnes qui timetur ab omnibus, & vix arte valet, qui potestate regnabat.

Omnes homines in primo homine sine vitio conditi sumus, & omnes naturæ nostræ incolumitatem ejusdem hominis prævaricatione perdidimus. Inde tracta mortalitas, inde multiplex corporis, animique corruptio, inde ignorantia, & difficultas, curæ inutiles, illicitæ cupiditates, sacrilegi errores, timor vanus, amor noxius, injusta gaudia, poenitenda consilia & non minor miseriarum multitudo, quam criminum. His ergo atque aliis malis in naturam humanam irruentibus fide perdita, spe relicta, intelligentia obcoecata, voluntate captiva nemo in se unde repararetur, invenit. S. PROSPER, *aut quisquis scripsit de vocatione Gentium Libro 1. cap. 7.*

Libe-

Liberum arbitrium, id est rei sibi placitæ spontaneus appetitus, ubi usum bonorum, quæ acceperat, fastidivit, & vilescentibus sibi felicitatis suæ præsidiiis insanam cupiditatem ad experientiam prævaricationis intendit, bibit omnium vitiorum venenum, & totam naturam hominis intemperantiæ suæ ebrietate madefecit. *Verus Prosper Libro contra Collatorem cap. 19.*

Quid peccato læsum est, si id læsum non est, unde peccatum est *? Nisi forte dicatur in Adæ posteros poenam transisse, non culpam. Quod omni modo falso dicitur, & ob hoc forte non dicitur. Nimis enim impium est hoc de Dei sentire iustitia, quod a prævaricatione liberos cum reis voluerit esse damnatos. Patet, ergo culpa, ubi non latet poena: & societas peccati vincitur de communione supplicii, ut quod est humanæ miseriæ non de institutione Creatoris, sed de retributione sit iudicii. *Idem eodem Libro, ac capite.*

Quid aliud potuit, aut potest nasci ex servo nisi servus? neque enim cum esset liber Adam filios procreavit, sed postquam servus peccati factus est. Ideo sicut omnis ab illo est, ita & omnis homo servus peccati per ipsum est. PETRUS DIACONUS *Libro de Incarnatione & gratia Christi (inter opera S. Fulgentii) cap. 6.*

Milera mutatio! de quanto bono in quantum malum! S. ANSELMUS *in Profologio cap. 1.*

O nunquam punita satis transgressio! prolatam in reos parentes sententiam nullus evasit successorum. Hujus inducias nemo vel annis vel sexu promeruit. In ea concipimur, puniendi etiam in sepulchro. HILDEBERTUS CENOMANENSIS *Epistola § 6. nunc 12.*

Attende miseras hominis! intuerere cineres! vestigia peccati sunt. *Idem ibidem.*

* Liberum nempe arbitrium.

Et originale quidem maximum illud delictum vocatur. quod a primo Adam contrahimus, in quo peccavimus omnes, pro quo morimur universi. Maximum plane quod sic totum non modo genus humanum, sed & quælibet ipsius generis occupat, ut non sit qui evadat, non sit usque ad unum. A primo homine usque ad novissimum protenditur, & in singulis quoque a planta pedis usque ad verticem diffunditur hoc venenum. Sed & aliter nihilominus in universam dilatatur ætatem; ab ea scilicet die, qua sua quemque concipit usque ad eam, qua communis eum recipit mater. S. BERNARDUS *Sermone in feria 4. hebdomadæ sanctæ.*

Grave quidem omnino delictum illud originale, quod non solum personam infecit, sed & naturam. *Idem ibidem, inferius.*

C A P U T II.

Fontes.

Præter eos, qui in Librum Genesis sunt commentati, videndus

TERTULLIANUS *Libro II. contra Marcionem, pluries.*

S. GREGORIUS NYSSENUS *homilia 6. in Ecclesiasten, numero 4.* præclare ostendit, quantum boni perdiderimus peccato originis. Idem facit *Oratione 3. de Beatitudinibus.*

S. CHRYSOSTOMUS *homiliis 10. 11. 12. 13. in ad Romanos.*

S. HIERONYMUS *locis compluribus, collectis a Cornelio Schultingo in Confessione Hieronymiana*, quos ego, ne alienos in labores intrem, delibandos hic minime putavi. Habentur *Tomo II. capitibus 1. & 6. item Tomo III cap. 3.*

S. AUGUSTINUS *Tractatu de gratia Christi, & peccato originali contra Pelagium.*

Libris

Libris contra Julianum, & opere imperfecto contra eundem.

Libro 3. de Libero arbitrio.

Libris XIII. & XIV. de Civitate, fuse. Adde Libros XIX. capitibus pluribus, & XXII. capitibus 12. & 23. ubi de pœnis hujus peccati S. Doctor agit.

Libris tribus de peccatorum meritis, & remissione.

Libris duobus de nuptiis, & concupiscentia.

Epistolis 29. nunc 167. ad Hieronymum.

In Enchiridio a capite 25.

Accedit auctor Libri de spiritu & anima, apud eundem Augustinum.

Plures etiam locos ex Augustino huc enotavit Hieronymus Torrensis Confessionis Augustinianæ Libro II.

S. CYRILLUS ALEXANDRINUS Libro I. de adoratione in spiritu, & veritate.

S. CHRYSOLOGUS Sermone IIII. supra laudato.

S. PROSPER passim in iis, quæ contra Pelagianos & Semipelagianos scribit. Cui junge Auctorem Librorum de vocatione gentium, qui primo præcipue huc facit.

S. MAXIMUS TAURINENSIS homilia 3. de resurrectione conclamat insigniter adversum Judæos, culpam suam vel in filios quoque protendentes; id quod primis parentibus accommodatur eleganter.

S. FULGENTIUS in variis, quæ scripsit pro gratia.

S. GREGORIUS M. Libro IV. in Librum 1. Regum, cap. 1. ad illud: Juxta omnia opera sua; idque egregie.

ODO CAMERACENSIS Libris tribus de peccato originali.

S. ANSELMUS Libro de conceptu virginali, & peccato originali.

HIL-

HILDEBERTUS CENOMANENSIS *Sermonibus* 24.
100. & 111.

HUGO VICTORINUS *Libro I. de Sacramentis* P.
6. 7. & 8. de Creatione, Lapſu, & reparatione ho-
minis.

Statum hominis ante peccatum deſcribunt om-
nes, quotquot in *opus ſex dierum* ſunt commen-
tati. Item *S. Auguſtinus*, aut *quisquis eſt auctor Frag-*
menti de creatione primi hominis: *Nemeſius Libro de*
natura hominis: *Theodoretus Libro 5. adverſus gen-*
tiles, de natura hominis: *S. Joannes Damascenus*
Titulo VIII. litera α. olim. Libro I. Parallelorum cap.
8. & Libro II. de fide orthodoxa cap. 12. Theodo-
rus Abucara Dialogo de corpore impaſſibili Adami in-
nocentis: *Hugo Victorinus*, paulo ante allegatus.

Addantur & Tituli: *De Conceptione B. V. Ma-*
riæ: *Tentationes*: *Paſſiones*: *Caro*: *Gratia* &c. Et
quidquid fere contra hæreſin Pelagianorum & Se-
nipelagianorum eſt perſcriptum.

TITULUS XXXVI.

De Peccato Actuali, Gravi, & Veniali.

CAPUT I.

Loci.

DE PECCATO GRAVI.

Pro ſcelus! Semel Judæi Chriſto manus intui-
lerunt; iſti quotidie corpus ejus laceſſunt.
TERTULLIANUS *Libro de pœnitentia cap. 5.*

Cujus porro amor erga homines exprimi non
potest, is quanto odio ſcelera proſequatur mente
concupi nequit. CLEMENS ALEXANDRINUS in *Co-*
hortatione ad Gentes, verſus finem.

Ne ſolum putemus verbum nos exaſperare Do-
mini ſi peccemus; delictum noſtrum uſque ad ip-
ſius

fius Dei injuriam pervenit. ORIGENES homilia 12. in Ezechielem.

Pro te Dei filius jugulatus est, & iterum peccare te delectat! Idem homilia 2. in Leviticum.

Grandis pudor! ubi talis reconciliatio facta est, ubi inimicitias inter Deum & homines non sermo peccatoris, sed sanguis intercessoris absolvit, iterum nos converti ad inimicitias, & agere ea, quæ odit ille, quem nobis nisi effusio sanguinis sacri reconciliaverit nemo. Idem Libro IV. in caput 5. Epistolæ ad Romanos.

Mortem peperit peccatum, primogenitus ille Dæmonis partus. S. BASILIUS M. homilia 6. Hexæmeron, initio.

Peccatum mors est animæ immortalis. Idem S. Pater homilia 5. in Martyrem Julittam, ad finem.

Scitis ex personarum conditione peccata discerni, & æstimari. Verbi gratia qui privatum contumelia affecit, peccavit; sed non perinde atque is qui principem offendit, & major offensa est cum major est princeps quam cum minor. Qui vero Regem offendit longe magis peccat. Contumelia vero per se eadem est; sed ex offensæ personæ conditione major efficitur. Si autem is qui regem contumelia affecit ob personæ dignitatem intolerabili traditur supplicio: qui Deum contumelia affecit, quot talentorum debitor erit? Itaque etiamsi eadem contra Deum peccata admittamus, quæ contra homines, nulla certe paritas est; sed quantum intervallum est Deum inter & hominem, tantum inter hæc & illa peccata. Nunc autem multa deprehendo peccata non modo quæ ex dignitate personæ majora efficiantur, sed etiam ex ipsa rei natura. Et horrendum quidem tremendumque est id, quod jam dicturus sum; sed necessario dicendum, ut sic mentem nostram concutiat & exagitet, ostendens nos multo magis homines quam Deum

Deum timere : & multo magis homines quam Deum honorare. Perpende namque , qui adultarium admittit Deum se videre novit, illumque despicit; si autem homo se viderit concupiscentiam retinet; ille vero non modo hominem Deo præfert, non modo Deum contumelia afficit; sed, quod longè gravius est, homines timet, Deum contemnit. S. CHRYSOSTOMUS *initio moralis homiliæ 1. in ad Philemonem.*

Si universus orbis terræ, & lapides, & ligna, & arbores, & feræ, & aves, & ut semel dicam, totus orbis terræ voce accepta nos defleat, qui a bonis illis excidimus: nihil ut par est deflebit vel lamentabitur. *Idem homilia 23. in ad Hebræos.*

Rursum homilia 37. in Matthæum, cum pænis hujus & illius vitæ terruisset, sic denique concludit Orationem, propositorum memorem esse jubens peccatorem: Ne Christum offendamus, quod omnium est gravissimum, & terribilissimum. Nam si multis gehenna videtur terribilis esse, non finem faciam clamandi hoc esse gehenna gravius, ac terribilius. Et vos ita affectos esse * rogo. Sic enim & a gehenna liberabimur, & Christi gloria fruemur; quam nos omnes assequi contingat!

Malorum omnium nostrorum causa peccatum est. S. AUGUSTINUS *Sermone 240. alias de tempore 139.*

Si peccatum non times, time quo perducit peccatum. Dulce est peccatum? sed amara est mors. Ipsa est infelicitas hominum: propter quod peccant morientes hic dimittunt, & ipsa peccata secum portant. Peccas propter pecuniam? hic dimittenda est. Peccas propter villam? hic dimittenda est. Peccas propter mulierem? hic dimittenda est. Et quidquid est propter quod peccas, quando oculos in morte clauseris, hic dimittis, & ipsum peccatum

* Græcismus, pro : ut ita affecti sitis.

tum quod committis tecum portas. *Idem homilia 42 ex 50.*

O misera fors hominis cum hoc perdidit, ad quod factum est! o dirus ac durus casus ille! Heu quid perdit, & quid invenit! quid abcessit, & quid remansit! *Idem creditus in Manuali capite 31.*

O peccata, quam faciles aditus, quam difficiles exitus habetis! *Idem in Meditationibus, ni fallor.*

Cur me graviore criminum tuorum cruce quam illa, in qua quendam pependi afflixisti? graviore apud me peccatorum tuorum crux est, in qua invitatus pendeo, quam illa, in quam tui miseratus ascendi. *Idem Sermone 67. de Tempore, nunc 249. Appendix.*

Deum summe honorandum offendisse omni supplicio, damnoque gravius est existimandum. Non equidem tantum fore ex suppliciis dolorem existimo, quantus erit pudor ex peccato contra glorificantem commisso proveniens. Sed & arma ipsa, quibus fuere honorati contra ipsum moventes, & honore contra honorantem utentes deprehendi. Omnem id superat furorem. Illud quidem incomparabilem amentiam, hoc vero incurabilem etiam continet furorem. S. ISIDORUS PELUSIOTA *Libro V. epistola 472.*

Serpens ille, etsi revocavit morsum, reliquit venenum. Fecit quisque peccatum, ut aliquam corporalem caperet voluptatem. Remanet quod damnat, præterit quod delectat. Consummata iniquitas permanet, voluptas fugitiva pertransit. EUSEBIUS GALLICANUS *homilia 3. de Paschate.*

Si volumus intelligere, quam graves apud se faciat iudex noster hominum culpas, respiciamus ad poenas. *Idem homilia 5. ad Monachos.*

SALVIANUS cum quæsisset, quid tandem Deo pro tam immensa charitate rependamus, ita respondet: Quidquid indecens, quidquid indignum, quidquid ad

ad injuriam Dei pertinens: actus improbos, mores flagitiosos, ebrias comessationes, cruentas manus, foeditates libidinis, rabidas cupiditates, & quidquid illud est, quod plus potest conscientia habere, quam sermo. *Quæ enim, inquit Apostolus, in occulto fiunt ab eis, turpe est etiam dicere.* Nec solum hoc (nam hoc vetus est, & tam præsentium temporum quam præteritorum) illud gravius & lugubrius quod peccatis veteribus nova addimus; nec solum nova, sed quædam paganica, ac prodigiosa, & in ecclesiis Dei ante non visa. *Libro 4. de Gubernatione Dei, in medio.*

Gravis animæ casus, qui non nisi Christi cruce potuit reparari. S. BERNARDUS *Epistola 54.*

Ex consideratione remedii periculi mei æstimo quantitatem. *Idem Sermones 3. in Natali Domini.*

Agnosce o homo quam gravia sunt vulnera, pro quibus necesse est Dominum Christum vulnerari! Si non essent hæc ad mortem, & mortem sempiternam, nunquam pro eorum remedio Dei filius moreretur. *Idem ibidem.*

Sicut gravem agnosco morbum, cui tanta apponitur medicina, sic & ex hoc ipso non incurabilem esse conjecto. *Idem ibidem.*

Et tam tremendam majestatem audet irritare vilis pulvisculus, uno levi flatu mox dispergendus, & minime recolligendus? *Idem Sermones 16. in Cantica.*

Quid magis impium, quid magis potest esse injuriosum, quam contra tantæ pietatis dominum & eum qui vivit in æternum illud improbe committere, quod quantum in te est, non possis in æternum corrigere! RICHARDUS A. S. VICTORE *de potestate ligandi, atque solvendi cap. 4.*

DE PECCATO VENIALI.

Dominus prudentes esse nos jussit, & cauta sollicitudine vigilare præcepit, ne adversarius vigilans sem-

semper & semper insidians ubi in pectus obreplerit de scintillis conflit incendia, de parvis maxima exaggeret, & dum remissis & incautis leniore aura & flatu molliore blanditur, procellis ac turbinibus excitatis minas fidei & salutis ac vitæ naufragia molitur. S. CYPRIANUS *Libro de Zelo & livore, initio.*

Nec coluber foveri debet, donec in serpentem formetur. *Idem putatus Sermone de jejunio Christi.*

Obsecro a principio caveamus & pusilla fugiamus mala, magna quippe ex his generantur. Nam is qui ad singula peccata hoc dicere edoctus est: nihil hinc eveniet, paulatim omnia perdet. Hoc nequitiam introduxit, hoc portas latroni aperuit, hoc urbis moenia dejecit, cum ad singula dicitur: nihil hinc eveniet. Sic & in corporibus magnæ ægitudines augentur, quando parvæ contemnuntur. S. CHRYSOSTOMUS *homilia 12. in ad Romanos.*

Si quid admirandum dicere oporteat, non tantam diligentiam requirunt majora illa peccata, quam minima. Illa namque ipsa peccati natura ut aversemur efficit; minora vero vel quæd minora sint in negligentiam conjiciunt, neque sinunt fortiter ad ipsa tollenda surgere. Ideo nobis dormientibus cito magna fiunt. *Idem homilia 87. in Matthæum.*

Ita levia peccata plangebatur, ut illam gravissimorum criminum crederes ream. S. HIERONYMUS *Epistola 105. alias 27. ad Eustochium.*

Non considerandum est, quid fecerit, sed quem offenderit. S. AUGUSTINUS *Libro de penitentia.*

Illud quod dicunt sine ullo peccato aliquos homines jam ratione utentes in hoc sæculo vixisse vel vivere, optandum est ut fiat, conandum est ut fiat, supplicandum est ut fiat: non tamen quasi factum fuerit consistendum. *Idem Libro III. de peccatorum meritis, & remissione cap. 13.*

Cur attendis, quia minora sunt, & non attendis, quia multa sunt? *Idem Sermone 161. alias 12. de diversis cap. 11.*

Nolite contemnere venialia, quia minima sunt; sed timete quia plura. Plerumque enim bestiae minutae multae necant. Numquid minutissima sunt grana arenae? sed si arena amplius in navim mittatur, mergit illam, ut pereat. Quam minutae guttae pluviae? nonne flumina complent, & domos ejiciunt? Timenda est ergo ruina multitudinis, etsi non magnitudinis. *Idem Libro de decem chordis cap. similia & alibi saepe habet.*

Stoicorum quidem est peccatorum tollere differentiam & delicta omnia paria judicare, nec ullum inter scelus & erratum discrimen facere: nos vero etsi multum inter peccata distare credimus, quia & legimus; tamen satis prodesse ad cautionem dicimus etiam minima pro maximis cavere. Tanto enim facilius abstinemus a quocunque delicto, quanto illud magis metuimus: nec cito ad majora progreditur, qui etiam parva formidat. Et sane nescio an possimus leve aliquod peccatum dicere, quod in Dei contemptum admittitur: estque ille prudentissimus qui non tam considerat quod jussu sit, quam illum, qui jusserit: nec quantitatem imperii, sed imperantis cogitat dignitatem. S. PAULINUS, aut quisquis scripsit ad Celantiam, num 6.

Ecce quam magna perdidit, qui ut putabat nulla contempsit! S. GREGORIUS M. loquens de Saule, Libro V. Expositionis in Librum 1. Regum cap. 13.

Facta sua si despiciunt timere dum pensant, debent formidare cum numerant. *Idem Pastoralis curae Parte III. admonitione 34.*

Sic de minoribus istis peccatis pia dispensatione nobiscum agitur, ut non penitus auferantur, sed in illis nos erudiat Deus, ut cum minima cavere non possumus, certi simus, quod non nostris viri-

Titulus XXXVI. De Peccato actuali. Cap. II. 339
viribus majora superemus. S. BERNARDUS *Sermone*
1. in Cæna Domini.

A minimis incipiunt, qui in maxima prouunt.
Idem creditus, de ordine vitæ, & morum Institutione.

CAPUT II.

Fontes.

DE PECCATO GRAVI.

CYPRIANUS *creditus, sermone de Passione Christi,*
qui fuso & præclaro loco optime ex Christi
passione peccati gravitatem deducit.

S. PACIANUS *Parænesi ad pœnitentiam, post initium,*
pulchre distinguit inter ipsa peccata gravia.

S. AMBROSIIUS *Libro de lapsu Virginis consecrata,*
a quibus bonis quis excidat per peccatum. Et
Libro III. de officiis cap. 5. a sapiente nec causa vitæ
peccandum.

S. CHRYSOSTOMUS *Epistola 1. ad Olympiadem,*
post initium, locum insignem ministrat.

Homilia 27. in Matthæum, quam juste Deus
punit peccatum.

Homilia 9. in I. ad Corinthios, ubi varia huc
faciunt.

Homilia 11. in II. ad Corinthios, de peccato &
redemptione ab illo.

Homilia 28. in II. ad Corinthios, de pudore,
immunditia, metu, quæ peccatum affert.

Homilia 1. in ad Philemonem, ubi exaggerat
contemptum Dei.

S. HIERONYMUS *Libro I. in caput 1. & 2. La-*
mentationum Jeremiæ, de statu hominis in peccato
varia ad hoc nostrum propositum.

S. AUGUSTINUS *Libris tribus de peccatorum me-*
ritis & remissione. Quæstione 26. ex 83. de differe-
rentia peccatorum. Sermone 29. de Tempore, nunc

136. in *Appendice*, ubi deterret præclare a gravi peccato.

EUSEBIUS GALLICANUS *homilia 3. de Pascha*, ubi agit de horrore tanti mali.

S. CASSIANUS *Collatione IV. de peccato generatim*.

SALVIANUS *Libro 6. de gubernatione Dei*, ubi totus est in ostendenda gravitate offensæ ex dignitate offensi.

S. ANSELMUS non potuisset magis exprimere suum gravis culpæ horrorem, quam facit. *Libro de similitudinibus, cap. 190.* Sed hic liber non videtur ipsius esse.

HUGO A S. VICTORE in *summa sententiarum, Tractatu 3. a cap. 13.* Item in *Threnos Jeremiæ: Et Libro II. allegoriarum in Matthæum, capitibus pluribus.*

S. BERNARDUS *Sermone 81. in Cantica, de morte, & servitute peccati.*

RICHARDUS A S. VICTORE *Tractatu de differentia peccati mortalis & venialis.*

S. THOMAS A VILLANOVA *Tractatu de Adventu Domini*, mirifice extollit gravitatem peccati.

Plura dant Tituli: *Gratia. Salus. Pœnitentia. Passio Domini.* Et quæ passim Patres sive græci, sive latinis scripserunt in Manichæos.

DE PECCATO VENIALI.

S. BASILIUS M. *Regula 293. brevior.*

S. CHRYSOSTOMUS *homilia 87. in Matthæum, fuse & egregie.*

Homilia 12. in ad Romanos, fuse iterum.

Homilia 8. in II. ad Corinthios, post medium.

Commentario in caput I. ad Galatas, ad verba:

Et volunt subvertere Evangelium Christi.

Homilia 14. in ad Ephesios.

Homilia 3. in II. ad Timotheum, parva nobis multa videri, quæ non sint parva &c. &c.

S. HIR-

Titulus XXXVI. De Peccato actuali. Cap II. 341

S. HIERONYMUS *creditus, Epistola qua instituit amicum in scientia divine legis.*

S. AUGUSTINUS *Epistola 180. ad Seleucianam, hodie 265.*

Quæstione 26. supra laudata.

Libro de doctrina christiana cap. 18. apud christianos etiam parva esse magna, ut quæ ad maxima referantur.

Libro de natura & gratia cap. 36. neminem etiam sanctum carere peccatis leviusculis.

Enarratione in Psalmum 129. de multitudine venialium.

Tractatu 12. in Evangelium S. Joannis, numero 13.

SIXTUS III. *creditus, Libro de malis Doctoribus, ante medium.*

S. ISIDORUS PELUSIOTA *Libro V. epist. 17. ad Cyrum Scholasticum.*

SALVIANUS *Libro 6. de gubernatione Dei, fuse, ne quid leve ducamus, quo Deus offenditur. Idem Libro 4. ad Ecclesiam Catholicam, quam graviter Sancti vel in levia sua peccata animadvertant.*

S. CÆSARIUS *Sermone 37. olim apud Augustinum 41. de Sanctis, nunc 104. in Appendice.*

S. GREGORIUS M. *Pastoralis curæ Parte III. admonitione 34. Et Libro V. Expositionis in Librum I. Regum cap. 13.*

RICHARDUS A S. VICTORE *Tractatu de differentia peccati mortalis & venialis.*

PETRUS BLESSENSIS *Tractatu de confessione Sacramentali, in medio.*



TITULUS XXXVII.

De Pœnitentia generatim.

CAPUT I.

Loci.

Non comminaretur (Deus) non pœnitenti, si non ignosceret pœnitenti. *TERTULLIANUS Libro de pœnitentia cap. 8.*

Exomologesis cum provolvit hominem, magis relevat, cum squallidum facit, magis mundatum reddit, cum accusat, excusat, cum condemnat absolvit. In quantum non peperceris tibi, in tantum tibi Deus crede parcat. *Idem ibid. cap. 9.*

Si de exomologesi retractas, gehennam in corde considera, quam tibi exomologesis extinguet, & pœnæ prius magnitudinem imaginare, ut de remedii adeptione non dubites. *Idem ibid. cap. 12.*

Quod si, ut ais, ad peccatum cogitur, cui pœnitentiæ medicina monstratur: quid tandem ille facturus est, cui pœnitentia ipsa præcluditur? *S. PACIANUS Epistola 3. ad Sympronianum.*

Homo es, & vis rogari ut ignoscas; & putas Deum tibi non roganti ignoscere? *S. AMBROSIIUS Libro II. de Pœnitentia cap. 6.*

Ne in ipsa pœnitentia fiat, quod postea indigeat pœnitentia. *Idem ibidem cap. 11.*

Sunt etiam qui arbitrentur, hoc esse pœnitentiam, si abstineant a Sacramentis coelestibus. Hi faviores in se iudices sunt, qui pœnam præscribunt sibi, declinant remedium. *Idem ibid. cap. 19. Hunc locum exscripsimus in gratiam Jansenianorum.*

O veneranda pietas Dei! peccamus, & parcat, delinquimus & ignoscit! offendimus, & adhuc placatus existit! Unde qualis erga justos sit monstrat, dum talem se erga peccatores ostendit. *Creditus*

CHRY-

CHRYSOSTOMUS in ultimo sermone ex additis de pœnitentia.

Hoc profecit doctrina vestra, ut peccatum ne pœnitentiam quidem habeat. S. HIERONYMUS Libro II. adversus Jovinianum, in fine. *Etiam hic locus Tribunalibus Jansenizantium inscribi possit tribalibus literis.*

Cavendum est vulnus, quod dolore curatur. Idem loquens de Pœnitentia Epistola 79. alias 9. ad Salvinam, versus finem.

Ut inter omnes sanos constat, & quod ipsi Manichæi non solum fatentur, sed etiam præcipiunt, divinarum Scripturarum testimonia quæ usquequaque diffusa sunt, colligam? Vox est etiam ista naturæ. Neminem ullum * rei hujus notitia deseruit. Hoc nobis nisi etiam penitus insitum esset, periremus. Potest quidem aliquis dicere, non se peccare; non autem sibi esse, si peccaverit, pœnitendum, nulla barbaries hoc dicere audebit. S. AUGUSTINUS Libro de duabus animabus cap. 14.

Sed fac incertum esse utrum ignoscat Deus. Quid perdit cum supplicat Deo, qui salutem perdere non dubitavit, cum offenderet Deum? Quis enim certus est, quod etiam Imperator ignoscat? Et tamen pecunia funditur, maria transmeantur, procellarum incerta subeuntur, & pæne, ut mors evitetur, mors ipsa suscipitur. Idem sermone 351. alias homilia ultima ex 50. ad calcem.

Sed augent homines peccata spe veniæ? imo augerent peccata desperatione veniæ. Idem Concione I. in Psalmum 101. post medium.

S CHRYSOLOGUS ad illud Prodigium: Surgam, & ibo ad patrem meum. Qua spe, inquit? illa, qua pater est. Ego perdidit, quod erat filii; ille, quod patris est, non amisit. Sermone 2.

* Pro eo, quod alii stultum.

Tam perversa impii poenitentia fuit, ut etiam poenitendo peccaret. S. LEO *sermone 5. de Passione.*

Parcite obsecro, fratres, parcite animabus vestris! parcite sanguini qui pro vobis effusus est! horrendum cavete periculum, ignem qui paratus est, declinate. S. BERNARDUS *de Conversione ad Clericos cap. 30.*

C A P U T I I.

Fontes.

TERTULLIANUS *Libro citato de Poenitentia.*

ORIGENES *homilia 2. in Psalmum 37.*

S. CYPRIANUS *Libro de Lapsis: Libro ad Novatianum, de spe veniæ lapsis non neganda: Epistolis item aliquot, uti 52. ad Antonianum, & 55. ad Cornelium.*

LACTANTIUS *Libro VI. divinarum Institutionum, capitibus 13. & 24. atque Epitomes capite 6.*

S. CYRILLUS HIEROSOLYMITANUS *Catechesi 2.*

S. EPHRÆM sæpissime, præsertim prolixo illo Tractatu, qui inscribitur *de Poenitentia.*

S. BASILIUS M. *homilia supposita de Poenitentia, atque etiam Moralibus sententiis, potissimum vero Epistola 46. olim 5. ad Virginem lapsam.*

S. PACIANUS *Epistolis tribus ad Sympronianum, & Parænesi ad poenitentiam.*

S. GREGORIUS NYSSENUS *Oratione ad eos, qui durius & acerbius alios judicant, atque condemnant, quique conversione indigent & poenitentia. Iterum Oratione illa de Poenitentia, quæ etiam Asterio Amaseno tribuitur.*

S. AMBROSIIUS *Libris duobus de Poenitentia: Libro de lapsu Virginis consecratæ: & Apologiis duabus David &c.*

S. CHRYSOSTOMUS *homiliis pluribus de Poenitentia. Parænesi utraque ad Theodorum lapsum.*

Homilia

Homilia 20. in Genesin.

Homiliis duabus in Psalmum 50.

Homilia 27. in Matthæum.

Homilia 8. in I. ad Corinthios.

S. HIERONYMUS *Epistola* 147. alias 48. ad Sabitanum, & *Epistola* 77. alias 30. ad Oceanum. Item in *Commentario ad caput* 2. *Joëlis*, & ad caput 3. *Jonæ*.

S. AUGUSTINUS *Libro de vera & falsa pœnitentia*: *Libro de medicina*, seu utilitate pœnitentiæ: & *Libro de necessitate & utilitate pœnitentiæ*, qui etiam inter sermones solent reponi.

S. PAULINUS *Poemate* 5. de S. Baptista, ad finem.

S. CHRYSOLOGUS *Sermonibus primis*, qui sunt de filio prodigo, & *Sermone* 167.

S. BASILIUS SELEUCIENSIS *Oratione* 29.

S. FULGENTIUS *Epistola ad Venantiam de recta pœnitentia*, & futura tribulatione. Item *Libris duobus ad Euthymium de remissione peccatorum*.

S. CÆSARIUS ARELATENSIS *Sermonibus compluribus*, quos inter præcellit ille: Quotiescunque &c.

S. JOANNES CLIMACUS *gradu* 5.

VICTOR TUNONENSIS *Libro de Pœnitentia*, inter opera Ambrosii.

S. ISIDORUS HISPALENSIS *Exhortatione pœnitendi*: Item *Lamento pœnitentiæ*, & *Oratione ad flenda semper peccata*.

S. ANTIOCHUS *homiliis* 77. & 107.

S. JOANNES DAMASCENUS *Parallelorum Titulo III. Litera* µ alias *Libro II. cap.* 86.

B. RABANUS MAURUS *Libro III. ad Bonosum Abbatem*, qui est de modo pœnitentiæ.

HILDEBERTUS CENOMANENSIS *Sermonibus pluribus in Quadragesima*.

HUGO A S. VICTORE *plura de Pœnitentia habet Tomo III. suorum operum*.

TITULUS XXXVIII.

De Pœnitentiæ Procrastinatione.

CAPUT I.

Loci.

Quod si peccatum bonum est, & honestum, illud ad finem usque serva; sin noxium est patranti quid in exitiosis immoraris? Nemo bilem evomere cum vult, mala intemperantique diæta eam sibi multo abundantiorē cogerit. Par enim fuerit corpus a noxiis purgare, non morbum viribus majorem efficere. S. BASILIUS M. *homilia 13. exhortatoria ad sanctum baptisma.*

Proposita spe pœnitentiæ licentiam sibi delinquendi propagatam putant, cum pœnitentia remedium peccati sit, non peccandi incentivum. Vulneri enim medicamentum necessarium est, non vulnus medicamento; quia propter vulnus medicamentum quæritur, non propter medicamentum vulnus desideratur. S. AMBROSIIUS *Libro II. de Pœnitentia, cap. 9.*

Quid enim est quod differas? an ut plura peccata committas? Ergo quia Deus bonus est, ideo tu malus? *Idem ibidem cap. 11.*

Quid in crastinum differs? potes & hodiernum diem lucrari. Cavendum est enim ne & illum non teneas, & hunc amittas. *Idem Epistola 63. alias 82. & 25. ad Vercellensem Ecclesiam.*

Aderit illud tempus, cum non jam ultra nobis ludus hic procedet. Prorsus etenim mors necesse est (eo quippe plerique stupore sunt, ut de perspicuis quoque rebus loqui necesse sit) prorsus resurgere

gere, prorsus judicium subire, ac pœna affici . . . Quo circa demus operam, ut nosmet ipsos recuperemus. Atque is quidem, qui senili ætate est, cogitet se propediem hinc excessorum esse, ac satis diu ætatem in voluptate duxisse: quamquam quæ hæc voluptas est in vitiis vitam exigere? Verum ad ipsius opinionem orationem interim accomodo. Illud etiam postea animadvertat, licere ipsi omnes maculas exiguo tempore abstergere. Juvenis rursum secum reputet quam incertus vitæ finis sit, quodque sæpe contigit, ut multis senibus diutius hic manentibus juvenes ante ipsos morte abrepti sint. Ideo enim noster e vita discessus in incerto jacet, ne eum negotiemur. Unde etiam sapiens quidam his verbis nos admonet: *Non tardes converti ad Dominum, & ne differas de die in diem; nescis enim, quid paritura sit superventura dies.* Ex dilatione quippe periculum, ac metus nascitur. Quod si quis moram omnem fugiat, perspicua ei, & certa salus. Proinde virtutem complectere. Sic enim sive juvenis hinc abscedas; sive ad senilem ætatem pervenias cum amplissimis opibus excedes, duplicemque lætitiâ ac festivitatem per omnem vitam habebis; nimirum & a vitio abstinens & virtutem amplexans. Cave dixeris: Erit tempus cum ad meliorem frugem revertendum erit; hæc enim verba Deum majorem in modum ad iracundiam concitant. Quid tandem est, quod cum ille infinita sibi sæcula pollicitus sit, tu contra in præsentī hac vita, quæ brevis & fluxa est, nullum laborem suscipere velis; verum ita dissolutus, & ignavus sis, ut etiam hac ipsa breviorē requiras? An non eadem comessationes quotidie? An non eadem scorta? An non eadem theatra? An non eadem pecuniæ? Quousque ista tanquam vera, & solida amabis? Quousque inexplebili vitii cupiditate teneberis? Memento quod quoties scortatus es, toties te ipsum

ipsum condemnasti. Hujusmodi quippe est peccatum. Protinus ut perpetratum est, sententiam fert Judex. Mero te obruisti? cibis te ingurgitasti? rapuisti? consilite jam, teque in contrariam viam refer: Deo gratias age quod te inter media peccata non abripuit, ne alterum quoque tibi tempus ad flagitiose vivendum præfiniri possules. Multi dum avaritiæ studerent hinc abrepti sunt, atque ad perspicuas certasque poenas abscesserunt. Ne idem tibi inexcusabili accadat time. At, inquis, multis Deus in extrema quoque senectute peccata sua confitendi spatium concessit. Quid tum? an tibi quoque concedet? Fortasse, inquis. Quid ais, fortasse, & interdum, & sæpe? in mentem tibi veniat, te de anima tua consilium inire. Contrarium pone, tecumque ita reputa, ac dic: Quid autem si non concesserit? Tu contra: Quid si concesserit inquis? Concessit quidem ipse; verumtamen hoc illo tutius est, & utilius. Etenim si jam probe vivere incipias, siue certum vitæ spatium acceperis siue non: omnia lucratus eris; si autem moras quotidie nectas, ideo persæpe non accipies. Enimvero cum ad bellum proficisceris non dicis: Non necesse est testamentum condere; fortasse revertar: nec cum de ineundo matrimonio consultas, dicis: Uxorem egentem accipiam; multi enim præter opinionem ad opes ita pervenerunt: nec cum domum exstruere paras; Infirma fundamenta jacias; permultæ enim ædes sic etiam constiterunt. At cum de anima consilium inis, imbecillioribus niteris; nimirum illo *fortasse*, *sæpe*, *interdum* ponens, incertisque eventibus teipsum committis. Non incertis, inquis, eventibus; sed Dei benignitati. Benignus enim est Deus. Id ipse quoque compertum habeo; sed tamen benignus hic illos etiam, quos dixi, de medio sustulit. Quid vero si accepto longiori vitæ spatio idem ipse tuique simili

lis maneat? Nam, qui ejusmodi est, in senectute quoque ignavus erit. Non, inquires. Sed is qui hæc cogitat etiam post octoginta annos nonaginta requirit, & post nonaginta centum, & exactis centum annis segnior adhuc erit. Atque ita tota vita incassum absumetur, tibi quoque etiam id accidet, quod de Judæis dictum est: *Defecerunt in vanitate dies eorum.* Atque utinam in vanitate duntaxat, & ac non etiam in perniciem. Cum enim illuc abierimus, gravem peccatorum sarcinam gestantes (hoc quippe est in perniciem) alimentum igni, ingentemque vermi mensam deferemus. Quam ob rem rogo, atque obsecro, ut tandem aliquando fortiter stemus, nosque a vitio removeamus! S. CHRYSOSTOMUS *homilia 22. in II. ad Corinthios.*

Si tunc vis agere pœnitentiam ipsam, quando jam peccare non potes: peccata te dimiserunt, non tu illa. S. AUGUSTINUS *Sermone 393. alias homilia 41. ex 50.*

Crastino iniquitatum tuarum erit finis? Quid si ante crastinum tuus erit finis? *Idem sermone 87. alias 59. de verbis Domini.*

Idem in illud Psalmistæ: Misericordiam & judicium cantabo tibi Domine, hunc in modum commentatur: Non dicamus: semper parcit Deus. Ecce feci heri, & pepercit Deus. Facio & hodie, & parcit Deus. Faciam & cras quia parcit Deus. Attendis ad misericordiam, & non times judicium? Si vis cantare misericordiam, & judicium intellige; quia ideo parcit ut te corrigas, non ut in malignitate permanas. *Enarratione in Psalmum 100. ante medium.*

Unus est, ne desperes; unicus est, ne præsumas. *Eidem tribui solet; sed non memini in illo me legere.*

Pœnitentia, quæ ab infirmo petitur, infirma est: pœnitentia, quæ a moriente tantum petitur, timeo

ne & ipsa moriatur. *Idem Sermone 57. de Tempore, nunc 255. Appendicis.*

Illa est peccati poena justissima, ut amittat unusquisque quo bene uti noluit, cum sine ulla difficultate posset si vellet. Id est autem ut qui sciens recte non fecit, amittat scire quod rectum sit: & qui facere cum posset noluit, amittat posse cum velit. *Idem Libro III. de libero arbitrio cap. 18.*

Ecce cum loquor, muta cor, & factum est, quod tam sæpe & tamdiu clamatur ut fiat: & quod æternam poenam parturit, si non fiat. *Idem Enarratione in Psalmum 63. ipso in fine.*

Præveniendus est dies, qui prævenire consuevit. EUSEBIUS GALLICANUS *homilia de Latrone beato.*

Si quis a malis suis fracta jam ætate vel cogente infirmitate vel imminente morte destiterit: oblectamenta delicti perdidit, non reliquit: neque ille voluptatem deseruit, sed illum voluptas. Illum inquam voluptas, necessitate non virtute fugata, destituit. Ac per hoc impossibilitate exclusus a vitiis & tunc puto peccat quando peccare cessaverit; quia, quantum ad animum, necdum desiit qui adhuc vellet peccare si posset. *Idem EUSEBIUS homilia ad plebem, in qua multæ obtrectiones dicuntur.* *

Quia antiquorum morborum difficilis & tarda curatio est, tanto velocius adhibeantur remedia, quanto recentiora sunt vulnera. S. LEO *Sermone 1. de resurrectione Domini, in fine.*

Tu homo sæpius inter ista omnia considera, si justum est, ut per totam vitam tuam vitiis & peccatis

* Eadem fere habet SALVIANUS *Libro 1. ad Ecclesiam Catholicam, versus finem.* Quod cum non semel, sed vel hac ipsa in homilia sæpius deprehendo: haud parum augeatur suspicio, aliunde mota, plures ex homiliis Eusebii Salvianum habere auctorem. Vide, quæ diximus Libro secundo, *Dissertatione de Eloquentia S. Eucherii, capite tertio.*

tis servias, & ad acquirendam vitam jam vivus assurgas. Numquid tibi hoc fieri vis a servo tuo, ut quamdiu fortis ac juvenis fuerit, inimicis tuis serviat, & cum ad senectam venerit, tunc ad tuum servitium redire velit? Quod ergo non vis pati a servo tuo, non est justum ut facias Domino tuo. S. CÆSARIUS ARELATENSIS *homilia 6.*

Ecce apertum est ostium pœnitentiæ! accelera priusquam claudatur. Effunde, dum tempus est, lacrimas, ne in alio sæculo sine utilitate plangas. S. ANSELMUS *Exhortatione ad contemptum temporarium, & desiderium æternorum, circa initium.*

Valde difficile est, ut tunc vera sit pœnitentia, quando tam fera venit. Quando cruciatus membra ligat, & dolor sensum opprimit, vix homo aliud cogitare potest. Ergo si vis securus esse, pœnitentiam age dum sanus es. Dum mens sibi vacare potest, exerce illam in opere suo. Valde suspecta debet esse pœnitentia quæ coacta videtur esse. Facile est ut homo se nolle putet, quod posse non datur. Possibilitas optime voluntatem probat. Si non facis dum potes, manifeste ostendis, quod non vis. HUGO A S. VICTORE *Libro II. de Sacramentis, Parte 4. capite 5.*

Væ illi, qui tunc habuit terminum luxuriæ, quando vitæ. Creditus BERNARDUS *de ordine vitæ, & morum institutione, prope finem.* Citat etiam ex Hieronymo Beda *in scintillis*; verum dubito, an apud istum sit reperire.

CAPUT II.

Fontes.

TERTULLIANUS *Libro de pœnitentia capitibus 6 & 7.*

S. BASILIUS M. *citata homilia 13. in S. Baptisma: Et ad finem admonitionis ad filium spiritualem: item Oratione 4. ex collectiis.*

S. GRE-

S. GREGORIUS NAZIANZENSIS *Oratione* 40. in *sanctum baptisma*.

S. GREGORIUS NYSSENUS *Oratione adversus eos, qui differunt baptisma*.

S. AMBROSIIUS *Libro de Elia & Jejunio cap. 22. Item in Exhortatione ad pœnitentiam agendam, ad calcem operum, quæ & homiliam Augustini 41. ex 50. fere totam complectitur.*

S. CHRYSOSTOMUS *homilia 5. olim 1. de pœnitentia, de propra pœnitentia.*

Concione 1. in Psalmum 32. post medium.

Homilia 27. in Matthæum.

Homilia 1. in Acta, præsertim post medium.

Homilia 13. in eadem acta.

S. HIERONYMUS *Libro IX. in caput 30. Esaia.*

S. AUGUSTINUS *Libris tribus de peccatorum meritis, & remissione.*

Enarratione in Psalmum 60. ad finem.

Enarratione in Psalmum 100. supra citata.

Enarratione in Psalmum 102. versus finem.

Enarratione in Psalmum 144. ad versum 8.

Tractatu 33. in Joannem.

Sermone 22. olim 109. de tempore.

Sermone 40. alias homilia 11. ex 50.

Sermone 82. alias 16. de verbis Domini.

Sermone 87. jam laudato.

Sermone 351. alias homilia ultima ex 50.

Sermone 393. alias citato.

Sermone 29. Appendicis novæ, olim 102. de tempore.

Adde etiam, quæ habet *Libro VIII. Confessionum, capitibus 5. & 11. de mora conversionis suæ.*

EUSEBIUS GALLICANUS *homilia de latrone beato, jam laudata.*

S. LEO *Sermonibus 5. & 12. in Quadragesima.*

Tit. XXXIX. De Pœnitentiæ Partibus. Cap. I. 313

SALVIANUS Libro I. ad Ecclesiam Catholicam su-
se: & Libro 5. de Gubernatione Dei, prope finem,
obiter de morte in peccatis.

JULIANUS POMOERIUS Libro II. de vita contem-
plativa cap. 7.

S. CÆSARIUS ARELATENSIS Sermonibus 13. 14.
& 15.

VICTOR TUNONENSIS Libro de Pœnitentia cap. 27.

S. GREGORIUS M. homilia 11. in Ezechielem cap.
3. homiliis item 12. & 13. in Evangelia.

S. JOANNES DAMASCENUS Parallelorum Titulo
III. litera µ.

S. ELIGIUS NOVIOMENSIS homilia 6.

HUGO A S. VICTORE loco citato.

S. BERNARDUS Sermone 38. ex parvis: Et in De-
clamationibus, versus finem.

RICHARDUS A S. VICTORE Tractatu de potestate
ligandi & solvendi.

PETRUS BLESSENSIS Epistola 15. de vocibus mun-
di pœnitentiam nostram differri volentis. Adde
Tractatum de Confessione Sacramentali.

Vide Titulos: Præsumptio. Longanimitas divi-
na. Inspirationes.

TITULUS XXXIX.

De Pœnitentiæ Partibus omnibus, fuse &
singulatim.

CAPUT I.

Loci.

DE EXAMINE.

*P*eccatum meum contra me est semper: Ego illud
video; tu illud non videas. Ego literis man-
do, tu oblitera. Vide enim quid fiat. Si illud tu
memoria teneas, Deus e memoria abjicit: si te illius
Vol. VII. Z oblitio

oblivio capiat, Deus illius meminit. S. CHRYSOSTOMUS *homilia 2. in Psalmum 50. per accomodationem.*

Quid ais homo! Deum offendisti, & oblivifceris? altera jam est hæc offensio, altera inimicitia. A quibusnam ergo peccatis solvi petis? An ab iis quæ ne tibi quidem nota sunt? *Idem homilia 22. in II. ad Corinthios.*

Sunt homines qui quasi conantur quærere iniquitatem suam, & timent illam invenire. S. AUGUSTINUS *Enarratione in Psalmum 35 post initium.*

Dilute conscientiam tuam. Noli superficiem circumpalpare. Descende in te, penetra interiora cordis tui, rimare diligentes, utrum nulla ibi vena venenata tabificum amorem sæculi fugat. *Idem sermone 348. alias 214. de tempore.*

Peccata nostra judices nos sentiant, non patronos. Accusatores suos, & non defensores esse cognoscant; secundum illud quod scriptum est: *Iniquitatem meam ego cognosco, & peccatum meum contra me est semper.* Tu agnosce; & Deus ignoscet. *Idem sermone 88. de Tempore, nunc 22. Appendicis.*

Omnes cordis nostri recessus jugiter perscrutandi sunt, & ascendendum in eos vestigia indagatione sagacissima retractanda. S. CASSIANUS *Collocatione I. cap. 22.*

Si superbia, si avaritia, si invidia, si ambitio aut similis aliqua pestis abscondita est, vix poterit effugere hoc examen. Si fornicatio, si rapina, si crudelitas, si fraus ulla, aut quælibet culpa admissa est, integrum hunc judicem non latebit. Reus esse nec inficiabitur coram eo. Transiit enim velociter totus ille pruritus delectationis iniquæ, & voluptatis illecebra tota brevi finita est; sed amara quædam impressit signa memoriæ, sed vestigia foeda reliquit. In illud siquidem repositorium velut in sentinam aliquam tota decurrit abominatio, & im-

mun-

Tit. XXXIX. De Pœnitentiæ Partibus. Cap. I. 355
munditia tota defluxit. S. BERNARDUS *Tractatu de
Conversione ad Clericos, cap. 3.*

DE DOLORE.

Pœnitentia de pectoribus excussa est: gravissimi, extremique delicti memoria sublata est. Operiuntur morientium vulnera, & plaga lethalis altis & profundis visceribus infixâ dissimulato dolore contegitur. S. CYPRIANUS *Libro de lapsis.*

Quam magna deliquimus, tam granditer defleamus. Alto vulnere diligens, & longa medicina non desit. Pœnitentia crimine minor non sit. *Idem ibidem.*

Magnifice, ut solet, GREGORIUS NAZIANZENUS pœnitentium lacrimas peccati diluvium appellat, & mundi piammentum. Oratione 3. quæ est in Julianum 2. paulo ante medium.

Ostende mihi amaras, atque uberes lacrimas tuas; ut ego quoque meas commisceam. S. GREGORIUS NYSSENUS *Oratione in eos, qui acerbius judicant.*

Audiant qui agunt pœnitentiam, quomodo agere debeant, quo studio, quo affectu, qua mentis intensione, qua intimorum concussione viscerum, qua cordis conversione. S. AMBROSIIUS *Libro II. de Pœnitentia cap. 6.*

Tales lacrimæ ipsum etiam gehennæ incendium norunt extinguere. S. CHRYSOSTOMUS *Cancione 1. de Lazaro.*

Sed o magnificum (donum!) quod dedit ad supplicium, in salutem vertit. Peccatum dolorem peperit, dolor peccatum consumpsit: & quemadmodum vermis e ligno natus ipsum lignum comminuit, sic & dolor e peccato natus peccatum consumit per pœnitentiam inductus. *Idem homilia 5. de Pœnitentia, hodie 7.*

Portat tormentum suum qui propria torquetur conscientia, & in isto sæculo sustinet propria vo-

luntate cruciatum, ne æterna tormenta sustineat. S. HIERONYMUS *Libro V. Commentariorum in caput 16. Ezechielis.*

Quæ peccata fletus iste non purget? quas inveteratas maculas hæc lamenta non abluant? *Idem Epistola 77. alias 30. ad Oceanum.*

Qui se conterit irascitur sibi: se habeat iratum, ut illum habeat propitium: se habeat judicem, ut illum habeat defensorem. S. AUGUSTINUS in *Expositione Psalmi 74. initio.*

An vero in te sunt viscera miserationis christianæ, ut plangas corpus, a quo recessit anima, & non plangas animam, a qua recessit Deus! *Idem Sermone 65. alias 13. inter additos a Parisiensibus.*

In actione pœnitentiæ non tam consideranda est mensura temporis, quam doloris. *Idem in Enchiridio cap. 65.*

Ecce, ibi es in corde eorum, in corde confidentium tibi, & projicientium se in te, & plorantium in sinu tuo post vias suas difficiles! & tu facilis terges lacrimas eorum, ut magis plorent, & gaudeant in fletibus. *Idem Libro V. Confessionum cap. 2.*

Rursum S. Doctor de verbo illo PECCAVI, quod æque & Saul, & David adhibuerunt: In simili, inquit, voce, quam sensus humanus audiebat, dissimile pectus erat, quod divinus oculus discernebat. *Libro XXII. contra Faustum cap. 67.*

Idem contritionem perfectam suasurus: Quando exhibuistis membra vestra iniquitati ad flagitia perpetranda, timore adducti estis, an delectatione invitati; quid dicitis? Respondete nobis, quia & qui bene vivitis, male aliquando fortasse vixistis. Quando peccabatis, delectabamini in peccatis vestris. Timor vos adducebat ad peccandum, an suavitas peccati? Respondebitis suavitas. Ad peccatum suavitas adducit, ad Justitiam timor impingit?

git? . . . Amate justitiam, quantum amastis iniquitatem. Digna est justitia, quæ a vobis impetret, ut exhibeatis illi, quod exhibuistis iniquitati. *Sermone 159. alias 17. de verbis Apostoli.*

Idem de eo, qui ex solo, quem vocant, metu servili dolet, eleganter: Inimicus justitiæ est, qui gehennam metuit. Non peccare metuit, sed ardere. Peccare autem metuit, qui peccatum ipsum sicut gehennam odit. *Epistola 144. nunc 145. ad Anastasium.*

Iterum Sermone 178. alias 19. de verbis Apostoli: Deus cor interrogat, non manum. Lupus venit ad ovile ovium, quærit invadere, quærit jugulare, quærit devorare. Vigilant pastores, latrant canes; nihil poterit. Non aufert, non occidit; sed tamen lupus venit, lupus redit. Numquid quia ovem non tulit, ideo lupus venit, & ovis redit? Lupus venit fremens, lupus redit tremens. Lupus est tamen & fremens & tremens.

Non levi agendum est contritione, ut debita illa redimantur, quibus mors æterna debetur, nec transitoria opus est satisfactione pro malis illis, propter quæ paratus est ignis æternus. Si volumus intelligere quam graves apud se faciat Judex noster hominum culpas, respiciamus ad pœnas. *EUSEBIUS GALLICANUS homilia 5. ad Monachos.*

Fatentur enim, & quidem, quod est gravius, sic fatentur, ut in ipsa confessione non doleant. Idem enim nunc est animus in fatentibus, qui in agentibus fuit. Sicut tunc non puduit flagitia committere, sic nunc omnino non pœnitet flagitiosa fecisse. *SALVIANUS Libro 7. de gubernatione, post initium.*

Sint autem efficaces gemitus, qui peccata in ossibus scrutentur, qui in medullis persequantur. Nihil intactum fletus, nihil incuratum dolor relinquat, quod contra nos in die discussionis assurgat. *S. CÆSARIUS ARELATENSIS homilia 17.*

Si poenam non metueret, culpam procul dubio perpetraret. Ignorat itaque mens gratiam libertatis, quam ligat servitus timoris. Bona enim pro semetipsis amanda sunt, & non poenis compellentibus exequenda. Nam qui propterea bonum facit, quia tormentorum mala metuit, vult non esse quod metuat. ut audacter illicita committat. S. GREGORIUS M. *Pastoralis curæ Parte III. Admonitione 14.*

Sæpe sibi de se mens ipsa mentitur. *Idem ibidem Parte I. cap. 9.*

Qui sic alia deplorat, ut tamen alia committat, adhuc poenitentiam agere aut dissimulat, aut ignorat. Quid enim prodest, si peccata quis luxuriæ defleat, & tamen adhuc avaritiæ æstibus anhelet? Aut quid prodest, si iræ culpas jam lugeat, & tamen adhuc invidiæ facibus tabescat? *Idem homilia 34. in Evangelia.*

Rursum in caput 15. Libri I. Regum, loquens de iis, qui verbis, non item affectu dolerent: Profecto, ait, confitendo nihil agunt; quia quod loquendo ejiciunt, amando introducunt.

Nec timor, nec amor privatus convertit animam. Mutant interdum vultum, vel actum; affectum nunquam. S. BERNARDUS *Epist. 11. ad Carthusienses, & Guigonem Priorem.*

Satius est, o fratres, & suavius fonte purgari, quam igne. GUERRICUS *Abbas Sermone 4. de Purificatione.*

DE PROPOSITO EMENDATIONIS.

Dum dolemus admissa, admittenda excludimus, & fit quædam de condemnatione culpæ disciplina innocentiae. S. AMBROSIIUS *Libro II. de Poenitentia cap. 10.*

Si aliis dixissem, sermo meus stare deberet: quanto magis stabile debet esse, quod mihi ipse constitui? Si quis alienum fallat, indecorum est; si quis
quis

quis proximum, grâve. Quanto igitur gravius si quis seipsum eo quod sibi promiserit putet esse fraudandum, ut ipse sibi infidelis suo iudicio, & despicibilis æstimetur? Cui enim idoneus videri potest, qui sibi vilis est? *Idem in Psalmum 38. initio.*

Carnis natura multo cum labore ab infestantibus liberatur vulneribus. Ferrum sæpe & amara medicamina adhibere necessarium est. In anima vero nihil est tale, sed tantum velle & cupere sufficit; & omnia correcta sunt. S. CHRYSOSTOMUS *homilia 8. ad populum.*

Ita velle efficit posse, uti nolle efficit non posse. Magna vis est voluntatis, quæ efficit nos posse quod volumus, & non posse illa quæ nolumus. *Idem creditus homilia de Zacharia* (quam non recordor me legere in *Montfaucono*) *sub finem.*

Stultitia est, si ex parte salvari cupit, qui ex toto perit. S. HIERONYMUS *putatus, Epistola ad amicum, quem instituit in scientia divinæ legis, in Appendice.*

Iusta vita cum volumus adest; quia eam ipsam plene velle iustitia est, nec plus aliquid perficienda iustitia quam perfectam voluntatem requirit. S. AUGUSTINUS *Epistola 127. alias 45. ad Armentarium & Paulinam.*

Nihil tam facile est bonæ voluntati, quam ipsa sibi. *Idem sermone 70. alias 9. de verbis Domini.*

Eligas magis, Deo dilecto mori, quam Deo offenso vivere. *Idem.*

Fatentur se male fecisse, nec ullum finem volunt malis suis factis imponere. Accusant humiliter in conspectu Dei peccata, quibus tenentur oppressi, & eadem peccata, quæ humilitate sermonis accusant, corde perverso contumaciter cumulant. Indulgentiam quam lacrimosis genitibus poscunt, ipsi sibi pravis operibus adimunt. Medelam poscunt a medico: ac sic inaniter verbis quærunt placare

care justum Judicem, quem factis iniquis magis irritant ad furorem. Tales enim nunquam diluunt gemitendo peccatum; quia non desinunt peccare post gemitum. S. FULGENTIUS *Libro I. de remissione peccatorum ad Euthymium, cap. 12.*

Idcirco se lacrimis lavant, ut mundi ad sordes redeant. S. GREGORIUS M. *Pastoralis curæ Parte III. Admonitione 31.*

Væ tibi quicumque es, qui deliberas redire ad lutum, reverti ad vomitum. Putasne placatos habebis in judicio, quos tanto & tam sperato privare vis gaudio? Exultaverunt cum nos ad poenitentiam venimus, tanquam super his, quos ab ipsa inferi porta cernerent evocari: quid nunc erit, si ab ipsa paradisi janua reverti viderint, & abire retrorsum eos, qui jam pedem alterum in paradiso posuerunt? S. BERNARDUS *Sermone 2. in Vigilia Nativitatis.*

Sanum justumque propositum numquid omitendum ex toto fuit, quia ex toto adimpleri non potuit? *Idem Epistola 176.*

DE CONFESSIONE.

Plerosque hoc opus ut publicationem sui aut subterfugere, aut de die in diem differre præsumo, pudoris magis memores, quam salutis; velut illi qui in partibus verecundioribus corporis contracta vexatione conscientiam medentium vitant, & ita cum erubescencia sua pereunt. TERTULLIANUS *Libro de Penitentia, cap. 10.*

Grande plane emolumentum verecundiæ occultatio delicti pollicetur! videlicet si quid humanæ notitiæ subduxerimus, perinde & Deum celabimus? *Idem ibidem.*

Adeone existimatio hominum & Dei conscientia comparantur? an melius est damnatum latere, quam palam absolvi? *Idem ibidem.*

Dum

Dum accusat semetipsum & confitetur, simul evomit & delictum, atque omnem morbi diggerit causam. ORIGENES *homilia 2. in Psalmum 37.*

Novum iudicii genus! in quo reus si excusaverit crimen damnatur; absolvitur si fatetur. S. ZENO *Sermone 2. ad Neophytos.*

Rogo vos fratres etiam pro periculo meo, per illum Dominum quem occulta non fallunt, desinite vulneratam tegere conscientiam! S. PACIANUS *Parœnesi ad pœnitentiam.*

Peccator timebit, peccator erubescet perpetuam vitam præsentis pudore mercari? *Idem ibidem.*

Quod si fratrum oculos erubescitis, consortes casuum vestrorum timere nolite. *Idem ibidem.*

Quantum studium a nobis adhiberi conveniebat, ut morbum medicis detegeremus, tantum ad medicinam fugiendam adhibemus, atque in nostram perniciem fortes sumus, & adversus sanitatem nostram periti. S. GREGORIUS NAZIANZENSIS *Oratione 1. propius initium.*

Confusio est peccare, non est confusio peccata confiteri. Confunderis confiteri peccata? Confundaris admittendo. S. CHRYSOSTOMUS *creditus, sermone de Pœnitentia & confessione.*

Cum peccator fieres non erubescibas; cum iustus efficeris, erubescis? *Idem homilia 8. de Pœnitentia.*

Si quem serpens diabolus occulte momorderit, & nullo conscio eum peccati veneno infecerit: si tacuerit qui percussus est, & non egerit pœnitentiam, nec vulnus suum fratri & magistro voluerit confiteri: magister, qui habet linguam ad curandum, facile ei prodesse non poterit. Si enim erubescat ægrotus vulnus medico confiteri, quod ignorat medicina non sanat. S. HIERONYMUS *in Caput 10. Ecclesiastis.*

Excusamus, & jungimus peccata peccatis.
Idem in Psalmum 140.

Sunt multi, quos peccare non pudet, agere poenitentiam pudet. O incredibilis insania! de vulnere ipso non erubescis; de ligatura erubescis? S. AUGUSTINUS *Enarratione in Psalmum 50. ad versum 4.*

Cui celas? qui novit omnia? *Idem Enarratione in Psalmum 31.*

Invenio & sequentia in meis notulis, ipsa pariter ex AUGUSTINO collecta; verum quod me pessime habet; absque ulla allegatione:

Quid erubescis, o homo, confiteri peccata tua? peccator sum, sicut & tu. Homo sum, sicut & tu. Humani nihil a me alienum puto. Confitere ergo homo homini: homo peccator homini peccatori.
Idem.

Etiamsi nollem confiteri, quid occultum esset in me tibi, te mihi absconderem, non me tibi. *Idem.*

O stulte! cur erubescis homini dicere, quod non erubuisti in conspectu Dei facere? *Idem.*

Ut tibi coelum aperiatur, aperi os tuum sacerdoti. Hæc sola est porta paradisi *Idem.*

Est nobis dura & deflenda conditio! peccare nos cogit fragilitas innata, & confiteri prohibet confusio cognata peccati. Malum enim facere pudor non est, & pudor est confiteri. Timemus dicere, quod committere non timemus. S. CHRYSOLOGUS *Sermone 34.*

Belle etiam huc facit, quod alia occasione SALVIANUS peccatores quosdam eorundem criminum accusatores, & excusatores dicit Libro 3. de gubernatione Dei.

O perversitas! non pudet inquinari, & ablui pudet. S. BERNARDUS *Epistola 185. ad Eustachium.*

Cur te pudet peccatum tuum dicere, quem facere non puduit? aut cur erubescis Deo confiteri,
 cujus

cujus oculis non potes abscondi? Quod si forte pudor est tibi uni homini & peccatori peccatum tuum exponere, quid facturus es in die judicii, ubi omnibus expolita tua conscientia patebit? *Idem in sententiis, propius initium.*

DE ABSOLUTIONE,

Omnibus delictis seu carne, seu spiritu, seu facto, seu voluntate commissis qui pœnam per judicium destinavit, idem etiam & veniam per pœnitentiam spondit. TERTULLIANUS *Libro de Pœnitentia cap. 4.*

Emersit fratres dilectissimi novum genus claudis, & quasi parum persecutionis procella sævierit, accessit ad cumulum sub misericordiæ titulo malum fallens & blanda perniciēs. Contra Evangelii vigorem, contra Domini ac Dei legem temeritate quorundam laxatur incautis communicatio. Irrita & falsa pax: periculosa dantibus, & nihil accipientibus profutura. S. CYPRIANUS *Libro de Lapsis.*

A diaboli aris revertentes ad sanctum Domini sordidis, & infectis nidore manibus accedunt: mortiferos Idolorum cibos adhuc pœne ructantes, exhalantibus etiam nunc scelus suum faucibus, & contagia funesta redolentibus Domini corpus invadunt. *Idem ibidem.*

Spretis his omnibus atque contemptis vis inferitur corpori ejus & sanguini, & plus modo in Dominum manibus atque ore delinquant, quam cum Dominum negaverunt. *Idem ibidem.*

Ante expiata delicta, ante exomologesin factam criminis, ante purgatam conscientiam sacrificio & manu sacerdotis, ante offensam placatam indignantis Domini, & minantis pacem putant esse, quam quidam verbis fallacibus venditant. Non est pax illa, sed bellum; nec Ecclesiæ jungitur qui ab Evangelio separatur. Quid injuriam beneficium

vocant? quid impietatem vocabulo pietatis appellant? *Idem ibidem.* Quadratur autem in eos, qui ab solutionem ab uno Sacerdotum negatam extorquent ab alio, & fors illo ipso, qui doctrina laxitatem ceteris pleno ore, & velut ex instituto solet objicere.

Alta & erecta cervix nec quia cecidit, inflexa est. Tumens animus & superbus nec quia victus est, fractus est. Jacens stantibus & integris vulneratus minatur, & quod non statim Domini corpus inquinatis manibus accipiat, aut ore polluto Domini sanguinem bibat, sacerdotibus sacrilegus irascitur! Atque o tuam nimiam furiose dementiam! irasceris ei, qui abs te avertere iram Dei nititur, ei minaris, qui pro te Domini misericordiam deprecatur, qui vulnus tuum sentit, quod ipse non sentis, qui pro te lacrimas fundit, quas forsitan ipse non fundis. Oneras adhuc crimen & cumulas, & cum sis ipse implacabilis ad antistites, & sacerdotes Dei, putas circa te Dominum posse placari. *Idem ibidem.* In eodem valet, quos supra dixi.

Non desunt vitiorum assentatores blandi, & indulgentes patroni, qui præstant vitiis auctoritatem; & quod est deterius censuram scripturarum coelestium in advocationem criminum convertunt. *Idem Libro de spectaculis, initio.*

Frustra cicatricem curaveris, si serpent interiora contagia. Imo exacerbatur vulnus si foris clauditur, cum interius virus exæstuat. Nam quid proderat donasse peccatum si peccandi maneret affectus? Hoc erat non sanare cicatricem, sed claudere. *S. AMBROSIIUS in Psalmum 61. initio.*

Nonnulli ideo poscunt poenitentiam, ut statim sibi reddi communionem velint. Hi non tam se solvere cupiunt, quam sacerdotem ligare. Suam enim conscientiam non exuunt, & sacerdotis induunt. *Idem Libro II. de Poenitentia cap. 9.*

Sacerdotis folium in cœlis collocatum est, & coelestia administrandi habet auctoritatem. Quis hæc dicit? Ipse cœlorum Rex. *Quæcunque enim ligaveritis super terram, erunt ligata & in cœlis: & quæcunque solveritis super terram, erunt soluta & in cœlis.* Quid cum hoc honore conferri possit! a terra judicandi principalem auctoritatem sumit cœlum. Nam Judex sedet in terra, Dominus sequitur servum, & quidquid hic in inferioribus judicarit, hoc ille in supernis comprobatur. S. CHRYSOSTOMUS *homilia 5. de verbis Esaiæ: Vidi Dominum.*

Tales (Pharisæi scilicet, & Scribæ) sunt etiam nunc sacerdotes, qui omnem justitiam populo mandant, & ipsi nec modice servant. Videlicet non ut facientes sint justi, sed ut docentes appareant justii. Tales sunt & qui grave pondus venientibus ad pœnitentiam imponunt, qui dicunt & non faciunt, & sic dum pœna pœnitentiæ præsentis fugitur, contemnitur pœna peccari futura. Si enim fascem super humeros adolescentis quem non potest bajulare posueris, necesse habet ut aut fascem rejiciat, aut sub pondere confringatur. Sic & homini cui grave pondus pœnitentiæ ponis, necesse est ut aut pœnitentiam tuam rejiciat, aut suscipiens dum sufferre non potest, scandalizatus amplius peccet. Deinde etiam erramus modicam pœnitentiam imponentes, nonne melius est propter milericordiam rationem dare, quam propter crudelitatem? ubi enim paterfamilias largus est, dispensator non debet esse tenax. Si Deus benignus est, ut quid sacerdos austerus? Vis apparere sanctus? circa tuam vitam esto austerus circa alienam autem benignus. Audiant te homines parva mandantem, & grandia videant facientem. AUCTOR *Operis imperfecti in Matthæum, homilia 43. circa medium.*

Chirographum innumerabilium debitorum (Deus) nobis non sentientibus delet. Sed opus est ut quod tribuit gratia custodiat diligentia, & quod sine labore acquiritur, cum labore servetur. EUSEBIUS GALLICANUS *homilia 1. de symbolo.*

Eleganter de sacerdotibus, cum pœnitentes alloquuntur: Sic corda aperiant. ut ora non obstruant. S. BERNARDUS *Sermone ad Milites Templi cap. 12.*

Et de confessoriis, quibus confiteri coguntur pœnitentes. Tales medici curant. & non sanant. PETRUS BLESSENSIS *Tractatu de satisfactione sacramentali, post medium.*

DE SATISFACTIONE.

An illa ingemiscit & plangit, cui vacat cultum pretiosæ veltis induere, nec indumentum Christi quod perdidit cogitare? accipere pretiosa ornamenta & monilia elaborata nec divini & cœlestis ornatus damna deslere? Tu licet indumenta peregrina & vestes sericas induas, nuda es. Auro te licet, & margaritis, gemmisque condecores sine Christi decore deformis es. Et quæ capillos tuos inficis vel nunc in doloribus define, & quæ nigri pulveris ductu oculorum lineamenta depingis vel nunc lacrimis oculos tuos ablue. Si quem de tuis charis mortalitatis exitu * perdidisses, ingemisceres dolenter, & fleres, facie inculta, velte mutata, neglecto capillo, vultu nubilo; ore dejecto indicio mœroris ostenderes: animam tuam misera perdidisti, spiritualiter mortua supervivere hic tibi, & ipsa ambulans funus tuum portare coepisti, & non acriter plangis, non jugiter ingemiscis, non te vel pudore criminis vel continuatione lamentationis abscondis! Ecce pejora adhuc peccandi vulnera, ecce majora delicta peccasse nec satisfacere, deliquisse

* Pestis enim tum grassabatur, quam recepta jam voce mortalitatem Africani dicebunt.

quisse nec delicta deflere. S. CYPRIANUS *Libro de lapsis, versus finem.*

S. PACIANUS *de fîs, qui peccata confessione satisfacere, & præscripta sibi remedia nolunt adhibere: Similes, ait, sunt illis, qui plagas quidem aperiunt, ac tumores, medicisque etiam assidentibus contentur; sed admoniti, quæ imponenda sunt, negligunt, & quæ bibenda fastidiunt. In Parænesi ad pœnitentiam.*

Quid dicitis pœnitentes? ubi est vestræ carnis interitus? an quod in ipsa pœnitentia lautiores semper inceditis, convivio farti, balneis expoliti, veste compositi? Ecce aliquem video aliquando frugi, aliquando pauperculum, aliquando vili tunica sordulentum. Nunc bene cultus & locuples & decorus est quasi imputet Deo, quia illi servire non potuit, & morientem animam recreet voluptate membrorum. Bene quod mediocres sumus; ceterum & illa faceremus quod quosdam & quasdam non pudet lautiores, marmoribus tegi, auro opprimi, serico fluere, cocco rubescere. Si quid ferruginei pulveris in supercilio fulguret, aut ficti nitoris in genis rutillet, aut coacti ruboris in labia defudet, ista forsitan non habetis. Non desunt tamen vobis hortulani maritimive secessus & exquisitius vinum, & lautiora convivia, & defœcatio fenectutis. Sic agite, sic credite. Quando vivetis? non sustineo jam fratres! *Idem ibid.*

Si quis ad balneum vocet (Idem vult suos pœnitentes) reculare delicias: si quis ad convivium roget, dicere: Ista felicibus, ego deliqui in Dominum, & periclitor in æternum perire. Quo mihi epulas qui Dominum læsi? *Idem ibid.*

Grandi plagæ alta & prolixa opus est medicina. Grande scelus grandem habet necessariam satisfactionem. S. AMBROSIIUS *de lapsu virginis consecratae cap. 8.*

Ferat

Ferat, ferat amaram poenitentiae curam, qui servare debitam noluit sanitatem. S. CHRYSOLOGUS *Sermone* 167.

Quod si ipsi iudices fiant, & veluti suae iniquitatis ultores, hic in se voluntariam poenam severissimae animadversionis exerceant, temporalibus poenis mutabunt aeterna supplicia, & lacrimis ex vera cordis compunctione fluentibus aeterni ignis restinguunt incendia. JULIANUS POMOERIUS *Libro II. de vita contemplativa cap. 7.*

Facite fructus dignos poenitentiae! In fructu ergo non in foliis, aut ramis poenitentia cognoscenda est. S. GREGORIUS M. *Libro V. Expositionis in Librum 1. Regum cap. 15.*

Ad peccandum fortes sunt, ad peccata deflenda debiles. *Idem ibidem, superius.*

Neque enim Deus nostris cruciatibus pascitur, sed delictorum morbis medicamentis contrariis medetur, ut qui voluptatibus delectati discessimus, fletibus amaricati redeamus: & qui per illicita defluendo cecidimus etiam a licitis nosmetipsos restringentes surgamus. *Idem Pastoralis curae Parte III. Admonitione 31.*

Dum creditis vos cavere istam poenam minimam, incurritis ampliorem. S. BERNARDUS *Sermone de obitu Humberti.*

Mutatis, non effugitis poenitentiam. *Idem in Declamationibus, post medium.*

Tutius est, cum parva poenitentia, quae sponte suscipitur, & verisimiliter adimplebitur, ducere confessos in purgatorium, quam cum magna non implenda praecipitare in infernum. JOANNES GERSON *Parte II. Operum, in Regulis Moralibus, Titulo: de Poenitentia.*

DE EMENDATIONE.

Sancti qui consummare pium certamen gestiunt, & currere cursum salutis sicubi forte ut omnes
cor-

corruerint, naturæ magis fragilitate quam peccandi libidine: acriores ad currendum resurgunt, pudoris stimulo majora reparantes certamina, ut non solum nullum attulisse æstimetur lapsus impedimentum, sed etiam velocitatis incentiva cumulasse. S. AMBROSIIUS in *Apologia David priore, cap. 2.*

In hoc autem pœnitentia sita est, ne eadem ipsa patrentur. S. CHRYSOSTOMUS *homilia 33. in Joannem, prope finem.*

Bona est peccati confessio, si & curatio consequatur. Nam quid prodest detegere plagam, & non adhibere medicinam? S. AUGUSTINUS in *sententiis a Prospero collectis.*

O quam suave mihi subito factum est, carere suavitatibus nugarum! & quas amittere metus fuerat, jam dimittere gaudium erat. Ejiciebas enim eas a me, vera tu & summa suavitas: ejiciebas, & intrabas pro eis omni voluptate dulcior. Idem *Libro IX. Confessionum cap. 1.*

Novum monstri genus est, eadem pene omnes jugiter faciunt, quæ fecisse se plangunt. SALVIANUS *Libro 3. de Gubernatione, versus finem. Et infra:* Taliter ferme omnia agunt, ut eos non tam putes antea pœnitentiam criminum egisse, quam postea ipsius pœnitentiæ pœnitere: nec tam prius pœnituisse quod male vixerint, quam postea quod se promiserint bene esse victuros. *Libro 5. de eadem Gubernatione, prope finem.*

Pœnitentiam agere est & perpetrata mala plangere, & plangenda non perpetrare. S. GREGORIUS M. *homilia 34. in Evangelia.*

Fit plerumque Deo gratior amore ardens vita post culpam, quam securitate torpens innocentia. Idem *Pastoralis curæ Parte III. cap. 29. ad finem.*

CAPUT II.

Fontes.

DE EXAMINE.

S. CHRYSOSTOMUS *Libro 1. de Compunctione cordis, ad finem: Et homilia supra in Locis laudata.*

S. LEO *Sermone 3. de Quadragesima.*

S. BERNARDUS *de Conversione ad Clericos, capitibus 2. & 9.*

PETRUS BLESSENSIS *sub medium Tractatus de confessione Sacramentali.*

Multo autem plura dant Tituli: *Examen conscientiae quotidianum. Peccata occulta. Conscientia. Excusationes in peccatis.*

DE DOLORE.

S. CYPRIANUS *Libro de lapsis, ex quo alium locum, qui huc pariter facit, infra de Satisfactione adducam.*

S. BASILIUS M. *homilia 5. in Martyrem Julitam, ad finem.*

S. CHRYSOSTOMUS *in Libris de contritione cordis, maxime 2.*

Homilia 5. de Pœnitentia, de dolore Petri &c.

Homilia in Psalmum 6. de dolore, & continuatione ejus.

Homilia 2. in Psalmum 50. de perpetuo dolore.

Homilia 6. in Matthæum, de lacrimis pœnitentium.

Homilia 8. in I. ad Corinthios, de vitio in dolore.

Homilia 4. in II. ad Corinthios, pœnitentiam proprie esse in hoc dolore.

S. AUGUSTINUS *Libro VIII. Confessionum cap. 12. de dolore suo.*

Sermone 161. alias 18. de verbis Apostoli cap. 8. de dolore ex metu mere servili.

Sermone

Tit. XXXIX. De Pœnitentiæ Partibus. Cap. II. 371

Sermone 169. alias 15. de verbis Apostoli, cap. 6. de eodem.

Sermone 179. alias 19. de verbis Apostoli, cap. 9. de eodem dolore & metu.

Enarratione in Psalmum 127. de metu non mere servili, sed qui præparet ad amorem.

Sermone 41. de Sanctis, nunc 104. in Appendice, ut mortem propriæ animæ non minus plangamus, quam mortem alieni corporis.

EUSEBIUS GALLICANUS *homilia 5. ad Monachos, de vero & constanti dolore.*

AUCTOR *Libri de contritione cordis egregius inter opera S. Anselmi, & jam ante S. Augustini.*

S. BERNARDUS *Sermone 16. in Cantica etiam de contritione cordis agit.*

PETRUS BLESENSIS *Tractatu de confessione Sacramentali.*

S. BERNARDINUS SENENSIS *Tomo I. Sermone 12. de vera contritione. De eadem agit Tomo III. Sermonibus 23. & 35.*

S. THOMAS A VILLANOVA *Concione in Dominicam Passionis.*

Adde Titulos : *Timor. Festum S. Mariæ Magdalena. Tristitia &c. Item Librum meum octavum, ubi dantur Specimina Doloris.*

DE PROPOSITO EMENDATIONIS.

S. CHRYSOSTOMUS *homilia 14. in II. ad Corinthios de voluntate firma, quæ non in verbis sit sita, sed in aggrediendo, rebusque ipsis. Idem jam ante homilia 13. in I. ad Corinthios de voluntate, quæ nunquam ad opus pervenit. Idem rursus homilia 16. in ad Hebræos, ad finem, de voluntate efficaci.*

S. ISIDORUS PELUSIOTA *Libro V. epistola 155. ferium propositum inchoatam jam justitiam esse.*

Sed vide Titulos : *Occasio peccandi. Emendatio. Relapsus. Scandalum. Restitutio &c.*

DE CONFESSIONE.

TERTULLIANUS Libro jam laudato etiam alia ministrat.

S. PACIANUS itidem.

S. GREGORIUS NYSSENUS *ad finem orationis*: In eos, qui alios acerbius judicant, ubi fiduciam conciliat confessario. Et initio homiliæ 3. in Ecclesiasten de utilitate verecundiæ ad peccata fugienda.

S. AMBROSIIUS in *Apologia David posteriore*, cap. 12.

S. CHRYSOSTOMUS præter sermonem jam laudatum, homilia 2. in Psalmum 50. egregie hortatur ad verecundiam ponendam. Iterum pudorem tollit *Oratione de non contemnendis Mysteriis*, initio, ubi accomodatissime admonet, sacerdotem ipsummet peccatorem esse. Adde homiliam: *Non esse ad gratiam concionandum*, ubi pulchre hortatur, ne erubescamus confiteri: Denique homilia 8. de Pænitentia, rursum fufe tollit verecundiam veluti a dæmone profectam.

VICTOR CARTENNENSIS, habitus olim Ambrosius, Libro de Pænitentia cap. 3. & sequentibus, ubi fufe, pulchreque animat peccatorem ad ulcera scelerum detegenda.

THEOPHANES CERAMEUS homilia 20.

B. LANFRANCUS *Libello de celanda confessione*.

EADMERUS de beatitudine cœlestis patriæ cap. 8. ostendit, Sanctos ex commissis olim peccatis nullo deinceps pudore suffundendos.

S. BERNARDUS *Sermone* 16. in Cantica.

PETRUS BLESSENSIS *Tractatu de confessione Sacramentali*, paulo post initium, fufe & cum emphasi.

S. THOMAS VILLANOVANUS *Sermone in Dominicam III. Quadragesimæ*.

Adjici possunt Tituli: *Excusationes in peccatis. Sacerdos. Sacrilegia.*

DE

DE ABSOLUTIONE.

ORIGENES *homilia 2. in Psalmum. 37.*

S. CYPRIANUS *Libro de lapsis: Libro ad Novatianum: Et Epistolis 4. 12 31. 52.*

S. PACIANUS *tam in Parænesi, quam laudavi, quam in tribus Epistolis ad Sympronianum.*

S. GREGORIUS NYSSENUS *Oratione paulo ante citata.*

S. AMBROSIIUS *Libro I. de Pœnitentiâ, capitibus 1. & 16 in rigidos Confessarios. Idem ejusdem operis Libro II. cap. 8. de commiseratione agit erga pœnitentes exhibenda. Nec omittendum, quod scriptor vitæ ejus Paulinus narrat, quomodo, cum audiret confessiones, haud secus ac si cum lapso & ipse jaceret, funderet lacrimas, atque illas etiam pœnitenti excuteret. Idem contra lenes nimium judices Sermone 8. in Psalmum 118. ad verba: Deprecabor vultum tuum.*

S. CHRYSOSTOMUS *Libro II. cap. 4. de Sacerdotio, de prudentia in injungendis pœnis. Et Libro III. de eodem sacerdotio cap. 5. de potestate absolvendi magnifice.*

S. HIERONYMUS *initio Libri adversus errores Joannis Hierosolymitani, verum obiter de lenitate erga peccatores*

S. GREGORIUS M. *homilia 26. in Evangelia, de potestate absolvendi.*

B. PETRUS DAMIANI *Sermone 58. gravissimis verbis de dotibus confessarii.*

RICHARDUS A S. VICTORE *de potestate ligandi, & solvendi.*

PETRUS BLESENSIS *Traçtatu de satisfactione Sacramentali.*

Consule & Titulum: *de Sacerdotio.*

DE SATISFACTIONE.

TERTULLIANUS *Libro sæpe laudato.*

S. CYPRIANUS *Libro de lapsis, & Epistolis compluribus.*

S. BASILIUS M. *homilia in Psalmum 32. ut corpore, quo usi ad peccandum sumus, utamur nunc ad peccatum extinguendum.*

S. PACIANUS *in Parænesi ad pœnitentiam.*

S. GREGORIUS NYSSENUS *homilia supra allegata, ubi docet, quam fere nulla ipso opere satisfactio præstetur a pœnitentibus.*

S. AMBROSIIUS *Libro II. capitibus 9. & 10. de pœnitentia.*

S. CHRYSOSTOMUS *homilia de B. Philogonio, quæ est modo 6. contra Anomæos, ubi optimam rationem satisfactionis: Et homilia 10. in Matthæum, ubi dignos fructus pœnitentiæ ostendit.*

S. HIERONYMUS *in Epitaphio Fabiolæ, Epistola scilicet 77. alias 30. ad Oceanum.*

S. AUGUSTINUS *Tractatu ultimo in Joannem: Sermonem 106. de diversis: & Præfatione in Psalmum 31.*

S. CÆSARIUS ARELATENSIS *homilia 1. quam paucis hic liceat satisfacere.*

S. GREGORIUS M. *homiliis 20. & 34. in Evangelia.*

PETRUS BLESSENSIS *Tractatu de satisfactione Sacramentali.*

B. RABANUS MAURUS, seu potius HALITGARIUS, *de peccatorum satisfactione, & remediis sive pœnitentiis.*

Adde si lubet, quæ de Pœnis Canonici Patres varii præscripserunt.

DE EMENDATIONE.

S. AMBROSIIUS *Libro II. de Pœnitentia cap. 10. ubi (ut monet Raynaudus *) Fabulæ idem sonant, quod antiquæ narrationes.*

S. CHRY-

* Tomo IV. qui est de Virtutibus, Sectione 2. cap. 3. num. 351.

S. CHRYSOSTOMUS *Paranesti* 1. ad Theodorum, ubi egregie, quantum ex ipsis lapsibus quidam profecerint; imo affectus eosdem, quibus sunt malum profecuti, ad optima quæque converterint. Adde *homiliam de B. Philogonio* de emendatione feria.

S. HIERONYMUS *Epistola* 108. alias 27. de Pœnitentia S. Paulæ.

S. GREGORIUS M. *homilia* 33. in *Evangelia*.

Vide & Titulum sequentem de *Relapsu*, & quæ infra ad festum S. *Magdalænæ*.

TITULUS XL.

De Relapsu.

CAPUT I.

Loci.

Commodum se hic Titulus serie Alphabeti nunc offert, qui alias in argumento Pœnitentiæ claudere agmen debebat. Incipiamus autem a TERTULLIANO, qui sane eloquenter exagitat relabentem.

Non leviter in Dominum peccat, qui cum æmulo ejus diabolo pœnitentia renuntiasset, & hoc nomine illum Domino subjecisset, rursus eundem regressu suo erigit, & exultationem ejus seipsum facit, ut denuo malus recuperata præda sua adversus Dominum gaudeat. Nonne, quod dicere quoque periculosum est, sed ad ædificationem proferendum est, diabolum Domino præponit? Comparisonem enim videtur egisse, qui utrumque cognoverit, & judicato pronuntiasse eum meliorem, cujus se rursus esse maluerit. Ita qui per delictorum pœnitentiam instituerat Domino satisfacere, diabolo per aliam pœnitentiæ pœnitentiam satisfaciæ, eritque tanto magis perosus Deo, quan-

to æmulo ejus acceptus. *Libro de Penitentia cap. 5.*

Habes quod jam non merebaris. Amisisti enim quod acceperas. Si tibi indulgentia Domini accommodat, unde restituas, quod amiseras: iterato beneficio gratus esto, nedum ampliato. Majus est enim restituere quam dare; quoniam miserius est perdidisse quam omnino non accepisse. *Idem ibidem cap. 7.*

Verum non statim succidendus, ac subruendus est animus desperatione, si secundæ quis poenitentiae debitor fuerit. Pigeat sane peccare rursus, sed rursus poenitere non pigeat, pigeat iterum periclitari, sed non iterum liberari. Neminem pudeat. Iteratæ valetudinis iteranda medicina est. Gratus in Dominum exiteris, si quod tibi Dominus offert, non recusaveris. Offendisti? sed reconciliari adhuc potes. Habes cui satisfacias, & quidem volentem. *Idem ibidem eod. cap.*

Sufficit peccare semel *AUCTOR Carminis ad Senatorem lapsum, apud eundem Tertullianum.*

Nullum malum difficilius extinguitur, quam quod faciles reditus habet. *S. CYPRIANUS Libro de spectaculis, initio.*

Gravi damnatione iterantur crimina, postquam Christi sanguine sunt redempta. Inexculabile malum est post mortem Redemptoris Domini servum peccatis hominem se subdere. *EUSEBIUS GALLICANUS homilia 3. de Pascha.*

Novum monstri genus! eadem pæne omnes jugiter faciunt, quæ fecisse se plangunt. *SALVIANUS Libro 3. de Gubernatione.*

Taliter firmæ omnia agunt, ut eos non tam putes antea poenitentiam criminum egisse, quam postea ipsius poenitentiae poenitentiam: nec tam prius poenituisse quod male vixerint, quam postea quod se

se

se promiserint bene esse victuros. *Idem Libro 5. de eadem gubernatione.*

Ecce sanus factus es! vade, et jam amplius noli peccare; ne deterius tibi aliquid contingat. Audis, recidere quam incidere esse deterius? Proinde invalescente periculo invalescat & metus. Timeas ergo pro accepta gratia, amplius pro amissa, longe plus pro recuperata. S. BERNARDUS Sermone 54. in Cantica.

CAPUT II.

Fontes.

TERTULLIANUS *Libro de Penitentia a capite 5. ubi plura restant in hoc notum argumentum.*

S. EPHRAËM *Tomo III. Græcolatino* habet *Oden*, facillimo metro labentem; sed hodie solutam. Est autem in eos, qui peccant quotidie, & quotidie poenitentiam agunt. Huic adde, quæ habet *eodem Tomo: Quod ludicris rebus abstinendum sit Christianis*, pag. 51.

S. BASILIUS M. *Regula brevior* 289.

S. GREGORIUS NAZIANZENSIS *Oratione 40. in S. Baptisma.*

S. CHRYSOSTOMUS *homilia in Psalmum 4.*

Homilia in Psalmum 9.

Homilia 1. in Psalmum 50.

Homiliis 27. 44. & 68. in Matthæum.

Homilia 37. in Joannem ad verba: Ecce sanus factus es.

Homilia 5. in I. ad Timotheum.

Homilia 17. in ad Hebræos.

Homiliis 5. & 15. ad populum.

Paranesi utraque ad Theodorum lapsum.

Adde tributam ipsi *homiliam de lapsu primi hominis*. Intelligo autem posteriorem ex duobus ita inscriptis.

S. AUGUSTINUS *Libro de vera & falsa pœnitentia cap. 5. ut iterum lapsi iterum surgant.*

Concione ad Catechumenos, Paganos, & Arianos cap. 4. de relapsu post Baptismum.

Sermone 40. alias homilia 11. ex 50.

Sermone 87. alias 59. de verbis Domini.

Sermone 353. alias homilia 20. ex 50.

S. ISIDORUS PELUSIOTA *Libro III. epistola 157.*

S. CYRILLUS ALEXANDRINUS *Libro V. in Joannem cap. 17. toto, fuisse & præclare.*

VICTOR CARTENNENSIS *Libro de Pœnitentia capitibus 23. & 24.*

S. GREGORIUS M. *Pastoralis Curæ Parte III. Admonitione 31. Et (si sit idem) in Psalmum 3. pœnitentialem ad verba: Putruerunt, & corruptæ sunt cicatrices meæ.*

S. BERNARDUS *Sermone 3. in Cantica: Et sermone 3. in festo SS. Apostolorum Petri & Pauli.*

TITULUS XLI.

De Restitutione.

CAPUT I.

Loci.

Libenter terrena amittamus, cœlestia tueamur. Totum licet sæculum pereat, dum patientiam lucrificiam. TERTULLIANUS *Libro de Patientia cap. 7.*

Noli sectari lucrum, quod animæ detrimentum in se continet. Quid enim anima pretiosius? S. EPHRÆM *ad imitationem Proverbiorum Tomo I. novo, pag. 78.*

Oportebat ita exitii mercedem accipere, tantillam tantæ rei; hoc est, ipsarum animarum, impietatisque adversus Deum. O miserum quæstum!
o mi-

o miseram mercedem! aderat quispiam ut lucrum facturum, ac post lucrum ne se ipsum quidem habebat. S. GREGORIUS NAZIANZENSIS *Oratione 3. quæ I. adversus Julianum, per accommodacionem.*

Grave est paupertate laborare? at gravius est inique comparatis opibus affluere. *Idem apud S. Damascenum Libro I. Parallelorum cap. 26. qui quidem, quod eundem versorem est nactus, Jacobum Biliū, nihil refert, ad ipsummet recurrere.*

Quanto melius est salutem habere sine pecunia, quam pecuniam sine salute? S. AMBROSIIUS *Libro II. de Officiis cap. 25.*

Privavit te ille pecunia. Tu te ipsum salute minime privaveris. Dolens enim in his quæ a ceteris male es passus, ipse pluribus temetipsum implicabis malis. S. CHRYSOSTOMUS *homilia 5. in Job supposita, quæ nescio cui homiliæ sit inserta apud Montsfaconum; certe eam non habet post reliquas quatuor in Job.*

Tristitia te Diabolus confecit pecuniam surripens. Confice & hunc ipsum gratias agens, neque gaudio eundem accumulaveris. *Idem ibidem.*

Melius est rem familiarem minui quam salutem animæ perire. Melius est amittere quod velimus nolimus aliquando perituum est. Melius est sponte dimittere, quam id amittere, pro quo omnia dimittenda sunt. S. HIERONYMUS *Epistola 123. alias 11. ad Ageruchiam.*

Rapere vis? quid invenis? quid perdis? O lucra damnosa! rapis pecuniam, perdis iustitiam. S. AUGUSTINUS *Enarratione in Psalmum 61.*

Præda illa, quam vis rapere, in muscipula est. Tenes? & teneris. *Idem ibidem.*

Quid perdidisti, & quid aquisivisti? Quod aquisivisti aurum vocatur, quod perdidisti fides vocatur, seu potius Deus vocatur. Compara fidem vel Deum auro! Lucra tua cogitas; damna tua non

non cogitas? *Idem S. Pater Enarratione in Psalmum 23.*

In eos, qui restitutioni tenuem elemosynam substituant, idem rursus gravissimis verbis: Cui dederis gaudet; cui abstuleris plorat. Quem duorum istorum exauditus est Dominus? Sermone 178. alias 19. de verbis Apostoli cap. 4. Et ibidem: Dicit tibi Deus: Stulte! iussi ut dares, sed non de alieno. Si habes da de tuo; si non habes quod des de tuo, melius nulli dabis, quam alteros spoliabis. Denique sermone 310. in Appendice, alias homilia 47. ex 50. Quod dedistis dicitis; quod rapuistis non dicitis. Quos pavistis memoramini: quare non recordamini quos necestis?

Pereat mundi lucrum, ne fiat animæ damnum.

Idem Concione 4. in Psalm.

Idem, quo solatium etiam his afferret, quibus est restitutio facienda: Fur, ait, tibi tollit aurum? quis tollit tibi Deum? Sermone 85. alias 205. de tempore. Item Concione 1. in Psalmum 32. circa medium: Non est ille tibi ablati qui dedit; quamvis tibi ablatum fuerit quod dedit.

Quæ aliena erogat, alii prærogat. Plus dando decipit quam furando: nec compescit inde dolentium gemitus, sed producit. Audeo dicere, qui de fraude Deo offert, cumulat crimina, non emundat; quia Deus in tali munere exuvias suorum pauperum, non misericordias intuetur. S. CHRYSOLOGUS *Sermone 54.*

Flammæ infelicium mortuorum divitiis non refrigerantur haredum. SALVIANUS *Libro 3. ad Ecclesiam Catholicam, in medio.*

Addendo perdidit, qui retinendo collegerit. CASSIODORUS *Libro XII. epistola 13.*

Si sterilitas in ignem mittitur, rapacitas quid meretur? aut quid recipiet qui aliena tulerit, si semper ardebit qui de suo non dedit? Et si iudicium sine

sine misericordia erit illi qui non fecerit misericordiam: quale iudicium erit illi qui fecerit & rapinam? S. FULGENTIUS *Sermone 1. de confessoribus & dispensatoribus Domini, ad illud Matthæi: Omnis arbor, quæ non facit fructum bonum. In eundem sensum S. GREGORIUS M. Libro XV. Moralium cap. 19.* Si tanta poena mulctatur, qui non dedisse sua convincitur: qua poena feriendus est, qui redarguitur aliena astulisse?

De alienis ad causam piam applicatis rotunde S. BERNARDINUS SENENSIS *Tomo I. sermone 31.* Nova rapina est, & est quodammodo facere raptorem Christum in pauperibus suis.

C A P U T II.

Fontes.

Quoniam innumera jam attuli Titulis: *Avaritia, Divitiæ, Justitia*, sed & alia deinceps afferam Titulis: *Debita, Usura, & similibus*; hinc quam paucissimis istud caput absolvo.

Lege S. AMBROSIIUM *Libro III. de officiis cap. 3.*

S. CHRYSOSTOMUM *homilia 86. in Matthæum de Eleemosynis ex alieno: homilia 15. in I. ad Corinthios, quod & hæredes teneantur restituere &c. Homilia 10. in I. ad Thessalonicenses de restitutione, aliisque ei affinibus, egregie & populariter. Addi potest homilia 38. operis imperfecti in Matthæum.*

S. AUGUSTINUM *Epistola 153. alias 54. ad Macedonium de restitutionis necessitate: Sermone 178. alias 19. de verbis Apostoli: item Sermone 113. alias 35. de verbis Domini, ubi plurima huc faciunt.*

S. ISIDORUM PELUSIOTAM *Libro III. epistola 260. pro Confessariis, qui spe lucri ante factam restitutionem poenitentes absolvunt*

SALVIANUM *in Libris ad Ecclesiam Catholicam, præcipue 3.*

S. GRE-

S. GREGORIUM M. *Libro II. Moralium cap. 18.* quid cogitandum iis, quibus omnia ablata sunt, eximie.

S. ISIDORUM HISPALENSEM *Libro III. sententiarum cap. 60.* quam stulte aliena pios in usus impendantur.

JOANNEM SARESBERIENSEM *Libro VI. Policratici cap. 27.* & ipse in Eleemosynas ex alieno.

GUILLIELMUM PARISIENSEM *de Sacramento Pœnitentiæ.*

S. BERNARDINUM SENENSEM *Tomo I. in Quadragesimali, de Religione Christiana,* ubi plures habet sermones pro hoc nostro argumento. Idem *Tomo III. habet sermonem, ordine 34.* qui est totus de restitutione.

TITULUS XLII.

De Salute; ejus negotio, cura, momento, difficultate.

CAPUT I.

Loci.

Nemo alii nascitur, moriturus sibi. TERTUL-
LIANUS *Libro de Pallio cap. 5.*

Si æterna vita venum exponeretur, quanti vos o homines eam empturos promitteretis? Ne si Pactolum quidem, qui totus aureo, ut est in fabulis, decurrit flumine, quis dederit, pro salute, justum pretium numeraverit. Quamobrem ne vos animus deficiat. Licet vobis, si videtur pretiosissimam salutem propriis vestris thesauris, charitate, vivaque fide, quæ merces haud injusta reputatur, emere. Hoc pretium Deus lubenter accipit. CLEMENS ALEXANDRINUS *Exhortatione ad Gentes, post medium.*

Cum

Cum in hac terrena militia tantum homines laboris exhauriant, ut ea sibi pariant, quæ possunt eodem modo perire quo parata sunt; certe nobis nullus labor est recusandus, quibus id acquiritur, quod nullo modo possit amitti. *LACTANTIUS Libro VI. divinarum Institutionum cap. 4.*

Quid necessitatem ingeris repentinam? si cor habes, intellige quia omni necessitate major necessitas est salutis. *S. AMBROSIIUS creditus, sermone in Dominica XIV. post Pentecosten, hodie 39.*

Si labore tanto, tanto conatu, tantis impendiis, tanta instantia, tanta vigilantia, tanta cura agitur, ut aliquanto plus vivatur; quomodo agendum est ut semper vivatur? *S. AUGUSTINUS Sermone 127. alias 64. de verbis Domini.*

Vita misera, etiamsi posset esse perpetua, nullo modo beatæ vitæ etiam brevissimæ comparanda est. Et tamen isti amando miserrimam, atque brevissimam perdunt beatissimam, & sempiternam? cum in hac ipsa quam male diligunt hoc velint, quod in altera perdunt. *Idem Epistola 127. alias 45. ad Armentarium & Paulinam.*

Vehemens & horribilis est perpetua suppliciorum poena, & æterni gehenna ignis nimium peritescenda. Si concupiscenda non illiciunt, vel metuenda deterreant: & quod amoris conferre cupiditas debuit, timoris saltem causa paretur. *Putatus SIXTUS III. Libro de malis Doctoribus, versus finem.*

Primas apud nos curas quæ prima habentur, obtineant, summasque sibi sollicitudinis partes salus, quæ summa est, vendicet. Hæc nos occupet in præsidium ac tutelam sui, jam non plane prima sed sola. Omnia vincat eo studio, quo præcedit omnia. *S. EUCHERIUS in Parænesi ad Valerianum.*

Ubi salutis damnum est, illic utique jam lucrum nullum est. *Idem ibidem.*

Haud scio ad hanc beatissimam vitam quid compellere nos ocyus, aut efficacius debeat: an ipsa futuræ vitæ commoda, quæ promittuntur; an præsentis vitæ incommoda, quæ vitantur. In te nos illa blandissime provocat; hinc ista vehementer exturbat. Proinde cum in meliorem partem etiam pessima suffragentur, si bonis non illicimur, malis extrudamur. Ad incitamentum meliorum optima deterioribus concinunt, & in eandem utilitatem diversa concurrunt. *Idem ibidem*

Certe cupiditas vitæ est istud quod nos delectatione rei præsentis innexuit. Ergo amantes vitam hortamur ad vitam. Vera ratio est persuadendi cum id poscitur ut impetremus a vobis, quod concupiscitis. Pro vita, quam diligitis, legatione apud vos fungimur: & hanc, quam omnes exiguam amatis, insinuamus, ut ametis æternam. Quam quo pacto amemus nescio, si non hanc, quam amamus, esse quam spatiosissimam cupimus. Itaque istud quod & cum arctum sit placet, placeat magis si potest esse perpetuum: & quod apud nos pretium habet cum finem habeat, sit nobis supra pretium, si potest esse sine fine. *Idem ibidem.*

Igitur siue vitam hanc contemnendam putas siue complectendam in utroque facilis negotii mei causa est. Nam si spernitur, una est spernendi ratio, ut melior appetatur: & si diligitur, tanto magis est diligenda, quæ major est. *Idem ibidem.*

Abrumpatur illa interminabilis sæcularium negotiorum catena, & ille de necessitatibus multis unus per totam vitam labor. *Idem ibidem.*

Sane supra omnem errorem, atque ignorantiam est dissimulare quemque negotium salutis suæ. *Idem ibidem.*

Non tanti est vita, si ad hoc vivat homo. ut in paucis vitæ hujus annis consumat æternos, & sub brevi fine congreget sibi poenas sine fine mansuras.

EUSE.

FUSEBIUS GALLICANUS *homilia de latrone beato, ad finem.*

Duo sunt, nihil est medium, duo sunt; aut in cœlum ascenditur, aut in infernum descenditur. S. CÆSARIUS ARELATENSIS, *cujus hæc tessera familiaris fuit.*

Nulla fatis magna securitas, ubi periclitatur æternitas. S. GREGORIUS M. *Hunc enim in Cogitationibus christianis allegat P. Buhours. Miror tamen, quomodo me, dum lego Gregorium, tam palmaris sententia effugere potuerit.*

Idem gravissime ad seriam, maturamque salutis curam hortatur, Andreæ cuidam, quem vulgatæ editiones scholasticum vocant, hæc in verba rescribens: Multos novi, qui in servitio reipublicæ positi vehementer affliguntur, quia eis non licet vacare, & peccata sua plangere: & vos, quare nescio, implicari desideratis. Cur enim magnifice fili! non consideras, quia mundus in fine est? omnia urgentur quotidie. Ad reddendas rationes æterno & tremendo judici ducimur. Quid ergo aliud nisi de adventu illius cogitare debemus? vita enim nostra naviganti est similis. Is namquæ qui navigat, stet, sedeat, jaceat: vadit quia impulsu navis ducitur. Ita ergo & nos sumus qui sive vigilantes sive dormientes, sive tacentes sive loquentes, sive ambulantes, sive volentes, sive nolentes per momenta temporum quotidie ad finem tendimus. Cum igitur finis nostri dies advenerit, ubi nobis erit omne quod modo cum tanta cura quæritur, & cum solitudine congregatur? Non ergo honor, non divitiæ quærendæ sunt quæ dimittuntur; sed si bona quærimus, illa diligamus, quæ sine fine habebimus; si autem mala pertimescimus, illa timeamus, quæ a reprobis sine fine tolerantur. *Libro VII. Indictione 15. Epistola 29. alias 26.*

Haud scio ad hanc beatissimam vitam quid compellere nos ocyus, aut efficacius debeat: an ipsa futuræ vitæ commoda, quæ promittuntur; an præsentis vitæ incommoda, quæ vitantur. In te nos illa blandissime provocat; hinc ista vehementer exturbat. Proinde cum in meliorem partem etiam pessima suffragentur, si bonis non illicimur, malis extrudamur. Ad incitamentum meliorum optima deterioribus concinunt, & in eandem utilitatem diversa concurrunt. *Idem ibidem*

Certe cupiditas vitæ est istud quod nos delectatione rei præsentis innexuit. Ergo amantes vitam hortamur ad vitam. Vera ratio est persuadendi cum id poscitur ut impetremus a vobis, quod concupiscitis. Pro vita, quam diligitis, legatione apud vos fungimur: & hanc, quam omnes exiguam amatis, insinuamus, ut ametis æternam. Quam quo pacto amemus nescio, si non hanc, quam amamus, esse quam spatiosissimam cupimus. Itaque istud quod & cum arctum sit placet, placeat magis si potest esse perpetuum: & quod apud nos pretium habet cum finem habeat, sit nobis supra pretium, si potest esse sine fine. *Idem ibidem.*

Igitur siue vitam hanc contemnendam putas siue complectendam in utroque facili negotii mei causa est. Nam si spernitur, una est spernendi ratio, ut melior appetatur: & si diligitur, tanto magis est diligenda, quæ major est. *Idem ibidem.*

Abrumpatur illa interminabilis sæcularium negotiorum catena, & ille de necessitatibus multis unus per totam vitam labor. *Idem ibidem.*

Sane supra omnem errorem, atque ignorantiam est dissimulare quemque negotium salutis suæ. *Idem ibidem.*

Non tanti est vita, si ad hoc vivat homo, ut in paucis vitæ hujus annis consumat æternos, & sub brevi fine congreget sibi poenas sine fine manuras.

EUSE.

FUSEBIUS GALLICANUS *homilia de latrone beato, ad finem.*

Duo sunt, nihil est medium, duo sunt; aut in coelum ascenditur, aut in infernum descenditur. S. CÆSARIUS ARELATENSIS, *cujus hæc tessera familiaris fuit.*

Nulla fatis magna securitas, ubi periclitatur æternitas. S. GREGORIUS M. *Hunc enim in Cogitationibus christianis allegat P. Buhours. Miror tamen, quomodo me, dum lego Gregorium, tam palmaris sententia effugere potuerit.*

Idem gravissime ad seriam, maturamque salutis curam hortatur, Andreæ cuidam, quem vulgatæ editiones scholasticum vocant, hæc in verba rescribens: Multos novi, qui in servitio reipublicæ positi vehementer affliguntur, quia eis non licet vacare, & peccata sua plangere: & vos, quare nescio, implicari desideratis. Cur enim magnifice fili! non consideras, quia mundus in fine est? omnia urgentur quotidie. Ad reddendas rationes æterno & tremendo judici ducimur. Quid ergo aliud nisi de adventu illius cogitare debemus? vita enim nostra naviganti est similis. Is namque qui navigat, stet, sedeat, jaceat: vadit quia impulsu navis ducitur. Ita ergo & nos sumus qui sive vigilantes sive dormientes, sive tacentes sive loquentes, sive ambulantes, sive volentes, sive nolentes per momenta temporum quotidie ad finem tendimus. Cum igitur finis nostri dies advenerit, ubi nobis erit omne quod modo cum tanta cura quæritur, & cum sollicitudine congregatur? Non ergo honor, non divitiæ quærendæ sunt quæ dimittuntur; sed si bona quærimus, illa diligamus, quæ sine fine habebimus; si autem mala pertimescimus, illa timeamus, quæ a reprobis sine fine tolerantur. *Libro VII. Indictione 15. Epistola 29. alias 26.*

Hæc magnifice fili! loquor, quia multum te diligo: & quia in procellas & fluctus tendis, verborum meorum funibus te ad litus revoco: & si trahentem sequi volueris, quæ pericula evaseris, quæ gaudia inveneris in ipso quietis tuæ litore positus agnosco. *Idem ibidem.*

Optimus æstimator rerum, qui nihil suorum sibi præferendum existimet. S. BERNARDUS *Sermone 30. in Cantica. Et mox: Prudenter tu tibi pluris es, quam quidquid tuum.*

C A P U T I I.

Fontes.

S. BASILIUS M. *Epistola 277. alias 42. ad Maximum Scholaasticum. Item homilia 21. quod mundanis rebus adhærendum non sit, ut plus salutem animæ, quam corporis curemus.*

S. CHRYSOSTOMUS *homilia de angusta porta, seu instituenda secundum eum vita, Tomo III. novo.*

Homilia 23. in Genesin. ad calcem, quanta Deus fecerit pro salute nostra.

Homilia 24. in Matthæum, fuse & præclare.

Homilia 75. in eundem.

Homilia 14. in ad Romanos, varia huc.

Ecloga 39. de modo consequendi regnum cælorum.

S. AUGUSTINUS *Sermone 70. alias 9. de verbis Domini, ubi gravissime ostendit, quantum & facere & pati conveniat ad vitanda mala, & assequenda bona æterna; si tantum & facimus & patimur ad vitanda mala, & assequenda bona temporalia. Adde Sermone 84. alias 17. de verbis Domini: Sermone 302. alias 111. de diversis: ac Epistolam laudatam ad Armentarium & Paulinam.*

S. PAU-

Titulus XLIII. De Scandalo. Capnt. I. 387

S. PAULINUS *Epistolis ad Jovium, & ad Licentium; quarum prior olim 38. nunc 16. altera olim 46. nunc 8. est.*

S. CHRYSOLOGUS *Sermone 124.*

S. EUCHERIUS *in Parænesi toties laudata.*

Creditus PROSPER *Libris duobus de vocatione gentium; Quod & quomodo Deus omnes salvos velit.*

SALVIANUS *in Libris ad Ecclesiam Catholicam plurima, eaque pathetica affert ad hoc propositum. Proxime autem huc facit locus ejus gravissimus Libro 3. ad verba Seryatoris: Quid enim prodest homini, si lucretur mundum totum.*

S. BERNARDUS *Libro I. de Consideratione cap. 5. & Sermone 2. de diversis, qui inscribitur: De miseria humana.*

S. LAURENTIUS JUSTINIANUS *Libello de spiritali interitu animæ.*

Longe plura ministrant Tituli: *Anima. Finis hominis. Amor sui. Servitium Dei. Æternitas. Officia. Gratia. Electio status. Passio Christi, & similes.*

TITULUS XLIII.

De Scandalo.

CAPUT I.

Loci.

Scandalum acceptum ita Laconice explodit TERTULLIANUS: Scandalum, nisi tallor, non bonæ rei, sed malæ exemplum est, ædificans ad delictum. Bonæ res neminem scandalizant nisi malam mentem. *Libro de velandis Virginibus cap. 3.*

Quid ergo si Episcopus, si Diaconus, si Vidua, si Virgo, si Doctor, si Martyr lapsus a regula fuerit? Ex personis probamus fidem, an ex fide per-

sonas? *Idem Libro de Præscriptionibus adversus hæreticos, cap. 2.*

Quæ sponte corrui, quid faciet, si fuerit impulsus? S. CYPRIANUS *Libro de spectaculis, post medium*

Admonetur ætas omnis auditu, fieri posse quod factum est, numquam ævi senio delicta moriuntur, nunquam temporibus crimen obruitur, nunquam scelus oblivione sepelitur. Exempla sunt, quæ esse jam facinora destiterunt. *Idem Epistola 2. ad Donatum.*

Si ædificare carissime nolis, ædificata ne destruas: si plantare nolis, plantata ne evellas: si frater quiescere non velis, alios quiescentes ne pervertas. S. EPHRÆM *de Timore Dei, ad imitationem Proverbiorum, Tomo I. novo, pag. 85.*

Non nostrorum tantum malorum rationem reddemus, sed eorum etiam, quibus alios scandalizamus. Quod si ipsa per se molesta est exactio rationum, cum adjecta fuerint etiam scandala, quomodo salutem consequemur? S. CHRYSOSTOMUS *homilia in Adventum Domini, Tomo VIII. Montfauconi, inter spuria. Est confuta ex homiliis 25. & 31. in ad Romanos.*

Quod si noluisti esse custos fratris tui, quare ergo illius interfector es factus? *Idem homilia 19. in Genesin, per accomodationem.*

Idem in procaces puellas, virginitatem professas, admirabili eloquentia: Tenere nugantur omnia, & rident intempestive, & tumultuantur, & in deliciis magis vivunt quam mulieres, quæ in fornice prostant; dum spectatores technis suis undique pelliunt, & in meretricum turpitudinem se conjicere conantur, ac si cum illis concertent, deque turpitudinis gloria contendant. Unde enim, dic mihi, poterimus postea talem virginem ordine illarum & societate eximere; quando & ipsa idem facit quod illæ;

illæ; quando scilicet adolescentum corda in fraudem illicit: quando petulans est, & intemperans: quando eadem venena porrigit, eadem pocula miscet, eandemque parat cicutam. Sed non dicit: *Veni, amore involvamus*: nec dicit: *Aspergi cubile meum croco, & lectum meum cinnamomo*? Utinam cubile, & lectum, non vestes, & corpus! illæ enim domi escam occultant; tu ubique laqueum circumfers, & expandis voluptatis alas, obambulans in foro. Sed non dixisti, neque contulisti verba illa meretricia: *Veni, amore involvamus*? Non dixisti lingua; sed dixisti habitu: non locuta es ore; sed locuta es gressu: non invitasti voce; sed invitasti oculis clarius quam voce. At postquam vocaveras non te obtulisti? Neque sic a peccato liberaberis. Est enim & hæc alia fornicationis species. Pura mansisti ab injuria corporis quidem; sed non animæ: & completum est a te peccatum; etiamsi non per coitum, sed per aspectum. Cujus enim gratia vocas prætereuntes? cur accendis ignem? quomodo putas te puram a peccato, cum totum ipsum opus operata sis? Etenim cum adulterum feceris perfectum eum, quem tuo isto habitu cepisti: quomodo potes non esse adultera, cum opus tuum adulterium esse deprehendatur? Illius insania tuum opus est. Profecto te, quæ adulteros præparasti, adulterii supplicium minime posse effugere nulli non manifestum. Tu gladium acuisti, tu dexteram armasti; tu armatam dexteram in miseram animam impulisti. Quomodo igitur poteris ab homicidii supplicio liberari? Dic enim quosnam habemus odio, & averfamur: quos autem puniunt legislatores, & judices? num eos qui bibunt mortifera venena, an miscentes calicem, præparantes ea, arteque sua perdentes alios? nonne bibentes quidem, utpote injuria affectos miseramur; veneficos autem omnibus calculis condemnamus? Nec sufficit

eis dicere: non me ipsum læsi, sed alium perdidisti; sed propter hoc graviolem luunt poenam. Tu autem misera, & calamitosa miscuisti calicem hunc perniciosum, & præbuiisti, & dedisti pharmacum: & postquam bibit & perditus est, defensam te putas quia non ipsa biberis, sed alteri præbueris venena? Quamquam & vos tanto graviolem luetis poenam quam pharmacopolæ illi, quanto & mors gravior. Non enim corpus solum, sed & animam interimitis. Et illi quidem sæpe vel timore vel ira hoc faciunt vel inopia: vos autem ad nullum talem confugere prætextum potestis; neque enim hoc facitis inimicis, vel eis qui nocuerunt: vel ob inopiam; sed ob solam voluptatem in alienis luditis animabus, & ex aliorum morte voluptatem propriam constituitis. *Opusculo: Quod regulares famina viris cohabitare non debent.*

Quid dicis? infirmus est qui ostenditur? Igitur dignus est cui parcat, non ut lædatur. Vulnera habet; ne igitur atteramus, sed curemus. *Idem ibidem.*

Si scandalizat te oculus, pes, manus, projice ea; nulli parcas, ut soli parcas, ut soli parcas animæ. S. HIERONYMUS *Epistola* 125. *alias* 4. *ad Rusticum.*

Labes propagatur & serpit: & tangere non datur sceleratum, quin detur & sentire contagionem. SYNESIUS *Epistola* 56.

Define non modo tuam animam, sed etiam multas alias pro quibus Christus mortem oppetiit demergere. Cogita quoniam hoc malum tendat, cum eos quos ipse non auro, sed pretioso suo cruore redemit, tu per vitæ tuæ improbitatem perdis! S. ISIDORUS PELUSIOTA *Libro II. epistola* 65.

Obsecro te delictum alienum semper ut opprobrium respice, numquam ut exemplum. S. Eucherius *Epistola Parænetica ad Valerianum.*

In

In seductorem se excusantem mirifice quadrat BASILIUS SELEUCIENSIS *ad verba Caini*: Esto dexteræ usum diabolo commodaris, cur etiam linguam commodasti? Numquid custos fratris mei sum ego? O vocem ipsâ cæde magis execrabilem! o sententiam impiam & linguæ impietate tetriorem! vere non es custos, at jugulator. Esto non illi custos additus sis: numquid es tollere iussus? *Vox fratris tui clamat ad me de terra*. Vitam sustulisti; sed non vocem abstulisti. *Oratione 4.*

Pro tantis quisque reus est, quantos secum traxerit in reatum. SALVIANUS *Libro 4. de Gubernatione Dei.*

Nemo amplius in Ecclesia nocet, quam qui perverse agens nomen vel ordinem sanctitatis habet. Delinquentem namque hunc nemo redarguere præsumit, & in exemplum culpa vehementer extenditur, quando pro reverentia ordinis peccator honoratur. S. GREGORIUS M. *Pastoralis curæ Parte I. cap. 2.*

Admonendi sunt, ut si eradicare mala dissimulant, saltem seminare pertimescant: admonendi sunt, ut eis perditio privata sufficiat. *Idem ibidem Parte III. admonitione 32.*

Nullum certe majus præjudicium tolerat Deus, quam cum eos, quos ad aliorum correctionem posuit, dare de se exempla pravitatis cernit: quando ipsi peccamus, qui aliorum compescere peccata debuimus: quando pereunti populo mortis auctores sumus, cui ad vitam duces esse debuimus. *Item.*

O Jesu bone! quam multa facta sunt pro unius animulæ perditione. S. BERNARDUS *Epistola 1. ad Robertum Nepotem.*

Quærit animam tuam, qui jam perdidit suam. *Idem Epistola 2. ad Fulconem.*

Agnoscite dilectissimi, & expavescite consortia eorum, qui salutem impediunt animarum. Horren-

rendum penitus sacrilegium quod, & ipsorum videtur excedere facinus; qui Domino majestatis manus sacrilegas iniecerunt. *Idem sermone de Conversione S. Pauli.*

Non omnium scandala æqua sunt lance pensanda. Aliter namque accipienda sunt scandala pusillorum, aliter Phariseorum, de quibus Apostolis timentibus & intimantibus quod scandalizati essent in sermone veritatis responsum est: Sinite illos, cæci sunt, & duces cæcorum. Illorum quippe scandalum de ignorantia, istorum de malitia descendit. Illi scandalizantur quia veritatem nesciunt, isti quia oderunt. *Idem Tractatu de Præcepto, & Dispensatione cap. 12.*

O quam horrendum tibi esse deberet, ut propter te aliquis perpetuo ardeat in inferno! Mallem utique fratres centum homines corporaliter peremisse quam unam animam perpetuo incendio tradidisse, si ex solo damno culpa pensanda esset, & non ex arbitrio. Si enim sanguis Abel sic clamat ad Dominum in fratrem occisorem, quanto fortius clamabit sanguis animæ perpetuo damnatæ in suum interfectorem? O quomodo conqueruntur! quomodo vociferantur! o quomodo maledicunt, & imprecantur omne malum apud Dei justitiam in eos, qui eis tanti mali & miseriæ causa fuerunt, & offendiculum posuerunt ut in tale præcipitium ruerent! S. THOMAS A VILLANOVA *Concione 2. in festo S. Michaëlis.*

C A P U T II.

Fontes.

TERTULLIANUS *Loc. citato de scandalo accepto.* Et iterum loco altero citato, *capitibus 3. & 4. de scandalis ex lapsu quorumdam in fide non curando.*

ORIGENES *homilia 7. in Josue, de scandalosis excindendis.*

S. CYPRIANUS *Epistola 2. ad Donatum, & Libro de spectaculis.* Item sub ejus nomine *Auctor de singularitate Clericorum.*

S. EPHREM *Sermone de iis, qui animas ad impudicitiam pelliciunt, Tomo III. græco-latino novo.* Et ibidem *de non scandalizando proximo &c. adhortatione.*

S. BASILIUS *Libro II. de baptismo cap. 10.* In *Regulis item brevioribus ad quæstionem 64. de cavendo quovis scandalo.* *Libro de vera Virginitate, ubi docet, scandalosos vel post mortem peccare per alios, & sic aliena culpa exaggerare poenas suas.* Denique *Epistola ad Virginem lapsam, post medium, ubi exagitat seductorem ejus.* Est *hodie 46. olim erat 5. aut seorsim inter opuscula ponebatur.*

S. GREGORIUS NAZIANZENUS *Oratione 1. quam longe facilius vitium ab aliis quam virtutem trahamus.*

S. GREGORIUS NYSSENUS *Oratione 3. in orationem Dominicam de scandalo, quod datur infidelibus.*

S. AMBROSIIUS *Traçtatu de lapsu virginis consecratæ, a capite 7. de damno scandali publici in homine sacro.* Idem *de peste scandali in Psalmum 1. ad verba:* Et in cathedra pestilentix non sedit.

S. CHRYSOSTOMUS *Sermone, ne scandalum cuiquam fratrum ponamus.*

Libro ad eos, qui scandalizati sunt.

Homiliis 17. & 60. in Matthæum, ubi varia huc affert.

Homilia 26. in ad Romanos præclare in dantes scandalum.

Homiliis 20. & 21. in I. ad Corinthios, ne vel demus scandalum, vel negligamus eos, qui acceperunt.

Homilia 10. in I. ad Timotheum, de scandalo infidelium.

Homilia 1. de pœnitentia, circa medium, ubi explicat illud Pauli: Modicum fermentum totam massam corrumpit.

Homilia de S. Pelagia, in fine, ne scandalizemus hæreticos.

Catechesi 1. ad illuminandos, ne vitia eorum prætexantur, qui abesse ab illis longius deberent.

Libro 3. de sacerdotio, de scandalis Præfulum fufe.

Opusculis duobus: Adversus eos, qui apud se habent Virgines subintroducitas, &: Quod regulares sæminæ viris cohabitare non debent.

AUCTOR operis imperfecti in *Matthæum*, homilia 12.

S. HIERONYMUS *Epistolis pluribus*, uti de vitando suspecto contubernio: ad Sabinianum: ad Rusticum &c. Adde *Commentarium in caput 18. Matthæi*.

S. AUGUSTINUS in *calce libri de opere Monachorum* ardentè rogat, ne destruamus, qui ædificare potius deberemus. Item *Concione 2. in Psalmum 30. de scandalo ex tot malis in Ecclesia*. Et *Sermone 81. alias 33. ex Sirmondianis*, in illud: Væ mundo a scandalis; ubi pulchre præsertim in scandalum officiosum, quæ malum cuidam ex benevolentia suadetur. Adde *Sermonem 62. alias 6. de verbis Domini*.

S. ISIDORUS PELUSIOTA *Epistolis quam plurimis* ad scandalosos Ecclesiasticos.

S. CHRYSOLOGUS *Sermone 27. qui est totus de scandalo tollendo*.

EUSEBIUS GALLICANUS *homilia 7. ad Monachos*, de pœna multiplici ex scandalo.

S. CYRILLUS ALEXANDRINUS *Libro 5. in Joannem* gravissime; ne cum cœcos se præcipitantes videmus in abyssum, sequendos eos nobis arbitremur.

SALVIANUS passim de scandalo, quod datur infidelibus & hæreticis, idque gravissimis & vehementissimis verbis. Legendus præcipue *Libro 4. de gubernatione Dei*. Idem *Libro 5. ejusdem operis* in scandalum enormis luxuriæ concitatur.

S. GREGORIUS M. *eleganter Libro XIV. Indictione 7. Epistola 17. alias 32. ad Felicem, Messanensem Episcopum*, ne quis scandala ferens in communitate toleretur.

S. BERNARDUS de scandalo pusillorum *loco dato & Epistola 78. Idem Sermonem de conversione S. Pauli, quem & ipsum jam allegavi*, alia quædam habet. Adde *Sermonem 2. in festum S. Michaelis*, ubi invehitur in scandalum dantes. Item *Epistolam 7. ad Adam Monachum*, ubi pariter agit de scandalo.

PETRUS BLESSENSIS *Traçtatu de Confessione Sacramentali, ante medium*, vehementiam singularem expromit in scandalum luxuriæ.

Adde Titulos: *Abusus. Societas. Occasio. Vestitus. Adulatio. Peccata aliena, & hujusmodi.*

TITULUS XLIV.

De Societate, tam bona quam mala.

CAPUT I.

Loci.

Esse inter nocentes innoxium, crimen est. Malos, quisquis non imitatur, offendit. S. CYPRIANUS *Epistola 2. ad Donatum*.

Cito malis ducibus erratur. S. AMBROSIUS *Libro de fuga sæculi, capite ultimo*.

Non contenti perditione sua, suæ volunt plures mortis habere participes; quasi multitudo peccantium scelus minuat, & non numerositate lignorum major gehennæ flamma succrescat. S. EPI-

PHA-

PHANIDS *Epistola ad Hieronymum. Est inter hujus Epistolas 73. nunc 91.*

Nihil aliud discat audire, nihil loqui nisi quod ad timorem Dei pertinet. Turpia verba non intelligat: cantica mundi ignoret: adhuc tenera lingua psalmis dulcibus imbuatur. Procul sit ætas lasciva puerorum. Ipsæ puellæ & pedissequæ a sæcularibus consortiis arceantur; ne quod male didicerint pejus doceant. S. HIERONYMUS *Epistola 107. alias 7. ad Lætam.*

Proclivis est malorum imitatio, & quorum virtutes assequi nequeas, cito imiteris vitia. *Idem eadem Epistola.*

Cito flores pereunt: cito violas & lilium, & crocum pestilens aura corrumpit. Nusquam abs te procedat in publicum. Basilicas Martyrum, & Ecclesias sine matre non adeat. Nullus ei juvenis, nullus cincinnatus arrideat. *Idem, iterum ibidem.*

Matronarum maritis ac sæculo servientium tibi consortia declinentur, ne sollicitetur animus, & audias quid vel maritus uxori, vel uxor locuta sit viro. Venenatæ sunt hujuscemodi confabulationes, super quarum damnatione sæcularem versum assumens Apostolus fecit ecclesiasticum: *Corrumpunt mores bonos confabulationes malæ . . .* Graves foeminae, & maxime viduæ, ac virgines tibi comites elegantur, quarum probata est conversatio, sermo moderatus, sancta verecundia. Fuge lasciviam puellarum, quæ ornant capita, crines a fronte demittunt, cutem poliunt, utuntur pigmentis, adstrictas habent manicas, vestimenta sine ruga, foccosque crispantes, ut sub nomine virginali vendibilius pereant. Mores enim & studia dominarum plerumque ex ancillarum, & comitum moribus judicantur. Illa tibi sit pulchra, illa amabilis, illa habenda inter socias, quæ nescit se esse pulchram, quæ negligit formæ bonum, & procedens ad publicum non

non pectus & colla denudat, nec pallio revoluto cervicem aperit; sed quæ celat faciem, & vix uno oculo qui viæ necessarius est patente ingreditur. Dubito an loquar; sed velim nolim quia crebro sit, dicendum est; non quo hæc in te timere debeam, quæ ista forsitan nescias, nec unquam audieris; sed quo per occasionem tui ceteræ præmonendæ sint. Cincinnatulos pueros, & calamistratos, & peregrini muris olentes pelliculas, de quibus illud Arbitri est: *Non bene olet, qui bene semper olet*: quasi quasdam pestes & venena pudicitiae virgo devitet. Ut taceam de ceteris, quorum importuna visitatio & se infamat & alias; ut etiamsi nihil mali perpetretur tamen hoc sit vel maximum malum frustra patere maledictis & moribus Ethnicorum. *Idem Epistola 130. alias 8. ad Demetriadem.*

De agmine columbarum crebro accipiter unam separat, quam statim invadat, & laceret, cujus carnis & cruore laturetur. *Idem ibidem.*

Morbidae oves suum relinquunt gregem, & luporum faucibus devorantur. *Idem ibidem.*

Non debes periculose externorum consortia quærere, de tuorum societate secura. *Idem Epistola 79. alias 9. ad Salvinam.*

Et non erat jam ille qui venerat, sed unus de turba, ad quam venerat, & verus eorum socius, a quibus adductus erat. Quid plura? Spectavit, clamavit, exarsit. Abstulit inde secum insaniam, qua stimularetur redire non tantum cum illis, a quibus prius abstractus est, sed etiam præ illis, & alios trahens. S. AUGUSTINUS *Libro VI. Confessionum cap. 8.*

O nimis inimica amicitia! seductio mentis investigabilis! Ex ludo, & joco nocendi aviditas, & alieni damni appetitus, nulla lucri mei, nulla ulciscendi libidine! sed cum dicitur: eamus faciamus & pudet non esse impudentem. *Idem Libro II. Confessionum cap. 9.*

Solus

Solus id non fecissem. Sic recorder animum tunc meum. Solus omni modo id non fecissem. *Idem ibidem cap. 8.*

Nesciebam & præceps ibam tanta cæcitate, ut inter coactaneos meos puderet me minoris dedecoris quam audiebam eos jactantes flagitia sua, & tanto gloriantes magis, quanto magis turpes essent. Et libebat facere non solum libidine facti, verum etiam laudis. Quid dignum est vituperatione nisi vitium? ergo ne vituperarer vitiosior fiebam, & ubi non suberat quo admissio æquarer perditis, fingebam me fecisse, quæ non feceram, ne viderer objectior, quo eram innocentior, & ne vilior haberer quo eram castior. Ecce cum quibus comitibus iter agebam platearum Babyloniar, & voluntabar in cœno ejus, tanquam in cinnamomis, & unguentis pretiosis. *Idem Libro II. Confessionum cap. 3.*

Non quærant sibi comites ad supplicium, nec gaudeant quia plures inveniunt. Non enim propterea minus ardebunt quia cum multis ardebunt. *Idem Sermone 351. alias homilia ultima ex 50.*

Neque valde laudabile est bonum esse cum bonis, sed bonum esse cum malis. Sicut enim gravioris culpæ est inter bonos bonum non esse, ita immensi est præconii bonum etiam inter malos extitisse. S. GREGORIUS M. *Libro I. Moralium cap. 1.*

Melius est habere malorum odium, quam confortium. S. ISIDORUS HISPALENSIS *Libro II. Synonimorum cap. 8.*

Inter bonos bonum esse salutem habet, inter malos vero etiam laudem. Illud tantæ felicitatis est, quantæ & securitatis; hoc tantæ virtutis, quantæ difficultatis. S. BERNARDUS *Epistola 25. ad Hugonem, Rhotomagensem Archiepiscopum.*

Non

Non evadet peccata, qui socius esse voluerit peccatorum. S. LAURENTIUS JUSTINIANUS *Libro de interiori conflictu cap. 2.*

CAPUT II.

Fontes.

CLEMENS ALEXANDRINUS *Libro III. Pædagogi toto, cum quibus habenda consuetudo.*

LUCIFER CALARITANUS *Libro de non conveniendo cum hæreticis, quo evincit, debere nos omnino pravorum societatem fugere.*

S. EPHRÆM *De iis, qui animas ad impudicitiam pelliciunt, cum dicant, nihil mali esse. Tomo II. grætolatino novo.*

S. BASILIUS M. *homilia in Psalmum 1. post medium: In Regulis fusioribus, ad Quæstionem 6. Et admonitione ad filium spiritualem, prope finem.*

S. GREGORIUS NAZIANZENUS *Oratione 1. fuse & eleganter, cur tam facile mali pervertant bonos, tam difficulter boni malos convertant. Item Oratione 20. de suo cum Basilio contubernio, fuse.*

S. AMBROSIIUS *Libro II. Officiorum cap. 12. de fuga malorum, etiamsi prudentes alioqui videantur. Idem Libro eodem cap. 20. de societate, quæ deceat Clericos: Et jam ante Libro I. cap. 43. de delectu sociorum.*

S. CHRYSOSTOMUS *homilia 22. in Genesin.*

Homilia in Psalmum 4. in fine.

Homilia in Psalmum 11. initio.

Homilia in Psalmum 140. in fine.

Homilia 60. in Matihæum.

Homilia 56. in Joannem.

Homilia 10. in I. ad Timotheum, ubi illud observat, socios pœnæ esse pœnarum auctores.

Adde Eclogam 26. de virtute & vitio.

S. HIER.

S. HIERONYMUS *Epistola* 52. *alias* 2. *ad Nepotianum, ante medium.*

Epistola 54. *alias* 47. *de vitando suspecto contubernio.*

Epistola 125. *alias* 4. *ad Rusticum, ante medium.*

Adde complures *Epistolas alias, & Librum II. adversus Jovinianum.*

S. FULGENTIUS *Libro de fide ad Petrum cap. 43.* de permixtione malorum cum bonis in Ecclesia. De qua etiam ex Augustino quam plurimos dat locos *Alticotius Parte III. summæ Augustinianæ.*

S. GREGORIUS M. *homilia* 9. *in Ezechielem, ad verba:* Sermones eorum ne metuas. Ne timeamus malos, cum quibus agendum; sed & alia huc habet.

S. BERNARDUS *Epistola* 7. *ad Adam monachum, de societate cum malo Præposito.*

S. BERNARDINUS SENENSIS *Tomo III. sermone* 7. *de societate bona, & mala.*

Agmen possit claudere JOANNES TRITHEMIUS *Libro I. Exhortationum ad Monachos, sermone* 11. *de fugiendo pravorum consortio.*

Vide & Titulos: *Scandalum. Occasio peccandi. Tentatio. Amicitia. Juventus, & similes.*

TITULUS XLV.

De Timore Dei.

CAPUT I.

Loci.

Negant Deum timendum. Itaque libera illis sunt omnia, & soluta. Ubi autem Deus non timetur, nisi ubi non est? TERTULLIANUS *Libro de Præscriptionibus adversus hæreticos cap. 43.*

Tot illecebris mali expugnantibus bonum quis illud appeteret, quod impune contemneret? quis custodiret quod, sine periculo amitteret? Legis mali

mali viam latam & multo frequentiore: nonne omnes illa laberentur, si nihil in illa timeretur? horremus terribiles minas Creatoris, & vix a malo avellimur: quid si nihil minoretur? *Idem Libro II contra Marcionem cap. 13.*

Cujus porro amor erga homines verbis exprimi non potest, is quanto odio scelera prosequatur, mente concipi nequit. CLEMENS ALEXANDRINUS in *Exhortatione ad gentes, prope finem.*

Deus quantum patris pietate indulgens semper & bonus est, tantum judicis majestate timendus est. S. CYPRIANUS *Libro de lapsis, prope finem.*

Simpliciter ostendam summum metum summam esse virtutem. Nemo dubitat, quin timidi & imbecilli sit animi aut dolorem metuere, aut egestatem, aut exilium, aut carcerem, aut mortem; quæ omnia quisquis non exhorruerit, fortissimus judicatur. Qui autem Deum metuit illa universa non metuit. Ad quod probandum argumentis opus non est. Spectatæ sunt enim spectanturque adhuc per orbem poenæ cultorum Dei, in quibus excruciantis nova & inusitata tormenta excogitata sunt. Nam de mortis generibus horret animus recordari; cum immanium bestiarum ultra ipsam mortem carnicina sævierit. Has tamen execrabiles corporum lacerationes felix atque invicta patientia sine ullo gemitu pertulit. Hæc virtus omnibus populis atque provinciis & ipsis tortoribus miraculum maximum præbuit cum patientia crudelitas vinceretur. Atqui hanc virtutem nihil aliud quam metus Dei fecit. Itaque ut dicebam non evellendus ut Stoici, neque temperandus timor ut Peripatetici volunt; sed in veram viam dirigendus est, auferendique sunt metus; sed ita ut is solus relinquatur, qui quoniam legitimus ac verus est, solus efficit, ut possint cetera omnia non timeri. LACTANTIUS *Libro VI. Institutionum divinarum, cap. 17.*

Quæ quisque ut jam perpeſſurus timet, hæc paſſus eſt. etiamſi non patiatur: graviuſque a ſe ipſo fortaſſe quam ab iis, qui ſupplicium illaturi ſunt, torquetur. S. GREGORIUS NAZIANZENUS *Oratione 4. quæ eſt 2. adverſus Julianum.*

Hoc unum timeamus ne quid magis quam Deum timeamus. *Idem Oratione 6. Hoc ipſum ſimilibus verbis vir ſanctus repetit Oratione 22. ante medium.*

Quomodo non fuerit animi valde puſilli & abjecti ut qui habeat Dominum propitium ac benevolum conſervos pertimeſcat? S. CHRYSOSTOMUS *homilia in Pſalmum 117 poſt initium.*

Idem ad verba: Paravit vaſa mortis &c. Ideo ſe parat ad ſupplicium, ne veniat ad ſupplicium. Homilia in Pſalmum 7.

Hoſtes & qui volunt ſupplicium inſligere non modo id non dicunt, ſed etiam id cëlantes invadunt; ne qui ſunt puniendi ſi reſciverint caveant. At non ſic Deus; ſed contra omnino. Prædicat & differt, verbis terret: & nihil non facit, ut quæ minatur non inducat. *Idem in eadem homilia.*

Quaſi majora ſint Imperatorum ſcita quam Chriſti, leges timemus, Evangelia contemnimus. S. HIERONYMUS *Epistoſta 52. alias 2. ad Nepotianum.*

Propoſunt nobis quidam ſententiam cujuſdam ſæcularis Auctoris * qui dixit: *Pudore & liberalitate liberos retinere ſatius eſſe credo, quam metu.* Hoc quidem verum eſt; ſed ſicut meliores ſunt quos dirigit amor. ita plures ſunt quos corrigit timor. S. AUGUSTINUS *Epistoſta 185. alias 50. ad Boniſacium.*

Times quod etſi nolis erit; & non times quod ſi nolis non erit? . . . Times mortem ad momentum. Veniet, etſi nolueris: time pœnas in æternum, quæ non venient ſi nolueris. *Idem Sermo-*

ne

* TERENCE videlicet.

Titulus XLV. De Timore Dei. Caput I. 403
ne 279. alias 36. de diversis, & 24. ex Sirmondia-
nis.

Discat timere qui non vult timere. Discat ad
tempus esse sollicitus, qui semper vult esse securus.
Idem Sermone 348. alias 214. de Tempore, initio.

Timeamus ne timeamus, hoc est prudenter ti-
meamus, ne inaniter timeamus. *Idem Sermone 65.*
alias 13. inter additos a Parisiensibus.

Timet carcerem, & non timet gehennam! ti-
met quæstionarios tortores, & non timet infernales
angelos! timet cruciatum temporalem, & non ti-
met poenas ignis æterni! postremo timet ad modic-
um mori, & non timet in æternum mori! *Idem*
Sermone 161. alias 18. de verbis Apostoli.

Quod supra homines est time, & homines te
non terrebunt. Mortem sempiternam time, & præ-
sentem non curabis. *Idem Enarrations in Psalmum*
63.

Fratres nimis timidus esse volo. Melius est
enim non vobis dare securitatem malam. Non da-
bo, quod non accipio. Timens terreo. Securos
vos facerem, si securus fierem ego. Ignem æter-
num timeo. *Idem Enarratione in Psalmum 80.*

Numquid ego scripsi hoc? numquid ego dele-
re illud possum? si delevero, timeo deleri. Illud
possum? timeo tacere, prædicare cogor. Territus
terreo. Timete mecum, ut gaudeatis mecum. *Idem*
Sermone 40. alias homilia 11. ex 50.

Dico in conspectu Dei timori vestro timorem
meum. Qui autem non timet, timentem me con-
temnit; sed malo suo. *Idem Sermone 393. alias*
homilia 41. ex 50.

Timendus est ne timeatur. S. GREGORIUS M.
homilia 26. in Evangelia.

Una securitas, nunquam esse securum. GUERRI-
CUS Abbas *Sermone 3. de Adventu Domini.*

Tutissima res est, nihil timere præter Deum.
 S. LAURENTIUS JUSTINIANUS in *Ligno vitæ Libro I.*
qui est de timore Domini, cap. 3.

CAPUT II.

Fontes.

TERTULLIANUS *Libro II. adversus Marcionem, pluribus capitibus.* Item *Libro de Pœnitentia cap. 5.*
 ORIGENES *Libro III. Explanationis Epistolæ ad Romanos, ad caput 3. ante medium.*

LACTANTIUS *Libro de Ira Dei.*

S. HILARIUS PICTAVIENSIS *Enarratione in Psalmum 52. de timore Dei, & hominum.*

S. ZENO *Sermone de Timore.*

S. EPHRÆM in *sermonibus suis multa habet de divino timore.*

S. BASILIUS M. *præclare in Proœmio Regularum fusius disputatarum: Homilia in Psalmum 33. de salubritate, æquitateque timoris: Homilia in principium Proverbiorum: Epistola 46. alias 5. ad Virginem lapsam, ante finem.*

S. GREGORIUS NAZIANZENSIS *Oratione 15. in plagam grandinis varia de timore Dei.*

S. AMBROSIIUS *Enarratione 21. in Psalmum 118.*

S. CHRYSOSTOMUS *homiliis 5. & 15. ad populum, fuse, de utilitate timoris, qua divini qua humani.*

Addantur: Homilia 5. in ad Romanos.

Homilia 9. in I. ad Corinthios.

Homilia 5. in II. ad Corinthios.

Homilia 8. in ad Philipenses, initio.

Ecloga 41. Tomo XIII. Montsfauconi.

S. AUGUSTINUS *Libro 83. Quæstionum, quæstione 33. de timore generatim.*

Epistola 145. alias 144. ad Anastasium.

Enarratione 2. in Psalmum 26.

Concione 2. in Psalmum 32.

Enar-

Titulus XLV. De Timore Dei. Caput I. 405
Enarratione in Psalmum 79. de timore homi-
num.

Enarratione in Psalmum 127.

Sermone 102. de Tempore, nunc 29. Appendicis.

Sermone 348. alias 2:4. de Tempore.

Sermone citato 161. alias 18. de verbis Apostoli,
ubi plura huc faciunt; quemadmodum &
Sermone 40. & 279. itidem citatis.

S. CASSIANUS Collatione XI. cap. 13. de Timore
Sanctorum perfecto.

S. VALERIANUS CIMELIENSIS homilia 1. quan-
tum timor peccata cohibeat.

S. GREGORIUS M. Pastoralis curæ Parte III. ad-
monitione 14.

Libro VII. Indictione 15. Epistola 25. alias 22.
ad Gregoriam.

Libro XX. Moralium cap. 3.

Libro XXIV. Moralium cap. 11. de metu San-
ctorum, præsertim appropinquante morte.

Homilia 7. in Ezechielem, post medium, Electos
judicem hic, non ibi timere, obiter, sed
eleganter.

S. ANTIOCHUS homilia 127.

S. DOROTHEUS Doctrina 4. de divino timore.

S. AGOBARDUS Epistola de spe & timore, ad Ebbo-
nem Rhemensem.

S. ANSELMUS præclare Meditatione de humanæ con-
ditionis dignitate & miseria, præsertim a numero 10.

S. BERNARDUS Epistola 87. ad Ogerium, Canon-
icum Regularem. Sermone 28. de diversis, de eo, quod
legitur in Job: In sex tribulationibus. Sermonibus 6.
16. & 54. in Cantica &c.

S. LAURENTIUS JUSTINIANUS in Ligno vitæ, cu-
jus liber primus est totus de Timore Domini.

Vide etiam Titulos: Judicium. Conscientia. Do-
lor de peccatis. Item Specimina Minarum, & Ti-
moris.



TITULUS XLVI.

De *Vita* humana, ejusque defectibus,
ac miseriis.

CAPUT II.

Loci.

Quidnam ex vitæ malis primum dicemus? Omnia eundem honoris gradum inter se obtinent, omnia primas tenent in malorum excellentia, omnia præbent parem luctus occasionem. Quid enī miseriæ magis deſlebis, & qua ex parte magis queris de natura? Vitæ brevitatem & laborem, incipere a lacrimis & deſinere in lacrimas: miserabilem infantiam, in ſenectute delirium, juventutis inconstantiam, constantis ætatis laborum perpeſſionem: onera matrimonii, cœlibatus ſolitudinem, cum deest proles, interitum ſtirpis: divitiarum invidiam, paupertatis moleſtiam? Taceo multiplicem morborum differentiam, damna, mutilationes, patrefactiones, ſenſuum orbitates, a dœmonibus vexationes, quæcunque enim in ſe continet natura illa quilibet in antecellum habet, cum ex ſua conditione eveniant. Mitto autem amoris infaniam & male olens cœnum, in quo volutatur ejusmodi rabies: nec loquor de nutritioni conjuncta per excretionem moleſtia, ne videar ratione omnino invehī in vitam ſtercoris effectricem, ostendens eſſe noſtram naturam. His omnibus prætermiſſis & quæ ſunt hujusmodi, illud dico maxime dignum eſſe lacrimis, iis qui ſentiunt, quod ſciant omnes, cum hæc umbroſa vita præterierit, nos manere expectationem judicii, & zelum ignis devoraturi adverſarios. Qui ergo hæc & quæ ſunt hujusmodi reputat, an non ſemper ſimul vivet cum luctu, & lamentatione? S. GREGORIUS NYſſenus *homilia 6. in Eccleſiaſten, ad calcem.*

Tantis

Tantis malis hæc vita repleta est, ut comparatione ejus mors remedium putetur esse non poena. Nam ideo brevem illam Deus fecit, ut molestiæ ejus quæ prosperitate vinci vel tolli non poterant temporis exiguitate finirentur. S. AMBROSIIUS *Sermone* 40.

Xerxes ille Rex potentissimus, qui subvertit montes, maria contravit, cum de sublimi loco infinitam hominum multitudinem & innumerabilem vidisset exercitum, flesse dicitur, quod post centum annos nullus eorum, quos tunc cernebat, superfuturus esset. O si possemus in talem ascendere speculam, de qua universam terram sub nostris pedibus cerneremus! jam tibi ostenderem totius orbis ruinas, gentes gentibus & regnis regna collisa: alios torqueri, alios necari: alios absorberi fluctibus, alios ad servitutem trahi: hic nuptias, ibi plandum: illos nasci, istos mori: alios affluere deliciis, alios mendicare: & non Xerxis tantum exercitum, sed totius mundi homines qui nunc vivunt, in brevi spatio defuturos. Vincitur sermo rei magnitudine, & minus est omne, quod dicimus. S. HIERONYMUS *Epistola* 60. *alias* 3. *ad Heliodorum*.

Tota ista vita intelligentibus tribulatio est. Sunt enim duo tortores animæ, non simul torquentes, sed cruciatu alternantes. Horum duorum tortorum nomina sunt timor & dolor. Quando tibi bene est times: quando male est doles. Sæculi hujus quem non decipit prosperitas? non frangit adversitas? S. AUGUSTINUS *Sermone* 124. *alias* 42. *de Verbis Domini*.

Prospera in adversis desidero, adversa in prosperis timeo. Quis inter hæc medius locus, ubi non sit humanæ vitæ tentatio? Væ prosperitatibus hujus sæculi! semel & iterum a timore adversitatis, & a corruptione lætitiæ, væ adversitatibus sæculi!

culi! semel & iterum & tertio a desiderio prosperitatis. *Idem Libro X. Confessionum cap. 28.*

Istos pueros qui nascuntur interrogemus, quare a ploratibus incipiunt qui nec ridere possunt. Nascitur & statim plorat: post nescio quot dies ridet. Quando plorabat nascens propheta suæ calamitatis erat; lacrimæ enim testes sunt miseriæ. Nondum loquitur & jam prophetat. Quid prophetat? in labore se futurum, vel timore. Et si bene vixerit, & iustus fuerit certe in mediis positus tentationibus semper timebit. *Idem Sermonem 167. alias 24. de verbis Apostoli.*

O vitam beatam! quæ ut finiatur mortis quaerit auxilium. *Idem Libro XIX. de Civitate, cap. 4.*

An ideo beatam dicis, quia licet tibi ab his malis morte discedere? quid si ergo in eis aliquo iudicio divino tenereris, nec permetteretur mori, nec unquam sine illis esse fineris? nempe tunc saltem miseram talem diceres vitam. Non igitur propterea misera non est, quia cito relinquitur; quandoquidem si sempiterna sit, etiam abs te ipso misera iudicatur. Non itaque propterea quoniam brevis est nulla miseria debet videri: aut quod est absurdus, quia brevis miseria est, ideo etiam beatitudo appellari. *Idem ibidem.*

Ecce quam malos dies! & nemo vult finire ipsos malos dies, multumque hinc rogant homines Deum ut diu vivant. Quid est autem diu vivere nisi diu torqueri? quid est aliud diu vivere quam malos dies malis diebus addere? *Idem Sermonem 84. alias 17. de verbis Domini.*

Quanto studio infelicissimi homines agitis, ut diutius miseri sitis! *Idem. Seu ut Epistola 127. alias 45. ad Armentarium & Paulinam: Quantis laboribus agitur, ut longiori tempore laboretur!*

O necessitas abjecta nascendi, vivendi misera, dura moriendi! S. SIDONIUS APOLLINARIS *Libro VIII. Epistola 11.*

Quid est vita mortalis, nisi via? & quale sit, fratres mei perpendite, in labore viæ lassescere, & tamen eandem viam nolle finiri! S. GREGORIUS M. *Homilia 1. in Evangelia.*

Si tristitia semper acciderent, ecquis sustineret? si semper prospera, quis non contemneret? sed rerum tanta gubernatrix sapientia horum perneccessaria vicissitudine eo moderamine electis suis cursum vitæ temporalis alternat, ut nec adversa frangant, nec læta dissolvant; cum potius & ista ex illis gratiora, & illa ex his tolerabiliora reddantur. S. BERNARDUS *Epistola 136. ad Petrum, Papiensem Episcopum.*

C A P U T II.

F o n t e s.

S. CYPRIANUS *Epistola 2. ad Donatum: Libro de bono patientiæ, ante medium; & iterum Libro de mortalitate: Libro ad Demetrianum.*

S. EPHRÆM de his, quæ hæc vita continet, sermonem habet *Tomo III. novo, græcolatino.*

S. BASILIUS M. *homilia in Psalmum 1.* egregie ostendit, hanc vitam nihil aliud nisi quamdam viam esse.

S. GREGORIUS NAZIANZENUS *Orationibus 10. 16. 53. & Carminibus variis. ut: 4. 5. 6. 7. 8. 13. 14. 15.* varia eaque præclara accumulat pro hoc Titulo.

S. GREGORIUS NYSSENUS *Oratione de pauperibus amandis.*

Dialogo de anima & resurrectione (ubi pulchre de amore erga hanc vitam tuendam.)

Oratione de infantibus, qui præmature abripiuntur.

Oratione 3. in Christi resurrectionem.

Oratione consolatoria in funere Pulcheriæ.

Oratione funebri de Placilla, ubi præter alia eleganter de perpetuis vicibus ventris.

Denique oratione, non esse dolendum ob eorum obitum, qui in fide dormierunt.

S. AMBROSIIUS *Libro de bono mortis: Libro de fide Resurrectionis: Libro 2. de Abel & Cain, cap. ultimo: Libro III. Hexameron cap. 7. de caducitate vitæ.*

S. CHRYSOSTOMUS *homilia in Eutropium.*

Homilia de futurorum deliciis, & de præsentium vilitate pulcherrima, Tomo III. Montfauconi pag. 337.

Homilia in illud Psalmi 38. Verumtamen frustra conturbatur.

Homilia 13. in ad Romanos, vitam hanc in peccato exigentibus non esse vitam.

Homilia 15. in I. ad Timotheum de caducitate vitæ.

Concione 1. de Lazaro, in Libertinos nolentes perdere certum hujus pro in certo alterius vitæ.

Oratione 1. de fato, & providentia.

Declamatione, quod nemo læditur, nisi a se ipso &c. &c.

PRUDENTIUS *Hymno 1. Cathemerinon, vitam esse somnio similem.*

S. HIERONYMUS *Epistola 140. alias 139. ad Cyprianum, de caducitate vitæ: Epistola 10. alias 21. ad Paulum, de miseriis & brevitate vitæ. Adde Epistolam illi suppositam ad Demetriadem, ubi iterum de eadem caducitate hujus vitæ.*

S. AUGUSTINUS *Libro I. de Civitate, capitibus 8. & 9. Libro XIII. de eadem, cap. 10. ubi quærit,*

non hæc vita sit potius mors dicenda? *Libro XIX. de eadem, capitibus pluribus: Libro XXII. de eadem, capitibus 22. & 23.*

Libro III. de Libero arbitrio, ubi agit de fuga miseræ.

Tractatu 49. in Joannem, post initium, de amore hujus vitæ.

Concione 1. in Psalmum 30. ad versum 8.

Concione 2. in Psalmum 33. ad versum: Quis est homo, qui vult vitam.

Epistola; 127. alias 45. ad Armentarium & Paulinam, de amore vitæ hujus,

Sermone 344. alias 31. ex Sirmondianis.

Sermone 80. alias 34. ex iisdem Sirmondianis.

Sermone 345. alias 32. iterum ex iisdem.

Sermone 108. alias 39. de verbis Domini.

Sermone 127. alias 64. de verbis Domini.

Sermone 385. alias homilia 38. ex 50.

Sermone 124. alias 42. de verbis Domini.

Quibus omnibus diversa, eaque præclara huc habet. Adde caput 2. *Libri soliloquiorum.*

S. ISIDORUS PELUSIOTA *Libro II. epistola 165.*

S. EUCHRIUS *Paranesi. ad Valerianum, post initium præcipue.*

S. PROSPER, aut quisquis scripsit *de vocatione omnium gentium, Libro I. cap. 7.*

SEVERINUS BOETHIUS *in Libris de consolatione Philosophiæ, magnam partem.*

S. GREGORIUS M. *Libro VIII. Moralium cap. 32. Libro XI. Moraliæ a cap. 48.*

S. ANDREAS CRETENSIS *Oratione in vitam humanam, & in defunctos.*

S. JOANNES DAMASCENUS *Parallelorum sacrorum pluribus titulis.*

S. ANSELMUS *Parte II. Ascetica, Exhortatione ad contemptum temporalium, & desiderium æternorum:*

Meditatione I. de humanæ conditionis dignitate & miseria § 10. Et rursum *Meditatione VII. §. 1.*

S. BERNARDUS *Sermone 1. & 2. de diversis.*

NICOLAUS NOTARIUS *ejus Epistola 59. præclare.*

RICHARDUS A S. VICTORE *Tractatu I. de statu interioris hominis, a capite 8. Et iterum cap. 34.*

INNOCENTIUS III. *Papa, Libris tribus de contemptu mundi, seu miseria hominis.*

S. BERNARDINUS SENENSIS *Tomo IV. Sermone 14. de calamitatibus & miseriis humanæ vitæ, maxime senectutis. Idem jam ante Tomo III. Sermone 19. de miseria conditionis humanæ, & Sermone 20. de vilitate hominis pertractat.*

JOANNES CAMPANUS, *Interamnensis, Oratione Cinericia coram Pio II. in Bibliothecis Patrum.*

S. LAURENTIUS JUSTINIANUS *in Ligno vitæ, Libro de humilitate cap. 4.*

Addantur etiam Tituli: *Mundus. Peccatum originale. Adversa. Tempus. Pænæ publicæ. Tentationes. Morbi. Providentia. Senectus &c.*

NOTA.

Alii Tituli isto Libro requirendi vel in dictis jam contenti sunt, vel sequentibus in Libris inter ceteros reperientur. Sic verbi gratia Titulum:

BENEFICIA DIVINA, vide Titulo GRATITUDO, atque omnibus illis, quibus beneficium quoddam singulatim denotatur.

CASTITAS, vide Titulis: MATRIMONIUM. DE VIRGINIBUS, ET VIDUIS GENERATIM. LUXURIA. TENTATIONES. MORTIFICATIO. GULA. EBRIETAS, & similibus.

CHARITAS, vide Titulis: AMOR DEI, & AMOR PROXIMI.

CONFESSIO, vide Titulo POENITENTIA.

EUCCHARISTIA, vide Titulo COMMUNIO.

IN-

Titulus XLVI. De Vita humana &c. Cap. II. 413

INCARNATIO, vide Titulo NATIVITAS DOMINI, inter *Festa*.

JUSTIFICATIO, vide Titulis: GRATIA. BAPTISMUS. POENITENTIA.

JUSTITIA DIVINA, vide Titulis: TIMOR. PRESUMPTIO. JUDICIA DEI. PROCRASTINATIO POENITENTIAE.

IUDEX, vide Titulo JUSTITIA. MAGISTRATUS.

LINGUA, vide Titulis: DETRACTIO ET CALUMNIA. COLLOQUIA. SILENTIUM. VERITAS &c.

MISERICORDIA DEI, vide Titulis: SPES. LONGANIMITAS DIVINA &c.

OPPRESSIONES PAUPERUM ET SUBDITORUM, vide Titulo JUSTITIA.

RELIGIO, ut est virtus, vide Titulis: FESTA. SACRILEGIA. VOTUM. TEMPLA, & similes.

SPIRITUS SANCTUS, vide Titulo PENTECOSTES, inter *Festa*.

TRINITAS, vide eodem verbo, ubi de *Festis*.

VERBUM DEI, vide Titulo CONCIONES.

Finis LIBRI X. de Eloquentia Patrum.



Errata in Libro X.

Pagina : Linea :

4	18	cum paucioribus.	<i>Addē</i> : quam perdidisse cum pluribus.
5	15	aliis	<i>Lege</i> : aliquis
10	32	ergo misericorditer	ergo non misericorditer
11	14	an omnem ?	<i>Addē</i> : Vis audire, quem omnem ?
18	20. 21	innititur.	<i>Lege</i> : innititur.
21	6	fecit Deum.	fecit hominem, & hominem fecit Deum.
28	21	feras,	stas.
29	13. 14	Si me dilexerit dexter oculus, effodiam illum.	Si me dilexerit, diligo : & si non dilexerit dexter oculus, effodiam illum.
38	15	infirmirate,	infirmities,
57	14	expectavit	expectabit
	27	pro maledictis	<i>Addē</i> : maledicta
64	20. 21	quid quid	<i>Lege</i> : quid
66	20	Enarratione	Enarratione 2.
72	27	futura	futura
84	32	primo	summo
94	17. 18	quidquam	quisquam
98	34	sustentatur,	sustentat,
100	19	ut sint.	<i>Addē</i> : bona.
101	5	Deus	<i>Lege</i> : (Deus)
	19	<i>Sic lege</i> : omnia, ita ut nec ea, quæ dicuntur præterita, ibi prætereant, nec ea, quæ dicuntur futura, quasi desint, expectentur, ut veniant ;	
	34. 35	in terris.	<i>Lege</i> : in terris : non sic accipias,
107	19	Libro	Libro ad Calosyrium
	36	Oratione	Orationibus
108	23	intus	inter
109	12	aterni	aterna
	22	cap. 60.	cap. 6.
111	9	adulterum	alterum
	34	Idcirco	Idcirco
112	14	Ita	Itaque
113	13	fuit	fuit
	19	ageret,	egetet,
	25	alii	alias
114	12	cogitationis	cognitionis
118	11	etiam	etiam ipsa
120	14	suppetit,	suggerit,
124	NB. <i>Ad initium</i> : Omisus est totus Locus 2. Cyprini : Ecclesia est in Episcopo, & Episcopus in Ecclesia, ut si qui cum Episcopo non sunt, in Ecclesia non sint. S. CYPRIANUS Epistola 69.		
125	11	quot	<i>Lege</i> : quod
126	3	sermonicati	sermocinati
	34	Scripturæ communes!	<i>Addē</i> : ecce ubi novimus Christum!
128	29	Clarissima	<i>Lege</i> : Carissima
		adhæreas	adhærens
131	17	ipso	ipse
132	10	adjurandi	adjuvandi
	93	illis	illi

Pagina :

Pagina : Linea:

114 7 a morbi particulis
146 8. 9 festivitate s.

Lege : a morbo particulis

Adde : *Sermone in Vigilia S. Andrea,*
de Vigillis & præparatione ad
dies festos.

14 TITULUS XIX. De
Fide, & Religione.

147 32 restaurari?
148 19 habuerit?
149 6 affectibus
150 1 Gratianum
151 1 fatemur
152 3 curatione.
153 23 fide
160 3 Qui
162 32. 33 Cælestinum.
168 2 libris
169 3 Moralium,
174 5 Sermones
177 35 pendant,
35. 36 non crederent
178 13 timere
179 27 cap.
185 34 susurratis.
12 innumerabiliter
14 1. ad Hebraeos,
186 18 nolunt
24 nullus

christiana.

Lege : reparari.

habuit?

effectibus

ad Gratianum

fatemur

curationis.

fuga

Quia

Cælestinum.

cibis

Adde : cap. 8. & Libro XXX.

Lege : Sermonem

non pendant,

crederent

timeo

cap. 20.

Adde : illi in publico; vos in angulo.

Lege : innumerabiles

1. in ad Hebraeos,

dedignantur

Adde : cruciatus poenarum temporali-
um potest sempiternis iniquo-
rum

Lege : Libro IX.

Adde : Neque enim fisti tantum nobis
necesse est, sed etiam manife-
stari.

Lege : veros

ipsam

Adde : spectaculo

Lege : 17.

abducens

renovatur,

non

Libro II. de anima,

suam in omnibus

Quasi liceat, quasi oporteat.

Libro 4.

deneganda.

Meretur

tori,

maxima

tractet

vexisse

vobis,

quia

amputatis

Adde : cur & mortuos vestros auratis
obvolvitis vestibus?

Pagina

Pagina :	Linea :		Lege :
284	15	dicit ?	Lege : dixit ?
285	27	exposita	expolita
290	19	Citatio S. PETRI DAMIANI ponenda est <i>superius</i> post S. JOANNEM DAMASCENUM.	
300	11	Quando	Lege : Quando
317	32	vacuum	vacuam
325	31	Libro III.	Libro II.
346	31	mors	mori
347	21	abscedas ;	tuto abscedas ;
	33	quotidie ?	Adde : An non eadem mensa ?
367	3	peccata	Lege : peracta
371	23	post Titulos :	Adde : Amor.
374	31	praescripserunt.	Lege : perscripserunt.
381	11	31.	39.
386	6	agnosco.	agnosces.
	18	eum	Deum
393	10	S. BASILIUS	S. BASILIUS M.

Subjunguntur residua Errata Voluminis VI.

Pagina :	Linea :		
282	24.	Omissum :	Poeta gentiles
		eitantur a summis Concinatoribus. 55.	Patribus. <i>ibid.</i>
286	21	ergo	Lege : ego
288	25	Omissum : ANDRONICUS CONSTANTINOPOLITANUS ex Familia Comnena.	
296	3	Laboris	Lege : Laboris
	3. 4	laboris	labori
	6	alterum	alterumve
300	17	cultu	culta
	28	dubitet,	dubito,
301	18	n	11.
305	11. 12	propinas	propinas
306	19	(quia	quin
	23	indigit	indignis
	31	ego	ergo
	9	me	more
309	31	rationalibus	rationalibus
310		post : LIBRO VI. omissa sequentia :	
		Pagina 51. Linea 12.	
		Loco : veneni impressum Veneris	
		Pagina 55. Linea 2.	
		Loco : Virtutis impressum Veritatis.	
311	5. 6	mollesque	Lege : molles
	31	hinc	tunc
312	3	nunc	nunc 55.
	21	ipsius	ipsum
313	24	23.	33.
320	30	Clodovaldi,	Clodoaldi,



